

De Baku - S, IV, 576

No 6

Shirvan - S, IV, 576

Shirvan - S, IV, 576

Shirvan - S, IV, 576

Shirvan - S, IV, 576

P. J. von Buschman
1763.


R 525

Verus probat
S. J.
Nissenbock





COLONIE AGRIPPINÆ
 Apud Wilhelm. Metternich Bibl.
 ANN. M. DCCXXV



PIA
DESIDERIA
TRIBUS TOMIS
COMPREHENSA

- I. GEMITUS ANIMÆ POENITENTIS.
II. VITA ANIMÆ SANCTÆ.
III. SUSPIRIA ANIMÆ AMANTIS.

AUCTORE
R. P. HERMAN. HUGONE
SOC. JESU.



Cum Facultate & Permissu Superiorum.

COLONIÆ,
EX OFFICINA METTERNICHIANA
Anno M.DCC.LXX.

LICENTIA

CENSORIS ORDINARIJ.

UT PIA DESIDERIA
per p. m. R. P. Herman. Hugonem è Societate JESU conscripta, ac sæpiùs typis excusa, ad pia multorum desideria, deficientibus priorum editionum exemplaribus, denuò excludantur, lubens permitto. Coloniae 13. Augusti 1709.

Cornelius Brewer SS. Theolog.
Doctor & Professor, Collegiatarum Ecclesiarum SS. Severini
& B. M. ad Gradus Canonicus.
respectivè Chori-Episcopus &
Pastor, Librorum Censor.

APPROBATIO CENSORIS.

HÆc Pia Desideria, Gemitus, & Vota, Suspiria Animæ Christianæ Elogiis, Emblematicis, & SS. Patrum scriptis illustrata à R. P. Herm. Hugone Societatis JESU Presbytero, pererudita sunt & solida, atque perlucidam semitam continent; quæ æterna Veritas, & vera Charitas, & chara Æternitas obtineatur, ab his, qui in tenebris & in umbra mortis sedent ad dirigendos pedes suos in viam pacis. Datum Bruxellæ XI. Idus Novembris, M. DC. XXIII.

*Henricus Smeyers SS. Theologiæ
Licentiatus, Scholasticus, Bru-
xellensis, Librorum Censor.*

Facultas



FACULTAS

R. P. PROVINCIALIS.

EGo infrascriptus S. J. per Provinciam Rheni inferioris præpositus Provincialis potestate mihi à P. Nostro FRANCISCO RETZ præposito Generali ad id facta, concedo hæredibus D. WILHELMI METTERNICH ad decennium facultatem recudendi hunc Librum, cui Titulus: *P. Hermannii Hugonis S. J. Pia Desideria*, Eisdemque Jus Cæsarei Privilegii usurpandi eatenus indulgeo, ut Librum hunc nemo alius recudere, nemo intrà S. R. Imperii fines & hæreditarias Sacræ Cæsareæ Majestatis Provincias importare aut venum exponere intrà dictum tempus audeat. In cujus rei fidem has literas manu propriâ subscriptas & officii sigillo munitas dedi. Colonia 23. Novemb. 1736.

SIXTUS HESSELMEIR S. J.

✠)(o)(✠



*Domine, ante te omne desiderium meum, &
gemitus meus à te non est absconditus. Ps. 37*

DESIDERIO
COLLIUM ÆTERNORUM
CHRISTO JESU,

IN QUEM

Defiderant Angeli prospicere
AMORI ET DESIDERIO SUO
Vir desideriorum,

Domine ante te omne Desiderium
meum, & gemitus meus à te non est
absconditus. *Psalm. 37.*

Quot mihi clam tacitis meus aestuet anxia votis,
Indicio potuit discere nemo meo.
Nemo nisi arcani qui pectòris intima lustrat,
Quem fugit humani nulla latebra sinus.
Ille meos gemitus, mea scit suspiria solus,
Ille, oculis etiam persecat ima suis.
Ecquis in alterius sua sensa profuderit aurem;
Sit nisi secreti proditor ipse sui?
Si tamen ulla foret speranda hac arte medela,
Ars desideriiis hac foret una meis.
Sed neque depositas levat auris amica querelas,
Nec desideriiis hac fit ab arte modus.
Cœperat, heu! nator Rachel ululare peremptor,
Mox, ubi nil flendo profuit, abstinuit.
Scilicet ipse suas facit ignis, editque favillas,
Quosque pluit nubes, ipsa resorbet aquas.
Sic



*Sic melius, proprios quos fudi combibo fletus,
Inque suum recidit tutius unda sinum.
Quæ mea sint igitur, dum triste gemo, lamenta,
Non nisi nos soli novimus, ille & ego.
Quid voveam, tacitis dum compleo littora votis,
Non nisi nos soli novimus, ille & ego.
Quid clamem; mea dum sese suspiria rumpunt.
Non nisi, non nisi nos novimus; ille & ego.
O quoties fictas animus gerit histrio partes,
Et pugnant animo fronsque colorque suo!
Dum patitur tragicos mens personata cothurnos,
Sapius in mimo Roscius ore salit.
Nulla fides lacrymis, lacryma simulare docentur.
Nec: nisi vis falli. risibus ulla fides.
Solvor ut in fletus, putat omnia tristia vulgus,
Solvor ut in risus; omnia leta putat:
Fallitur ah! nostri neque scit mendacia vultus,
Cum lator, lacrymor; rideo, cum doleo.
Vix tibi tot, Protheu, quot sunt simulantibus ora,
Vota quibus larvam dant adimuntque suam.
Nemo meos Gemitus, Vota aut Suspiria novit;
Nemo, duo nisi nos; & duo sufficimus.*



LIBER

LIBER PRIMUS.
GEMITUS
ANIMÆ
POENITENTIS.



Anima mea desideravit te in nocte. Isaia 26.

LIBER PRIMUS.

I

I.

Anima mea desideravit te in nocte.

Isaia 26.

Heu mihi, quàm densis nox incubat atra tenebris!

Talis erat, Pharios qua tremefecit agros,
Nubila, lurida, squallida, tetrica, terribilis nox,
Nocturno in censu perdere digna locum.
Non ego tam tristes Scythico, puto cardine lunas,
Tardat ubi lentas Parrhasis Ursa rotas:
Nec tot Cimmerio glomerantur in aethere nubes,
Unde suos Phœbus vertere jussus equos:
Nec reor invisi magis atra palatia Ditis,
Fertur ubi nigra nox habitare casa.
Nam licet hic oculis nullam dent sidera lucem,
Non tamen est omni mens viduata die.
Nocte, suam noctem populus videt ille silentum,
Et se, Cimmerii, Sole carere vident,
Arctica cum senos regnavit Cynthia menses,
Dat fratri reduci septima luna vices.
Ast me perpetuis damnat sors dira tenebris!
Nullaque vel minimo sidere flamma micat,
Et neque (quod cæcis unum solet esse levamen,)
Ipsa suam noctem mens miseranda videt.
Quin tenebras amat ipsa suas; lucemque perosa,
Vertit in obscæna noctis opaca diem.
Nempe suas animo furata Superbia flammæ,
Nubilat obscuro lumina cæca peplo.

A

Fuscæ

Nec finit *Amoris* nitidum clarescere solem,
 Fuscet & ingenuas *Idalis* igne faces.
 Heu, quoties subit illius mihi noctis imago,
 Nox animo toties ingruit atra meo!
 Sors oculis nostris melior, quibus ordine certo,
 Alternas reparant lunaque solque vices!
 Nam quid agat ratio, quid agat studiosa voluntas.
 Quas habet, ut geminos mens peregrina duces?
 Maior, habere oculos, dolor est, ubi non datur uti,
 Quam, quibus utaris, non habuisse oculos.
 Qui dolet oppressus lapsis velocior umbris
 Latior aggreditur mane viator iter.
 Sed nunc is hæc longas tenebris nox prorogat horas,
 Quæ tibi mane negat cedere, Phœbe, diem.
 Cum redit *Astæon* Titan vicinior axi,
 Exultat reducis quisque videre jubar.
 Scilicet *Aurora* gens vertitur omnis in ortus,
 Quique parat primus dicere, Phœbus adest.
 Sic ego, sæpè oculos tenui sublimis *Olympe*,
 Aspiciens, gemino qui jacet orbe, *Polum*.
 Et dixit tam sæpè; Nitesce, nitesce meus Sol!
 Sol mihi tam longos obtenebrate dies!
 Exorere, exorere, & medios saltem exere vultus,
 Vel scintilla tui sola sat esse potest.
 Quin etiam tanti si luminis abnuis usum,
 Sufficiet radios expetiisse tuos.



Anima mea desideravit te in nocte.

Isaia 26.

ERat enim tempus, quando non cognoscebam te. Væ tempori illi quando non cognoscebam te! Væ cæcitati illi, quando non videbam te! illuminasti me lux mundi, & vidi te.

6 Serò te cognovi lumen verum, serò te cognovi. Erat autem nubes magna & tenebrosa ante oculos vanitatis meæ: ita ut videre non possem solem iustitiæ, & lumen veritatis. Involuebat in tenebris filius tenebrarum. Tenebras meas amabam, quia lumen non cognoscebam. Cæcus eram, & cæcitatem amabam, & ad tenebras per tenebras ambulabam. Quis me eduxit? ubi eram homo cæcus sedens in tenebris & umbra mortis? Quis accepit manum meam: ut inde me educeret? Quis est ille illuminator meus? Non eum quærebam, & ipse quæsiuit me: Non vocabam eum, & ipse vocavit me. Vocasti enim me nomine tuo, intonasti desuper voce grandi in interiorem autem cordis mei; Fiat lux, & facta est lux: & discessit nubes magna, & liquefacta est nubes tenebrosa, quæ operuerat oculos meos, & vidi lucem tuam, cognovi vocem tuam, & dixi: Verè Domine tu es DEUS meus, qui eduxisti me de tenebris, & umbra mortis, & vocasti me in admirabile lumen tuum; & ecce

A 2 vi-

a August. Soliloq. cap. 31. b Ibid. cap. 38.

video. Gratias tibi ago illuminator meus, & conversus sum, & vidi tenebras, in quibus fueram, & abyssum tenebrosum, in qua jacueram, & contremui & expavi, & dixi: Væ, væ tenebris meis, in quibus jacui! Væ, væ cæcitati illi, in qua videre non poteram lumen cœli! Væ, væ præteritæ ignorantia meæ, quando non cognoscebam te Domine! Gratias tibi ago, illuminator, & liberator meus quoniam illuminasti me, & cognovi te. Serò cognovi te veritas antiqua. Serò te cognovi veritas æterna. Tu eras in lumine, & ego in tenebris, & non cognoscebam te, quia illuminari non poteram sine te, & non est lux extra te.

a Tu lux Domine; tu lux filiorum lucis, tu dies, qui nescis occasum. in qua ambulant filii tui sine offensione, & sine qua omnes, qui ambulant, in tenebris sunt, quia te lucem mundi non habent.

b Nox quippe est vita præsens, in qua, quamdiu per hoc, quod interna conspiciamus sub incerta imaginatione, caligamus. Propheta namque ad videndum Dominum, premi se quadam caligine sentiebat, dicens: *Anima mea desideravit te in nocte.* Ac si apertè diceret: In hac obscuritate vitæ præsentis, videre te appeto, sed adhuc infirmitatis nubilo circumscribor.

c Facile enim homini est, quidlibet desiderare à Domino & ipsum Dominum non desiderare.

a Ha.

a August. Soliloq. cap. 17. *b* D. Gregor. in Job. cap. 22. *c* August. in Psalm 76.

LIBER PRIMUS. 5

a Habet namque mundus iste noctes suas, & non paucas. Quid dico, quia noctes habet mundus, cum penè totus ipse sit nox & totus semper versetur in tenebris. Nox est Judaica perfidia, nox ignorantia Paganorum; nox hæretica pravitas; nox etiam Catholicorum carnalis animalive conversatio. An non nox, ubi non percipiuntur ea, quæ sunt Spiritus DEI? Frustra per has noctes, juxta solem & lumen quaeritis veritatis, id est, sponsum; quia nulla societas luci ad tenebras

b Nobis ergo unde in his tenebris veritas? Unde charitas, in hoc sæculo nequam in mundo, qui totus positus est in maligno? Rutas, erit qui intellectum illuminet, qui inflammet affectum? Erit utique, si convertamur ad Christum, ut velamen de cordibus auferatur; hic est enim, de quo scriptum est; *Habitantibus in regione umbræ mortis, lux orta est eis.*

c Gratias illi, qui me quæsit fugitivum, qui me vocando ab interitu revocavit, qui fecit mihi illuminatam noctem. Nox enim est, quamdiu ista vita agitur. Quomodo est nox illuminata? Quia Christus descendit in noctem. Accipit Christus carnem de isto sæculo, & illuminavit nobis noctem; perdiderat enim drachmam mulier illa, *accendis lucernam*. Sapientia DEI perdiderat drachmam. Quid est drachma? Numus: in quo numo imago erat ipsius Imperatoris nostri (Factus enim homo ad

A 3

ilna-

a Bernard. in Cant. serm. 75. **b** Bern. de Ascens. Domini serm. 6. **c** August. in Psal. 138.

imaginem DEI, & perierat) Et quid facit mulier sapiens? *Accendit lucernam.* Lucerna de luto est, sed habet lucem, qua inveniatur drachma. Lucerna ergo sapientiae Caro Christi est. De luto facta est, sed verbo suo lucet, & invenit perditos; *Et nox illuminatio in deliciis meis.* Facta est mihi nox in deliciis. Deliciae nostrae Christus.

a O aeterna veritas & vera charitas, & chara aeternitas! Tu es DEUS meus, tibi suspiro die ac nocte. Et cum te primum cognovi, tu assumpsisti me, ut viderem esse, quod viderem, & nondum me esse qui viderem. Et reverberasti infirmitatem aspectus mei, radians in me vehementer, & contremui amore & horrore. & inveni longè me esse à te in regione dissimilitudinis.



II.

DEUS tu scis insipientiam meam; & delicta mea à te non sunt abscondita.

Psaln 68.

Si tibi stultitiæ nulla est patientia nostra,
 Omnia consilio qui sapiente regis.
 Nullus ab offenso veniam sibi Numine speret,
 Nullus enim culpa, stultitiæque vacat.
 Hæc etiam excelsas afflat contagio mentes,
 Et sua stultitiæ quemlibet aura rotat.
 Quid simulasse juvat? Semel insanivimus omnes,
 Ingenua humani stemmatis illa nota est.
 Et pater & mater generis primordia nostri,
 Maxima stultitiæ signa dedere sua.
 Credite posteritas, fatali vendita pomo es?
 Stultius hac aliquid venditione fuit?
 Nec minus insanus, magni patrimonia census
 Perdidit esuriens, munere pultis, & saeu.
 Et Salomon tantam sensit vertigine mentem,
 Dum castam insano vertit amore domum.
 Non igitur magni fallunt oracula regis,
 Stultorum innumerum qui docet esse gregem.
 Legiferi neque vana canunt præsagia vatis,
 Quæis defleta hominum tanta ruina fuit.
 O saperens, ait, & cauti ventura viderent!
 Non adeo in vitium cerea turba foret.
 Quis (nisi desperent) quosdam dixisse putaret,
 Nullum, qui terris imperet, esse DEUM.

A 94 Qui-

Quilibet ut peccet (aliàs peccare timeret)
 Esse sibi nullum fingit in orbe DEUM.
 Ipsa igitur nostros avertunt crimina sensus,
 Nullus & in vitium, sit nisi stultus, abit.
 Sed neque jam gliscens stat in hac dementia passu,
 Præcipiti pejus traditur acta pede.
 Extruimusque domos, cæloque educimus arces,
 Ceu data perpetuò terra colenda foret:
 Crastina lux coget vitæ statione moveri,
 Quis neget insanas nos fabricasse domos?
 Conserimus platanos, disponimus ordine lauros,
 Areolas hortis dividimusque suas:
 Quæ stolidi serimus, vix tertius aspicit hæres,
 Quo tibi qui carpet tum tua poma nepos?
 Sic, puto, dat senibus puerili risum,
 Cum fabricat luteas, parvula turba casas:
 Ludicra s' illicitis servet respublica curis,
 Hic fœnum, hic paleas convehit, ille trabes.
 Aggerit hic gravido plumas & stramina plaustro,
 Hujus erat testa querere munus aquam.
 Et sibi tum structæ gratantur mœnibus urbis,
 Magnaque se pueri regna locasse putant.
 Hæc videt, ac ridet, quæ transit grandior atas,
 Vixque graves sese virque senexque tenent.
 Haud aliter Superis dant nostra negotia risum,
 Regnaque pro nidis, quæ fabricamus, habent.
 Hæc quoque pro stolido sapientia nata cucullo,
 Tam variis nullum vestibis esse modum:
 Pauca vel hoc studio peregrinus ad oppida currat,
 Inveniet vestes per loca quæque novas.
 Si sedeant uno semel omnes sorte theatro,
 Quos sua dissimiles palla chlamysque, facit.
 Ridi-

LIBER PRIMUS.

9

*Ridiculis videat plenissima pulpita mimis,
 Rideat & socii pallia quisque sui.
 Jam studium gemmarum & habendi quis furor
 auri?
 Sudat in hoc hominum nocte, dieque labor.
 Quid tamen est aurum, fulva nisi pulvis arena?
 Gemmaque quàm vitrei gutta gelata maris?
 Ambit & hac tanta gens stulta cupidine gazas,
 Seu foret hinc miseris una petenda salus.
 Ecce tibi minimo cælum venale labore,
 Et cælum hoc pretio, quantula turba petit?
 Heu genus insanum! terras præponitis astris,
 Ignotis nimium dona caduca bonis!
 Quis pueros (lusus vel tam turpiter errent)
 Orbili meritos aspera sceptrâ neget?
 Nempe sciunt levibus quid distent æra lupinis,
 Ut semel abjectas deseruere nuces.
 Nos mage desipimus, cùm parva crepundia, cælo,
 Prò pudor! & fluxas pluris habemus opes.
 O medici mediam stolidis pertundite venam!
 Stultitiæ queat hic proximus esse furor.
 Sed videt hæc magnus qui temperat arbiter orbem,
 Nostraque stultitiæ nomine, multa tegit,
 Et mea propitiis deliria plurima transit,
 Multaque scit cæcâ dissimulanda manu.
 Et qui jus adimat, novit Prætoris egere,
 Ne perdam, patrias qui mihi servet opes.
 Ergo adeat sanum mea, fac, tutela patronum,
 Stultitiæ custos esto vel ipse mea.*

DEUS tu scis insipientiam meam & delicta mea à te non sunt abscondita.

Psalm 68.

a **S**tultissimus sum virorum, & sapientia hominum non est mecum. Non didici sapientiam, & non novi scientiam Sanctorum.

b Utinam sustineretis modicum quid insipientiae meae.

Stultitia (enim) colligata est in corde pueri.

c (sed) vis noscere, quis sit insipiens, & quis stultus? Respondeo; insipiens est, qui se à Paradisi gaudiis peregrinum esse non confiderat & se exulem in hoc exilio non attendit: stultus est, qui licet ista cognoverit, liberari tamen à mundi miseria per vitae meritum non intendit.

d Dic ergo te stultum, & sapiens eris. sed dic, dic, & intus dic, quia sic est ut dicis. si dicis, noli coram hominibus dicere, & coram D E O non dicere. rorùs quod ad te ipsum pertinet, quod ad tua; tenebrosus. Quid est enim aliud, esse stultum, nisi esse tenebrosum in corde?

e Quis est stultus ille qui tanquam luna mutatur nisi Adam, in quo omnes peccaverunt?

f Insipientiam quoque (David) stultum suum factum nominat, ab insipientia procedens,

a Prov. 30. *b* 2 ad Cor. 11. *Prov.* 22. *c* Tom. 9. *August.* in spec. pec. cap. 8. *d* August. serm. 8. de Temp. c. 5. *e* August. epist. 119. *f* Basilinus hom. 1 *Psalm.* 37.

dens. Omne enim peccatum per stultitiam fit. Qui igitur in peccatis perseverant, inque eis consistentes gaudent & se oblectant, ac deliciantur, nihilo dissimiles porcis sunt sese in volubro luti provolventibus. Docet autem, in quibus fuerit, cum incideret in peccatum. Quoniam enim tempore aliquo *cor meum conturbatum est, & dereliquit me virtus mea, & lumen oculorum meorum, & ipsum non est mecum*: tempore enim, inquit, peccati; pars animæ rationis particeps haud modicam iustinebat perturbationem pravo confusa affectu, & tenebris, ab eo, qui peccati fuit impulsor, obducta; adeò ut in *insipientiam* inciderit, ideo dicit, *pueruerunt cicatrices mee à facie insipientie mee*. Conturbatum itaque cor ejus, quoniam in *insipientia* fuerat, & à virtute prudentiæ exciderat.

a Rectè (autem) peccatum *insipientiam* vocavit, nemo enim sapiens id aliquando committit.

b Nihil peccato pejus; insipientes fecit eos, qui antea intellectu, & sapientiâ multâ præditi fuerant.

c (Et certè) malitia omnis ex *stultitia* oritur, siquidem superbus & iracundus (quoniam sapientiâ carent) his affectibus absumuntur, ideo inquit Propheta: *Non est sanitas in carne mea à facie insipientie mee*: ut omne peccatum è *stultitia* ortum habere demonstret; nam

A 6

qui

a Orig. in Psalm. 37. b Chrysost. hom. 17. in Genes. 24. c Chrysost. hom. 41. in cap. 6. Joan.

qui virtuti studet, qui DEUM timet, is sapientissimus est. *Initium*, inquit *sapientiae timor Domini*. Quod si ita est, malus qui DEI timorem non habet, sine dubio non est sapiens. Qui hac verâ caret sapientiâ; stultissimus est.

a Nihil enim ab insipientibus differunt, qui terrenas res, & brevi duraturas tanquam in somnis suspicantur. Videntur divitiis affluere, cum nullis affluant, in deliciis esse, cum non sint: neque ante se deceptos intelligunt, quàm ab insania liberentur.

b Delirare tibi videor, cum hæc loquor; anicularia tibi videntur hæc verba. Tu enim (videlicet homo magni consilii magnæque prudentiæ) excogitas quotidie genera acquirendæ pecuniæ, de negotio, de agricultura, fortassis & de eloquio, de jurisconsultatione, de militia; addis & de fœnore, primo hoc à te quæro: scis eum possessurum cui servas? aut si nondum natus est, scis nasciturum? servas filiis; incertum est, an futuris, an possessuris?

c Sed quid est, dic quæso, stultius homine, qui laborat, & se excruciat, & tantas opes congregat, ut ex ejus laboribus: alii se voluptate expleant? Quid est autem; *simul insipientes, & stulti peribunt*? Hic mihi videtur verba facere de impiis, qui toti rebus præsentibus affixi sunt, easque suspiciunt; de futuris autem nihil philosophantur, ea de causa vocans eos *insipientes*.

a Vocat-

a Chrysost. hom. 4. in Joan. *b* August. in Ps. 38.
c Chrysost. in Psalm. 48.

a *Vocaverunt nomina sua in terris suis.* Ecce aliud genus amentis; ædificiis, agris, & balneis sua nomina inscribere, & putare se magnam consolationem ex eo accipere & umbram pro rei veritate consequi.

b *A gloria sua exturbati sunt.* Quidnam potest cum hac conferri stultitia, quando ea faciunt, de quibus puniuntur, pro quibus ignominia afficiuntur.

c Lignum quidem, quod plantasti, manet; domus, quam ædificas, & ipsa manet; Faber autem & agricola abducuntur & pereunt. Et cum hæc fiant, tanquam immortales hæc omnia comparamus. Igitur audi, quid Salomon dicat: *Ædificavi mihi domos, inquit, plantavi hortos & viridaria, vineas, natatorias aquarum.* Sed quid ait post hæc omnia? *Vanitas vanitatum, & omnia vanitas.* Non simpliciter vanitas, sed per excellentiam. Et quæso credamus, & res apprehendamus, in quibus non est vanitas: si splendida respicias ædificia & horum te fallit aspectus, statim in cælum respice: à lapidibus & columnis ad illum decorem oculos reflecte, & videbis, quod hæc *formicarum sint & culicum opera*, contemplare spectaculum; ascende ad cœlestia, illinc ædificiorum disce splendorem, & hæc nihil esse invenies, sed *parvulorum ludibria puerorum*, verum non fuerunt pueri, ut de re ulla utili curam gerant.

d Ita etiam quidem semper volunt ludere

A 7 humi-

a Ibidem. b Ibidem. c Chrys. hom. 55. ad pop. Antioch. d Chrys. hom. 4. in 1. ad Corinth, cap. I.

humique semper jacent & humi serpunt ac reptant, & quæ humi sunt, nempe terrena, affectant. Pueri autem sæpè, cùm nos loquamur de rebus necessariis, eorum quæ dicuntur, nihil sentiunt, sed semper rident: ita etiam quidam, quando de regno loquimur, rident. Pueri rursus, quando latronem viderint, & quæ sunt intus auferentem, non solum non prohibent, sed etiam arrident insidiatori. Sin autem calathulum aut filtra abstuleris, aut aliquid aliud ludicrum, indignantur & ægrè ferunt, se dilacerant & solum pulsant. Ita etiam quidam videntes diabolum, paterna omnia auferentem, rident, ad eum tanquam ad amicum accurrentes, si quisquam autem aut possessiones aut divitias, aut puerile aliquid abstulerit, se discerpunt. *a* *Intelligite insipientes in populo, & stulti aliquando sapite. Nolite pueri effici sensibus.* *b* Parvi enim pueri, parva quidem hianti ore stupent & mirantur; rerum verò valde magnarum non tantâ tenentur admiratione: *nolite pueri effici; hoc est, insipientes, ubi oportet esse sapientes.*

c Pueris quidem iis, qui sunt adhuc paulò minores, patres præbent ejusmodi: calceos, vestes, aureas quasdam bracteas & armillas. Postquam autem creverint, illis eis ablatis dant alia majora. Ita etiam fecit DEUS: nos a parvis illis & puerilibus abducens, ea quæ sunt in cœlis pollicitus est. Ne hæc ergo, quæ fluunt & prætercurrunt, admireris, nec sis pusilli & abjecti animi.

a sed

a Psal. 93. 1. ad Cor. 14. *b* Chrysost. hom. 36. in hunc locum. *c* Chrysost. hom. in Psalm. 4.

a Sed majorum nugæ negotia vocantur, puerorum autem talia cum sint, puniuntur à maioribus.

b Beatus vir, cui nomen Domini spes ejus, & non respexit in vanitates, & insanias falsas. Qui non respicit hæc, beatus est, qui autem respicit, insanus atque furiosus est, & ideo resipiscat unusquisque à furore sæcularium cupiditatum, quæ ita mentem, animamque perturbant, ut compos esse non possit.

c Delicta juventutis meæ, & ignorantias meas ne memineris (Domine.)

d Ipsos namque fatuos videmus (quos vulgò motiones vocant) ad concordatorum delicias adhiberi, & in mancipiorum æstimatione, pretiosiores esse cordatis. Et suum parvulum filium, à quo garriente talia pater lætus exspectat, provocat; sed dum spes subest incrementorum, & ingenii lumen accessurum creditur ætatis accessu, fit, ut convicia parvulorum, etiam in parentes, non solum injuriosa non sint, verum etiam grata atque jucunda (Quid) quod in hæc etiam concitentur studio ridendi, & vanitate majorum? nam plerumque illa ætas, jam patrem, matremque agnoscens, neutri eorum audet maledicere, nisi ab altero eorum, aut ab utroque vel permissa vel jussa.

III.

a Aug. Con. I. cap. 9. *b* Ambr. in Psalm. 118. Oñon. 5. *c* Psalm. 24. *d* August. l. 1. de peccat. mer. cap. 35.

III.

Miserere mei Domine, quoniam infirmus
sum: sana me Domine, quoniam
conturbata sunt ossa mea. Ps. 6.

Conquerar! an file m? justas habet ira querelas
Heu sine Pœonia sola relinquer ope!
Non ego, jussa licet juratis credere verbis,
Sperâssem, cordi non magis esse tibi.
Siccine tardus ades, neque nostra pericula tangunt?
Quæ potuit tantæ causa fuisse mora?
O mea spes! Numen quo non præsentius agris,
Sic potis es nostri non memor esse mali?
Nunc aderant pariter Podalyrius, atque Melampus
Phillyrides Chiron, Pœoniusque senex.
Multaque præterea comitata Machæone turba,
Quique aliquod medica nomen ab arte gerunt?
Tu solus deceras morborum publica cura,
Postque tot Hippocrates ultimus ecce venis.
O mea spes! numen quo non præsentius agris,
Sic potis es nostri non memor esse mali?
Omnibus est oris visus color indice lingua,
Omnibus admota vena notata manu:
Nil, ajunt, vitale rebet, neque languida certas
Urna notat, pulsa præmoriente, moras.
Idque ego plus ipsis deprendo medentibus agra,
Destituit medicos ars sua, meque salus.
Quidnam igitur sperem fugientibus orba Magistris,
Morbus ubi vincit sævior artis opem?

Caca

*Caca per insectas serpunt contagia venas,
Imaque subsidit lapsus in ossa dolor?
Et caput & cubiti se sustentare recusant,
Tinctaque vix Baccho vena medente redit.
Et jam vix animæ superest pars ultima nostra,
Heu pavor inferis proxima pompa meis?
Denique qui morbos cupit omnes discere nostros,
Copia quod fieri non sinit, ille cupit.
Hic status, hac rerum facies miseranda mearum est,
Nec iuvor ullius, qui medeatur, ope.
Aspice, vix nostram poteris dignoscere formam?
Vultus abest vultu, seque nec ipse refert.
Lumina suffossis retro fugere cavernis,
Magnaque purpureis facta ruina genis.
Nec quisquam hanc ferro potuit compescere noxam,
Quin caput & faciem carperet atra lues.
Tetrica quid memorem vigilis fastidia lecti?
Quaque manu tangi vulnera aruda timent?
Vulnera proh nullis mulcenda Machaonis herbis!
Qualia, quæ secuit barbarus ensis hiant.
Vulnera, secretas animi populantia fibras,
Quæ nullus medica claudat hiulca manu.
Nempe graves, mea sunt, quæ feci, vulnera noxæ,
Vulnera trux animæ carnificina mea.
Adde, quod intus, apum dirus mihi turgeat hydrops
Lentaque quond meditor nausea tardet opus.
Tensaue ventosi prope rumpant ilia fastus,
Et Veneris tacitus pectora cancer edat.
Hæc ego sæpe dedi variis tractanda Magistris,
Semper at oblata cura fesellit opis.
Scilicet ipse suas, hic tentet inaniter artes,
Qui raptum Androgeo reddidit arte diem.
Quique*

Quique potestates succorum norat & usum,
 Una salus agris spesque, Epidaure, tuis.
 Nec juvet hic Chiron, operosa viribus herba,
 Nec summum medici numen Apollo chori.
 Officium tanto cedit minus omne dolori,
 Non habet hic ullum succus, odorve locum.
 Quas igitur spectem, vestri nisi Numinis, aras,
 Funeribus nullis quas Libitina notat.
 O mea spes! Numen quo non praesentius ullum,
 Ecce tuam veneror, mortua pane, manum.
 Sanns Apollinea non indiget arte vel herba,
 Lege Machaonia, qui dolet, artis eget.
 Mens mihi lesa dolet plus simplice vulneris ictu,
 Ne doleat, vires experiare tuas.
 Illa ego sum, Solymis quam praedo cruentus arenis,
 Stravit, & immiti dividit ense latus.
 Tu Samarita, mero? Tu vulnera mitis olivo
 Obline, barbarica vulnera facta manu.
 Quosque Levita negat, medicos inerge liquores,
 Crescet ab infuso rore, meroque salus.



Miserere

Miserere mei Domine; quoniam infirmus
sum; sana me Domine, quoniam
conturbata sunt ossa mea,

Psal. 6. vers. 3.

a **Æ** Grotus sum, ad medicum clamo, cæcus
sum, ad lucem propero, mortuus sum,
ad vitam suspiro. Tu es medicus, tu lux, tu vita,
JESU NAZARENE; miserere mei Fili Da-
vid; miserere mei fons misericordiæ. Audi,
quid ad te clamet infirmus; Lux, quæ transis,
expecta cæcum; præbe ei manum, ut ad te ve-
niat, & in lumine tuo videat lumen.

b Imperfecta enim mea plurima vident oculi
tui. Mitte quæso, manum pietatis tuæ in me,
& tolle de me, quidquid offendit oculos pieta-
tis tuæ in me. Coram te Domine est sanitas &
infirmetas mea. Illam precor serva, istam sana.
*Sana me Domine & sanabor: saluum me fac & sal-
vus ero.* Tu qui infirma sanas & sanata conser-
vas. Tu qui nutu tuo restauras diruta & collapsa.

c Utinam tibi Domine, aliqua filia Hierusa-
lem nuncient languores meos; si qui sunt in me,
qui commendari tibi digni sunt; nam multi sunt
in me indigentes curari. O me felicem, si ali-
quis Centurio cœlestis dicat tibi: *Domine, puer
meus jacet paralyticus in domo, & male torque-
tur!* utinam Domine statim respondeas, *Ego ve-
niam*

a Aug. soliloq. cap. 2. *b* Aug. medit. c. 36
c Guile. Abb. serm. 46. in Cant.

niam, & turbo eum. Dic Domine verbo & sanabor. Verbo enim ades, quia verbum es.

a Medicinas de terra, propter singulas quasque suas corruptelas creâsti. singula solatia singulis malis obviantia preparâti; quoniam es misericors & miserator.

b Hei mihi, Domine. miserere mei, Hei mihi, ecce vulnera mea non abscondo. Medicus es, æger sum, misericors es, miser sum.

c Nunquid non potens est manus tua DEUS omnipotens sanare omnes languores animæ meæ?

d Multas infirmitates habet anima nostra. Quot peccata, tot infirmitates.

e Agrotat humanum genus, non morbis corporis, sed peccatis.

f Non modò enim paralyti dissolvi, verùm etiam peccare, languor est. & longè illa languore deterior, ac tanto utique, quanto est corpore anima præstantior.

g Præsta mihi Domine medicinam. unde mea possint curari vulnera; visita me infirmum, cura me ægrum, sana me languentem, & suscita me mortuum.

h Varios siquidem languores habemus animarum, & hi sunt, quibus (Christus) principaliter vult mederi.

Propterea enim illas ægritudines sanat, ut
istas

a Aug. soliloq. c. 20. *b* Aug. li. 10. conf. c. 28. *c* Idem ib. c. 30. *d* Hieron. in Ps. 162. *e* Aug. serm. 59. de verbis Domini, c. 11. *f* Chrys. hom. 14. inc. 4. Matt. *g* Aug. med. c. 40. *h* Chrys. in c. 4. Mar. hom. 14.

istas scilicet de nostris animabus expellat.

a Animæ languor peccatum est, unde dixit Propheta: *Sana animam meam quia peccavi tibi*, languor animæ nostræ superbia est, avaritia est.

b Etiam in typo mulieris illius, socrus Simonis & Andreæ, variis criminum febribus, caro nostra languebat, & diversarum cupiditatum immodicis æstuabat illecebris. Nec minorem febrem amoris esse dixerim quàm caloris. Itaque illa animum, hæc corpus inflammat: febris enim nostra avaritia est: febris nostra libido est, eò quòd ignitæ sint cupiditates: febris nostra iracundia est: febre libido flagrantior est, graviusque præcipitat & inflammat.

c Vexabat enim nos morbus gravis ac febris vehemens, decumbebamusque, non in lecto, sed in ipsamet vitiositate, perinde ac in stercore. In improbitate voluptabamur, scatentes ulceribus, foetorem spirantes, squalidi, incurvi, umbræ potius quàm homines.

d Quin jacet toto orbe, ab Oriente usque ad Occidentem, grandis ægrotus; sed ad sanandum grandem ægrotum descendit omnipotens medicus. Humiliavit se usque ad mortalem carnem, tanquam usque ad lectum ægrotantis.

e Vidit in stercore jacentem, à vermibus exulceratum, à febre & fame oppressum, nullo
non

a Amb. tract. de 24, mansionibus. *b* Amb. l. 4. in c. 4, Luc. *c* Chrys. in c. 3. ad Philip. ser. II. digressione morali. *d* Aug. ser. 32. de verbis Domini, c. II. *e* Chrys. in c. 3. ad Philip. serm. II.

non morbi genere laborantem. Nam & febris vexabat (hoc enim improba cupiditas) & inflammationes urgebant (hoc enim arrogantia) & quædam insatiabilis fames occupabat (hoc enim avaritia) & sanies undique (hoc enim scortatio) & cæcitas oculorum (hoc enim idolatria) & surditas & stupor (hoc enim erat, lapides & ligna adorare, & cum illis colloqui) & multa deformitas (hoc enim vitiositas) triste nimirum quiddam & morbus gravissimus. Vidit, absurdius (quàm insanientes soleant) loquentes, & lignum & lapidem Deum vocantes. Vidit in tanta vitiositate; nec tamen abominatus est, non amarior factus, non averfatus est non odio profecutus, Dominus enim erat, & opus suum non oderat. Deinde quid facit? optimi medici more parat pretiosa pharmaca.

a Et quia ipse est & verbum DEI, ægris suis non herbarum succis, sed verborum sacramentis medicinam conquirat.

b Erat namque Archiatros, qui posset curare omnem languorem, & omnem infirmitatem.

c Noverat, venâ inspectâ, quid intus ageretur in ægroto.

d Erat humanarum ægritudinum Præonius Medicus & sanctus ægrota animæ incantator. *Salvum, inquit. fac servum tuum DEUS meus sperantem in te, Miserere mei Domine, quia clamans*
ad

a Orig. hom. 1. in Levit. c. 12 & 13. *b* Orig. hom. 1. in Psal. 37. *c* August. in Psalm. 43. *d* Clem. Alex. l. 1. Pædagog. c. 2.

ad te tota die. Bonus autem Pænegogus, qui est sapientia (qui verbum Patris, qui fabricatus est cælum) universi figmenti curam gerit, ejusque corpori & animæ medetur: qui est omni ex parte sufficiens medicus, humanæ naturæ servator: *Surge*, inquit Paralytico, & sublato, in quo jaces, grabato, *vade domum*; & qui prius erat infirmus, extemplo sanus & firmus evasit. Et mortuo Lazaro dixit, *egredere*; ille vero mortuus, ex sepulchro exiit, qualis erat, antequam moreretur, meditatus resurrectionem.

a Ideo autem tot salvavit febricitantes, tot languidos, tot claudos, tot cæcos & aridos, ne desperet de se peccator: medicum se vocat, & non sanis sed malè habentibus opportunum.

b Et sicut ille, qui medetur vulneri corporis, adhibet quædam contraria; sicut frigidum calido, vel adhibet etiam quædam similia: sic DEI sapientia hominem curans, seipsam exhibuit ad sanandum; ipsa medicus, ipsa medicina. Quia ergo per superbiam homo lapsus est, humilitatem adhibuit ad sanandum. Serpentis sapientiâ decepti sumus, DEI stultitiâ liberamur. Jam verò similia, quasi ligamenta membri & vulneribus nostris adhibita, illa sunt, quod per foeminam deceptus, per foeminam natus; homo hominibus; mortales; morte mortuos liberavit.

c Quod si te ergo fortasse animarum nostrarum prædo & tyrannus, vel à Hierusalem in Hier-

a Aug. vel quis alius lib. de vera & falsa Pæn. c. 5. b Aug. de doctrina Chr. lib. 1, c. 14. c Naz. or. 16.

Hiericho descendente, vel alibi ulpiam infermem & imparatum nactus, usque adeo lauciavit.

a Clama: Ego dixi, Domine miserere mei, sana animam meam, quoniam peccavi tibi: sanat te DEUS, confitere tantum vulnus tuum. jaces sub manibus medici; patienter implora auxilium, fovet, urit, secant; æquanimiter tolera, tantum noli attendere, nisi ut saneris: sanaberis autem, si ostendas te medico; non quia ille non videt, si tu te abscondas, sed ipsa confessio initium sanitatis est.

b Vulnus, medicum quærit; Medicus, confessionem exigit.

c Convertere ad me, ait Dominus, Nunquid resina non est in Ga'ad, aut medicus non est ibi? quare non ascendit sanitas filiae populi mei? grandi plagæ altâ & prolixâ opus est medicinâ.

d Totum enim genus humanum. est ille homo, qui jacebat in via semivivus, à latronibus relictus; quem contempsit transiens sacerdos & Levites; & accessit ad eum curandum eique opitulandum transiens Samaritanus, in quo Samaritano, se voluit intelligi Dominus noster JESUS CHRISTUS.

e Ideo unusquisque nostrum, cordis & corporis genua flectens, oret Dominum nostrum JESUM CHRISTUM (qui sanat omnes infirmitates nostras) Et cum Propheta dicat: Sana

me

a Aug. hom. 12. *b* Ambr. in Psal. 40. *c* Ambr. ad Virgin. lapsam cap. 8. *d* August. serm. 37. de verbis Dom. *e* Ambr. de 42. mans. mansion. 3.

me Domine & sanabor, salva me, & salvabor, dicat & cum David: Sana me Domine, quoniam conturbata sunt omnia ossa mea.

a Omnis enim, qui medicum non agnoscit, phreneticus est. Nam quoties phreneticos videmus medicis contumeliam facere, resistere sanitati, nolle curari. deridere veram curam?

b Currite ad medicum, dum potestis; ne, cum velitis, non possitis.

c Si adhuc quibuldam perturbationibus anima quatitur post remissionem peccatorum, languor est? *sanat & omnes languores tuos.* Sanabuntur omnes languores tui noli timere. Magni sunt, inquires; sed major est medicus. Omnipotenti medico nullus languor intanabilis occurrit; tantum tu curari te sine manus ejus ne repellas, novit, quid agat. Non tantum delesteris cum fovet, sed etiam tolereis cum secat. Tolera medicinalem dolorem, futuram cogitans sanitatem: ferto ergo manus ejus ô anima, quæ benedicis eum, non obliviscens omnes retributiones ejus *sanat enim omnes languores tuos.*

d Planè committamus nos medici manui, non enim errat, ut sanum pro putri secet. Novit, quod inspicit, novit vitium, quia ipse facit naturam: quid ipse condidit, quid de nostra cupiditate accessit, discernit, scit se sano homini præceptum dedisse, ne languorem incurreret; dixisse in Paradiso, hoc manduca, &

B hoc

a Chrysost. in Psalm. 26. *b* Ibidem. *c* August. in Psalm. 102. *d* August. in Psalm. 40.

hoc noli. Non audivit sanus medici præceptum, ut non caderet; audiat vel ægrotus ut surgat.

a Quisquis ergo es, ô Christiane, qui sanitatem jactas & te vulneratum fuisse dissimulas, qui integritate gaudes, & te ægrotum fuisse non meres, qui te destitutum jacuisse non respicis, sed erectum in Ecclesia gloriaris; ama CHRISTUM, qui te à prædonibus liberavit, dilige Dominum; qui te prostratum jacentemque erexit. Dilige, inquam Dominum, qui te in Ecclesie stabulum, per semetipsum invexit; qui rectori stabulario commendavit; qui duos denarios, hoc est, legem & Evangelium in eruditionem tuam erogari præcepit. Dilige, inquam, Dominum, qui tibi dicit: *Ecce sanus es.* Dominus enim caram tuam salutem habet, qui propter te in sæculum venit, & te à nefandis latronibus liberavit.



IV.

a Chrys. in cap. 10. Luc. hom. de Samar.

IV.

Vide humilitatem meam, & laborem
meum: & dimitte universa delicta
mea. *Psalm. 42.*

Aspicis, heu savus! nostris neque tangere curis,
Aspicias & credi vis tibi, me quod ames?
Futilis ignaro cantetur fabula vulgo,
Sentit amicorum vulnera, quisquis amat.
Aspicias & pateris; neque cura est ulla juvandi;
Verus amor promptam non ita tardat opem.
Aspice, quam turpi subigar damnata labore,
Aspice, cui tandem colla premenda iugo.
Si feret ingenua saltem labor indole dignus,
Nec nimis abjectæ vilius artis opus.
Multa meos casus magnorum exempla levarent,
Et faceret propriam, sors aliena, levem.
Sæpe Ducum proavos, Regesque noverca coëgit,
Angustas operi sors adhibere manus:
Protea frenantem septemplicis ostia Nili,
Sic oras miseram, Rex Menelae, stipem.
Dextra Syracusii sceptris assueta Tyranni
Sic ferulas, pueris sceptra verenda, tulit.
Flenda exempla quidem, tamen haud ducenda
pudori,
(Non etenim miseris sunt sua fata probro.)
Ast mea non lachrymis, sed digna pudore ruina est,
Quæ roto serviles, sponte subacta, molas.
Qualis ab infida Sampson detonsus amica,
Circuit indignas, hoste jocante, rotas.

Atque utinam famulas tantum damnarer ad artes !

*Explerem ingenua sordida pensa manu :
Turpibus at servum vitiis addicere pectus,
Exulis asperius mancipiique jugo est.
Ah pudet ! & (duplicis nova quæ mihi causa ru-
boris)*

*Ipsa meum damnans execror author opus,
Vix bene pertasum est, rursumque revolvitur error,
Crescit & attextis nexa catena malis.
Scilicet illa manet plectendas ultio noxas,
Admissum sequitur culpa secunda stelus.
O quam sæpe meo sensi hæc discrimina damno !
Nec tamen est damni mens revocata metu.
Nempe trahor vario studia in diversa duello,
Ut ratis ambiguis jam pila facta Notis.
Et trahit hinc (vitii quæ lena comesque) voluptas ?
Quique subit vitium, retrahit inde dolor.
Sapius illa tamen redit è certamine victrix,
Assiduus vitio sit licet ille comes.
Sic habet alternos virtus, vitiumque triumphos,
Et meus aeterno vertitur orbe, labor.
Tu super hæc etiam loris servilibus instas,
Addis & in pœnas verbera dura meas.
Pœnaque cum culpæ sit culpa secunda peracta
Suppliciis pœnas adjicis usque novas.
Nempe Ixionius non est modo fabula gyros,
Vincta sed aeternæ vertor in orbe mola.
Aspicias hæc durus nostro neque tangere fato ?
Aspice, & in pœnas mitior esto meas.*

Vide

Vide humilitatem meam, & laborem
meum; & dimitte universa delicta
mea. *Psalm 24.*

a *Quantam tribulationem deveni! in quos fluxus tristitia, in qua nunc sum; qui jucundus eram & dilectus in potestate mea! nunc verò remiscor malorum, quæ feci.*

b *Vide humilitatem meam, attende dejectionem infirmitatis meæ.*

c *Contrarietas culpæ facta est homini pondus poenæ; ut corruptioni suæ malè liber serviat, qui bene servus de incorruptione libertate gaudebat.*

d *Nunc etenim menti cedit caro, nuncque vicissim Mens carnem sequitur. ———*

Namque bonum cupiens, facit id tamen ipsa quod odit?

Servitium lachrymis prosequiturque grave.

c *Quamvis (enim) quispiam locuples sit & generosus, est tamen inter abjectos abjectissimus, cum à peccato vincitur, quemadmodum enim, si Rex quispiam barbarorum servus fiat, omnium est miserrimus, sic qui in peccato vivit. Barbarum namque peccatum est, animam enim sub Tyrannidem redigit;*

B 3 *nihil*

a *Matth. 6.* **b** *Beda in Psalm. 24.* **c** *Gregor. cap. 22. in c. 7. Job.* **d** *Nazian. carm. de animæ calamitatibus.* **e** *Chrysoſt. hom. 9. in epist. I. ad Cor. 10.*

nihil enim tam præter rationem est; quàm peccatum; unde ait Ptopheta; *Homo cum in honore esset, non intellexit, comparatus est jumentis insipientibus,*

a Sanè si intelligamus spiritualiter, quæ sit Ægyptiorum servitus; agnoscimus, quia servire Ægyptiis, non aliud est, quàm obnoxium fieri carnalibus vitis, in quod utique unumquemque non extrinsecus illata necessitas cogit, sed segnities animi & libido ac voluptas corporis subegit, cui se animus per concordiam subdit. Denique & salvator de libertate & servitute in Evangelio differens, ita loquitur: *Omnis, inquit, qui peccat, servus est peccati.*

b Sicut ergo Ægyptus (ita terrena provincia) filiis Israël, domus dicitur servitutis ad comparisonem Judææ & Jerusalem (quæ eis domus efficitur libertatis) ita ad comparisonem cœlestis Hierusalem (quæ ut ita dicam; mater est libertatis) totus hic mundus, & omnia quæ in hoc mundo sunt, domus est servitutis.

c Quid ergo mirum, si mundus multis vapulat; servus est, sciens voluntatem Domini sui & faciens digna plagis, non ergo recuset vapulare multis, quoniam si non vult audire præceptorem injustè, justè patietur ultorem? vel si non murmuret contra castigatorem, cum videat se plagis dignum, ut misericordiam mereatur.

a Fla-

a Orig. hom. 16. in cap. 67. Genes. *b* Hom. 8. in cap. 15. Exod. *c* August. serm. 12. de verbis Domini.

a Flagellum equo, & camus asino, & virga in dorso imprudentium.

b Ergone bestia sumus nos? bestia prorsus. Homo cum in honore esset, non intellexit, comparatus est jumentis insipientibus.

Asinini quidam & bestiales motus legem contrariam habent. Cum jejunare consentis, urget gula illecebra; cum vigilare proponis, somnolentia premit: quid faciemus huic asino?

c Eadem peccatores spiritualiter feremus, quæ (samson) carnaliter ad nostram eruditionem expressa, sustinuit. Ita enim nobis, ut illi hostis illudet, & vertendis molis velut asinos deputabit. Unde nos Dominus (ne colum nostrum, non subdium jugo Christi dignum faciamus asinaria mola) admonet per Prophetam; nolite fieri sicut equus & mulus, quibus non est intellectus. Homo enim, ut alibi dicit idem Propheta, non intelligens honorem suum, comparatur jumentis & similis efficitur: Quod in Rege Babylonico videmus evidenter expletum, qui stoliditatis impiæ & vecordis superbiæ pœnam, sensu hominis exutus in belluino hoc corde sustinuit. At enim homo in errore positus, & in justitia relapsus, justè ut samson sapientiæ pariter & gratiæ virtute desertus, cœcitate puniatur & dula,

B 4 quia

a Proverb. 26. vers. 3. *b* Bernard. serm. 1. super Qui habitat in adjutorio. *c* Bernard. serm. 5. de Ascens. *d* Paulin. epist. 4. ad Severum.

quia dignus est opere *jumentario*, quia semetipsum lumine rationis orbaverit, & in similitudinem belluarum, corporis servus, abjecerit. Considera hujusmodi mortalium vitam, & tota tibi species *jumenti molentis* occurret. Ut ille panis oculos corporis, sic iste sordibus vitæ suæ oculos mentis obsutus, per errores suorum sensuum, quasi circa *ambages molarum* laboriosâ miser statione versatur, usui suo vacuus, laboriosus alieno. Stat in via peccatorum compeditus vinculis cupiditatum suarum, & ipse sibi carcer est obsessus tenebris erroris sui, & conscientiæ squallore concretus in semetipso *pistrini ergastulum* patitur saxum cordis sui pertinaciâ iniquitatis induratum quasi *molam versat*, farinam hostibus suis de corrupta animæ suæ fruge, conficiens; quia sicut scriptum est: *Peccator de anima sua currit*. Ita qui peccatum operatur de mola vitæ suæ, hostile triticum molit ut Zabulum pascatur, cui panis est anima quæ sibi fames est.

a Sunt autem & *malorum differentia*, ut sunt quædam earum humanæ, aliæ asinariæ. Et humana quidem est illa, de qua scriptum est: *Dux erunt molentes ad unam molam, una assumetur, & altera relinquetur*.

b Discutiamus ergo. quæ molant, quid molant, quidve pistrinum sit: & fortasse mundus iste pistrinum est, & quod in eo humani

cor-

a Orig. tract. 5. in Matt. cap. 28. *b* Ambros. in cap. 17

corporis forma referatur, in quo anima nostra velut quodam carcere includitur, panem si consultat boni, operatura coelestem. In hoc ergo pistrino anima obnoxia delictis triticum molendo madefactum & gravi humore corruptum, non potest interiora ab exterioribus separare, & ideo relinquitur, quia ejus similago displicuit.

a *Asinaria autem mola non irrationabiliter dici potest gravissimum hominis malum, quod semper deorsum trahit.*

b Nam quid per *molam asinariam*, nisi actio terrena signatur, quæ dum colla mentis per stulta desideria constringit, hanc *in laboris circuitum* mittit.

c Molendinum enim labor est hujus sæculi.

d Et molendinum puto diuini mundi circuitum, quia rotâ quadam temporum volvitur, & amatores suos conterit.

e Testatur Sampson Allophylis captus, qui postquam oculos perdidit, *ad molam* deputatus est; quia nimirum maligni spiritus, postquam tentationem stimulis intus aciem contemplationis effodiunt, foras *in circuitum laborum* mittunt.

f Et quare in *molendino*? quia in isto mundo versantur: ubi *molendinum* intelligitur, quia sic *vertitur mundus iste, quo modo mola.*

B. 5. *a* Quare

a Origen. tractat. 3. in Matth. cap. 18. *b* Greg. lib. 6. moral. cap. 26. in cap. 3. Job. *c* August. serm. 107. de tempor. *d* August. in Psalm. 36. *e* Gregor. 7. moral. 16. in cap. 6. Job. *f* August. in Psalm. 132.

a Quare in molendino? quia defuncti in saeculo, *circuitu* rerum temporalium, tanquam *mola* detinentur.

b Et trahebat me post se, in *circuitu*, de vitio in vitium, & de luto in lutum.

c Unde bene quoque per Psalmistam dicitur: *DEUS meus, pone illos ut rotam*, ut rota ponuntur quippe iniqui, quia in *circuitu laboris missi*, dum ea, quæ ante sunt, negligunt, & ea, quæ deferenda sunt, sequuntur, ex posterioribus elevantur, & in anterioribus cadunt.

d Hinc est enim, quod per Psalmistam dicitur: *in circuitu impii ambulant*; quia dum interiora non appetunt, in exteriorum labore fatigantur.

e Miser ego homo! quis me liberabit à calumniis hujus pudendæ servitutis! miser sed liber, liber quia homo, miser quia servus, & pro servitute quidem miserabilis, sed pro voluntate inexcusabilis. Voluntas enim est, quæ se, cum esset libera, servam fecit peccati, peccato assentiendo, quia, qui facit peccatum, servus est peccati.



V.

a In Psalm. 99. *b* August. soliloq. cap. 6. *c* Gregor. lib. 16. moral. cap. 30. in cap. 24. *d* Gregor. lib. 2. moral. cap. 4. in 1. cap. Job. *e* Bern. hom. 81. in Can.





*Memento, quæso, quòd sicut lutum feceris
me, & in pulverem reduces me! Job. 10.*

V.

Memento, quæso, quòd sicut lutum feceris me, & in pulverem reduces me.

Job. 10.

ERgone cœlitum jam nata oblivia regnis!
 Quis Ganymedæo miscuit illa scypho?
 Quid facit immemores ad nostra negotia Divos?
 Lethæas Superi fortè bibistis aquas?
 Oblita es mea lux, aut vis oblita videri,
 Cùm dubitas proprium quale crearis opus.
 Si nescis, referam; si scis, cur fingere pergis?
 Me Tua de latea dextera fecit hamo.
 Quæris, ubi? toto locus est notissimus orbe:
 Primus ubi pater est conditus, hortus erat.
 Fons ubi de riguis argenteus exilit herbis,
 Quadruplicique suas flumine findit aquas.
 Scire lubet tempus? minimo post tempore, salsas
 Cum maris aggeribus terra cœgit aquas.
 Addo, (quo historiæ facit, hac quoque parte,
 probanda,)
 Puniceo rubuit Dædala gleba solo.
 Hinc tribus es modicam digitis admensus arenam,
 Primaque massa mei corporis illa fuit.
 Nec primis erit his natalibus exitus impar,
 Nil nisi pulvis eram, nil nisi pulvis ero.
 Sic faber argillam Samiis dum reperit agris,
 Edificat facili pocula ficta luto.
 Principio, terræ segmenta ligonibus urget;
 Inde levi madidam flumine mollit humum.
 Denique materiem pernix rota versat in orbem,
 Ampheraque admotæ nascitur arte manus.

G

Nasci

*Nascitur, at media vix amphora vixerit hora,
 Frangitur, inque suam fracta recurrit humum.
 Haud magè firma meæ fundamina condita vita,
 Et levis extremos finiet umbra dies.
 Cur igitur, veluti fuga non satis incitet annos,
 Præcipites glomerat mobile tempus equos?
 Sponte, meus pulvis, nimis heu citò sponte fatiscit,
 Et mea, non ullo vita premente fugit!
 Si mihi, seu vitrea concrevit Olympus ab unda,
 Calite Crystallo membra gelata forent!
 Aut quales memorant, cœlestia lumina, stellæ,
 Quas suus è liquidis condidit author æcus:
 Aut foret Angelicæ munus, sine corpore, vita.
 Elisiis qualem mentibus esse ferunt?
 Sperarem Angelicis aqualia sæcula lustris,
 Cœlestesque annos, sideriosque dies.
 Sed data squammigeræ magè fortia corpora turmæ,
 Quam peperit viridi Doris aquosa patri.
 Quin etiam volucres cujus melioribus orta,
 Plumea queis nitidæ membra dedistis aquæ.
 O utinam rigidis mihi stent adamantibus artus,
 Aut durent nervos firma metalla meos!
 Felices Scythiæ fato meliore sorores,
 Eama quibus fulvo finxit ab ære manus.
 Cuique fuit solo corpus penetrabile talo,
 Ærea nam reliquum lamina corpus erat:
 Sed quid ago, damnoque mei cunabula limi?
 Aut queror è fragili corpora ficta luto?
 Non bene vasa suo faciunt convicia fabro,
 Nec faber ipse suum jure refutat opus.*

Memento , quæso , quodd ficut lutum
feceris me , & in pulverem reduces

me. *Job. 10.*

a **SURGE**, & descende in domum figuli, & ibi
audies verba mea. Et descendi in domum
figuli, & ecce ipse faciebat opus super rotam, dissi-
patum est vas, quod ipse faciebat è luto, manibus
suis: conversusque fecit illud vas alterum; sicut
placuerat in oculis ejus, ut faceret, & factum est
verbum Domini ad me dicens: Nunquid sicut figu-
lus iste, non potero vobis facere, domus Israël, ait
Dominus; Ecce sicut lutum in manu figuli, sic vos
in manu mea.

b Volens Propheta , DEI ostendere po-
tentiam & hominis fragilitatem , comparat
DEUM figulo & hominem luto; quod nihil
potest adversus DEUM; sicut nec lutum ad-
versus figulum; unde Rom. 9. dicitur: Nun-
quid potest figmentum ei, qui se finxit, dicere:
Quid me fecisti sic? & Isaia 45. *Va*, qui contra-
dicit fictori suo, testa de samis terræ. Nunquid
dicet lutum figulo suo, Quid facis? & Isaia 64.
Et nunc Domine Pater noster tu es; nos verò lu-
tum: & fictor noster tu, & opera manuum tua-
rum omnes nos. Igitur in domum figuli de-
scendere , est considerare fragilitatem car-

C 2 *in*

a Hieremia 13. **b** Hugo Cardin. in hunc lo-
cum.

nis suæ. Corpora autem nostra dicuntur vasa, quia continent liquorem sive thesaurum pretiosissimum, scilicet spiritum ad imaginem DEI creatum. 2. Rom. 4. *Habemus thesaurum istum in vasis fictilibus.* DEUS autem est figulus. Hoc autem vas, rectè dicitur super rotam, vel propter corporis instabilitatem; vel quia idem est principium & finis ibidem, secundum illud Genesis 3. *De terra es, & in terram ibis.*

a Ut lutum ergo homo factus est; quia de limo est ad conditionem sumptus. Quod sanctus vir bene pietati iudicis objicit, cum postulans dicit: *Memento, quaeso, quod sicut lutum feceris me.* Ac si apertè dicat: Infirmi-
tem carnis considera, & reatum iniquitatis laxa. Ubi aptè quoque mors ejus carnis ad-
jungitur, cum protinus subinfertur: *& in pul-
verem deduces me.* Ac si patenter postulet, di-
cens: *Memento, quaeso, quod per carnem à
terra venio, & per ejus iterum ad terram
tendo.*

b Hæc autem, quæ de exteriori homine di-
ximus, etiam interiori quemadmodum pos-
sint congruere, libet, ut breviter replicando
monstremus. *Memento, quaeso, quod sicut lu-
tum feceris me.* Sicut lutum quippe homo no-
ster interior existit: quia Sancti Spiritus gratia
terrenæ menti infunditur, ut ad intellectum
sui conditoris erigatur; humana namque co-
gitatio,

a Gregor. lib. 10, moral. cap. 16, in cap. 19
Job. *b* Gregor. ibid. cap. 37.

gitatio, quæ peccati sui sterilitate aruit, per vim sancti Spiritûs, quasi irrigata terra, viridescit. Sed sæpè, dum præceptis superni doni virtutibus sine interruptione utimur, ad privatam fiduciam, usque continuz prosperitatis elevamur: unde fit per eumque, ut idem qui sub'evaverat, paremmer spiritus deserat, quatenus ipsum sibi homines omitteret. Quod sanctus vir protinus exprimit, cum subjungit, *Et in pulverem deduces me.*

Quia, cum per subtractionem spiritûs mens aliquantulum in tentatione deseritur, quasi ab humore pristino, terra siccatur; ut infirmitatem suam derelictus sentiat, & sine infusione supernæ gratiæ, quantum homo aruit, agnoscat: qui ante quoque reduci ad pulverem dicitur, quia dimissus sibi, cujuslibet aura tentationis raptatur.

a Hoc ergo (sicut dignum erat) perpendentes homines sancti, pulchra plasmata in gloriam & honorem præparata, hunc ipsum Creatorem, suum plastes; seipsos autem lutum appellaverunt; eleganti confessione, lachrymosâ declamatione: *Et nunc Domine, inquit Isaias: Tu pater noster es Et nos lutum, Et factor noster, Et opera manuum tuarum, omnes nos.* Et ad Hieremiam loquitur idem plastes noster DEUS. *Numquid sicut figulus iste, non potero vobis facere, domus Israël? Ecce sicut lutum in manu figuli, ita vos, in manu mea,*

C 3 domus

a Rupertus lib. 2. cap. 20. in Gen.

domus Israël. Ostenderat enim illi figulum facientem opus suum super rotam; *Et dissipatum est,* inquit, *vas,* quod ipse faciebat è luto manibus suis, conversusque fecit illud, *vas alterum,* sicut placuerat in oculis ejus, ut faceret. Hinc idem qui supra dicit Isaias: *Vae qui contradicit sibi suo, testa defamatis terræ.* Hæc & illa familia sciens ille Jurisperitus cœlestis Paulus ait: O homo tu quis es, qui respondeas DEO? Nunquid potest figmentum dicere ei, qui se finxit? Quare me fecisti sic? Aut nunquid non habet potestatem figulus, facere de eodem luto, aliud quidem vas in honorem, aliud verò in contumeliam?

a Magnum reverentiæ documentum, magnum & congruum taciturnitatis & continentis linguæ instrumentum. DEUS, pater noster est, nos autem lutum. Monet hoc vehementi increpatione Apostolus vas electionis, placitumque æterni figuli opus, monet, inquam, nos, & mittit hac, ut cum Propheta, isto, præiens divinæ potestatis exemplar videamus. Cum enim abjectionem fratrum suorum Israelitarum congenuisset; *Quid ergo,* inquit, *dicemus?* Nunquid iniquitas apud DEUM? absit, nimirum ut hæc diceret, ipse quoque mente humili; in isto Propheta, descenderat in domum figuli, & viderat, quod domus Israël lutum esset, æquè ut omne cœnum gentium; & quia non pro debito, sed pro sola gratia DEUS figulus omnium, sumpsit

Abra-

Abraham, cùm esset lutum Chaldaicum, & ex illo, & ex seminis ejus massa lutea, fecit, quæ voluit vasa mîlîtico dîx, vasa honoris & gratiæ. Quid amplius illi debebat, quàm universo luto generis Adæ? hoc ille sapiens & humilis, & ideo verè sapiens, quia humilis, viderat & humiliter sentiebat; quia non propter figuli inertiam, sed propter incomprehensibilem Justitiam, rebelle lutum in manu ejus dissipatum fuerat. Porro, ut ad spectandam similitudinem figuli revertamur, dicamus nunc, quando figulus ille cognovit figmentum nostrum, suscipiendo pulverem nostrum, tunc ipse faciebat opus è luto manibus suis super rotam adhibitis digitis suis, id est, donis Spiritûs Sancti, ut perfecta jam in plenitudine temporis vasa, thesauros susciperent misericordiæ & honoris, sed autum est infelix lutum blasphemare figuli sui digitos. Quid igitur? Nimirum figulo justissimè digitos suos foris contrahente, & cum tota manu feriente, dissipatum est vas, dissipatione validâ.

a Num quæram igitur, quis fecit me? Tu Domine fecisti me, sine quo factum est nihil, tu factor mei, ego opus tuum. Gratias tibi ago, Domine DEUS meus, per quem vivo ego, & per quem omnia vivunt, quondam fecisti me. Gratias tibi plasmator mei, quia manus tuæ fecerunt me, & plasmaverunt me.

a Novisti figmentum nostrum figulus noster, & omnes quasi lutum in manu tua.

b Nempe figmentum fragilius, quàm vasa, quæ illâ rotatione finguntur.

c Igitur quia sic voluit, & sic sapientia dictavit, unum de quo cæteri propagarentur, formavit hominem de limo terræ. de limo, inquam, terræ. Manifestum est hoc, quia secundum corpus homo terra est. *Terra enim, inquit Dominus, & in terram ibis.*

d Novis, quid secerit, quomodo lapsus sit; quomodo reficiendum sit, quomodo adoptandum sit, quomodo dirandum sit. Ecce facti sumus de limo. Primus homo de terra, terrenus, secundus homo de cælo, cœlestis.

e Nosce tamen te ipsum homo: tuæ animæ dicitur in Canticis Canticorum: *Ni cognoveris te formosa in mulieribus.* Cognosce te anima, quia non de terra, non de luto es, quia insufflavit in te DEUS animam viventem. Attende tibi, ut lex dicit tibi, id est, Animæ tuæ: secularia te & mundana non teneant; terrestria non morentur; ad illum totâ intentione festina, ex cujus inspiratione consistis,

f Cognosce te anima, quia non de terra, non de luto es, quia insufflavit in te DEUS, & fecit

a August. soliloq. cap. 20. *b* August. lib. 5. de civit. cap. 3. *c* Rupertus lib. 2. cap. 21. in Genes. *d* August. in Psalm. 102. *e* Ambros. in Psalm. 118. *f* Ambros. ibid. oct. 10.

& fecit te in animam viventem, Opus magnificum est homo, DEI inspiratione formatum, Disce homo, ubi grandis, ubi pretiosus sis, vilem de terra demonstrat, sed gloriosum virtus facit, fides rarum, imago pretiosum. An quicquam tam pretiosum, quàm imago DEI est?





Peccavi: Quid faciam tibi, O custos hominum! quare me posuisti contrarium tibi?
Job. 7.

VI.

Peccavi: quid faciam tibi, ô custos hominum,
quare me posuisti contrarium
tibi? *Job. 7.*

ET jurat, & merui: pleno scelus ore fatendum est,
Culpa mea est nullo digna patrocinio.

Peccavi, fateor, nec quæ male crimina feci,
Ulla fucari posse colore, puto.

Nec mihi dedecoris metus est, neque cura pudoris,
Publica flagitiis debita pœna meis.

Ecce manus ultro supplex tibi porrigo victas,
Quæ mihi sit, tantùm pœna luenda rogo.

Quid tibi vis faciam? vis trudem pectus in enses,
Aut cladi statuam mœsta trophæa mea.

Vis tua centenis cumulari altaria libis?

Aut pia fumosis thura micare focis?

Aut meus ipse tuas mavis, cruor imbuat aras,
Hostia criminibus substituenda meis?

Ah, foret illa mea vix par quoque victima noxa,
Namque meo est omnis crimine pœna minor.

Non tamen est sanas tantus tibi fervor in iras,
Quas lenire cruor solus & ara queant:

Sæpe tuus parti superata mucro pepercit,
Et conservato nomen ab hoste tulit.

Non finit ingenium tantos tibi surgere motus,
Quantis pro merito culpa pianda foret.

O bone terrigenùm custos, tutelaque mundi,
Publica suspendi tot cui vota salus!

En tua se media clementia monstrat in ira,
Quaque manu gladios hac quoque tendis opem.

*Si pateris (quamvis summo mea causa patroni
 Eloquio, melior nullius esse queat,)
 Pauca tamen pro me. vel pro te; (quod magis, optem)
 Ne tua sors etiam sit mala causa, loquar.
 Non nego, peccavi; communis at hic fuit error:
 Damna ne communis criminis una luam?
 Cùm ruerent alii, malè quo suus impetus illos.
 Impulit, in flammæ Bacche Venusque tuas?
 Dextra suum fulmen, quamvis vibrata, remisit,
 Tensaque pro gladio lenis oliva fuit.
 Cur mihi perpetuo contra adversare duello,
 Ceu gladiator ego, tuque lanista fores?
 Non satis est, culpam fassas tibi tendere palmas,
 Criminibusque iram promeruisse tuam?
 Quid! quod & egregii dederim tibi muneris ansam,
 Materies laudis, dum mea culpa, tua est.
 Nam nisi peccassem, quid tu concedere posses?
 Clementis nomen, non habiturus eras.*

*Peccavi: quid faciam tibi ô custos hominum,
 quare posuisti me contrarium tibi? Job. 7.*

*^a F*amosa lucta & totius ore Ecclesiæ per orbem celebrata, qua homo cum DEO luctatus est.

^b sicut enim sunt quædam arma DEI, in quibus esse dicitur lorica Justitiæ & gladius spiritus, & scutum Fidei? ita etiam sunt arma diaboli. quibus indutus homo peccator. A contrariis igitur intelligamus contraria, & statuamus duos milites armatos; unum militem DEI, alterum

^a Rupert. in Gen. l. 8. c. 6, ^b Orig. in Ps. 32, hom.

alterum militem Diaboli. Et si quidem miles DEI habet lorica[m] iustitiæ, sine dubio miles diaboli contrariam huic gerit iniustitiæ lorica[m]. Et si miles DEI in galea coruscat salutis, è contrario peccator (qui est miles diaboli) galeâ perditionis indutus est. Ita ergo est gladius quidam Spiritûs Sancti in his, qui militant DEO; est autem & gladius maligni in his, qui militant peccato, quem gladium nunc evaginare dicuntur peccatores.

a Quis est gladius peccatoris, nisi contrarius gladio Spiritûs Sancti?

b Quomodo autem putandi sunt peccatores evaginare gladium? dum jam impudenter, & absque ullo verecundiæ velamento iniquitates suas perpetrant, nec erubescunt aut reverentur, nec tanquam in vagina nequitiam suam recondunt & contegunt, sed superbo & elato spiritu, velut gladium quendam denudant.

c Cum agno pugnaverunt, qui Ecclesiam DEI persecuti sunt.

d Hæc pugna cœpta est à principio mundi in Cain & Abel.

Tetendit (impius) adversus DEUM manum suam, & contra omnipotentem roboratus est.

e Sunt namque nonnulli, qui etsi aliquando agere contra Omnipotentis DEI iudicium nituntur, ipsâ impossibilitate explendæ voluntatis suæ fracti, ad semetip[s]os respiciunt; atque ad

C 7

eum,

a Amb. in Psal. 36. *b* Orig. hom. 2. in Ps. 36. *c* Ambros. in 17. Apoc. *d* Hugo Card. in eund. locum Job. 13. *e* Greg. in hunc locum.

cum, quem contemnere voluerant, convertuntur; & qui discedere longe poterant, si quod vellet implere valuissent, per hoc aliquando salvantur, quia quod voluerunt, implere nequeunt; unde ad se reducti, cujus sint conditionis, aspiciunt, & plangunt se contraria veritati voluisse.

a Sic Saulum Ecclesiam prosequentem DEUS de coelo vocavit, prostravit, tanquam percussit.

b Nam qui omnia nostra moderatur, ac dispensat DEUS, nobis per malitiæ viam incendentibus occurrit, offendicula objiciens, quæ nos à peccato remorentur, & abarceant.

c Sed & nonnulli sunt, qui hoc, quod perversè contra DEUM appetunt, justo DEI judicio implere nequius permittuntur, & cum eos malitia accendit, potentia roborat. tanto jam semetipsos in errore cognoscere nequeunt, quanto in rebus affluentibus extra se semper per potentiam trahuntur: de quorum intentione dicitur: *Tetendit adversus DEUM manum suam, contra Omnipotentem roboratus est.*

d (Sed) contra DEUM pugnare non est facile.

e Tu (igitur anima mea) ne existimes tibi impune futurum, quod contra DEUM pugnare tentaveris.

f Job, cujus rei gratiâ, dimicaret, nesciebat; nesciebat, quoniam ei gymnasium palastra erat proposita; sermonem ad judicem vertit, ani-

maque

a Aug. l. 22. contra Faustum c. 70. *b* Basiliius hom. 13. in Ps. 48. *c* Greg. loco jam citat. *d* Eccl. 46. *e* Mach. 1. c. 7. *f* Chrys. hom. 4. de patientia Job.

maque oculum ad alta dirigit, non blasphemans sed orans cum lachrymis: *Ut quid me posuisti contrarium tibi?*

a Tunc autem sibi contrarium DEUS hominem posuit, cum homo DEUM peccando dereliquit. Iustus vero conditor hunc sibi contrarium posuit, quia inimicum ex elatione deputavit.

b Et ecce fatetur (Job) malum, quod fecit, sed bonum quod DEO in recompensationem debeat offerre, non invenit; quia ad abluendam culpam quælibet humana actionis virtus infirma est, nisi hanc misericordia parentis foveat. Cur (ergo) quasi contrarium tibi hominem despicias, qui certus scio, quia perire ipsum, quem æspicere crederis, non vis?

c Peccavi peccatum grande, & multorum sum mihi conscius delictorum; nec sic despero, quoniam, ubi abundaverunt delicta, superabundabit & gratia.

d Miser ego homo? quis me liberabit à calumnia hujus pudendæ servitutis? miser, sed liber, quia similis DEO, miser, quia contrarius DEO. O custos hominum quare me posuisti contrarium tibi? posuisti cum non prohibuisti? Alioquin ipse me posui, & factus sum mihi met gravis. Iustissime quidem ut hostis tuus, sit hostis meus, & qui tibi repugnat, repugnet & mihi; ego qui tibi, mihi ipsi contrarius sum.

VII.

a Greg. in cap. 7. Job. lib. 8. cap. 22. *b* Gregor. in cap. 7. Job. lib. 8. cap. 21. & 22. *c* August. manual. c. 23. *d* Bern. serm. 81. in Cant.



*Cur faciem tuam abscondis, & arbitraris
me inimicum tuum? Job. 13.*

VII.

Cur faciem tuam abscondis , & arbitraris me inimicum tuum.

Job. 13.

ERgo mea tantæ causam tibi præbuit ira
Qui condonandus leniter error erat ?
Credideram torvos tantum te fingere vultus ,
Nec nisi compositis os simulare minis.
Scilicet ut flenti genitrix negat ubera nato ,
Sed negat , ut lachrymis sæpius illa petat.
Aut qualis puero fugiens negat oscula nutrix ,
Oscula , quæ toties , dum fugit ille , dedit.
Sic ego te fictos rebar mihi ducere vultus ,
Utque magis sequer , fingere velle fugam.
At geritur video , dicto res seria bello ,
Falsa , nec , ut rebar larva , sed ira fuit.
Avertisque oculos , dedignarisque videri ,
Pax veluti nunquam concilianda foret.
Et fugis , ut viso fugit eminus hostis ab hoste ,
Aut quem fulmineo dente laceffit Aper.
Sen timeasque oculis visus facessere nostris
Oculis opposita lumina cauta manu.
Quo precor hanc tanto merui pro crimine pœnam ,
Ut velut indignans ora videnda neges ?
An quia peccavi , vultu frustraris amantem ?
Ah ! vultu nunquam qui mihi torvus erat.
Aut mea ne magicas jaculentur lumina flammæ ,
Sibilet aut nostro Regulus ore , times ?
Anteveni tutis Cyceos visibus orbes ,
Vibratamque oculo pelle nocente necem.

Donec

Donec enim verso me dedignabere vultu,

Te, dolor, irato vivere, major erit.

Nullius alterius faciunt mihi lamina bellum.

Luminibus possum Phœbe carere tuis:

Pulchra tuos oculos contemnere Cynthia possum,

Qui pascunt reliquas igne nitente faces.

Attamen absque tuis oculis, mea vita, meum cor,

Vivere, non aliter quam sine corde, quæo.

Cense igitur aliquas quibus obruor anxia cura,

Si tam dura oculis pœna carere tuis?

O quanto! o quanto mihi grandius hoc tormentum est,

quod amen mea lux, me tamen haud redamcs!

*Cur faciem tuam abscondis, & arbitraris
me inimicum tuum? Job. 13!*

QUare faciem tuam avertis, gaudium meum,
er quod gaudeo? ubi es ab conditus, pul-
cher, quem desidero? soporem tuum haurio, vi-
vo & gaudeo; te autem non video; vocem tuam
audio & revivisco; sed *cur faciem tuam abscon-
dis?* forte dicis: *Non videtis me homo & vivet.*
Eja Domine, moriar, ut te videam; videam, ut
hic moriar. Nolo vivere, volo mori; dissolvi
cupio & esse cum CHRISTO; mori desidero,
ut videam CHRISTUM; vivere renuo, ut
vivam cum CHRISTO.

Lumen persapè tuenti,

Numinè aterui, nubes densissima, sese.

Protinus injecit mediam, seque abdidit ingens

Fulgor; & ardentem finit mihi corde dolorem,

Ut

a Aug. soliloq. cap. I. b Nazianz. de virtute h. m.

*Ut mihi jam propius posito se prapete cursu
Eripuit, cœpitque fugam. Cur istud? Amari
An quod me semper cupiat, cupideque requiri?
Namque ita moris habent homines quoque.*

a Si quis enim offenderit servulorum, avertere ab eo vultus solemus. Si apud homines hoc grave dicitur, quanto magis apud DEUM? vides e ^{ip.}, quod faciem suam DEUS à Cain muneribus avertit. Ideo David orat, ut flagelletur potius quam projiciatur à facie DEI. Ideo justus ait: *Vultum tuum Domine requiram* grande ergo supplicium ^{ip}projici à facie DEI. Projectus est Adam de Paradiso; neque immerito, ipse enim ante se absconderat à facie DEI. Exiit & Cain à facie DEI, quia putavit, DEUM esse fallendum, ut crimen negaret. Quomodo projiciat DEUS à facie sua, audi dicentem: *Tollite illum in tenebras exteriores.*

b Igitur quæ Anima semel à DEO didicit in intimis suis DEI præsentia suspirare, & *querere faciem ejus semper*, talis anima, nescio, an vel ipsam gehennam ad tempus experiri horribilius poenaliusve ducat, quam post spiritualis studii hujus gustatam semel suavitatem exire denuo ad illecebras vel potius molestias carnis: audi enim hominem expertum quæ loquitur: *Bonus es, inquit, Domine sperantibus in te, animæ querenti te.* Audi & alium similem huic: *Tibi dixit cor meum; exquisivit te facies mea, faciem tuam, Domine, requiram.* Ab hoc bono,

a Ambr. Apolog. pro David. b Bern. serm. 31. in Cantic.

bono, si quis avertere sanctam illam animam conaretur puto. haud secus accepisset, quam si de Paradiso, & ab ipso introitu gloriae; conspiceret deturbari.

a Est enim (CHRISTUS) fulgor æternus animorum; quem ideo Pater misit in terram, ut ejus illuminati vultu, æterna & cœlestia sperare possimus, qui antè terrenâ caligine tenebamur inclusi.

b Desiste (ergo anima) hominis habere peccata, & videbis faciem meam? qui enim faciem meam videt debet esse sine peccato. Ego Angelus, hoc est. divini minister imperii; obsequere mandatis Domini; cùm fuëris Angelus, videbis faciem Domini; ipse Dominus JESUS ait: *Beati mundo corde, ipsi enim DEUM videbunt*: advertis, quid à te exigatur, ut videas DEUM? Emunda igitur cor tuum.

c (Sed, avertere à nobis DEUM faciem suam putamus, quando sumus in aliquibus afflictionibus constituti.

d Ne timeas, ô Sponsa, ne desperes, ne existimes te contemni, si paulisper tibi subtrahit Sponsus faciem suam. Omnia ista cooperantur tibi in bonum, & de accessu & recessu lacrum acquiris. Tibi venit, tibi & recedit; venit ad consolationem, recedit ad cautelam.

e O bona absconditio quæ efficitur perfectio! Gloria mea, DEUS meus, abscondis thesaurum tuum

a Ambr. in Psal. 43. *b* Ambr. in Psalm. 118. *c* Ambr. in Psalm. 43. *d* Bernard. in scala. *e* B. Anselmi medit. cap. 5.

tuum, ut incires cupidum; recondis margaritam, ut augeas quærentibus amorem; differs dare, ut doceas petere; dissimulas audire petentem, ut facias perseverantem, quod planè indicat illa hebilis. quæ tuum in sepulchro natum CHRISTUM, inter mortuos, quærebat vivum, durantibus adhuc tenebris; quam accenderas, ut quæreret, sed quærenti dispatebas, ut perseveraret: perseveravit sperans, & speravit perseverans; & quia in spe perseveravit, videre te meruit. Beata visio & plena exultatio.

a lacare, obsecro, & miserere mei, & non avertas faciem tuam à me, qui pro me redimendo, non avertisti faciem tuam ab increpantibus & conspuentibus in te.





*Quis dabit capiti meo aquam & oculis meis
fontem lachrymarum! Hierem. 9.*

VIII.

Quis dabit capiti meo aquam, & oculis
meis fontem lachrymarum, & plora-
bo die ac nocte. Hierem. 9.

Quis mihi det, liquidas caput hoc vertatur in
undas,

Totque fluat guttis, quot stetit ante, comis?
Fronte patet campus, quem flebilis imber inundet,
Ripa nec, ut fluctus exspatiantur, obest.

O mea, si subito, duo flumina, lumina fiant!

Sat capiet geminas alveus aptus aquas.
Ille meis totus lachrymis non sufficit imber,
Perpetuo flentis, qui rigat ora senis.

Capta nec Androma, ho, qua lumina proluit unda,
Illa meis lachrymis unda sat esse potest.

Nec tua Jesside, lachrymati balnea lecti,
Balnea nocturnis humida semper aquis.

Nec quibus es solitus jejunia, pascere, gutta,
Nocte, dieque tuus quæ tibi panis erant.

Illa nec illuvies plorabilium lachrymarum

Quam pluit in Domini Magdala mæsta pedes.
Nec (tibi, qui geminis inaraverat humida sulcis,
Lumina) fons mæstæ, Petre perennis aquæ.

Sed tua, Nile, velim septemplete flumina rivo,
Cum vagus Isiacos obruis amnis agros.

Aut qualis madidum cum mergit, Aquarius annum,
Totaque in hybernas astra liquantur aquas.

Aut potius trepidas qualis ruit imber in urbes,
Omnia cum pluvio claustra reclusa Jovi.

Culinaque & turres & acuta cacumina, cautes,
Et nemora, & montes, nil nisi pontus erant.

Hos

Hos oculis voveam gravidis mihi currere nimbos,
 Et caput hoc, totus fiat ut Oceanus.
 Aut saltem ut geminos tabescere lumina rivos,
 Perpetuove meas amne natare genas.
 Nec siccari oculos, nisi cum stupor obstitit illis,
 Finiat ut lacrymas ultima gutta meas.
 Felices nimium, vitreae, gens caerulea, nymphae,
 Membra quibus fluido sunt liquefacta vitro!
 Vosque paludosis mutata fontibus artus,
 Quas vetus est quondam fama professa nurus.
 Cur mihi non liquidis stillant quoque brachia rivis,
 Glaucaque muscosis fluctuat unda comis:
 Illa ego sum, fontem quæ non admittor in ullum,
 Illa ego sum frustra quæ liquor esse velim.
 Outinam! celerem vertar, novus Acis, in amnem,
 Qui, Galatæa, tuo flumen amore fuit.
 Aut aliquod, fieri jubeat me Biblida, Numen,
 Quod fieri jussit Biblida, 'fontis aquam!
 Aut, Acheloe, tua liceat mihi ludere forma,
 Hercule decepto, cum leve flumen eras!
 Non ego tunc, Acheloe, precaria corpora ponam;
 Taurus, ut exuto fluminis ore, puter.
 Et licet obscuri fuerim nisi nominis amnis,
 Non ego me nomen vile fuisse, querar.
 Jugis aqua largus tantum mihi suppetat imber,
 Cætera securum nomen honoris erit.
 Tum mea inexhaustos deducunt lumina rivos,
 Pindus ut æstiva de nive, volvit aquas.
 Perq; fluent lacrymæ, veluti vaga flumina vultum,
 Flumina luce fluent, flumina nocte fluent.
 Nec nisi flere meis oculis erit ulla voluptas,
 Donec erunt lacrymis crimina mersa meis.

Quis

*Quis dabit capiti meo aquam, & oculis meis
fontem lachrymarum, & plorabo die
ac nocte? Hierem. 9.*

SI totus vertar in fletum, & nequaquam gut-
tæ sint lachrymarum, sed abundantia flu-
minis, non satis dignè flevero.

*b Quis dabit capiti meo aquam, & oculis meis
fontem lachrymarum?* ut præveniam fletibus fle-
tum & stridorem dentium, & manuum pedum-
que dura vincula; & pondus catenarum premen-
tium, stringentium, urentium, nec consumen-
tium. Heu me mater mea, ut quid me genuisti
filium doloris, filium amaritudinis, indignatio-
nis & plorationis æternæ!

c Nescit flere, qui flenda committit; & cùm
sit ipse lachrymabilis, non habet culpæ lachry-
mas suæ.

d Axa suspirans à patre terram irriguam pe-
tit, quia à creatore nostro cum magno desiderio
quærenda est lachrymarum gratia. Hinc irri-
guum superius accipit anima cùm sese in la-
chrymis cœlestis Regni desiderio, affligit: irri-
guum verò inferius accipit, cùm inferni suppli-
cia flendo, pertimescit.

e Tu quidem Rex gloriæ, & omnium virtu-
tum magister, docuisti nos verbo & exemplo

D *gemere*

*a Hieron. in c. 9. Hierem. b Bern. serm. 16. in
Cant. c. Ambr. in ps. 118. d Greg. lib. 3. dial. cap.
34. & lib. 6. registri. e Aug. med. cap. 36.*

gemere ac flere, dicens: *Beati qui lugent, quoniam ipsi consolabuntur.* Tu flexisti defunctum amicum. & lachrymatus es valde super perituram civitatem. Rogo te, bone J E S U, per illas pretiosissimas lachrymas tuas. & per omnes miserationes tuas, da mihi gratiam lachrymarum, quam multum desiderat & appetit anima mea, quia sine dono tuo, non possum habere eam: sed per spiritum sanctum tuum, qui dura corda peccatorum mollit, & ad fletum compungit; da mihi gratiam lachrymarum, sicut dedisti Patribus nostris, quorum vestigia debeo imitari, ut plangam me in omni vita mea, sicut ipsi se pllexerunt nocte ac die. Da mihi irriguum superius & irriguum inferius, ut sint mihi lachrymæ panes die ac nocte. Da mihi, dulcissime fontem irriguum fontemque peripicuum, in quo lavetur assidue istud iniquitatum holocaustum. Da mihi gratiam lachrymarum benedicte & amabilis D E U S, præcipue ex multa dulcedine amoris tui & commemoratione misericordiarum tuarum. Tribue pro bonitate & pietate tua, ut iste calix tuus inebrians & præclarus satiet sitim meam.

a Lachrymæ siquidem sunt peccati diluvium & mundi piamentum.

b Et sicut torrens, diversa obstacula diruit, sic lachryma ferventis desiderii, omnia peccata diluit, omnia tormenta contemnit, & cursum suum ad DEUM peragit, usque dum perveniat ad aspectum DEI, Ecclesiastici c. 35.

a Nonne

a Nazianz. orat. 3. *b* Hugo Card. in c. 9. Hier.

a Nonne lachrymæ viduæ ad maxillam descendunt, à maxilla enim ascendunt, usque ad cælum.

b Percute, Domine, percutere, obsecro, hanc durissimam mentem meam, piâ & validâ cuspide dilectionis tuæ, & altius ad intima penetranti virtute; & sic de capite meo educ aquam immensam & de oculis meis verum fontem lachrymarum jugiter manantem ex nimio affectu, desiderio visionis pulchritudinis tuæ: ut luceam die ac nocte, nullam in præsentī vita recipiens consolationem.

c Da mihi, quæso, lachrymas ex toto affectu internas, quæ peccatorum meorum possint solvere vincula, & cœlesti jucunditate semper repleant animam meam. Venit mihi in mentem alterius mulieris devotio mira, quæ in sepulchro jacentem, piæ amore quærebat, quæ recedentibus discipulis de sepulchro non recedebat, quia sedebat ibi tristis ac mœrens. Si ergo ita fleuit, & in fletu perseveravit mulier, quæ viventem cum mortuis quærebat. quæ te manu fidei tangebatur; quomodo me plangere & in planctu perficere debet anima, quæ te redemptorem suum jam cœlo præsentem, & ubique regnantem corde credit. ore confitetur? Quomodo ergo gemere & flere debet talis anima, quæ te toto corde diligit, teque toto desiderio videre concupiscit?

D. 2 X.

a Vers. 16. *Vers.* 17. *b* Aug. med. cap. 37.

Aug. med. cap. 36.



*Dolores inferni circumdederunt me, præ-
occupaverunt me laquei mortis. Psalm. 17.*

IX.

Dolores inferni circumdederunt me, præ-
occupaverunt me laquei mortis.

Psalm. 17.

ERgo iterum Actæon aliquis nova fabula fiet,
Infelix canibus præda voranda suis?
En, mihi mens nemorum studiis juvenilibus arsit,
Et perit in studiis mens prope capta suis.
Mens fuit, ancipites venatu pellere curas,
Non tamen in sylvis, pulchra Diana, tuis.
Sylva mihi rabidis non est latrata molossis,
Iustra nec infesta sollicitata cane.
Nec juga Taygeti neque Mœnala territa cornu,
Nec fulvus volucris cuspide stratus aper,
Nec mea Partheniis circumdata retia sylvis,
Nec meditata feris callida lina dolos.
Nunquam ego vel pedicas, venabula, tela, vel arcus,
Ullave Spartana Virginis arma tuli.
O utinam mens ista mihi, Dictynna, fuisset!
Non ego nunc præda cingever arte mea.
Heu quibus imprudens studii mihi torpuit atas!
Quin potius, nemorum crura notata rubis?
Cur quæsitæ tuis mihi præmia, Bache, trapetis?
Aut agitata tuis præda, Cupido, jugis?
Non tantum pharetram neque tantum tela Cupido,
Cauta sed, ut fallas, fila plagasque geris.
Pampineos tantum neque concutis Evie thyrsos,
Sunt quoque, queis capias ebria crura, doli.
Dum surgit Dalila Sampson malè tonsus ab ulnis,
Vincta Philisthao brachia fune tulit.

Cùm jacet ignoto Nœ, superatus Jaccho,
 Compede succiduos stringis Jacche pedes.
 Idalis, ecce, suis jam me quoque cassibus ambit.
 Qua toties votis præda petita meis.
 Hei mihi, quot circum pedicarium indagine cingor?
 Seu fera venantum præpete septa glebe.
 Scilicet illa sui spectri feralis imago,
 Antonio: celsi vertice visa jugi?
 Cùm patuere, oculi collecta sub unius ictum
 Omnia, que mundo didita regna jacent.
 Omnia, cœu parva tellusque polusque tabella,
 Pictaque stant minimo corpora tota vitro.
 Omniaque hæc ingens obsepserat undique rete,
 Multaque furtivis stamina sparsa viis.
 Quisque suas fraudes, sensit sua vincula quisque,
 Hic caput, ille peder vinctus, & ille manus.
 Sic sua deceptum laquearat quemque voluptas,
 Ut visco stolidæ decipiuntur aves.
 Ah! sua nexilibus tendit mors undique tramis
 Retia, arachnæo callidiora dolo.
 Utque sedet nigro venator araneus antro,
 Insidians pennis, stridula musca, tuis.
 Sensit ubi mota, trepidare, cubilia, tela,
 Emicat, & trepidam raptat in antra feram:
 Aut qualis viridi latet arbore callidus auceps.
 Pennipedi meditans vincla dolosa gregi.
 Linigeros abdit vicinæ gramine vallos,
 Spargit & in nitido plurima grana solo.
 Et circum inclusas secreta cratæ volucres,
 Quæque canans vinctæ compede, ponit aves.
 Hæ, saltu & cantu, levis ille foramine buxi,
 Hæ focias, prædam decipit ille suam.

Venan-

*Venantum haud aliter scelerum comitata corona
 Implicat insidiis mors sua quemque suis.
 Quique super laqueos nixus dare corpora saltu,
 Heu miser, in stygias præcipitatur aquas!*

*Dolores inferni circumdederunt me, præ-
 occupaverunt me laquei mortis.*

Psalm 17.

ECCe Domine DEUS meus, mundus totus
 plenus est concupiscentiarum laqueis,
 quos paraverunt pedibus meis, & quis effugiet
 hos laqueos?

*b Venatione ceperunt me quasi avem inimici mei
 gratis.*

c Avis enim, quæ descendit ex alto, vel quæ
 in altum se extollere non potest, frequenter aut
 laqueis capitur, aut visco fallitur aut quibuscun-
 que irretitur insidiis: sic quoque & anima
 nostra. Laqueus in auro, viscus in argento,
 nexus, in prædio clavus est in amore. Dum
 aurum petimus, strangulamur; dum argentum
 quarimus, in visco ejus hæremus; dum præ-
 dium invadimus, alligamur. Quin etiam mu-
 lieris decus, dum tentat, astringit.

d Sed qui sunt venatores isti? venatores utique
 pessimi & nequissimi, callidissimi & crudelissi-
 mi. Venatores qui cornu non sonant, ut au-
 diantur, sed agitant in occultis immaculatum.
 Ipsi Rectores sunt tenebrarum harum, astutissi-

D 4. mi

*a Aug. soliloq. c. 12. b Hierem. Thren. 3. c
 Ambr. de bono mortis c. 5. d Bern. serm. 3. super
 Qui habitat in adjutorio.*

mi versutiâ & malitiâ diabolicæ fraudis; ita ut, sicut est ante venatorum bestia; sic ad corū comparisonem sit quilibet astutissimus hominum.

a O anima fragilis ad resistendum, facilis ad cadendum, difficilis ad surgendum! qualiter istius adversarii laqueos evadere poteris, quem tantis subtilitatibus præditum agnoscis?

b Intellige, quia in medio laqueorum ambulat & subtus machinas transeat imminentes. Omnia retibus plena sunt; Diabolus laqueo cuncta complevit.

c Ecce tetendit ante pedes nostros laqueos infinito & omnes vias nostras variis implevit decipulis ad capiendas animas nostras & quis effugiet? laqueos posuit in divitiis, laqueos posuit in paupertate laqueos tetendit in cibo, in potu, in voluptate, in somno, & in vigilia laqueos posuit in verbo & opere, & in omni via nostra.

d *Abscouda est in terra pedica ejus, & decipula illius super semitam.* In terra pedica absconditur cum culpa sub terrenis commodis occulta-
tur; inimicus quippe insidians ostendit humanæ menti in terreno lucro quid appetat, & occultat peccati laqueum; ut ejus animam stringat, quatenus videat quid est quod concupiscere valeat, & tamen nequaquam videat, in quo culpæ laqueo pedem ponat. Et tunc ab antiquo hoste super semitam decipula ponitur, quando in actione hujus mundi, quam mens appetit, peccati
laqueus

a Bonavent. cap. 1. soliloq. *b* Orig. hom. 2. in Cantic. *c* Aug. soliloq. c. 16. *d* Greg. lib. 14, mor. c. 6. in c. 18. Job.

laqueus paratur; quæ videlicet non faciliè deciperet si videri potuisset; sic quippe decipula ponitur ut dum esca ostenditur, nequaquam ipsa à transeunte videatur. Sæpè ergo proponuntur animo cum culpa honores, divitiæ, salus, & vita temporalis quæ mens infirma, dum quasi escam videt, & decipulam non videt, per escam quam videns appetit, in culpa constringitur, quæ non videtur.

a Et quemadmodum perversi quidam & subdoli homines quorum studium est & propositum ex aliorum bonis ditescere (eam tamen potentiam non habent, ut apertâ violentiâ utantur) vias insidiosè obsidere solent; & si locum aliquem circa illas aut convallibus profundis interreptum, aut dumorum densitate obscurum viderint, in illum sese abdunt; & huiusmodi velamento viatorum circumquaque conspectum, ne prævideantur, amoliti, ex inopino illos adoriuntur; ne quisquam eorum laqueos periculosos videre priusqueat, quàm in illos incidat: ita & Satanas insensu nobis, & antiquus hostis, mundanarum oblectationum umbris sese insinuans (quæ periculosæ circa viam huius viam, latronem oculere solent, & latibula præbere insidiator:) inde improvisos nobis perditionis laqueos substernit. Oportet itaque nos animi oculos perpetuò vigiles circumquaque diducere, & quidquid jucundum apparet, mox suspectum habere, & prætercurrere; nec aliquam illi cogitationem applicare, etiamsi

au-

a Basil. de non adhærendo rebus secularibus.

aurum copiosè propositum videatur, & idoneum, quod à volentibus tollatur, etiam si quas-
cunque delicias terra proferat. & pretiosa taber-
nacula ostendat: etiam si choreas, comestationes,
ebrietates & mensas concentuum modulatione
jucundas videamus; etiam si offeratur venustas
corporum. ubi his namque omnibus ita jucun-
dis, latebras habet communis noster hostis, ex-
spectans num per objectorum spectacula illecti,
relieta Regia via, ad ipsius aliquando invidias
ipsi ultro declinemus. Et plurimum sanè timen-
dum est ne quo pacto illis incautè accurrentes;
& oblectationem illam, quam usurpantibus of-
ferunt, nihil habere periculi putantes, primo
statim gustu, dolosè abditum hamum voremus,
atque illo postea (nolimus, velimus) ligati, ad
terribiles latronis latebras *Mortem*, scilicet, per
hujusmodi illecebras imprudenter trahamur.

a Artolie (ô homo) animam tuam, ne eam il-
liciat esca laqueorum. Voluptates sæculi, escæ
quædam sunt, & (quod pejus est) escæ malo-
rum, escæ tentationum. Dum voluptatem quæ-
ris, laqueos incurris. Oculus ergo meretricis
laqueus amatoris est; oculus enim meretricis,
est laqueus. Laqueus est etiam sermo meretricis
qui obdulcat ad tempus fauces tuas, & postea
exasperat eas amaritudine conscientie peccari-
cis. Laqueus est aliena possessio plena amœni-
tatis. Omne iter istius vitæ plenum laqueorum
est. Unde justus dicit: *In via hac, qua ambula-
bam, absconderunt laqueos mihi.*

a Quo-

a Ambr. lib. de bono mortis cap. 6.

LIBER PRIMUS. 71

a Quoties inimicus cordi nostro conatur inferere. quò non reflectat à sanctitatis proposito & piis votis? Quoties corporeos inflamat ardores? Quoties occurrere facit oculos meretricios, quibus castum sustentet affectum, ut improposito amoris spiculo feriat imparatum? Quoties inserit animo tuo verbum iniquum, & cogitationes cordis absconditas. His anima, quæ cupit evolare, deponitur. Sed tu obluere quasi bonus miles CHRISTI JESU.

b Et quid de extraneis laqueis loquar? hostis nobis laquei sunt cavendi in hoc ipso corpore nostro, laquei circumfusi nobis sunt, quos debemus vitare.

c Honorum gratia, sublimitas potestatum, epularum suavitas, forma meretricis, laqueus est Diaboli.

d Ergo non laqueis nos credamus, & retibus iis, quæ decipiunt & illudunt; non sequamur illecebrosa & seductoria.

e Sed tantum valet animi præsumptio, ut & coram ipsis muscipula sit, & incidant in eam; obscurentur oculi eorum, ne videant.

f Sed tu Domine libera nos de laqueo venantium, & à verbo aspero, ut confiteamur tibi, dicentes: *Benedictus Dominus, qui non dedit nos in captionem dentibus eorum: Anima nostra sicut passer erepta est de laqueo venantium, laqueus contritus est, & nos liberati sumus.*

X.

a Idem. *b* Ibidem. *c* Ambr. lib. 4. in cap. 4. Luca. *d* Ambr. de bono mortis cap. 9. *e* August. in Psalm 68. *f* Aug. soliloq. cap. 16.



*Non intres in iudicium cum servo tuo, quia
non justificabitur in conspectu tuo omnis vi-
vens! Psal. 142.*

X.

Non intres in iudicium cum servo tuo,
quia non justificabitur, in conspectu
tuo omnis vivens! *Psal. 142.*

Quod Domino decus est in ius arcessere servum,
Palmaque quæ servi, jure vadantis Herum?
Et servilis hero vertit victoria probro,
Et reus offensa servus herilis abit.
Credere mihi, pudor est, mecum tibi texere rixas,
Jurgia nec tecum convenit esse mihi.
Non ego sum, tantæ cui sit fiducia pugna,
Non ego materies litibus apta tuis.
Nempe tui scribi vis bella forensia fastis,
Aut mea, fortè, tuam vincere, causa potest.
Cujus erit felix adeò facundia lingua,
Quæ sperare sibi tanta trophæa queat?
Juridici nulla est ità vox exercita rixis,
Quo tua debilior causa, loquente, cadat.
Hæc nimis austeram dispensas cognitor urnam,
Nec tuus inflecti se rigor ille sinit;
Sat tua nota, quidem gemino clementia mundo,
Blandaque & in pœnas est tibi lenta manus.
Mœstaque cum statuis, tristi tibi mœror in ore est.
Tamque rei damno, quàm reus ipse, doles.
Parque tibi dolor est de crimine sumere pœnam,
Ac sua de plexo crimine pœna reo est.
Nec sibi decretam velit ullus demere mulctam,
Arbiter ut proprii criminis ipse feret.
At licet ingenuas habeant hæc carmina laudes,
Judicii cuiquam puncta subire tui:

E

Nam

Nam quamvis miseris bonus es, veniaque paratus,
Attamen insontes jure severus agis.

Et tibi jam justa pendet lanx utraque libra,
Par sit ut ex aequo gratia, parque rigor.

Nec sinis affectus, captivaeque pectora duci,
Nec subigunt animum lenia verba tuum.

Nec si caudidæ vox incantaverit aures,
Facunda minimum diluat arte nefas.

Perdidit hic cassas facundia, suadaque vires,
Et silet hoc omnis gratia multa loco.

Nec prece, nec pretio, nec fraude, nec arte, nec astu
Prostitit hoc unquam vendita causa foro.

Quis secet intrepidus tam duro iudice lites,
Aut tantum impavidus pareat ante DEUM?

Non ego si savi vocer inter ovilia Martis,
Dura tui metuam septa Gradive, fori.

Nec trepidem (licet ipsa decem citet hasta virorum)
Ne mea, censeo iudice, causa labet.

Nec tua, (causarum s. opulos) infamia, Cassi,
Pulpita, si jubet Praetor, iniqua querar.

Nec Rhodamantea verear sui sellia iuxta,
Scamnaque Dictæ lisigiosa senis.

Nec, quibus inclusæ tenet arbuæ Eacus umbras,
Infernis dubitem jura subire plagis.

Quidlibet in caput hoc dicet suffragia iudex,
Et ferat immites qualibet urna notas:

Causarum mihi tot lingua est in fata trophæis,
Se putet ut nullo cedere posse foro.

Unius at timuit solummodo iudicis urnam,
Iudicis & testis qui vice solus agit.

Qui semel ut sevâ sententia lata tabella est,
Nec prece, nec lachrymis, triste retractat opus.

O durum! ô fatale rē, miserieque tribunal,
 Quo Iudex rigido tam gravis ore sedet!
 Dicitur attonitis & terrena luce supinis,
 Hunc oculis Agathon extimuisse diem.
 Utque sibi noxæ Paulus non conscius esset,
 Hoc tamen est veritus iudice stare nocens.
 Quique sui Salomon doctissimus audit ævi,
 Mens pura est, quemquam dicere posse, negat.
 Quin sacer hac etiam trepidus formidine Psaltes
 Iudice te, tutus quis reus, inquit, erit?
 Quique tot adversos tulit æquo pectore casus,
 Vix fore clare satis sidera; Jobus ait.
 Si trepidant igitur, tanto censore columnæ,
 Quo stabunt tabula, ligna caduca pede?
 Sique tremunt pavida nutante cacumine cedri,
 Qua spe parva suam sylva tenebit humum?
 Frigidus, heu! refugit toto de corpore sanguis,
 Aspectus quoties hac subit urna meos.
 Non secus ac visa cū victima forte securi,
 Decepto refugit verberare tūsa caput.
 Parce, precor, neque ius mihi dic hac cognitor urna
 Sancta Themis causa qua cadat ipsa sua.
 Non intres in iudicium cum servo tuo, quia
 non justificabitur in conspectu tuo om-
 nis vivens! Psal. 142.

Non litigemus; nolo tecum habere cau-
 sam, ut ego proponam justitiam meam,
 tu convincas iniquitatem meam. Indignum est
 E 2 tibi

a August. in Psalm. 142.

tibi, cum servo tuo intrare in iudicium, nec quidem cum amico tuo. Noli ergo intrare mecum in iudicium Domine DEUS meus. Quantum libet rectus mihi videar, producis tu de thesauro tuo regulam; coaptas me ad eam, & pravus invenior; *ne intres in iudicium cum servo tuo*: misericordiâ indigeo, fugitivus redeo, pacem quaro.

a Dignum ducis, super huiusmodi aperire oculos tuos, & adducere eum tecum in iudicium?

b Vocat te: in iudicium venies. Quid responsurus es ei qui nisi iterum tibi donet, peristi? ideo S. David iudicium refugit, misericordiam poscit, dicens: *& ne intres in iudicium cum servo tuo.*

c Quid enim tam pavendum, quid tam plenum anxietatis & vehementissimæ sollicitudinis excogitari potest, quàm iudicandum astare illi tam terrifico tribunali, & incertam adhuc expectare sub tam districto Iudice sententiam. Horrendum est, ait Apostolus, incidere in manus DEI viventis.

d Ipse est autem testis & Iudex, Iudex & testis, quem nulla conscientia peccatrix effugere potest. Omnia enim nuda & aperta sunt oculis eius.

e Et sicut illi, qui è carceribus educuntur, unà cum ipsis catenis ad iudicium protrahuntur, sic omnes animæ, cum hinc emigraverint, variis

a Job. 14. *b* Ambr. in Psal. 36. *c* Bern. serm. 8. super Beati qui habitant. *d* Ambr. in orationibus Chrys. in cap. 4. Matth. hom. 14.

variis peccatorum catenis implicitæ ad terribile illud ducentur tribunal.

a (Et ecce ego) jam jam præsentabor ante districtum judicem de operibus meis rationem redditurus. Væ mihi misero, cum venerit dies illa judicii, & aperri fuerint libri, in quibus omnes mei actus & cogitationes Domino præsentandæ reci abuntur. Tunc dimisso capite præ confusione malæ conscientiæ in judicio, coram Domino stabo trepidus & anxius, utpote commemorans scelera commissæ meorum. Tunc anima inveniens oculos clausos & os, aliosque corporis sensus, per quos solemus egredi & delectari in his exterioribus, revertetur ad se, & cadet sub se: & quia amore mundi & carnis voluptate DEI amorem dereliquerat, derelinquetur à DEO misera in hora tantæ necessitatis, atque dæmonibus tradetur in inferno crucianda. (Anima mea) ingenti horrore concutitur, & multiplicibus cogitationum æstibus agitur, cum urgente solutione carnis, & subductis è medio omnibus, se & illum terminum considerat cui appropinquat; & post paululum hoc invenit quod in perpetuum mutari non poterit.

b Neque enim tunc immeritò cujuslibet anima terretur; quando post pusillum hoc invenit, quod in æternum mutare non possit. Consideramus quippe, quòd viam vitæ præsentis nequaquam sine culpa transire potuimus. Consideramus etiam, quia nec hoc quidem, sine

E 3

ali-

aliquo reatu nostro est, quod laudabiliter gessimus, si remotâ pietate judicemur. Quis enim nostrum vitam præcedentium Patrum valeat vel superare vel assequi. Et tamen David dicit, *Ne intres in iudicium cum servo tuo: quia non justificabitur in conspectu tuo omnis vivens.* Paulus cum diceret, *Nihil mihi conscius sum,* cautè subjunxit: *Sed non in hoc justificatus sum.* Joannes dicit: *Si dixerimus, quia peccatum non habemus, ipsi nos seducimus, & veritas in nobis non est.* Jacobus ait: *In multis offendimus omnes.* Quid ergo facient tabulæ, si tremunt columnæ: aut quomodo virgulta immobilia stabunt, si hujus pavoris turbine etiam cedri quatiantur? Solutioni ergo carnis appropinquans nonnunquam terrore vindictæ etiam iustianima turbatur.

a Quantalibet enim iustitia polleant, nequaquam sibi ad innocentiam vel electi sufficiunt, si in iudicio districtè requirantur: sed hoc tunc ad solatium suæ ereptionis inveniunt, quod nequaquam se posse sufficere humiliter sciunt. Sub humilitatis ergo tegmine, à gladio se tantæ animadversionis abscondunt, & quo terrorem venturi iudicis præstolantes continuo timore trepidant, eo indefinenter agitur, ut paratiores fiant.

b Noli, quæso, piissime Domine, scribere adversum me amaritudines meas, ut *intres in iudicium cum servo tuo, sed secundum multitudinem miserationum tuarum dele iniquitatem meam.*

Vx

a Greg. cap. 23. in cap. 7. Job. *b* August. med. 39.

Væ mihi misero, cum venerit dies iudicii. & aperti fuerint libri conscientiarum, cum dicetur de me: *ecce homo & operum eius*, quid faciam tunc, Domine DEUS meus cum coeli revelabunt iniquitatem meam, & adversum me terra consurgat? Ecce nihil respondere potero, sed demisso capite præ confusione, coram te stabo trepidus, & confusus. Heu me miserum, quid dicam! clamabo ad te Domine DEUS meus, *Quare jaceas consumor?* Plange anima mea, sicut vidua super virum pubertatis sue. ulula misera & plora quoniam dimisit te sponsus tuus? Miserere, ne desperem, sed te spirando respirem; & si ego commisi, unde me damnare potes. tu non amisti, unde salutare soles, ne memineris dulcissime JESU, tuæ iustitiæ adversus peccatorem tuum, sed esto memor benignitatis tuæ adversus creaturam tuam ne memineris iræ adversus reum, sed memor esto miserationis tuæ adversus miserum, obliviscere superbum provocantem, & respice miserum invocantem. Quid enim est JESUS nisi Salvator?





*Non me demergat tempestas aquæ, neque
absorbeat me profundum! Psalm. 68.*

XI.

Non me demergat tempestas aquæ, neque
absorbeat me profundum. Psal. 68.

O Nimis instabilis dubii inconstantia Ponti,
Qui tot pellicibus carbasa fallis aquis!
Nempe fluit vitreis refluisque argentiens undis,
Mentiturque tuus dura metalla liquor.
Nonnunquam placidus, tacita stas more paludis,
Nec magis ulla lacu stagna modesta jacent.
Sæpè tibi horrificat vix summum fluctibus aquor,
Cum levis exiguo stringitur unda Noto.
Mobilibusque salit circumcava ligna choreis,
Subsiliuntque levi vela petulta rate.
Quin sinis æratis findi freta mollia rostris,
Utque tibi canas tonsa flagellat aquas:
Nunc, velut è duro rigeant tibi terga metallo.
Tot tereris remis, terra quot ipsa rotis.
Et tua, ne qua parte, fides suscipienda laboret,
Marmora perspicuo pandis aperta sinu:
Ceu crystallineo nequeat frans esse profundo,
Aut lateat vitreo nullus in amne dolus.
Ecce ubi discinctam jam non tenet anchora puppim,
Auraque remigio prona secundat iter.
Quàm citò deserto discessit littore pinus,
Et jam nulla domus, nulla videtur humus.
Improvisa ratem medio circum aquora cingunt,
Hippotada laxis agmina missa cavis.
Non secus, ac sava servus damnatus arena
Opprimitur Libycis præda voranda feris.

Aut nemorum latebris deprensus fortè viator,
 Prædonum subito cingitur orbe latus.
 Tum surgit tumidis prasæquum fluctibus æquor,
 Venturoque tremat discolor unda metu:
 Mox ubi decertant simul Africus & simul Eurus,
 Et Notus & Boreas incubuere salo,
 Finditur abruptus varia in divortia pontus,
 Distrahit ut fluctus quæque procella suos.
 Et patet horrendo præceps Neptunus hiatu,
 Mersurus pelago circumeunte ratem.
 Heu! gemit hic tumido pendens trabs anxia fluctu,
 Et perit, undecima si prior unda venit.
 Aut hæc, aut similis salis est fallacis imago,
 Tam cito de placido sæva sit unda mari.
 Sed mihi, mentito simulata est fabula ponto,
 Non ego de vestris, Tethy querebar aquis.
 Nec mihi, de rapidis, qui torquent æquora, ventis.
 Nec mihi de regnis, Æole verba tuis.
 Nec mihi, de levibus, temerarie Typhi, carinis
 Ire quibus liquidum primus es ausus iter.
 A patrio nunquam solvit mea littora puppis,
 Nec vidi virides, Numina falsa, Deos.
 Nec ventos didici, neque ventis vela tetendi,
 Qui facit hanc artem, quam facit, arte luat.
 Quem cecini pontus, mea vita, simillima ponto est,
 Quæque tulit puppis, illa ego, puppis eram.
 Æolida magno flantes circum agmine fratres,
 Sunt animi motus, gens violenta mei.
 His ventis, hac nave, per hæc ego carula currens,
 Tot sensi humanis rebus inesse vices.
 O fallax nimium mendaci vita sereno,
 Quæ nigra de latis tam cito regna facis?
 Nulla

*Nulla desst Venerum tibi copia, nulla leporum,
Omnia blanditiis, latitiisque fluunt.*

*Dum furit intus amor ventisque agitata libido,
Triste nihil, fraudem fraude tegente, patet.*

*Ast modò, cum stygio vitiorum erumpere fluctu,
Hisque animum ventis asseruisse lubet.*

*Tunc videt, heu! quanto fuerit mens hausta pro-
fundo,*

*Quoque gemit, scelerum quàm grave sentis
onus.*

*Atque utinam! ut, liquidis Pelagi qui mergitur
undis,*

Exerit Oceano terque quaterque caput.

Sic imò scelerum mersus semel aquore mentem,

Submersas Superis tendet ab amne manus!

Sed velut in tetrum lapsus telluris hiatum,

Quem simul & putei tracta ruina tegit.

Aut gelidas fracto subiit qui marmore crustas,

Nequicquam obstructo flumine tentat iter:

Non aliter, prono scelerum qui vertice raptus

Vix tulit à superis, unus & alter, opem.

Aspicias, ut certem pugnantibus, una, duobus?

Bella movente Noto, bella movente salo?

*Aspicias, ut caput hoc prope mergat & Auster &
unda,*

Jamque necaturas ducere cogar aquas?

Aspicias hanc animam gemino succumbere fato?

Nec tua sunt velis astra secunda meis?

Aspice, nec rabido ludantem desere ponto,

Naufraga nec medio lina relinque freto.

Tende manum potius misera, Palinure natanti,

Et mento digitos subde vocate tuos.

Non me demergat tempestas aquæ, neque absorbeat me profundum. Psal. 68.

a *Q*Uam diu miser ja labor in fluctibus mortalitatis meæ, clamans ad te Domine, & non audies? Audi clamantem Domine, *de hoc mari magno*. & adduc me ad portum felicitatis æternæ. Felices qui de periculo *maris hujus* educti, ad te, *DEUM. portum tutissimum*, pervenire meruerunt! ô verè felices, qui de *pelago* ad *litus*, de exilio ad patriam, de carcere ad palatium, pervenerunt, optatâ jam quiete beati! Infelices heu nos miseri, qui per *maris hujus magni fluctus procellosasque voragines navim trahimus*. ignorantes, an ad portum salutis pervenire valeamus!

b Pater mise icordiarum, audi ejulatum pupilli tui, & porrige manum tuam optimam adjutricem ut retrahat me *de profundis aquarum, & de lacu miseria & de luto facis*, ne peream vidente mise icordiâ oculorum tuorum. sed evadam ad te. Dominum *DEUM* meum.

c *Pelagus* enim lon è latèque protensum *hac vita*; & quemadmodum in mari universo sinus diversi, aliis arque aliis tempestatibus commoventur præcipue velut a gaum ventis exasperatur; Ihyrrenum verò fretum propter angustias; Charybdis autem quæ est Libyen versus, propter stagna pyrtes & brevia Pontus magnitudine

a *Aug. soliloq. c. 35.* **b** *Aug. soliloq. c. 37.* **c** *Chrysoft. hom. 82. in Matth.*

gnitudine fluctuum atque impetu; Hispanicus Oceanus, quia inuius carentiâ portuum, & locorum ignorantia intricatus, difficilis navigantibus est, similiter alia pelagi pars, aliis de causis; sic & in vita nostra fieri videmus.

a Navium quoque nomine *vita hominum transitoria* designatur: quemadmodum & in Job: *Dies mei, inquit, transierunt sicut naves, poma portantes.*

a Et huc, illucque *mentis nostræ navis* impellitur, quia & Paradisi celsitudinem meminimus, & importunos *tentationum fluctus* ex carne toleramus.

c Quod autem mare abruptius quàm sæculum? tam infidum, tam mobile, tam profundum, tam immundorum spirituum flatibus procellosum?

d Quod à diversis peccatis & variis tentationibus, velut quibuldam fluctibus æstuat, de quo scriptum legimus: *Hoc mare magnum & spatiosum.*

e Nolite credere, nolite esse securi; licet in modum stagni fuscum æquor arrideat; licet vix summa jacentis elementi spiritu terga crispentur; magno hic campus montes habet. Intus inclusum est periculum intus est hostis. In illo æstu, charybdis luxuriæ salutem rotat. Ibi ore virgineo ad perpetranda naufragia scylla seu renidens libido blanditur. Hic barbarum littus,

E 7

hic

a Rupert. l. 5. inc. 8 Apoc. *b* Greg. l. 9. mor. c. 24. inc. 9. lib. *c* Ambr. pref. in 4. l. super Evang. Luc. *d* Chrys. hom. 33. *e* Hieron. Epist. 1. ad Heliod.

hic Diabolus pirata, cum sociis portat vincula capiendi.

a In hoc magno sæculi hujus diluvio, ubi circumstantibus procellis non invenitur fida statio, & locus eminentior, ubi spes columbæ saliquatenus valeat requiescere.

b Magnam faciunt tempestatem multitudines cupiditatum, quæ velut in quodam freto corporis navigantem hinc atque inde perturbat, ut gubernator sui esse animus non possit.

c Mens quippe humana, quot tentationes patitur, tot flatibus movetur. Hanc enim plerumque ita perturbat; cum recidit ira, succedit inepta lætitia; luxuriæ stimulis urgetur; æstu avaritiæ longè latèque ad ambienda, quæ terrena sunt; tenditur; aliquando hanc superbia elevat, aliquando verò inordinatus timor in infimis deponit.

d (Ecce Domine) *Iniquitates meæ supergressæ sunt caput meum, & sicut onus grave gravatæ sunt super me, & nisi tu, (cui proprium est misereri semper & parcere) dexteram tuæ majestatis supponas, mergi cogor miserabiliter in profundum.*

e *Tu dominaris potestati maris, motum autem fluctuum ejus tu mitigas.*

f Magnus est puteus profunditas iniquitatis humanæ. Illuc quisque si ceciderit in altum cadet: metuenda ista res est vehementer. Si videris

a *Ambr. in orationib.* *b* *Ambr. Apolog. poster. pro David. c. 3.* *c* *Greg. l. 11. mor. c. 23. in c. 13. Job.* *d* *Aug. med. c. 39.* *e* *Psal. 88.* *f* *August. in Psalm 68.*

deris hominem fecisse iniquitatem, merfus est in puteum. Quando autem illi dixeris iniquitatem ipsius, & dixerit: verè peccavi fateor, non super eum clausit puteus os suum. Cùm autem videris eum dicere: Quid enim malè feci? factus est defensor peccati sui; clausit super eum puteus os suum, quà eruatur, non habet.

a spes humani generis, CHRISTE, DEUS DEO, refugium nostrum & virtus, cujus lumen à longè, inter caliginosas nebulas, super maris procellas, quasi stellæ maris radius, oculos nostros irradiat, ut dirigantur ad te, portum. Gubernæ, Domine, navim nostram, tuâ dexterâ, clavo crucis tuæ, ne pereamus in fluctibus, *ne nos demergat tempestas aqua, ne absorbeat nos profundum*; sed unco crucis retrahe nos ab hoc pelago, ad te solamen unicum nostrum, quem à longè (quasi stellam matutinam & solem Justitiæ) vix lachrymantibus oculis in littore cœlestis Patriæ, nos expectantem videmus; exaudi nos *DEUS salutaris noster, spes omnium finium terræ, & in mari longè*. In mari turbulento versamur; tu in littore stans, aspicias pericula nostra: *Salvos nos fac propter nomen tuum*. Da nobis, Domine, inter Scyllam & Charybdim ita tendere & tenere medium, ut utroque periculo evitato, securi perveniamus ad portum.

* * * *

* * *

*

XII.



*Quis mihi hoc tribuat, ut in inferno prote-
gas me, & abscondas me, donec pertranseat
furor tuus? Job. 14.*

XII.

Quis mihi hoc tribuat, ut in inferno protegas me, & abscondas me, donec pertranseat furor tuus. *Job. 14.*

Quis mihi securis dabit hospita tecta latebris,
Tecta, quibus dextra server ab igne tuae.
Heu! tuus ante oculos quoties furor ille recursat,
Nulla mihi toties fida sat antra reor.

Tunc ego secretas, umbracula frondea, sylvas,
Lustraue solivagis opto relicta feris.
Tunc ego vel mediis timidum caput abdere terris,
Aut maris exesa condere rupe velim.

Tunc voceam abstrusa montis latuisse caverna,
Viva sepulcrales aut subiisse domos.
Aut nunquam aspectos Phœbo, Phœbæque penates,
Aut habitasse tuos, nox tenebrosa, specus.

Dum quatit astriferos flammatus Juppiter orbes,
Et jacit accensa tela trisulca manu.
Tristia, ne noceant, metuenda fulmina flamma,
Daphnide, qui metuit, tempora cincta tegit.

Tu rubra cum torques furibunda spicula dextra,
Nulla juvant soliis laurea ferta suis.

Nulla juvant tacitis frondosa cubilia sylvis,
Sylvæ tuis oculis omnis & umbra patet.

Clauserat obscuræ densis se frondibus umbra,
Carpserat arboreas qui malè primus opes.

Ast ubi vicino vestigia Numino sensit,
Erubuit, luco proditus ipse suo.

Nulla juvat refugo spelunca immanis hiatus
Hospita montivagis lustra nec ulla feris.

Mitia

Mitia quæ sensit Medus puer antra leonum,
 Effere Chaldeos antra dedere neci.
 Nulla juvant clausis spelæa obscura latebris,
 Fida nec umbrarum. senta, sepulchra, domus.
 Avius occulta deprendere, Lothe, caverna,
 Et Cain è tumulo frater humate vocas:
 Quid memorem, ut tumidâ Jonas se merferit undâ,
 Nec mersum stabili texerit unda fide?
 Hauserat immani Jonam quæ bellua ventre,
 Innocuo Jonam bellua ventre vomit.
 Nulla fides vitreo pelagi, nisi vitrea, fundo,
 Pervia perspicuo quid tegat unda freto?
 Nulla fides clausis, Libitina longa sepulcris,
 Produntur tumulis. Ta sepulta suis.
 Nulla fides tacitis, quæ vallant saxa, latebris:
 Tecta caverna suo sæpè relecta sono est:
 Nulla fides nemori, vel opacæ frondibus umbra,
 Ambo caduca pars fronsque, nemusque fide.
 Nec mare, nec tellus, neque lustra, nec antra,
 nec astra,
 Tuta nec illa mihi, quæ super astra, via.
 Tu potes hoc tutis solus caput abdere claustris,
 Dum tua deposito fulmine dextra vacet.
 Quis mihi hoc iribuat, ut in inferno proze-
 gas me, & abscondas me, donec pertran-
 seat furor tuus? Job. 14.
^a Quid ibo à spiritu tuo, & quo à facie tua fu-
 gam? Quis est locus recepturus fugiti-
 vum DEI; homines, qui suscipiunt fugitivos,
 quærunt ab eis, à quo fugerint: & cum servum
 inve-

^a Psalm. 138. August. in hunc locum.

iuuenerint alicujus Domini minùs potentis tum sine ullo timore suscipiunt, dicentes in corde suo; non habet iste talem Dominum, à quo possit investigari; cùm autem audierint Dominum potentem, aut non suscipiunt, aut cum magno timore suscipiunt, quia homo potens falli non potest. Ubi non est DEUS? quis fallit DEUM? quem non videt DEUS? à quo fugitivum suum non repetit DEUS? quo ergo ibit fugitivus iste à facie DEI; venit se huc atque illuc, quasi quærens locum fugæ suæ: *si ascendero in Cælum, tu ibi es, si descendero in infernum, ades? Si me extulero, te invenio repressoem, si me abscondero, te invenio inquisi orem.* Quò ergo iturus sum, ut à facie tua fugiam, id est iratum te non sentiam. Hoc consilium: sic fugiam à facie tua, sic fugiam à spiritu tuo; ab ultore spiritu vindice facie, sic fugiam. Quomodo, *si accipiam pennas meas in directum, & habitavero in extremis maris.* Sic possum fugere à facie tua. Mirum si in extremis maris non est, qui nec apud inferos deest.

a *Va*, qui profundi estis corde, ut à Domino abscondatis consilium, quorum sunt in tenebris opera, & dicunt: *Quis videt nos & quis novit nos.* Idcirco arbitrantur DEUM sua nescire consilia, quia in tenebris sunt opera eorum, & dicunt: *Quis videt nos, & quis novit nos, non recordantes ejus, quod ad DEUM dicitur: Tenebræ non obscurabuntur à te, & nox sicut dies illuminabitur, & sicut tenebræ ejus, ita & lux ejus.*

a Con-

a Hieron. lib. 9. in c. 26. Isaia,

a Confidera illum, de quo ait in Ecclesiastico Syrach! Homo transgrediens in lecto suo, dicens in anima sua, quis me videt? tenebrae circumdant me, & parietes coperiunt me. quem vereor? hic qui se existimabat ab eo, qui omnia videt. non videri, & tenebris putat commissa sua posse celari. umbram prætendit, sed frustra latere se credit, cum oculus Domini lucidior sole occulta omnia deprehendat, tenebrosa illuminet & intimi cordis penetret conscientiam, atque in alta & profunda descendat? Vanus ergo, qui putat in tenebris esse se tutum, cum lucem videre non possit, quæ lucet in tenebris & tenebrae eam non comprehendunt: quasi fugitivus, itaque & malus mercenarius deprehenditur, & antequam se occultat, agnoscitur, quia Domino omnia, antequam erant, cognita sunt, non solum, quæ facta; sed etiam, quæ futura sunt.

b Hoc errore decepti Adam & Eva, audientes sonitum pedum deambulantes in Paradiso DEI, absconderunt se sub arbore.

c Primus (itaque) homo post culpam inter arbores Paradisi absconditus invenitur.

d Sic habes Adam abscondentem se, ubi DEUM recognovit esse præsentem, & quæsitum latere voluisse, & vocatum à Domino eâ voce, quæ latentis morderet affectum, hoc est. Adam ubi es? hoc est: cur te abscondis? cur lates? cur fugis eum, quem videre desiderabas? ira gravis culpa

a Ambr. l. 1. de interpell. Joh. c. 3. *b* Hier. l. 9. in c. 20. Isaia c. Greg. l. 33. mor. c. 3. *d* Ambr. l. 2. de pæn. c. ult.

culpa est poenitentie, ut sine iudice, ipse se puniat, & velare se cupiat, & tamen apud DEUM nuda sit.

a Quo te (Adam) duxerunt peccata tua, ut fugias DEUM tuum, quem ante quærebas? Timor ille culpam fatetur latebra pravicationem.

b Cain quoque dicens: *si ejicis me hodie à facie tua abscondar*, simili stultitià DEUM arbitratus est ignorare. Et per Amos de impiis & peccatoribus dicitur: *si absconderint se ab oculis meis in profundo maris, ibi mandabo draconi, & mordebit eos.*

c (Et tu) quò fugis Propheta (Jona;) non audisti quod David ait, *quò ibo à spiritu tuo, & quò à facie tua fugiam*. In terram, sed Domini est terra & plenitudo ejus. Ad inferos & ibi virtus tua non deerit. Ad Cœlum. ibi quoque te esse cognosco. In mare & eò tendit dextera tua. Cùm navim fuisset ingressus, turbantur maria, fluctus elevantur & profundum pelagi arena monstratur; & sicut fidele mancipium, cùm servum fugâ lapsum nonnullis etiam communi Domino pretiosis ablatis) omni animositate contra ejus retores insistit, nec ante derelinquit, nisi eum præsenteret Domino; sic & mare, conservum agnitum. non alieno patrocínio, nullius postulato subsidio, sed propria virtute commotum, ut sibi redderetur, expolcit.

d Nam qui putarat per mare evadere DEUM Et navi celari, DEO.

Nunc

a Ambr. l. de Paradiso c. 14. *b* Hieron. l. 9. in e. 20. Isaia c. Chrys. hom. de Jona. *d* Paul. car. ad Cytherium.

*Nunc iste & intra belluam mersam mari,
Adesse sensit arbitrum.*

O digna sancto claustra fugitivo DEI!

Capitur mari quo fugerat;

*Altumque vasta missus in ventrem fera,
Vivo tenetur carcere.*

*De nave jactus perit & undis navigat,
Exul soli & hospes sali.*

*Spatiaturo antro belluini corporis,
Captus & liber reus.*

*a Ingredere in petram, abscondere in fossa humo, a
facie timoris Domini, & a gloria majestatis ejus.*


b Si (enim) umbrato repente Cœlo solis claritas nostris aspectibus denegetur, & productis in nostram humilitatem nubibus, pluvix terris immineant; si commotis, ut assolet, elementis, in rotam sui currus tonitrua concitentur, & hinc inde fulgurum jacula palpebris terribiliter objecta corruscent, (quanquam & consuetudine illâ contingant) pavemus, contremiscimus, & proni ad terram, depositâ superbiâ, cervices submittimus: quid faciemus in illa die miseri, quando revoluta Cœlo, cum Angelicis virtutibus, igneus Dominus rotas adveniet? quando cadentibus desuper stellis, sol in tenebras, & in sanguinem luna mutabitur? quando montes sicut cera liquefcent, quando terra ardebit, & arescent flumina & maria siccabuntur, & contra rerum naturam consumpto divinitus humore, ariditatem in aquis ignis operabitur.

Quando

a Isaia 2. *b* Tomo 9. Hier. ep. ad Amic. In scientia divina legis.

Quando peccatores *dirent montibus, Cadite super nos, & collibus, Tegite nos*; quando vocabunt homines mortem, & vocata non veniet; quando discrimina verentur in vora, & quod temper oderunt homines, concupiscunt?

a *Esto mihi (Domine) in DEUM protectorem & in domum refugii, domus refugii, tu mihi esto, DEUS protector, domus refugit. Quò fugio? ad quem locum tutus fugio? ad quem montem? ad quam speluncam? ad quæ tecta munita? quam arcem teneam? quibus muris ambiar? quocunque iero sequor me. Quicquid enim vis, potes fugere, homo, præter conscientiam tuam. Tu mihi eris domus refugii ad te confugiam, nam à te, quò fugiam. Quocunque iero, ibi te inveniam; & si irasceris, ultorem te invenio; si placatus es, adiutorem. Nihil mihi ergo restat, nisi ad te fugere & non à te. Ut evadas hominem Dominum qui unque servus es. fugis in ea loca, ubi non est Dominus tuus. ut evadas DEUM fuge ad Dominum; nam non est, quò fugias DEUM; præsto sunt omnia & nuda Omnipotentis oculis.*



XIII.

a *August. in Psalm. 30.*



*Nunquid non paucitas dierum meorum
finietur brevi? Dimitte ergo me, ut plan-
gam paululum dolorem meum! Job. 10.*

XIII.

Nunquid non paucitas dierum meorum
finietur brevi? dimitte ergo me, ut
plangam paululum dolorem
meum. *Job. 10.*

Scilicet, in magno cupis hoc me ponere lucro,
Addita quod vitæ pars quocunque mea,
Si numerata forent aliquot mihi lustra vel anni,
Muneris hic poterat nomen habere favor:
Stamina sed brevibus junxisse furacia fœtis,
Obsecro, dic, pauci quantula summa, dies.
Nempe ita, qui vitam modo ducere cœperit infans,
Dicetur moriens, occubuisse senex.
Sic sua nonnullis descripta est vermibus ætas,
Una quibus brevis est, integra vita, dies.
Sic aliquis numerat celeres sibi flosculus horas,
Natali tumulant quem sua fata die,
Floscule mane puer, media vir, floscule, luce,
Floscule, sub noctem, Sole cadente, senex.
Sic orerisque uno morerisque, ô floscule, Phœbo,
Uno fisque puer, virque, senexque die.
Staret adhuc volucrum saltem rota lenta dierum,
Hora nec admissis qualibet iret equis.
Vermiculi canerent; tot plenis viximus horis,
Flosculus, & totidem, diceret, herba sui.
Sed tempus rapidis volat irreparabile pennis,
Fluminis inque modum, lubricus annus abit.

F

Men-

*Menstruus impulsis rapitur quoque solibus orbis,
Et fugiunt, nullo fræna tenente dies.*

*Denique præcipitis rota concita vertitur hora,
Nec remeare potest, qua semel hora fuis.*

*Invida res, tempus; sua se per puncta trucidat,
Se pariter fugiens, se pariterque sequens.*

*Qualis tada suo se flammea funerat igne,
Quæ sibi fatalem congerit ipsa rogam.*

*Sic redit in proprium sacrorum circulus orbem,
Flectitur inque suas annua meta rotas.*

*Non fuit antiquis malè prodita fabula chartis,
Qua genitor sobolem commolitur ore suam:*

*Nempe virax annos mensesque interficit ævum,
Seque fluendo parit; seque fluendo necat.*

*Hora diem, mensemque dies depascit eundo,
Bis senisque senex mensibus annus obit.*

Annus obit, mensesque diesque, horaque recedunt,

Et suus in se iterum tempora gyros agit.

*Ergo meo exiguum spatium concede dolori,
Non nisi concesso tempore fata querar.*

*Non ego supremis tempus mihi visibus oro,
Non facit ad risus resue, locusue meos.*

*Pro lacrymis spatium, spatium pro planctibus
opto,*

Hæc mihi tantillæ, quam peto, causa moræ est.

*Ite igitur magnis, lachryma, mea flumina rivis,
Ite, ferite truces ora sinumque manus.*

*Ite per os lachryma, sævite in pectora palma,
Pars bona, dum statis, temporis, ecce fugit.*

*Sentio, eunt lacryma, repetuntur, sentio, planctus,
Jam fleui & planxi, sistite; jam satis est.*

Nun-

Nunquid non paucitas dierum meorum finietur brevi? dimitte ergo me, ut plangam paululum dolorem meum.

Job. 10.

Quid in hoc mundo stabile, quid perenne. Audi cujusdam venerabilis Viri vocem: *Tempus, inquit, vita mea levius cursoribus fuit.*

b Cum enim primum homo peccavit, æternitas mortalitate mutata est, in nongentos & amplius annos; exinde paulatim recrudescente peccato, in breve tempus, hominum vita contracta est.

c Breves dies hominis sunt: numerus mensium ejus apud te est, constituisti terminos, qui præteriri non poterunt.

d Quare cautum se ac sollicitum vivere ostendit, qui brevitatem præsentis vitæ considerans, non ejus usum, sed terminum conspiciat; ut ex fine colligat, nihil esse, quod transiens delectat. Hinc namque per Salomonem dicitur. *Si annis multis vixerit homo, & in his omnibus latatus fuerit, meminisse debet tenebrosi temporis & dierum multorum; qui cum venerint, vanitatis arguentur præterita.* Igitur, cum culpa animum tentat, mens necesse est, ut bre-

F 2 *vita-*

a Chrys. ep. ad Theodor. Mon. tom. 5. *b* Hieron. ep. B 1. ad Paulam *c* Job. 14. *d* Gregor. lib. 9. mor. c. 44. in cap. 14. Job.

vitatem suæ delectationis aspiciat? ne ad vivacem mortem iniquitas rapiat, cum constet, quod ad terminum citius mortalis vita percurrat.

a Sæpè etenim dum præsentis vitæ brevitatis, quasi diu perseverantia diligitur, ab æterna spe animus frangitur, & delectatus præsentibus, desperationis suæ caligine reverberatur.

(Sed) sancti viri. quia brevitatem vitæ indefinenter aspiciunt quasi quotidie morientes vivunt, & tanto se solidius mansuri præparant, quanto & nulla esse transitoria semper ex fine pensant. Hinc quippe Psalmista, veloci cursu fugere vitam peccatoris aspiciens; ait: *Pusillum adhuc, & non erit peccator.* Hinc iterum dicit: *Homo, sicut fœnum, dies ejus.* Hinc Isaias ait: *Omnis caro fœnum, & omnis gloria ejus, sicut flos agri.*

b Attendat, quid sit homo; non superbiat: *homo tanquam fœnum dies ejus.* Quid superbit fœnum, ad tempus modò florens, post paululum arefcens. Quid superbit fœnum ad tempus vlgens, & hoc ad parvum tempus, donec sol candescat? *sicut flos agri, ita effloreat.* Quàm exiguo tempore transeunt flores? & hoc est pulchrum in herbis. Hoc quod valdè pulchrum est, hoc citò cadit. *Omnis caro fœnum.* Et claritas luminis ut flos fœnum aruit & flos decidit.

Quasi

a Gregor. lib. 7. mor. cap. 20. in cap. 6. Job. b
August. in Psalm. 102.

Quasi flos egreditur & conteritur.

a Quid enim sunt nati homines mundo, nisi quidam flores in campo? tendamus oculos cordis, in hanc latitudinem mundi præsentis; & ecce quasi tot floribus, quot hominibus plenus est: vita itaque in carne, flos in fœno est. Homo etiam more floris procedit ex occulto; & subito apparet in publico; qui statim ex publico per mortem retrahitur ad occultum. Carnis nos viriditas ostendit, sed ariditas pulveris ab aspectibus retrahit, quasi flos apparuimus, qui non eramus, quasi flos arescimus, qui temporaliter apparebamus.

b (Imò) quid ab his bestiolis distamus, quas ferunt apud Hypanim fluvium (qui ab Europæ parte in pontum influit) nesciatque unum diem vivere, sicut ergo ex his ea, quæ octavâ horâ mortua sit, provectâ esset ætate mortua, quæ verò occidente sole decrepita, eò magis si etiam solstitiali die, sic si longissima ætas, cujusvis hominis conferatur cum æternitate, in multo minore brevitate, quam illæ bestiolæ reperiemur.

c Quid enim, mihi dicito, longum

Hæc mortalis habet fatoque abnoxia vita.

d Tenes diem istum? si tenuisti hesternum? tenes & hodiernum: sed hesternum, inquis, non teneo, quia jam non est, istum autem teneo, in quo sum, & qui mecum est: Itane, de

F 3

isto

a In idem c. 14. Job. Gregor. *b* Isidor. Clarius erut. 10. de mortè. *c* Nazianz. in præcept. ad Virgines. *d* August. in Psalm. 38.

isto excidit tibi jam quantum à prima luce transferit. Nonne iste dies à primâ hora coepit; Da mihi primam horam ejus: Da mihi & secundam ejus, quia & fortè ipsa transvolavit. Tertiam, inquis dabo tibi, fortè enim in ipsa nunc sumus: Cerrè ergo sunt isti dies, & est tertia dies: & si tertiam dabis, non diem, sed horam dabis. Veruntamen ne hoc quidem tibi concedo, si mecum cuicunque ista transilisti. Da mihi vel horam tertiam, ipsam mihi da, in qua es. Si enim aliquid ejus jam præterit: & aliquid ejus adhuc restat: nec quod præterit, aliquid mihi potes dare; quia jam non est; nec quod restat, quia nondum est. Quid mihi de hora ista, quæ nunc peragitur dabis? quid de illa mihi dabis? Cui committam hoc verbum, ut dicam, est. Cum dicis ipsum est; cerrè una syllaba est, & momentum unum est, & tres litteras habes in uno ictu. Ad secundam hujus verbi litteram non pervenis, nisi prima finita fuerit. Tertia non sonabit, nisi & cum ipsa secunda transferit. Quid mihi de hac una syllaba dabis, & tenes dies, qui unam syllabam non tenes? momenti transvolantibus cuncta rapiuntur. Torrens rerum fuit, isti ergo dies non sunt, antè abeunt penè quàm veniunt, & cum veniunt, stare non possunt. Jungunt se, sequuntur se, & non se tenent:

a Parce mihi Domine, nihil enim sunt dies mei.

b (Hinc) sancti viri, præsentis vitæ dies, nihil

a Job. 7. b Gregor. lib. 2. mor. cap. 20. in Job.

nihil esse conspiciunt, quia illuminatæ mentis oculos in considerationem æternitatis figunt.

a Per horarum (namque) momenta crescimus atque decrescimus, nec in eodem manemus statu. Ipsum quoque, quod loquimur, distamus & scribimus, de vitæ nostræ parte prætervolat, qui dudum infans, subito puer; repente juvenis, & usque ad senectutem per spacia mutatur incerta; & ante se senem intelligit, quàm juvenem non esse miretur.

b (Denique) quicquid temporis vivitur de spatio vivendi demitur, & quotidie fit minus, minusque quod restat; ut omnino nihil aliud sit tempus vitæ hujus, quàm cursus ad mortem, in quo nemo vel paululum stare, nec aliquando tardius ire permittitur, sed omnes urgentur pari motu, nec diverso impelluntur accessu: neque enim, cui vita brevior fuit, celerius diem duxit, quàm ille, cui longior. Unde ex quo homo cœpit esse in hoc corpore, in morie est. Quid enim aliud, diebus, horis momentisque singulis agitur, donec ea consummata mors, quæ agebatur, impleatur, & incipiat jam tempus post mortem, quod cum vita detraheretur; erat in morte.

c Bene itaque dicitur, *Dimitte me, ut plan- gam paululum dolorem meum.* Quia nisi à reatu

F 4

culpx,

a Hieron. lib. 11. in cap. 40. Isaia. *b* August. lib. 7. de civitate DEI, cap. 10. *c* Gregor. lib. 17. mor. cap. 49.

culpæ, quo non ligavimus, misericorditer dimitemur, perfectè flere non possumus, hoc, quod in nobis ipsis, contra nosmetipsos dolemus : sed tunc veraciter reatus nostri dolor plangitur, cùm tenebrosa illa inferni retributio, in ento timore prævidetur.

a Sed sicut moderata afflictio lacrymas exprimit, ita immoderata subducit; quâ mœror ipse quasi sine mœrore sit, qui afflicti mentem devorans, sensum doloris tollit.

b Sapè namque peccator iniquitatis suæ vinculis ita contringitur, ut pondus quidem peccatorum toleret, sed tamen, quid tolerat, ignoret. Sapè autem si cognoscat, quanto reatu premitur, erumpere in lacrymas conatur, & non potest ut hunc in se mente liberâ & conversatione in egra persequatur. *Flere ergo dolorem suum non valet, qui & iniquitatis suæ reatum considerat, & tamen pro terrenæ occupationis pondere hunc & gemere nequaquam vacat : flere dolorem suum non valet, qui primæ quidem consuetudini contraire nititur, sed tamen adhuc succrescentibus desideriis carnis gravatur. Huius doloris præsentia Prophetæ mentem cruciaverat, cùm dicebat, Dolor meus contra me est semper; quoniam iniquitatem meam ego pronuntiabo & cogitabo pro peccato meo.* Tunc igitur ad plangendum dolorem nos Dominus dimittit, cùm & mala nobis, quæ fecimus, demonstrat, atque ad hæc eadem fienda, quæ cognoscimus, adjuvat.

a Hoc

a Greg. lib. 9. mor., cap. 44. in cap. 10. Job. Ibidem.

a Hoc solum ergo Domine, presta, quod deprecor: Dimitte me, ut duobus mensibus circum eam montes, & plangam cum sodalibus meis.

b Sexaginta dies plangere nobis demonstrat planctum presentis vitæ, dicente Domino: *Beati, qui lugent. quoniam ipsi consolabuntur.* Desertum ergo plangimus hujus mundi (desertum enim dicitur res, ubi manetur) quia ergo hic non permanetur, desertum dicitur. Plangendum est ergo in vita ista caduca, ruinis plenâ, casibus obvolutâ ut cum plangimus, suscipiat Dominus immolationem animæ nostræ.



XIV.

a Judic. 11. *b* Chrysost. hom. de Jephthe.



Utinam saperent & intelligerent ac novissima providerent. Deut. 32.

XIV.

Utinam saperent, & intelligerent, ac novissima providerent! Deut. 32.

PRÔ pudor! usque adeo est homini mens cœca futuri!

Ut nisi quæ videat, nulla pericla putet?

Scilicet hoc sapere est, tantùm præsens angli,

Nec procul aspectis consuluisse malis?

Ante tubas, Miles, dicto parat arma duello;

Cùm sonuere tubæ, serius arma parat:

Navita quas captat, præsagus prospicit auras,

Anchora velivolum nec remoratur iter:

Quas veniente metet segetes æstate colonus,

Credidit excultis, ante, colonus agris.

Provida quin etiam metuens formica senecta,

Vectat in annonam paucula farra suam.

O quid agis, gens eventus ignara futuri?

Tempora, quæ veniunt postuma, nulla time?

Stamina perpetuo fors nent adamantina filo,

Aut cessant triplices volvere pensa colas?

Falleris; ah! nulli datur has placasse sorores;

Una licet parcat, de tribus, una secat.

Fœdera fors pacto sanxere perennia clavo,

Concordes stabili vitæque morsque fide?

Falleris, ah! nimium tibi pacta faventia fingis,

Non servant ullam vitæque morsque fidem.

Ante, nivem fidis lambant incendia flammis,

Juraque fœdisfragis sanciet Auster aquis.

Ante dies nocti pacem nox ante, diei

Servet, & infestis accubet agna lupis.

Omnia

Omnia latifero latè Mors subjugat arcu,
 Quidquid & hoc Phœbi vescitur igne necat.
 Nemo venenata vitavit arundinis ictum,
 Omnis ab hac cervix cuspide, vulnus habet.
 Hic teneros Matrum capit inter brachia, natos,
 Aut cunas, tumultum, cade recente facit.
 Hic pueros, alibi configit arundo puellas;
 Hic juvenes: illic funerat illa senes.
 Stataque jam nullo discrimine, funera miscet,
 Militis atque Ducis corpora mixta jacent.
 Nec micat aurata tibi Crase cadaver arena,
 Pulchrior aut tuus est, pulchra Rebecca, cinis.
 Aspice, quid cineres sint Caesaris inter & Iri?
 Omnibus en color est unus, & unus odor.
 Quid juvat his igitur tantum confidere rebus,
 Ceu lethi imperio vita soluta foret?
 Stat sua cuique dies, depleto ferrea fuso,
 Seriùs aut citiùs quemlibet urna vocat.
 Cogimur huc omnes, huc summus & infimus ordo,
 Ibimus, emenso tempore quisque suo.
 Ac tum si vacuas animus simul iret in auras,
 Ut vapor in nebulas extenuandus abit!
 Morsque foret nostræ quoque meta novissima vita,
 Mors simul amborum corporis atque animi?
 Quàm bona mors esset posituris morte dolores,
 Quot nova post vitam, vitæ, morsve daret?
 Quilibet extremam latus properaret ad horam
 Et puto, vivendi vix superesset amor.
 Sed dolor, heu! non est mors ultima linea rerum,
 Non necat hic animum, qui cremat ossa rogos.
 At postquam è terris animo exhalata recessit,
 Iudicis extemplo sistitur ante pedes.

Ille

Ille sedet justumque & inexorabile Numen,
 Flammaque sunt oculi, flammaque fulva caput.
 Illa (tremens, metuensque oculus attollere Cælo:)
 Dura catenata vincula mente gerit.
 Ille sinus animi, fibrasque introspicit omnes,
 Quodque latet tacitum nocte sarente nefas.
 Illa scelus, convicta, suum pudibunda fatetur,
 Nec videt, effugio, quem petat, esse locum.
 Ille simul Judex, testis simul, & simul actor,
 Comperti statuit criminis esse ream.
 Illa memor nullis hanc flecti questibus aulam,
 Heu! frustra effusis se sepelit lachrymis.
 O, quis tunc animæ sensus, quæ cura relicta,
 Nullus ubi pro se, jure patronus agit!
 Nempe vocat montes & inhospita culmina cautes,
 Antraque queis trepidum condant operata caput.
 O Anima! ô Judex! ô non placabilis uena!
 Quis secum hæc meminit, nec citò dirigit?
 Sed nondum hoc tanti clauduntur sine dolores;
 Altera uahuc restant vitæque, morsque super,
 Vita perennanti quæ secula protrahet ævo,
 Mors longa extremum non habitura diem.
 Ah quibus, ah quantis laniabitur hæc tormentis!
 O quibus, ô quantis affluet illa bonis!
 Illa, suas pascit Divino nectare mentes;
 Hæc, miscet liquida pocula plena pice.
 Illa, Chely Angelicâ vel gutture carmina fundit;
 Hæc, gemit horrendis exululata sonis.
 Illa, agit æternas cælo plaudente, choreas;
 Hæc, salit ad colubros sævâ Megera tuos.
 Illa nec æstivis, gelidis nec adurit astris;
 Hæc furit immitis igne geluque vadi.

illa

Illa, per ætherios agit otia mollia campos;

Hac, agit æterni triste laboris opus.

Illa dolorum expers, mala nulla nec aspera sentit

Hac, patitur dirum quidquid Avernus habet

O felix opibus, felix tot vita triumphis!

O gravis, ô tantis mors metuenda malis!

Vel tua, vel tua nos dubio manet alea jactu

Alea, non aliâ projicienda vice.

Ab subeant vestri geminæ sic pectora curæ,

Ut semel alterius fors oberunda cadet!

*Utinam saperent, & intelligerent, ac novissima
viderent. Deut. 32.*

O Gens sine consilio & sine prudentia! utinam saperent & intelligerent, ac novissima
viderent!

Saperent, damnatorum multitudinem; salvandorum paucitatem, & temporalium rerum vanitatem.

Intelligerent, tria, scilicet peccatorum multitudinem, bonorum omissionem, & temporis amissionem.

Providerent, tria, scilicet mortis periculum, extremum judicium, & æternum supplicium.

b Sed oculus non vis habere nisi in presentia,

c Perversa quippe anima rebus presentibus dedita, in terrenis voluptatibus reoluta abscondit

a Bonav. opusc. de contempt. sæculi. *b* August. in Psal. 48. *c* D. Gregor. hom. 39. in Evang.

Condit sibi mala sequentia, quia prævire futura refugit, quæ præsentem lætitiā perturbant; dumque in præsentis vitæ oblectationibus se deserit, quid aliud quàm clausis oculis, ad ignem vadit, & inde dicitur per Paulum: *qui gaudent tanquam non gaudentes sint*; quia etsi quæ est præsentis temporis, ita est agenda lætitiā, ut nunquam amaritudo sequentis iudicii recedat à memoria; quatenus dum mens pavida extremæ ultionis timore transfigitur quantum tunc præsens lætitiā, tantum post ira subsequens temperetur: si extrema mala nostra formidolosè & indefinenter aspiciamus; juxta hoc, quod per quendam sapientem dicitur: *In omnibus operibus tuis memorare novissima, & in æternum non peccabis.*

a Sed quæ sunt novissima tua, quæ provide te sollicitè debes? summa totius providentiæ est, utique illa terribilis hora, in qua misera anima tua, ex hoc corpusculo corruptibili timens est egressura in illa nimis metuenda extrema hora; quis amicorum, quis parentum tuorum veniet cum gladiis & armis auxilium ferre? Non enim erit tunc, qui consoletur te ex omnibus charis tuis; respicientibus etiam ad auxilium & adjutorium hominum; sed refugium tuum tantummodò est apud DEUM. Reduc ergo fili mi. sedulus in memoriam illum extremum exitum tui diem, & antequam misera anima tua, de carcere carnis exeat, provideat, quò vadat. Quando enim homo fit, non homo, hoc

G 2 est,

a Speculo pec. cap. 5. Tom. 9. Aug.

est, quando ægrefcit? ægrotando ægritudo crescit; peccato expavescit; cor contremiscit; caput obstupefcit; sensus evanescit; virtus exarescit; vultus pallefcit; facies nigrescit; oculus tenebrescit; auris surdescit; nâsus putrescit; lingua fatiscit; os obmutescit; corpus tabescit; caro marcescit. Tunc carnis pulchritudo foetor efficitur, & putredo tunc solvitur in cinerem, & vertitur in vermem,

Post hominem vermis, post vermem foetor & horror,

Sic in non hominem vertitur omnis homo.

a Age jam, cum ad illud ultimum iudicium venerimus, ab eo Iudice iudicandi, qui nec tali occultatione criminum potest, nec ad impunitatem promerendam muneri alicujus oblatione corrumpi, cum cœperint omnium secreta revelari, & non solum actus ac verba, sed etiam ipsæ cogitationes ostendi; quid faciemus sub tanti Iudicis maiestâte? quid excusationis obtendere poterimus, quâ nos defensionis artē purgabimus? quæ nobis subventura est poenitentia? quam in hac carne contempsimus? quæ nos defensura sunt opera bona, quæ in hac vita non fecimus? ad quos Apostolos, aut ad quos alios sanctos confugituri sumus, quorum exempla simul ac verba despexerimus. An fortè aliquot ibi fragilitas corpori excusabit? sed excusationi eorum reclamabunt omnia sanctorum exempla, qui cum fragilitate carnis in carne vincentes, quod fecerunt, utique fieri posse,

a Prosper. lib. 3. de vita contemplat.

posse, docuerunt. Quid ergo responsuri sunt, si eis Dominus dicat, si potuistis, quare non restitistis desideria peccatorum? si non potuistis, quare meum contra peccata, non quaesistis auxilium? Nonne ad hæc obmutescuntibus: & quid excusationis referant non habentibus, dicet: *Ligate eos manibus & pedibus, & mittite in tenebras exteriores, ubi erit fletus & stridor dentium, ubi vermis eorum non morietur, & ignis eorum non extinguetur.* Hæc & his similia libenter audire vel legere, jugiter ante oculos mentis adducere; cogitare, quale malum sit, ab illo gaudio divinæ contemplationis excludi; beatissimâ sanctorum omnium societate privari; fieri patriæ coelestis extorrem, mori vitæ beatæ, morti vivere sempiternæ, in æternum ignem, cum diabolo & angelis ejus expelli, ubi sit mors secunda, damnatis exilium, vita supplicium; non sentire in illo igne, quod illuminat, sentire quod cruciat, exundantis incendii terribiles crepitus pati? barathri fumantis amata caligine oculos obcæcari; profundo gehennæ fluentis immergi; edacissimis in æternum dilaniari vermibus, nec finiri: hæc & multa similia cogitare, nihil est aliud, quàm vitiis omnibus repudium dare, & omnia blandimenta carnalia refrenare.

a Attende ergo, in illa terribili hora, de qua loquimur, misera peccatoris anima. Quando de mundo exitura & itura es; aderunt mox ministri, maligni illi scilicet: diaboli, illa verè tarta-

G 3

rea

a Cap. 7. Speculi peccat. tom. 9. Aug.

rea monstra velut leones rugientes, ut rapiant prædam, tunc horribilia patebunt loca pœnarum, chaos & caligo tenebrarum, horro-
rum, miseriæ & tribulationis; tremor, timor angustię & confusionis, dolor horrendę visionis; tremor tremendę mansionis, locus flentium; ubi stridor dentium, ubi morlus vermium, ubi clamor dolentium, ubi luctus gementium, ubi est vox clamantium peccatorum & dicentium: *Væ, væ nobis, filiæ Evę?* quid tunc proderit scientię jactantia, sæculi pompa, mundi vanitas, terrenę dignitatis cupiditas?

a Dic mihi, ubi tunc amatores mundi, qui ante pauca tempora nobiscum erant? ex eis remansit nisi cineres & vermes. Attende diligenter, quid sunt, quid fuerunt? homines fuerunt sicut tu, comederunt & biberunt, riserunt, duxerunt in bonis dies suos, & in puncto ad inferna descenderunt.

b (Imò mollius educata corpora gravius fœtent post mortem.

Aspera non Cyris, non Cræsis Parca pepercit,

Hisque etiam, nuper sub quibus orbis erat.

Te quoque Alexander; victor grassate per orbem,

Perdidit immodici copia sumpta meri.

Inter defunctos, quidnam est Discriminis? Ossa

Et cineres Iri, Tantalid sique, pares.

Par Constantino famulus meus (hic ego tantum

Excipio tumultum) dives, inopsque, pares.

Atque

a Bern. lib. med. c. 2. *b* Petr. Dam. epist. ad Bon. cam. cap. 30. *c* Nazian. de extern hominis utilitate.

Atque hic ista quidem, Astalio qua condit in avo,
 Ultima lux pravis, quis memorare queat?
 Horrida flamma, gravis caligo à luce remotis,
 Vermis, qui memores criminis esse facit.
 Non natum esse, tibi meliùs, scelerato fuisset,
 Aut natum, prorsus more perire fera.
 Quàm mala tot passum in terris, sævosque dolores,
 Post, graviora iterum, tempus in omne pati.
 Atque utinam matris me mors rapuisset in alvo!
 Nam tenebræ nato, mox mihi fletus erat.
 a Ergo ô anima sive vigiles sive dormias,
 Semper in auribus tui illa horribilis tuba eson-
 nat: Surgite mortui, venite ad iudicium. O anima,
 nunquam excidat à tua memoria: *Ite maledicti*
in ignem æternum: Venite benedicti, percipite Re-
gnum. O quid potest lamentabiliùs & terribi-
 liùs cogitari quàm *Ite*? & quid delectabiliùs ex-
 primi quàm *Venite*? duæ sunt voces, quarum
 nihil horribiliùs unâ, & nihil jucundiùs alterâ
 poterit audiri.





*Defecit in dolore vita mea, & anni mei in
gemitibus. Psalm. 30.*

XV.

Defecit in dolore vita mea, & anni mei in
gemitibus. Psalm. 30.

Hoc erat ergo meis dominans Natalibus astrum,
Ut mihi lux fausta nulla rediret ave!
Quàm levis optati me temporis aura fesellit;
Dum toties repeto; Crastinus albus eris.
Nec tamen albus adhuc mihi crastinus ille reluxit,
Quin, qui præteriit proximus, ater erat.
Credideram alternos vite succedere casus,
Inque vice letis cedere mœsta locum.
Utque serenato detergis nubila cœlo.
Cum revehis clarum Cynthiae pure diem;
Utque maris reparas fugitivos, Cynthia, fluctus,
Cum tingis refluo littera sicca salo.
Sic ego venturi non felix temporis angur,
Omnia pro votis rebar itura meis.
At mea, quàm dispar, quantoque severior illis,
Quas dat nupta viro, tristitia est lachrymis!
Conjuge defuncto, bis denis mensibus, uxor
Sola domi queritur, conjugis orba, necem.
Post decimum finitur lugubria ponere mensem,
Et peplum nivea vertere triste toga.
Quis mihi transactus semel est sine luctibus annus?
Quis vacuus mensis? quis sine nube dies?
Nulla meis lex dat finemve, modumve querelis;
Sed parit assiduus se, velut Hydra dolor.
Et planctu & lacrymis, gemituq; absumitur omnis,
Ipsaque pars minima est vita caduca, sui.

Sapē quidem rabidi sunt aquora turbida ventis,
 Sed brevis est, quoties magna procella furit.
 Quas me rapit sylvis brumæ inclementia frondes,
 Compensant viridi tempora verna coma:
 Et motus obscurus quoties tegit aethera nimbis,
 Latior innubi mox redit ore dies:
 Ast mihi perpetuos contexunt funera luctus,
 Nempta nec est ullo synthesis atra die.
 Mœstaque nec festo cessavit tibia cornu,
 Pectus, ebur, pugni, plectra; querela, fides?
 Hac cithara, soles; hoc transigo pectine, noctes;
 His finibus, vitæ tempora fallo meæ.
 O quoties recto suspiria pectore rupi,
 Cum cupeam tacito mergere verba sinu?
 O quoties, lux quanta fuit, fuit acta querelis,
 Cunctaque quanta fuit, planctibus acta fuit?
 Ne gemerem, memini, toties monuistis amici.
 Multaque ne gemerem credite, facta mihi.
 Libera lætitiæ suasistis frena remitti,
 Illico lætitiæ libera frena dedi.
 Ast uni singuleum compescere risibus opto,
 Risibus, heu, gemitus obstrepere meis?
 Sape, volens placidas somno traducere noctes,
 Perpetuò vigiles obror imbre genas;
 Dumque diu nimium violentos comprimo fletus,
 Heu, mare perruptis effluit augeribus!
 Flumina, vos testes, vos nota cubilia, sylva,
 Vosque cava valles, conscia vosque iuga;
 Vos testes, quoties suspiria vincere tentans,
 Vicia reluctanti murmura corde dedi.
 Quis etiam auditis permota ululatibus Echo;
 Questibus audita est aggemuisse meis.

Tunc

Tunc ego, tunc illa, alternis dedimus lamenta,
 Fleuimus inque vices, planximus inque vices.
 Ut Pandionia sibi dans responsa sorores,
 Cum caesum, thalami labè querantur Itym;
 Et sedet hinc Progne ramo miserabile plorans,
 Et sedet inde suum flens Philomela nefas:
 Alteraque alterius sequitur suspiria questu,
 Admissam lachrymans, utraque crimen avis.
 Talis & Aelyone cum naufraga vela mariti
 Nequicquam scopulis littoribusque canit;
 Aut viduus, viridi nemoris sedet arbore turtur,
 Comparis aeterno murmure fata gemens.
 Sic mihi fatidica nêrunt quoque flamina Diva,
 Iret ut optato sidere nulla dies.
 Utque adimant nullos, lamenta perennia luctus,
 Aut cesset, causâ deficiente, dolor.
 Sed fuit ut primæ, gemitus, vox prima loquela;
 Sit gemitus vite vox quoque summa mea.

* * * * *

* * * * *

* * * * *

* * * * *

* * * * *

* * *

* *

*

*Defecit in dolore vita mea, & anni mei
in gemitibus. Psal. 30.*

a **Q**uamdiu est hic in presenti vita, habet
gemitum & fletum unusquisque homo.

b Homo non à risu orditur hanc lucem, quid
malorum ingressus sit nesciens, prophetat quo-
dammmodo: solum, quando natus est, ferunt ri-
sisse Zoroastrem, nec boni aliquid monstruosus
ille risus portendit. Prius quod scriptum est:
c *Grave jugum super filios Adam à die exitus de
ventre matris eorum usque in diem sepulturae in
matrem omnium*

d Unde interrogemus pueros, qui nascun-
tur, quare à ploratu incipiant: nascitur & sta-
tim plorat, & post nescio quot dies ridet. Quan-
do plorabat nascens, propheta suae calamitatis
erat, lachrymae enim testes sunt miseriae.

e Hoc homini tantum firmum est experisque senecta,
Inde ex quo nascens fletibus ora rigat;
Per lachrymas testans, quas vita in limine fundit,
Quotnam illum maneant agmina dura mali.
Est Regio (ut quondam Cretæa) ignara ferarum;
Est alia, hyberna nescia terra nivis:
At, vacua adversis quod vita tempora rebus
Clausurit haud quisquam dicere jure potest.

a In

a Hieron. in Psal. 30. *b* August. lib. 21. de civ.
c. 14. *c* Ibidem. *d* August. serm. 28. de verb.
Apost. *e* Noxianæ, carm. de humana natura.

a In hujus vitæ miseriam intrâsti lugens, dies tuos in dolore & ærumna pertransisti; cum luctu & labore hinc exiturus es. Intelligas ergo, in quantum sit ingressus tuus flebilis, progressus tuus debilis, & egressus horribilis.

b Risum reputavi errorem, & gaudio dixi: Quid frustra deciperis?

c Domini vox est ad suos dicentis; Vos plorabitis & plangetis, sæculum autem gaudebit: Vos tristes eritis. Timenda sunt Christianis præsentis sæculi gaudia, & optanda pro devotione mœstitia.

d Latitiæ enim tantum nomen habent, cum omnia sunt in tristitia.

e Qui sumus in hoc tabernaculo, ingemiscimus gravati.

f An non est meritò ingemiscendum, quòd sumus in regione aliena, & in Coloniam procul à patria positam amandati?

g In abscondito plorabit anima mea: plorans plorabit & deducet oculus meus lachrymam.

h Asseverant Turturem castam & amatricem comparis esse, ita ut si quando evenerit, ejus masculum ab Aquila sive Aucepe capi, non se commiscere alteri sed ipsum cupere, & ipsius prætolari adventum, & in amoris ejus expectatione pendere. Hujus turturis meminit Scriptura in Cant. Canticorum dicens: Vox

G 7 turtu.

a Author. spec. pec. Tom. 9. Aug. *b* Eccles. 2.

c Chrysost. serm. de martyrib. imitandis. *d* Chrysost. hom. 54. *e* 2 Cor. 5. *f* Chrysost. hom. in Psal. 118.

g Hieron. 13. *h* Chrysost. tom. 5. hom. de virtute.

turturis audita est in terra nostra. O gemitus de medio cordis amabilis, bonitatis pullulans fontes! ò gemitus coelestem sponsum CHRISTUM ad semetipsum adducens!

a Vox turturis, amorì canit & dilectioni; & habet singularem dilectionem turtur, cui canit, vel præsenti gaudium, vel abienti affectum. Igitur vox turturis tota de amore, & non novit aliud præter amorem turtur. Et quid sonat vox turturis? quam significationem habet vox turturis? quid dicit? Unum est, quod sonat vox turturis, & semper illud sonat & resonat, & non fastidit unquam. Nunquam turtur vocem suam variat, nunquam canticum suum mutat, semper idem canit, qui semper idem diligit. O vox turturis quàm dulcis es! & quis dignus erit audire vocem turturis? in solitudine canit turtur, & semper turtur solitudinem diligit, quia singularem dilectionem quarit. Non audietur in plateis vox ejus, neque foris clamorem suum proferet. Intus resonat, intrinsecus canit, & non possunt audire turturem, nisi qui intus sunt, qui elongant in solitudine, qui secretum inhabitant.

b Donec (autem) homines pro DEI cultu, mercedem tantum in terra, & tantum terram acceperunt, minimè se cognoverunt peregrinos: nec more turturis ingemuerunt. Ita tandiù non est vox turturis audita in terra
no-

a Hugo de S. Victor. *serm. de assumpt. Mar.* tom. 2. *b* Bernard. *serm. 59. in Cant.*

nostra. Ubi ergo Regni Cœlorum promissio facta est tunc primum manifestè sonuit in terra vox turturis. Nam dum sancta quæque jam Anima CHRISTI præsentiam suspiraret, Regni dilationem moleste ferret, desideratam patriam gemitibus & suspiriis à longè salutaret, nonne tibi videtur, vice fungi gemebundæ ac castissimæ turturis, quæcunque anima in terris ita fecisset? Ex tunc ergo & deinceps vox turturis audita est in terra nostra. Quidni moveat mihi crebras lachrymas & gemitus quotidianos CHRISTI absentia? Domine ante te omne desiderium meum, & gemitus meus à te non est absconditus. Laboravi in gemitu meo, tu scis, sed beatus, qui dicere potuit: Lavabo per singulas noctes lectum meum, lachrymis meis stratum meum rigabo. Non solum autem mihi, sed & omnibus, qui diligunt adventum ejus, gemitus isti comperti sunt. Hoc quippe est, quod ipse agebat: Nunquid possent filii sponsi lugere, quamdiu cum illis est sponsus? venient autem dies, cum auferetur ab eis sponsus, & tunc lugebunt, ac si diceret; & tunc vox turturis audietur. Ita est, JESU bone, venerunt dies illi; nam & ipsa creatura ingemiscit & parturit usque adhuc, revelationem filiorum DEI expectans: non solum autem illa, sed & nos ipsi intra nos gemimus adoptionem filiorum DEI expectantes Redemptionem corporis nostri. Neque vacui gemitus, quibus è cœlo tam misericorditer respondetur. Propter miseriam inopum & gemitum pauperum nunc exsurgam, dicit Dominus.

minus, Fuit & in tempore Patrum, vox ista *gemitum*; sed rara, & penes quemque *sus gemitus*. Unde & dicebat quis: *secretum meum mihi*, *secretum meum mihi*? At ubi palam clamat-
tum est. *Quæ sursum sunt quarite*, ubi CHRIS-
TUS est in dextera DEI sedens, ad omnes jam
cœpit pertinere *gemitus ille turtureus*, & una
omnibus esse *gemendi ratio*.



LIBER SECUNDUS.

V O T A

ANIMÆ SANCTÆ.



Concupivit anima mea desiderare justificationes tuas. Psal. 118.

I.

Concupivit anima mea desiderare justifi-
cationes tuas. *Psalm. 118.*

Celestem dubitans, terrenumque inter Amorem,
nescio, quo statuam sub duce signa sequi.
Ille sub imperium, vocat hic ad pilea: pugnant
Desimili nimium conditione duces:
Hinc vocor, hinc revocor, rursusque invitor utrim-
que,

Non sicus ac refluxo quassa carina salo.
Ambiguum faciunt Amor hic, Amor ille duellum,
Impediuntque suo sistere vota loco.

Sit satis, ah! tandem mala tot fastigia passa,
Et pinar ad portus spem revocare suos!

DEUS! aut nullo calcet mihi pectus ab igne,
Aut solo valeat legis amore tuæ!

Non nego; quod libeat magna est optare, voluptas;
Et modo posse Volo dicere; Nolo, modo!

Frena nihil patitur minus, atque libido vivendi,
Nec se lege sinunt libera vota premi.

Ut vagus exulim lorisque, lupisque solutus
Quo libet in pastus currere gestit equus:

Aut stabuloruit & viridi mox sternitur herba,
Deposito nimium bucula laeta iugo:

Ast ubi mox revocat consueta ad aratra colonus,
Excussit ille lupos, illa recusat annus,

Scilicet expetitur libertas una vivendi,
Quæ satis est quamvis utilitate vacet.

Sic Phaëton, patria ruiturus ab axe quadrigæ,
Appetit ignotos flectere rector equos.

Sic

Sic quoque non solitis dum niteris altius alis
 Icare, subjectis labere mersus aquis,
 Quàm variâ Superum lassas prece tundimus aures;
 Cœlitibus putò nos sæpe movère jocum.
 Ille vovet nuptam, nuptæ vovet ille sepulchrum;
 Hic sobolem nasci postulat, ille mori;
 Ille patri mortem, patri rogat ille salutem;
 Hic fieri juvenis supplicat, ille senex.
 Vix puto, consentit centum de millibus unus;
 Quin aliquis voto diffidet ipse suo,
 Denique quid Superos oret, pars maxima nescit,
 Tam nova quisque sibi vota, precesque facit.
 Sic ubi jam gravidæ stimulant fastidia Matres;
 Obscœnam satiant fœcla pudenda famem:
 Scilicet expetitur modò calx, modo creta palato,
 Et modò, quæ stomacho displicuère, placent.
 Quid desideris ultra tot inanibus uror;
 Quid jaculor nullo votaue, spesque scopo?
 Este procul gemitus, procul anxia turba, timores,
 Sollicitaque preces, votaue, spesque procul.
 O DEUS, aut nullo caleat mihi pectus ab igne,
 Aut solo caleat legis amore tuæ.



Concupivit anima mea desiderare justificationes tuas. Psalm. 118.

Mirum est, quomodo concupiscatur desiderium; nec sit in nobis. Quis nesciat in homine esse concupiscentiam, in homine desiderium? cur ergo concupiscitur, ut habeantur; quasi forinsecus inferatur aut quomodo haberi ejus concupiscentia, sine ipso potest, cum non sit & ipsum quid aliud, quam concupiscentia? Nam & desiderare, procul dubio concupiscere est. Quis enim iste mirabilis atque inexplicabilis languor, & tamen est? nam & ægrotus, qui fastidio laborat, concupiscit utique desiderare cibum dum concupiscit non habere fastidium. An aliud est concupiscere, aliud desiderare? non quod non sit concupiscentia desiderium, sed, quia non omnis concupiscentia desiderium est, concupiscuntur enim & quæ habentur, & quæ non habentur; nam concupiscendo fruitur homo rebus, quas habet; desiderando autem, absentia concupiscit: desiderium ergo, quid est, nisi rerum absentium concupiscentia? sed DEI justificationes absentes esse quomodo possunt? An & quando sciuntur, & non fiunt, absentes habendæ sunt? sæpè enim quid agendum sit, videmus, nec agimus, quia non delectat

2 August. in Psalm 118.

lectat ut agamus, & concupimus ut delectet. Prævolat intellectus; & tardè sequitur, & aliquando non sequitur humanus atque infirmus affectus. Ideo ergo desiderare concupiscebat, quæ bona esse cernebat, cupiens eorum habere delectationem, quorum potuit habere rationem.

a Non dixit (autem) concupivi judicia; sed, concupivi desiderare: sicut enim vitâ vivere, plus est, quàm vivere (vivere namque commune etiam hujus etiam est vitæ; vita autem vivere, Beatorum est) sic concupiscere, ut desideremus judicia DEI, plus est, quàm desiderare judicia; concupiscimus enim desiderare, quasi non sit potestatis nostræ desiderium, sed gratiæ DEI. Cum enim Dominus oblectari nos viderit cupiditate desiderii judiciorum suorum, sobrium auget affectum; cum autem peccamus, non concupiscimus desiderare judicia DEI. Unde etiam Dominus non otiosè ait: *Desiderio desideravi hoc pascha manducare vobiscum*; non solum desiderans, sed etiam geminato desiderio concupiscens remissionem tribuere peccatorum, Concupiscamus ergo & nos desiderare judicia DEI.

b Num sicut dicitur aliquis carnalis Amor, quem & Cupidinem appellaverunt Poetæ, secundum quem qui amat, in carne seminat: ita est & quidem spiritalis Amor, secundum quem & ille interior homo amans in spiritu seminari

a (Jam)

a August. in Psal. 118. *b* Orig. prolog. in Cant.

a (Jam) discerne petitionem cordis tui , à petitionibus carnis ; discerne , quantum potes . Verbi gratiâ : cæcus est corpore , rogat . ut illuminetur : Petitiô hæc carnis infirmatur , rogat se saluum fieri ; saluus fit moriturus ; & ista petitiô carnis est . & si quæ sunt talia . Petitiô cordis quæ est ? sicut petitiô carnis est , velle sibi præparari oculos , utique ad videndam istam lucem quæ talibus oculis videri potest) ita petitiô cordis , ad istam lucem pertinet ; *Beati mundo corde , quoniam ipsi DEUM videbunt .*

b sed homo , quasi pulum onagri se liberum natum putat ; nam qui implere cuncta quæ desiderat per effrenatam libertatem querit , quid aliud quàm pullo onagri esse similis concupiscit ; ut disciplinæ hunc lorâ non teneant , sed audenter intervagos per sylvam desideriorum curat ?

c Mens quoque nostra rebus mutabilibus subdita . & à semetipsa variatur . Nam quærens , quod non habet , anxia percipit , cumque habere cœperit , ædet hanc percipisse , quod quæsit . Amat sæpè quod despexerat , despicit quod amaverat . Diu querit , & parum in his , quæ invenerit , perseverat .

d Nos enim . nati in hujus peregrinationis ærumna , huc fastidiosi jam venimus ; nescimus , quid desiderare debeamus .

e Ac planè quid oramus , sicut oportet , nesci-

—H—

sci-

a *Aug. in Ps 36 . b Greg. c. 15 . c. 12. Job. c. Greg. 1. 22. in c. 7. Job. d D. Greg. hom. 36. in Evang. e August. de orando DEO. Epist. 21. ad Proban. c. 5.*

scimus. Alius vult conjugari; alius conjugio viduatus deinceps continenter eligit vivere; alius nullum concubitum nec in ipsis nuptiis experiri.

a Et ego inhiabam honoribus, lucris, conjugio, & tu irridebas,

b Certè, qui dicit in oratione, verbi gratiâ: Domine, multiplica divitias meas; aut da mihi tantas, quantas illi vel illi dedisti; aut honores meos auge? aut fac me in hoc sæculo præpotentem atque clarentem, vel si quid hujusmodi est; & hæc dicit, eorum habens concupiscentiam, non id attendens, ut ex his, secundum DEUM profit hominibus, puto, eum non invenire in oratione Dominica, quo possit hæc vota coaptare: Quamobrem pudeat saltem petere, quæ non pudet cupere; aut si & hoc pudet, sed cupiditas vincit; quanto melius hoc petitur, ut etiam ab isto cupiditatis malo liberet, cui dicimus; *libera nos à malo.*

c Vides (ergo) aviditatè omne malum exortum, cum ipsum desiderium videlicet, non sustineat inter proprios terminos consistere?

Quidquid enim terminos à DEO statos transgreditur, id absurdarum ac minimè legitimarum rerum appetens est. Quemadmodum enim fieri sæpè videmus, ut qui ciborum appetitionem, quique impotenti siti correpti fuerint, ii & cœnum quoque nonnunquam ab bibendum appetant.

a Sic

a Aug. Confess. 6. c. 6. *b* Aug. de orando DEO. c. 12. Ep. 121. ad Proban, *c* Chrys. in Ep. ad Rom. c. 1, hom. 2.

LIBER PRIMUS. 183

a Sic cor meum, cor vanum, vagum & instabile, dum suo ducitur arbitrio, & divino caret consilio, in seipso non potest consistere, sed omni mobili mobilius, per infinita distrahitur. & hac atque istac, per innumera discurret; & dum per diversa requiem quærit, non invenit, sed in labore miserum, à requie vacuum manet: sibi non concordat, à se dissonat, à se resilit, voluntates alternat, consilia mutat, ædificat nova, destruit vetera, destructa coædificat, eadem iterum atque iterum alio & alio modo mutat, & ordinat; quia vult & non vult; & nunquam in eodem statu permanet.

b Sed allide Domine concupiscentiam meam dulcedine tuâ quam abscondisti timentibus te, ut concupiscam te concupiscentiis sempiternis; ne vanis illectus & deceptus interior gustus ponat amarum dulce & dulce amarum.



H **II.**

a Bernard. cap. 9, medit. *b* August. Soliloq. c. 12.



Utinam dirigantur viæ meæ ad custodiendas justificationes tuas! Psal. 118.

II.

Utinam dirigantur viæ meæ ad custodien-
das justificationes tuas. Ps. 118.

Quo ferar in tanto deprensa errore viarum,
Scitum ubi tam vario tramite fallit iter?
Hæc abit in dextram, tenet altera semita laevam,
Hæc tumet in clivus, vallibus ista jacet;
Hæc faciles aditus, aditus habet illa malignos,
Et quos illa tegit, detegit illa dolos.
Quoque vel hæc tendat, vel quo se porrigat illa,
Exitus implexo sine videre verat.
Non ita, quæ partes via se findebat in ambas,
Herculis ambiguum fecit euntis iter.
Nec totidem refluis Meander flectitur undis,
Ipse suis quamvis obuius erret aquis.
Nec labyrinthæi tanta est fallacia tecti,
Curva licet variis flexibus antra tegat.
Heu graviora meos cohibent discrimina gressus,
En gemina dubiam parte pericla premunt.
Non ego qua metuum divortia mille viarum,
(Solutus Dædaleâ, qui fuit ade labor.)
Sed præter varios curris ambagibus orbes,
Nox etiam cæcas celat opaca vias;
Nullaque se presso monstrant vestigia signo,
Quo populus trito calle, notarit iter.
Et licet explorem prætensis obuia palmis,
Et vitæ obstaculos, tubera dura, petras;
Vix satis ineptos ausim producere cursus,
Sed retinent timidum, noxque, dolusque gradum,
Lassus ut ignotâ cum fors regione viator
Opprimitur nebulâ precipitante diem.

Nullaque jam toto collucent sidera Calo,
 Nec prope sunt ulla, rustica tecta, casa;
 Nullaque signato callem notat orbita sulco,
 Ulla nec humano semita trita pede;
 Nec scit, an in sylvas, an eat ruiturus in undas,
 Longius inceptam si paret ire viam.
 Tum validis mutos compellat vocibus agros,
 Si quis aberranti praestet arator opem.
 Utque vel è stabulis tacitisque quis audiat antris,
 Ingeminant longes, terque quaterque sonos.
 Omnis at in surdas clamor volat irritus auras,
 Nullaque Pastoris verba remissa sonant.
 O quis in his tendat mihi stamina fida periculis!
 Quis D E U S, in tanta, sit mihi nocte Pharos?
 Isacidas quondam per inhospita regna vagantes,
 Insolitas docuit clara columna vias:
 Stella comes monuit Nabathæos lumine reges,
 Parvaque Bethlemia duxit in antra domus.
 Quin recreant trepidos, fratrum duo sidera, nautas,
 Tu quoque mi gemini Castoris ede facem.
 Gnosis aberrantem revocavit Thesea filo,
 Sectaque Leandro fixit amica facem.
 Ecce ego sum Theseus, vice tu mihi sis Ariadnes,
 Cumque ero Leander, sis vice Sestiados.
 Aspicias, ut multi, vaga turba, per avia currant,
 Et suus huc, illuc; quemlibet error agat.
 Hic cadit ignota præceps Regione viarum,
 Ille vago cæcum tramite versat iter:
 Hic celerat cursus; hic passu deside lentat;
 Sapius ille suos fertque refertque gradus:
 Hic diversus abit, lateri comes ille propinquat;
 Hic comitis ductu fallitur, ille suo:

Perpes

Perpetuos aliquis vestigia flectit in orbes,
 Alter in obliquas volvitur usque vias:
 Hic ratus ad certam cursu se tendere metam,
 Decepto repetit limina prima pede:
 Denique in errorem facto ruit agmine vulgus,
 Quodque tenere decet, vix tenet ullus iter.
 O utinam, recto tendat mea semita ductu,
 Nec fraus decipiat tramitis ulla gradum?
 Qualis at excusso fugit irrevocabilis arcu,
 Dum volat ad certum missa sagitta locum;
 Talis inoffenso festinet limite cursus,
 Qua tua nempe movent tendere iussa via,
 Esto igitur mea lux, quoties jaculabere, nervus;
 Quemque petis jaculis lex tua sancta, scopus;
 Quaque scopum cupies cervus tetigisse sagitta,
 Illa ego sum digitis lecta sagitta tuis.

Utinam dirigantur viæ meæ ad custodien-
 das justificationes tuas. Psal. 118.

Heremias dicit: Scio Domine, quia non est in
 homine vita ejus; nec viri est, ut ambulet &
 dirigat gressum suos. Hinc & in Psalmis cum qui-
 dam dixisset DEO: tu mandasti mandata tua cu-
 stodiri nimis, continuo, non de se præsumpsit,
 sed optavit, ut faceret, Utinam, inquit, dirigan-
 tur viæ meæ ad custodiendas justificationes tuas.

Miles, qui ingreditur iter, viandi ordinem
 non ipse disponit sibi, nec pro suo arbitrio viam
 carpit, nec voluntaria captat compendia, ne
 recedat à signis, sed itinerarium ab Imperatore

H 3

accipit

a Aug. l. 2. de oper. merit. b Ambr. in Ps. 118. Oct. 54

accipit & custodit illud; præscripto incedit ordine rectâque viâ conficit iter, ut inveniatur com-
meatum, parata sibi subsidia. Hanc legem viandi
esse præscriptam, Christo ducente, sanctis com-
meantibus, recognoscas velim. Profecti sunt
enim & Patres nostri de terra Aegypti, per longa
spatia terrarum, quorum stativæ omnes, man-
sionesque descriptæ sunt. Advertimus ergo,
quis has ordinaverit mansiones, quomodo am-
bulare oporteret filios Israël. Præibat enim il-
los, per diem; DEUS in columna nubis; noctu
autem in columna ignis, ut viam ostenderet
ambulantibus & tenebras dimoveret, lex via-
rum, columna erat & ignis & nubes.

a Multæ enim sunt viæ & multa genera via-
rum; magnum profecto periculum viatori.
Quàm facile in multarum occursum, errabit in
via sua, qui viarum discretionem caruerit? Scr-
temur proinde vias nostras, etiam vias dæmo-
num, vias quoque Beatorum spirituum, & vias
Domini investigemus.

b (si enim) viam ingressus, cum veneris ad
compitum aliquod, (& nescias, quod iter ingre-
di debeas) stas & cogitas ipse tecum, utrum pri-
mam, aut secundam, aut tertiam viam eligas,
quam sequaris, nec putas prius adoriendum iter
quàm animo deficiens; quanto magis animo de-
bet ac mente consistere, qui ad regnum cœleste
tendit, & cogitare tecum, quia non omnis via
illò ducit, non omnis eò dirigit ad Hierusalem
illam

a Bern. serm. 11. super Qui habitat in adjuto-
rio. *b* Ambr. in Psal. 118. Octon. 8.

illam, quæ in cœlo est. Sunt viæ, quæ malos exitus mortis habent. Hæ sunt viæ, de quibus legisti: *Quia sunt viæ, quæ videntur viro rectæ esse, ultima autem ejus aspiciunt in profundum inferni.*

a Viæ igitur filiorum Adam in necessitate & cupiditate versantur. Ab utraque siquidem ducimur & ab utraque trahimur, nisi quod videmus magis urgeri necessitate, trahi cupiditate. Et necessitas quidem specialiter corpori tribuenda videtur, nec simplex illa est, sed *anfractus habens plurimos*, plurimæque dispendia; nam compendia pauca admodum, si quæ tamen. In his quoque docetur, quàm necesse habeat clamare ad Dominum non de necessitate, sed de *necessitatibus meis erue me*. Non modo ab hac viâ necessitatis, sed ab ea quoque quæ cupiditatis est optabit educi, quisquis non surdâ aure monita sapientis exceperit. Quid enim ille ait? *à voluntatibus tuis avertere*. & item: *post concupiscentias tuas non eas*. Hæ sunt viæ, quæ videntur hominibus bonæ, sed finem non habent, nisi cùm demergunt in profundum.

b si invenisti vias hominum, illud quoque considera, ne fortè de his dictum sit: *Contritio & infelicitas in viis eorum*: ut sit contritio in necessitate, infelicitas in cupiditate. Videamus & vias Dæmonum, videamus & caveamus; videamus & fugiamus eas; siquidem via illo um, *Praesumptio & Obstinatio*. Quàm perverso & everso sunt corde filii hominum! quicumque sectantur vias Dæmonum, ingrediuntur Dæmonum vias.

H 4

Hæc

a Bern. serm. II. super Qui habitat. b Ibidem,

Hæc enim tota adversum nos spiritualium col-
luctatio nequitiarum est ut nos seducant, ut nos
inducant in vias suas, ut deducant in eis, per-
ducant ad destinatum finem, qui paratus est.

Quæ vero sunt Sanctorum Angelorum viæ?
Profectò illæ, quas unigenitus enarravit dicens:
*Videbitis Angelos ascendentes & descendentes su-
per filium hominis.* Ascensio igitur & descensio
viæ illorum. Ascensio propter se, descensio vel
potius condescensio propter nos. Puto & vias
Domini vultis audire. Docuit itaque vias suas,
cum aperuit labia Prophetæ, ut diceret: *Univer-
sa via Domini misericordia & veritas.* Ità ad sin-
gulos, ità ad omnes communiter venit, in mi-
sericordia scilicet & veritate, *Ah his itineribus
incurvati sunt colles mundi, superbi, Dæmones,
Principes.*

a Ille ordo est, alii præcedunt, alii sequuntur,
Qui præcedunt, exemplum se præbent sequenti-
bus; nunquid neminem sequuntur? Si nemi-
nem sequuntur, errabunt. Sequuntur ergo &
illi aliquem, ipsum CHRISTUM. Et cernitis
ordinatos gressus per Paulum Apostolum di-
centem: *Imitatores estote sicut & ego CHRISTI.*
Justi attendendo eos, qui se in bono præcedunt,
imitando sequuntur. Quomodo sequuntur. *Vi-
debunt justi & timebunt.* Videbunt & timebunt
sequi vias malas, cum vident quosque meliores
jam elegisse vias meliores, & dicunt in animo
suo, quemadmodum solent dicere viatores, at-
tendentes alios cum præsumptione ambulantes

in

a August. in Psalm.

In via, ipsi adhuc incerti viæ, & quasi fluctuantes, quò eant, dicunt sibi; Non frustrâ illi hæc eunt, quando illò eunt, quò nos ire volumus. Et quare cum magna fiducia hæc eunt, nisi quia illac ire perniciosum est. Videbunt ergo iusti & timebunt. Augustam viam vident illac; hæc vident paucos, illac multos; sed si iustus es, noli numerare; noli numerare turbas hominum incedentes latas vias; noli eos attendere, multi sunt; pauci autem eant per viam angustam.

a Reprobo um (siquidem) *semitæ* semper *involutæ* sunt, ut pravis concupiscentiis dediti aut bona nulla appetant, aut appetentes infirmo desiderio ad hæc nequaquam mentis *liberos gressus* tendant. *Recta* enim aut non incipiunt, aut in ipso fracti itinere ad hæc minimè pertingunt, unde fit plerumque, ut ad morem suum lassati redeant, seseq; ab intentione animi in carnis voluptatibus sternant; sola quæ transeunt, cogitent; nulla quæ secum permaneant, curent.

b Caput circuitus eorum? quid est circuitus ipsorum? ut circumeant & non stent, in gyrum eant erroris, ubi iter est sine fine; qui enim in longum it, aliunde incipit, alicubi finit; qui in gyrum it nusquam finit. Ipse est labor impiorum, qui demonstratur in alio Psalmo evidentiùs: *In circuitu impij ambulant.*

c Bene etgo de reprobis dicitur: *Involutæ sunt semitæ gressuum eorum*, quia recta quidem deliberando appetunt, sed ad consueta semper mala repli-

a Greg. c. 17. l. 7. mor. in c. 6. Job. *b* Aug. in Ps. 139. *c* Greg. l. 7. mor. c. 24. in cap. 6. Job.

replicantur, & quasi extra se tenſi, ad ſemetipſos per circuitum redeunt, qui bona quidem capiunt, ſed à malis nequidquam recedunt.

a Et quidam cadunt extra viam; ut ille, qui nunquam fuit de Eccleſia. Quidam cadunt à via; unde hoc: *Melius eſt viam juſtitia non agnoſcere, quàm poſt agnitam retroire.* Quidam cadunt in viam, unde dicitur: *Juſtus ſepties cadit in die.*

b Sed eſt multa differentia inter caſum Juſti & injuſti: *Juſtus*, inquit, *cùm ceciderit, non proſternitur.* Injuſtus, & qui ſpem non habet in DEO poſitam, ſi ceciderit, proſternitur, & non ſurgit, id eſt, ſi peccaverit, non poenitet, & peccatum ſuum emendare neſcit.

c O tortuoſas vias! vae animæ audaci, quæ ſperavit, ſi à te receſſiſſet, ſe aliquid melius habituram! Verſa & reverſa; in tergum & in latera, & in ventrem, & dura ſunt omnia, & tu ſolus requies. Et ecce ades, & liberas à miſerabilibus erroribus, & conſtituis nos in via tua, & conſolaris & dicis: *Currite ego ſeram, & ego perducam, & ego ibi ſeram.*

d Melius dirigebantur à Domino greſſus eorum, quibus per noctem, ignis columba lucebat, per diem, nubis. Et tu merere factis, votisque depoſce, ut greſſus tui à Domino dirigantur, ne moveantur pedes tui. Cavendum eſt quoque, ne rectam ſemitam derelinquas, & diverticula te viarum tortuoſarum decipiunt. Ideo dicit: *Parate viam Domini, rectas facite ſemitas ejus.* Rectas

facia-

a Bonav. in Pſal. 36. *b* Orig. hom. 4. in Pſal. 36. *c* Aug. confeſſ. 6. c. 16. *d* Ambr. in Pſal. 36.

faciamus animorum semitas, ne labamur, ne effundantur gressus nostri sicut uxoris Loth, quæ post se respexit, & gressus tenere non potuit, sed effusi sunt. Non effundantur sicut Ægyptiorum, quorum gressum maris fluctus effudit. Nonne de his pulchrè dixeris: *Effusi sunt gressus eorum*, quos bene vixisse poenituit?

a O qui dereliquisti semitas rectas, abeundo in vias tenebrarum! ô qui lxtamini in malis, & gaudetis in eversione mala, quorum semitæ pravae & flexuosi cursus eorum sicut lubricus & fluxuosus author ipsorum, cur odisse coepistis viam rectam! Non vos direxit Dominus.

b O Domine, qui lux es, qui es via, veritas & vita, in quo non sunt tenebræ, error, vanitas, neque mors. Lux sine qua tenebræ; via sine qua error; veritas, sine qua vanitas; vita, sine qua mors: Dic verbum, Domine; fiat lux, ut videam lucem & vitem tenebras: videam viam, & vitem invium; videam veritatem & vitem vanitatem: videam vitam & vitem mortem. *Illuminare*, inquam, *illuminare* huic cœto, *qui in tenebris & in umbra mortis sedet, & dirige pedes ejus in viam pacis?*

c (Fac) ut anima (mea) telum sit in manu potentis ad scopum, supernum directum (scio) esse eundem & sponsum nostrum & sagittarium; (fac) eandem item animam esse sponsam & telum, quæ ille tanquam telo utatur, dum eam bonum ad scopum dirigit.

III.

a *August. in Psal. 38.* b *August. Soliloq. cap. 4.* c *Nyssen, orat. 4. in Cant.*



*Perfice gressus meos in semitis tuis, ut non
moveantur vestigia mea. Psal. 16.*

III.

Perfice gressus meos in semitis tuis : ut
non moveantur vestigia mea.

Psalm. 16.

Ergo caduca gradum toties mihi tibia fallit,
Sternet & in plana pes vitiosus humo?
Aspice, qui in Caelis hominum vestigia spectas,
Firmaque fac pressò stet mea planta solo,
Instruit implumes pennata Ciconia pullos,
Et docet aëreas præpes inire vias.
Exemplo volucrum sequitur modò filia Matrem,
Tutaque jam peragit, quod metuebat iter.
Provocat expansis sobolem Jovis armiget alis,
Et jubet insuetas sollicitare plagas.
Mox præit, & pleno se jactat in aëra lapsu,
Remigio soboles subsequiturque patrem.
Dum primùm ignotas tentat puer inscius undas,
Corporis indoctum subere fulcit onus:
Mox opis oblitus, flumen sine cortice tranat,
Flumen inexperto sæpè sed ore bibit:
Sapiens ac doctis ubi plauscrit æquora palmis,
Ducit in immenso brachia tuta salo.
Aspice, qui in Caelis hominum vestigia spectas,
Aspice, quæ nobis arte levetur iter,
Sustineor fragili puerilia membra curuli,
Quaque vehunt socias ipsa propello rotas.
Nempe tripes baculi sic stipite nititur atas,
Quique senem vectat à sene fertur equus.

Ne tamen ambiguis male decipiari querelis;
 De pedibus, tecum nulla querela meis:
 Nec vitio planta, vitio neque crura laborant;
 Saxa per & salebras tibia nostra salit.
 Non ego pennipedi dubitem certare Camilla,
 Isse per intactas quæ pede, fertur, aquas,
 Quod queror est animi vitium lachrymabile nostri,
 Quis quibus incedat, languidus est pedibus.
 Heu jacet afflictis, affectibus omnibus ager!
 (Hi, quibus incessit, nempe fuere pedes.)
 Si quod iter, quamvis breve sit, virtutis eundum est,
 Mens mihi sit minima lassa labore via;
 Crura forent fragilis veluti tu, Nile, papyrus,
 Quaque ruit subito mota palustris aqua.
 Rarus, at immodicus quandoque resuscitat ardor,
 Et pede fulmineo stringere cogit iter:
 Sed bene vix ceptum, currendi extinguitur ardor;
 Lampadis ut magno flammula parva Noto,
 Ne tamen ignotis videar segnescere plantis,
 Promoveo tardos pigra subinde gradus.
 Ast mea tunc caveam quisquam vestigia servet,
 Ne puter emmodicis etria facta scyphis:
 Scilicet in partes ita sic tibi claudicat ambas,
 Semipean claudi per ut hincat iter.
 Nunc volo, nunc nolo, nunc astuo, nunc languesco,
 Nunc stupeo ut rigido mens religata gelu.
 Impatiens igitur, capiti sine fuge laboris,
 Cape via medio, lassa retento gradum.
 Sed neque, qua languens statione resistere tento
 Instabilem valeo figere firma pedem.
 Aversor adverso velut incerta puppis ab astu.
 Quam neque vis remi nec sua vela juvant;
 Damna

*Damnaque sunt iterum vano redimenda recursu,
Irritus aeterno sic redit orbe labor.*

*Nempe catenati, sic publica corpora, servi
Circumeunt toties, pendula tecta mola.*

*It mola, perque suos rapitur circumvaga gyros,
Sed perit his, quicquid conficit illa via.*

*Heu quid agam! neq; sueta vehi neq; currere docta,
Nec pedibus minimas utilis ire vias!*

*Magnum iter est Caelo, magnis huc passibus itur;
Quid faciet lentis nostra quadriga rotis?*

*Tu spatia ingenti perlaberis ardua saltu,
Vastaque tergemini crura gigantis habes.*

*Eorum passu, Hesperiumque amplectere mundum:
Sub femur ut Rhodius vela Colossus agit:*

*Ast testudines raptat mihi tibia gressu,
Aut chelys referor, Cancer adunce tuis.*

*Quid positas igitur sperem contingere metas,
Quae metas refugo perdita sector equo?*

*O DEUS, ambiguos trepidantis perfice gressus,
Vincat & applausis nostra quadriga rotis!*

*Perfice gressus meos in semitis tuis, ut non
moveantur vestigia mea. Psal. 16.*

a In quo corrigit adolescentior viam suam?

*b S*epe etenim egregia dum spe subnixus, in al-
tum,

*Efferor, at mediae virtutis septa volatu
Transilio dirus, resupinum mentis ad ima
Præcipitem fundit Satanas; mihique accidit illud,*

I 2

Quod

a Psalm. 118. b Nazianz. de vir. hum,

*Quod solet huic, qui littorea dum incedit arena,
Hand certa elusis pedibus vestigia firmat.*

*Erigor ipse iterum, rursusque in terra relabor,
Infelix mage, quam prius; incedensque labore
Perpetuò, trepidumque forens in corde pavorem
Vix gradior, citus at labens figo oscula terræ.*

*a Vias tuas Domine demonstra mihi, & semitas
tuas edoce me.*

b Deduc me in via tua,

c Fac mihi viam, in qua ambulem.

*d Nam quis inter tot passiones hujus corpo-
ris, inter tantas illecebras hujus sæculi tutum
atque intemeratum servare potest Vestigium?
Respexit oculus, & sensum mentis avertit, audi-
vi auris, & intentionem inflexi; inhalavit odor
& cogitationem impedivit; os libavit; & cri-
men retulit; tactus contigit, & ignem adolevit.*

*e (Quare) qui iter agit ad virtutem, multa
sunt, quæ digredi habet & transire. Ergo & tu,
qui ad CHRISTUM tendis (qui es DEI virtus)
digredere luxuriam, scorta, adulterium; digre-
dere furta, falsa testimonia; tum deinde digre-
dere & avaritiam, & omnem pecuniæ cætera-
rumque malarum rerum concupiscentiam; di-
gredere mendacium, digredere stultitiam sæ-
culi.*

*f Bonum crus fac pedi tuo, non enim naturæ
est, sed voluntatis: levem hanc reddamus, ne
celerati pedum reliquum pondus officiat. Do-*

ce-

*a Psalm. 24. b Psalm. 85. c Psalm. 182. d
Amb. de fuga sæculi, c. I. e Orig. hom. 4. in Ps.
36. f Chrys. in 3. c. ad Phil,*

ce pedes esse cautos : pavimentum enim multis loci est lubricum ; ac si cadas, multa perdidisti : attamen etsi cecideris, surge ; licet enim & hoc pacto vincere. Nunquam lubricis rebus te committas, & non cades, super solidas ac stabiles curre.

a In eo namque ostendimus, quanta ad Dominum cupiditate flagramus, si non solum ad eum per tranquilla & mollia, sed etiam per aspera & dura transimus. Hinc namque Propheta ait : *Qui perfecit pedes meos, quasi cervi.* Cervus enim, cum montium juga conscendit, quæque aspicit aspera quæque se obijciunt sentibus illigata, dato saltu transgreditur, & absque alio cursûs sui obstaculo, in superioribus elevatur ; ita etiam electorum mentes, quæque sibi in hoc mundo obistere atque obviare conspiciunt, contemplationis saltu transcendunt, & more cervorum, despectis terrenorum sentibus, in superna se evehunt.

b Est ascensio, est transilitio, non pedibus, non scalis, non pennis ; & tamen si interiorem hominem attendas, & pedibus & scalis, & pennis. Nam si non pedibus ; quomodo dicit homo interior : *Non veniat mihi per superbiam* : si non scalis, quid sunt, quas vidit Jacob ? si non pennis, quis est, qui dicit : *Quis dabit mihi pennas sicut columbæ, & volabo, & requiescam ?* sed in rebus corporalibus, aliud sunt pedes, aliud scallæ, aliud pennæ. Intus autem & pedes & scallæ, & pennæ affectus sunt & bonæ voluntates.

I 3

Stat

a Greg. l. 26, mor, c. 10. in c. 35. Job. *b* Aug. in Ps. 38.

a Stat (anima) manu verbi levata velut super duos pedes, devotionem & agnitionem. Stat, inquam, sed sibi putet dictum, *qui se existimat stare, videat, ne cadat*. Putasne stare per se poterit, quæ surgere per se non potuit? Cur ergo si stare per se poterat, orabat homo de terra, *Confirma me*, inquiens, *in verbis tuis Domine*: Denique & probârat. Ejus ipsius illa vox fuit: *Impulsus, eversus sum, ut caderem, & Dominus suscepit me*. Quæris, quis ille impulsor, non est unus. Impul'or Diabolus est, impulsor Mundus, impulsor Homo. Quis iste homo sit, quæris? quisque sui. Noli mirari, usque adeo homo impulsor sibi est, & suimet præcipitator, ut non sit, quod ab altero & impulsore formides, si ipse à te proprias contineas manus: manus tua, consensu tuus. Cum igitur tres sint stanti imminentes stratores; horum, Diabolus livore malitiæ; Mundus, vento vanitatis; Homo semetipsum pondere suæ corruptionis impellit. Impellit Diabolus, sed non evertit, si quidem tuum tu illi negaveris assensum. Est & mundus impulsor; quia in maligno positus est; impellit omnes, sed solos evertit amicos suos. Ex quo satis claret, quàm sit Homo præcipuus impulsor suus, qui suo, sine alieno impulsu, cadere potest? alieno, absque suo, cadere non potest. Sed innixum verbo & indutum virtute ex alio, nulla vis, nulla fraus, nulla jam illecebra poterit vel stantem dejicere, vel subicere dominantem. Vis non timere impulsorem?

Non

a Bern. serm. 23. in Cant.

Non veniat tibi pes superbie & manus impellentis non moveat te: Ibi ceciderunt, qui operantur iniquitatem, ibi Diabolus & angeli orruerunt. Denique in veritate non stetit, qui non innixus est verbo: & ideo fortassis sedere voluit, qui stare non valuit; dicebat enim: sedebam in monte testamenti. Cæterum DEO aliter judicante nec stetit, nec sedit, sed cecidit dicente Domino, Videbam Sathanam sicut fulgur de cælo cadentem: ergo qui stat, si non vult cadere, non fidat sibi, sed nitatur verbo. Cujus manu erigeris, ipsius necesse est virtute tenearis.

a Via nostra, ambulantes quærit; sed tria sunt hominum genera, quæ odit: Remanentem. Retro redeuntem. Abeuntem: ab his tribus generibus malis, Domino adjuvante vindicetur & defendatur gressus noster. Jam vero cum ambulantes sumus, alius tardius ambulat, alius celerius, ambo tamen ambulantes; excitandi sunt ergo Remanentes; Retro-redeuntes revocandi; Errante in viam ducendi; Tardi exhortandi; Celeres imitandi. Qui non proficit, remansit in viâ; qui forè à meliore proposito declinat, ad id quod dererius reliquerat, reversus est re-ro; qui fidem deserit, à via erravit. Cum tardis sit nobis & cum celerioribus ratio, cum ambulantibus tamen. Quis est, qui non proficit? qui se putaverit esse sapientem, qui dixerit, sufficit mihi quod sum, qui non attenderit eum, qui dicit? *quæ retro oblitus*

in ea qua ante sunt extentus secundum intentionem sequor ad palmam vocationis DEI in CHRISTO JESU. Currentem se dixit, sequentem se dixit, non remansit, non retrospexit: absit, ut erraverit, quia viam ipse docebat, qui & tenebat, & ostendebat.

a Beati sunt, qui non de præterita sibi iustitia blandientes, secundum Apostolum, per dies singulos in virtute renovantur. Iustitia enim Iusti non proderit ei, à quo die iustus esse desierit. Sanctus ergo securus esse non debet, quamdiu in hujus vitæ agone versatur, sed totum quo tenditur spatium, vitæ tuæ est, ut peragere possis iustitiam, nec de præterita iustitia confidens remissior efficiaris.

b Quare semper tibi displiceat, quod es, si vis pervenire ad id, quod nondum es; nam ubi tibi placuisti, ibi remansisti. Si autem dixeris; sufficit & peristi; semper adde, semper ambula, semper profice, noli in via remanere, noli retroredire, noli deviare. Remanet, qui non proficit; retro - redit, qui ad alia revolvitur, unde jam abcefferat; deviat, qui apostatat. Melius it claudus in via, quàm cursor præter viam.

c Et quid claudicatis in duas partes? dixit Elias populo. Si DEUS est, ite post illum; si mundus est, ite post illum; si DEUS eligitur, serviat illi, secundum ipsius voluntatem; si mundus eligitur, ut quid fictum cor quasi DEO accommoda-

a Paul. Epist. ad Galan. in fine inter Epist. Hi r. to. 10. b Aug. serm. 13. de verbis Apost. c Aug. l. 4. de symb. de Catech.

modatur? quid tibi cum pompis Diaboli, amator CHRISTI? ô munde immunde veneri vis pergens, quid faceres, si remaneres? quem non deciperes dulcis, si amarus alimenta mentiris?

a DEUS Dominus fortitudo mea, & pones pedes meos quasi cervorum.

b Sperabam aliquando in virtute mea, quæ tamen non erat virtus, & sic volui currere ubi magis stare credebam, ibi magis cecidi, factusque sum magis retro, & non ante & quod credebam consequi, magis elongatum est à me.

c Cogitavi ergo) vias meas, & converti pedes meos in testimonia tua.

d Adhuc sequor, adhuc proficio: adhuc ambulo adhuc in via sum, adhuc me extendo, nondum perveni.



I 5

IV.

a Habacuc. 3. *b* Aug. soliloq. c. 25. *c* Psalm. 118. *d* Aug. serm. 15. de verb. Domini.



*Confige timore tuo carnes meas, à judiciis
enim tuis timui. Psalm. 118.*

I V.

Confige timore tuo carnes meas, à judiciis
enim tuis timui. Psal. 118.

Littera prima rudi quondam inculcata juventa,
Fertur ab antiquis, Numinis esse Timor:
Certaque non alia Sapiëntia discitur arte,
Si qua fides verbis, Nate Davide tuis.
Hoc quoque nostra fui, formata puertia ludo,
Doctaue sidereas mens trepidare minas,
Semper at heu! tantis stupuit mens caca tenebris,
Ut neque quod toties audiit, Alpha sciat.
Tristibus Orbili plectenda ignavia sceptris,
Post male tot positos, nil didicisse, dies.
Et queri serulis segnes Elementa docentur,
Quæ levis assequitur sedulitate labor;
Aspiciunt nigras Cadmibus, terve puellas,
Aspectasque vocant, nomine quamque suo:
Et licet atrato sit par, color omnibus ore,
Signa tamen faciem propria quamque notant.
Cur ergo quod teneris Infantia combibit annis,
Discere non etiam tempore posse putem?
Plurima sunt, nullo penitus mihi docta Magistro,
Cur disci nequeat, arte iuvante, Timor?
Ah pudet! en timeo, quæ contempsisse decebat;
Non timeo, justos quæ meruere metus.
Flagitium, minimo timeo committere teste,
Non timeo facinus, teste patrare DEO.
Ne corpus perimant, metuo de nocte latrones;
Nil metuens Anima certa pericla mea.

Nempe fugit picta sic passer imagine larva,
 Illita cui visco virga timenda fuit.
 Sic tremit aspecta cervus formidine penna,
 Nec tremit obstantes, agminarauca canes,
 Sic quoque, Marmaries trepidat leo terror arena,
 Et cadit in tensas, territus igne plagas.
 Heu! tremit humanas furor hic caligine mentes,
 Fulgetras metuunt fulmina nulla pavent;
 Subjicitur pedibus nigri metus omnis Averni,
 Creduntur stygii fabula ficta foci,
 Scilicet, abjecto leve fit scelus omne Timore,
 Sed gravis insequitur pœna Timore, scelus.
 Flagitiis demum incipiunt trepidare peractis,
 Ante scelus, nullus pectora terror habet.
 Tum pavor heu madidis mentem sudoribus angit,
 Et lesiante oculos Numinis ara redit!
 Tum subitus strate vigiles Timor excutit artus,
 Propria tum vacuos terret imago thoros.
 Si strepitum moti dederitmus stramine lecti,
 Creditur è sylvis exiluisse leo:
 Nocte levis, quassa si murmuret arbore ventus,
 Horrescunt rigida, fronde sonante, comæ.
 Quid faciant, subitis si fulminet ignibus ather;
 Aut sonet æthereo grandior axe fragor?
 Pectora cœlesti stupeant perculsa tumultu,
 Et flamma metuant dissiliente peti.
 Tunc terrent aura, tunc terrent scilicet umbra,
 Augurioque notant omnia signa necem.
 Quin etiam nemorum nocturna silentia terrent,
 Ipsa que se fontem mens furiata timet.
 En quantum miseris pœna, mens conscia donat;
 Ipse in sese animus verbera tortor agit.

Hen

*Hæc quoties stygii, turbato in Cæsare, manes;
Pharsali quoties emiculistis agri!*

*Sæpe Patris vindex, furus agitans, Oreste,
Umbra trucidatæ viva Parentis erat.*

*Mæste colubrifera Pentheu laniaris Erynni,
Vindicat hæc læsos verberare Diva DEOS.*

*Nulla reos animos agitat mage dira Tyrannis,
Quàm testem assidue pectore ferre suum.*

O DEUS! ô confige tuo mihi corda timore!

*Ne peccem, furor hac cuspide noster eget,
Utilis ante scelus Timor est, qui frena gubernet,
Qui timet, admissò crimine, sero timet.*

*Confige timore tuo carnes meas, à judiciis
enim tuis timui. Psalm. 118.*

Nisi timor instituendæ vitæ nostræ rudimenta jaceit, impossibile fuerit sanctionem legitimè observari. *Confige, inquit timore tuo carnes meas;* nam quemadmodum, qui corporis membra habent clavis transfixi, ad actionem quamlibet immobilia ea retinet, sic illorum animam occupavit *DEI Timor*, omnem prorsus importunam peccati & obstreperam occasionem vitant: Timenti itaque nulla ad complectendam virtutem desit facultas, cum per *Timorem* ab indecora omni & absurda actione revocatur & impediatur.

b Nam quemadmodum, quercus altiùs demissis radicibus, nullius venti viribus sternitur, ita animam *Divino Timore confixam* nullus temptationum ventus evellit.

I 7

a Sunt

a Basil. hom. in Ps. 33. b Chrys. hom. 53. in Joan.

a Sunt autem & carnes quædam animæ, sicut corpus est animæ. Carnes animæ, sunt carnales cogitationes : *Configat has carnes timor Domini & iudiciorum ejus.*

b Ejusmodi ergo timore eruditus, quasi freno quopiam abarce, & inhihe animam ad vitiosam concupiscentiam propendentem.

c Prudenter sagittari & impugnari salubriter postulat Sanctus, cum dicit in oratione, *Confige timore tuo carnes meas*; optima *Timor iste sagitta*, qui configit & interficit carnis desideria, ut spiritus salvus sit.

d Teneat ergo & terreat timor iudicii, metus gehennæ, laquei mortis, dolores inferni, ignis urens, vermis corrodens, sulphur foetens, flamma tartarea & omnia mala.

e In veritate enim didici, nihil æquè efficax esse ad gratiam promerendam, retinendam, recuperandam; quàm si omni tempore, coram DEO, inveniatis non altum sapere, sed timere. Beatus es, si cor tuum triplici amore repleveris; ut timeas quidem pro accepta gratia, amplius pro lapsa, longè plus p. recuperata.

f (sed multi) *trepidaverint timore, ubi non erat timor*; nunquid enim timor est, si quis perdat divitias? non est ibi timor, & ibi timetur, si quis autem perdat sapientiam, ibi verè timor, & ibi non timetur. Stultitia, dicens in corde suo

a *Ambr. in Ps. 118. Octon. 15.* b *Basil. hom. in Ps. 33.* c *Bern. ser. 29. in Cant.* d *Bern. l. de interiore domo, c. 36.* e *Bern. ser. 54. in Cant.* f *Aug. in Ps. 52.*

suo, non est DEUS; timuisti perdere terram, & perdidisti cœlum!

a (Sed) ita se habet peccatum, ut priusquam fiat & ad opus perveniat, obtenebret & decipiat mentem; postquam autem consummatur; manifestè suam nobis absurditatem proferat & ostendat. Unde brevis illa & ab urda voluptas continuum menti dolorem inserit, conscientiaque fiduciam aufert, confusione captam perfundens. Misericors enim DEUS ejuscemodi accusatorem nobis assistere voluit, ut nunquam soli relinquamur, sed indefinenter ille congregiendi clamet, & poenam exigat delictorum. Scortator enim vel adulter, etiamsi omnium oblivisci queat, nunquam tamen sic in solitudine versatur, quin habens acrem illum accusatorem, suspiciones timeat, umbras tremiscat, & eos, qui conscii sunt, & qui non sunt; perpetuaque in animo ejus potestas est, ac reciprocantes, & contrarii fluctus. Insuper neque somnus ei suavis, sed terrore & formidine plenus; neque cibus voluptatem præbet, neque amicorum colloquia talem refoçillare vel liberare ab urgente anxietate possunt: sed quasi Carnificem gestaret se lancinantem & flagellantem continuo, ita post admissum facinus obambulat; nullo conscio, sustinens intolerabiles poenas illas, & judex sui ipsius factus & accusator.

b Sonitus terroris semper in auribus illius: & cum pax sit, ille semper insidias suspicatur.

a Expli-

a Explica mihi (improbi) conscientiam, & videbis intus gravem peccatorum tumultum, jugem metum, tempestatemurbationum videbis, vel in curia, mentem ad thronum conscientiae conscendisse regalem, & tanquam Judicem quempiam sedentem & cogitatione loco carnificum adhibentem, in equuleo suspendentem lateraque conscientiae radentem unguulis; pro commissis vehementer inclamantem, cum nemo sciat, nisi quod solus DEUS hæc videre noverit. Etenim qui committit adulterium, etiamsi millies fuerit dives, etiamsi nullum habeat accusatorem, non desinit tamen intus se accusare. Et voluptas quidem temporaria est, dolor verò perpetuus. timor undique ac tremor, suspicio & anxietas: angulos metuit, umbras ipsas formidat, suos ipsius famulos, conscios, inscios; illam ipsam, quam corrumpit, & virum, quem affecit contumelia. Obambulat. amarum accusatorem circumferens, conscientiam, cum sit suo ipsius iudicio damnatus, nec possit vel ad breve tempus respirare. Nam & in lecto, & in mensa, & in foro, & in domo & interdiu & noctu, & in ipsis frequenter somniis, hæc iniquitatis simulacra videt ipsiusque Cain vitam vivit, gemens ac tremens super terram, cum nemo sciat; intus tamen habet ignem implicitum. Idem patiuntur & qui rapinam exercent, & qui fraude lucrum faciunt, & ebriosi, & in summa quotquot in peccatis vivunt. Neque enim ullâ ratione iudicium illud potest corrumpi muneribus.

a Ex-

a Chrys. Conc. 1. de Lazaro, in cap. 16. Luc.

a Externi Judices & pecuniis corrumpuntur, & assenrationibus delinquuntur & meru simulant; denique multa sunt alia, quæ rectum illorum judicium depravant: At conscientia tribunal, nulli hominum novit cedere, sed quamvis dederis pecunias, quamvis mineris, quamvis aliud quidlibet feceris, justam ferè sententiam adversus peccatorum cogitationes, adeò, ut ipse quoque, qui peccatum admisit, se ipsum condemnet, etiamsi alius nullus accuset.

b Incorruptus judex, conscientia, cum adversus hominem exurgit, clarâ voce clamat & accusat, & ostendit, & quasi ante oculos scribit peccatorum magnitudinem.

c *Confige (ergo Domine) timore tuo carnes meas; lætetur cor meum, ut timeat nomen tuum. Utinam te sic amaret peccatrix anima mea, quomodo ille vir sanctus, qui dixit: Semper enim quasi tumentes super me fluctus timoris DEUM!*

* * * *

* * *

*

V.

a Chrys. Conc. 4. de Lazaro. *b* Chrys. hom. 17. in Gen. *c* Aug. med. cap. 34.



Averte oculos meos, ne videant vanitatem.
Psalm. 118.

V.

Averte oculos meos; ne videant vanitatem. Psalm. 118.

Pervigilent geminae celso mihi vertice stella,
 Quis est perpetuis munus in excubiis.
 Nec tamen errantes neque possum dicere fixas,
 Sed meritò, duplex utraque nomen habet.
 Errat ab officio vaga sapiens utraque iussu,
 Utraque docta suum fixa tenere lorum.
 Motibus ambæ agiles, fixa stationibus ambæ,
 Quod genus hoc stellas Oedipus esse putet?
 Vos, oculi! vos conspicuae duo lumina frontis,
 Sydera vos estis, quæ mihi bina micant.
 Vos, quibus in celsâ statio data pervigil arce,
 Excubat ut summa lucida flamma Pharo.
 Aut qualis speculâ servans spectator ab altâ,
 Quæque propinqua, videt, quæque remota videt.
 Non tamen, ut trepidis qui lucent navibus ignes,
 Vos mihi tam fidâ lampade fertis opem!
 Flamma regit nautas, dum flammam tecta mini-
 strat.
 Aut flammam retrahant quæ posuere manus;
 Vos (velut excussis rapidus ruit axis habenis,
 Frenaque qui rupuit durior oris equus.)
 Quò lubet, indomitum differtis in avia cursum,
 Jam nulla Domini lora regente manu.
 O oculi scopuli titulo meliore vocandi!
 Heu quibus allisa tot perire rates!

Dina

Dina peregrinas virgo visura puellas:

Mater deposita virginitate, redit.

Rex videt Uriaden nitido semel amne lavantem;

Illæ, Cupidineas vibrat ab amne faces.

Pulchra Duci Assyriodum comit Juditha formam,

Assyrium truncat Juditha compta Ducem.

Fortè senes niveam semel aspexere Susannam,

Ambo senes oculis interiøre suis.

Non tot, ad infames, dura Acroceraunia, cautes,

Hypotadæ laceras contudit ira rates.

Non tot inexpletis fera faucibus unda Maleæ,

Scyllaque vel feras hausit avara trabes.

Quis pia nunc igitur non laudet fœdera Jobi,

Quæ cum luminibus sanxerat ille suis;

O oculi! ô quanto vos tutius illa revulsit,

Democriti, propriis dextera magna cavis!

*Quàm bene, Christiadum quoque nobile, Lucia,
nomen,*

Extrudit intrepidâ lumina bina manu!

O oculi! ô scopuli! crudelia, barbara saxa;

Saxa, quibus magnæ tot cecidere Anima!

Quàm malè commissio geritis pro munere curam,

Ad mala quos toties sensimus esse Duces!

Scilicet hac vobis; capitis custodia lege,

Præcipuaque arcis credita cura fuit.

Ut rectos hominum vultus, sublimiaque ora

Digna Polo, bruta deprimeretis humo.

Quin potiùs Superis mentes attollitis oris,

Hasque super terras, Oceanumque super?

Stellatumque super mundique volubilis orbes,

Denique quicquid habet, lunaque solque super?

Illius

*Illius ô oculi! spectacula pulchra theatri,
 Materies, vestris lusibus apta foret.
 Putre sed æternis canum præponitis Astris,
 Omnis & in terras pronior iuit amor.
 Quid faciam? abruptis oculi regnatis habenis,
 Jam frenum indociles imperiumque pati.
 Obde, DEUS pictas oculis erroribus umbras,
 Aut superinjecta lumina claude manu!*

Averte oculos meos, ne videant vanitatem.

Psalm. 118.

V *æcæcis oculis, qui te non vident, Sol il-
 luminans Cœlum & terram! væ caligan-
 tibus oculis, quæ te videre non possunt! Væ
 avertentibus oculis, ut non videant veritatem; væ
 non avertentibus, ut videant vanitatem.*

b *Nunquid, quamdiu sumus in hoc mundo,
 possumus non videre vanitatem! Omnis enim
 creatura vanitati subjecta est. An ille fortassis,
 hoc orat, ut non sit ejus vita sub sole, ubi omnia
 vanitas?*

c *Qui in via est DEI, vanitates non aspicit:
 via perfecta CHRISTUS est; qui igitur in
 CHRISTO est, quomodo potest vanitates aspi-
 cere, cùm CHRISTUS in carne sua omnes
 hujus mundi crucifixerit vanitates? Avertamus
 igitur oculos nostros à vanitatibus, ne quod ocu-
 lus viderit, animus concupiscat. Pastomimum
 aspicias, vanitas est; iusta ores aspicias, vanitas
 est: equos currentes aspicias, vanitas est. Ante
 nos*

a *Aug. soliloq. c. 4. b* *Aug. in Psalm. 118. c*
Ambr. in Psalm. 118. Octon. 5.

nos est CHRISTUS; ante nos bravium ejus; ad hunc dirige oculos tuos averte à spectaculis, averte ab omni saculari pompa; serva eos, ut erigas melioribus. Erige ad Cœlum; vel nocte, stellarum monialia, orbem lunæ decorum; vel die, solem aspice. Specta mare; terram circumspice, ut opera facto divino omnis creatura te pascat. Quæ formarum grãtia in ipsis bestiis? quantus decor in hominibus? quanta in avibus pulchritudo? hæc intuerè, & non videbis iniquitatem; hæc vide, & non introibit mors per fenestras oculorum tuorum. Si videris mulierem ad concupiscendam eam; intravit mors per fenestram: si videris possessionem minoris aut viduæ, & concupieris deripere eam, intravit mors per fenestras: si videris aliena monialia, aurum, argentum, & concupieris ut extorqueas? intravit mors per fenestram. Claude ergo hanc fenestram, cum videris alienæ mulieris pulchritudinem, ne mors possit intrare. Vanitas est, sollicitudo vitæ hujus. In vanitate currit, qui sibi successibus videtur affluere secularibus, qui tanquam umbra prætereunt? *Averte igitur oculos tuos, ne videant vanitatem.* Sed non satis est, ut tu avertas, ne fortè velis & non possis: si of-fundat tibi diabolus vanitatum spectacula, incentiva inferat voluptatum; pete, ut Dominus avertat oculos tuos.

^a (Etenim) pulchras formas & varios, nitidos & amœnos colores amant oculi. Non te-
neant

^a Aug. lib. 10. Confessio, cap. 34.

neant hanc animam meam. Teneat eam DEUS, qui hanc fecit bona quidem valde, sed ipse est bonum meum, non hanc. Resisto seductionibus oculorum, ne implicentur pedes mei, quibus ingredior viam tuam. & erigo ad te invisibiles oculos, ut tu evellas de laqueo pedes meos. Tu subinde evellis eos, nam illaqueantur Quam innumerabilia variis artibus & opificiis, in vestibus, calceamentis, vasis & hujus modi fabricationibus, picturis etiam diversisque figmentis, atque his usum necessarium atque moderatum, & piam significationem longè transgredientibus abdidit homines ad illecebras oculorum, foras sequentes quod faciunt, intus relinquentes à quo facti sunt & exterminantes quod facti sunt! At ego, DEUS meus, & decus meum, etiam hinc dico tibi hymnum, & sacrifico laudem sanctificatori meo, quoniam pulchra trajecta per animas, in manus artificiosas, ab illa pulchritudine veniunt, quæ super animas est, cui suspirat anima mea die ac nocte. Ego autem hanc loquens, atque discernens etiam istis pulchri gressum innecto. sed tu evellis tu, quoniam misericordia tua ante oculos meos est, nam & ego capior miserabiliter, & tu evellis misericorditer, aliquando non sentientem, quia suspensus incideram, aliquando cum dolore, quia jam inhæseram.

a Ut DEUM contemplare, factus es; non ut humi irrepat vita tua, non ut pecudum ritu, volu-

a Basil, hom. II. in Hexameron.

voluptate perfruaris; verius ut ad normam & institutum coelestis vitæ, tuam ipsis compona. & hac gratia non inſcitè dixit ſapiens Eccleſiaſtes, *ſapientis oculi in capite ejus*. Cujusnam oculi non ſunt in capite? ſatque hic, *in capite*, hoc eſt, ut ea contemplentur, quæ in ſublimi ſunt; nam qui non ad bona, quæ in ſublimi ſunt, ſed quæ in terra reſpectat, is utique deſigit detrahitive oculos in terram.

a Perverſa res eſt fœda, luteum vas (quod eſt corpus de terra) oculos habere ſurſum, cœlos liberè ſuſpicere, cœlorumque luminariſus oblectare aſpectum; ſpiritualem verò coeleſtemque creaturam ſuos è contrario, oculos trahere in terram deorſum; & quæ debuit *nutriri in croceis*, harere luto tanquam unam de ſuiſus, *amplexarique ſtercora*. Erubeſce anima mea divinam in pecorinam commutaſſe ſimilitudinem. Erubeſce volutari in cœno, quæ de cœlo es.

b Qui fecit omnia, melior eſt omnibus, pulchrior eſt omnibus, qui fortia, fortior eſt; qui magna, major eſt. Quicquid amaveris, ille tibi erit. Diſce amare in creatura Creatorem, & in factura factorem; ne teneat te, quod ab illo factum eſt, & amittas eum, à quo & ipſe factus es. Ergo *beatus vir, cujus eſt nomen Domini ſpes ejus, & non reſpexit in vanitates & inſanias mendaces*. Fortè nobis dicturus eſt, qui verſu iſto percuſſus corrigi voluerit, & cœperit ambulare anguſtam viam, ambulare, non durabo, ſi nihil ſpectabo;

a Bern. ſerm. 25. in Cant. b Aug. in Pſalm. 39.

Quia; quia ergo facimus, fratres: dimissuri vos
sumus, sine spectaculo. Demus pro spectaculis,
spectacula. Et quæ spectacula daturi sumus
Christiano nomini: *Multa fecisti tu Domine DEUS
meus mirabilia tua.* Miracula hominum intue-
batur, intendat mirabilia tua. *Multa fecit Domi-
nus mirabilia sua*, hæc respiciat. Aurigam lau-
das regentem quatuor equos, & sine lapsu at-
que offensione currentes; forte alia miracula
non fecit Dominus. Regat luxuriam, regat ig-
naviam, regat injustitiam, regat imprudentiam,
& regat & subdat sibi & teneat habenas. Nunc
specta histrionem (didicit enim homo magna
studio in fune ambulare & pendens te suspen-
dit) illum attende editorem majorum specta-
culorum: Didicit iste in fune ambulare: nun-
quid fecit in mari ambulare? obliviscere thea-
trum tuum, attende Petrum nostrum, non fu-
nambulū, sed ut ita dicam, mariambulū.
Ambula & tu (non in illis aquis, ubi Petrus ali-
quid significans ambulavit sed in aquis, quia hoc
saeculum mare est (hic ambula. hoc calca. spe-
ctare vis, esto spectaculum, hæc miracula DEI
sunt, hæc cogitationes DEI sunt, quibus nemo est
similis ut spectator ille abducatur à curiositate
& quærat ista & meliora, fructuosiora, de qui-
bus inventis gaudebit.

a Porro autem oculis maximè parcendum
est, quoniam melius est labi pedibus, quàm
oculis. Si te tuus scandalizat oculus, exscinde

K

eum,

a Clem. lib. 3. in pedag. cap. 11.

eum. Lascivi autem aspectus & versatilibus, ac tanquam conniventibus oculis intueri, nihil est aliud, quàm oculis mœchari, cùm per eos cupiditas prima ineat pugnae praludia. Nam ante totum corpus corrumpentur oculi.

a Pulchrè igitur David, qui per gulosos etiam ipso aspectus fuerat expertus, beatum illum dicit, cui spes omnis in DEI nomine est, hic enim non respicit in vanitates & insanias falsas, unde iterum ad ipsum conversus ait: *Averte oculos meos, ne videant vanitatem!* Vanitas, circus est, quia nihil prodest, vanitas, est equorum velocitas, quia mendax ad salutem est; vanitas, theatrum est; vanitas, ludus omnis, *Omnia vanitas*, inquit Ecclesiast. *quæ in hoc saculo sunt.*

b Quàm multos scio per visum esse deceptos, & in laqueum diaboli missos! Dina filia Jacob egressa est, ut videret mulieres Regionis, & adamavit eam ichem atque rapuit, & virginitatem ejus turpiter corripuit. Et sic misera puella, quia carne vidit, quod videre non debuit, honestatem ac virginitatem perdidit. David etiam stans quadam die in solatio domus suæ, vidit mulierem & adamavit eam; pro cujus amore committit adulterium & homicidium; & sic deceptus factus est legis DEI reus. Fortissimus Samson descendit in Regionem Philistinorum, & vidit ibi mulierem, atque adamavit, & in gremio illius dormivit.

a (Uti-

a Ambr. de fuga sæculi cap. 1. *b* D. Pern. de modo bene viven. serm. 23.

a (Utinam tam prudens ad cavendam mulie-
rem, quàm fortis ad strangulandum leonem!)

b Illa verò crines capitis ejus rasit, & tradidit
eum in manibus inimicorum ejus, qui statim
oculos ejus eruerunt. Moneo ergo, ut *facias*
pactum cum oculis tuis, ne incautè videas, quod
videre non debes.

c Videtur enim super omnia esse adversandus
mulierum aspectus; non solum enim si tangan-
tur, sed etiam si spectentur, potest peccari, quas
maximè vitare oportet eos, qui rectè & sincere
constituuntur. *Oculi enim tui recta videant*, etsi
enim fieri potest, ut qui viderit, se fortiter ge-
rat, veruntamen cavendum est, ne cadat: fieri
enim potest, ut qui viderit, labatur; sed fieri
non potest, ut qui non viderit, concupiscat.





Fiat cor meum immaculatum in justificationibus tuis, ut non confundar. Psal. 118.

VI.

Fiat cor meum immaculatum in justifi-
cationibus tuis, ut non confundat.

Psalm. 118.

Si tibi me gratam facie fore, sponse, putarem,
Nulla mihi prior hoc cura labore foret.
Primaque de nitidis cautela coloribus esset,
Altera, deformes ore fugare notas;
Nullaque deficerent medicandis vultibus arma,
Multa sed omnigenas pixis haberet aquas;
Multaque compositos celaret capsula colores,
Quaque novant vetulam picta venena cutem;
Lanaque purpurei madefacta rubedine fuci,
Cretaque montanas vincere nata nives,
Et nitri rubra spuma & pinguis poppæana,
Quaque curis maculas, Halcyonaa, necant.
Denique quicquid id est, quo tingitis ora, puella,
Ab nimium formæ gens studiosa tua!
Tunc quoque corrigerem specula censore lituras,
Ora nec in toto menda notanda foret.
Sique supercilii pilus unus abesset ab arcu,
Unicus ecce pilus, vociferarer, abest
Si color inficeret vitiatos decolor orbes,
Luminibus color hic, vociferaret, obest.
Si nimis adductam convolveret area frontem,
Quæ mihi ruga cutem, vociferarer, arat?
Nempe vel exiguo metuam te ledere navo,
Ulla foret formæ si tibi cura mea.

Unaque qua tumidum faceret verrucula clium,
Hæc foret offensa causa putata tua.

Atque ita de minimis audirer dicere mendis,
Displicet hac sponso fortè litura meo.

Nostro igitur reliquus si qua decor abforet ori.
Eximeret vitium factus ab arte decor;

Casariemque alto struerent tabulata capillo,
Staret & in volucris plurima gemma coma;

Aure duplex gemini pretium penderet Elenchi.
Iret Erythraus colla per alba lapis.

Tumque ego sic faciem, rutilos ita compta capillos.
Auderem ternas vincere quarta Deas,

Sed nemini, neque te facies, neque forma laceffit,
Spes capit hæc cæcos invidiosa procos;

Quid, quid ament, inter phaleras tot sæpè re-
quirunt;

Quas ubi sustulerit, pars quota Virgo sui est?
Fallitur insidio propè, turba levissima, fuco;

Præter & has phaleras, vix quod ametur, ha-
bent,

Æquabat niveas par Wilgefortis olores,
Nota nimis forma nomine virgo suæ:

Fiat ut Androgynos setosis hispida malis;

Barba, rogat, teneras, vestiat hirta genas.

Lucia sydereis, ceu fax, lucebat ocellis,

Cunctorumque oculis, Lucia, sidus erat.

Ne malè luceret, mea lux, extinguere dixit;

Fodit & impacta lumen utrumque manu.

Laserat egregio multos Euphemia vultu,

Fecerat & roseis vulnera multa labris;

Ut fieret mutilo fædoque inamabilis ore,

Abscidit ense duas, bina labella, rosas.

Maxima

Maxima de facie verus præcoma rumor,
 Deque tuis dederat Andragēsina genis.
 Non poteras veram falsi convincere famam,
 Quod poteras, facta est per tua vota, brevis.
 Sponse, peregrina non caperis igne figura,
 Nec bene crispata falleris arte coma:
 Cor tibi labe carens, tibi cor sine crimine, cordi est;
 Obstet & ut facies cor tibi sponse, placet.
 O utinam mihi cor nullis infame lituris,
 Flagitii purum suspicione vacet!
 Tum, secura tui mihi mens gestiret amoris,
 Nec mea deiceret conscius ille pudor.

Fiat cor meum immaculatum in justifica-
 tionibus tuis, ut non confundar.

Psalm. 118.

a Merito omnis cura sanctorum, spreto or-
 natu, cultuque sæpe fluo exteriori ho-
 minis (qui certè corrumpitur) omni se dili-
 gentià præbet & occupat excolendo ac decoran-
 do interiori illi, qui ad imaginem Dei est, &
 renovatur de die in diem.

b Hæc, hæc profectò pulchritudo est, cui nihil
 deest, quæ sola meretur audire à Domino: *Utra
 es formosa proxima. & reprehensio non est in te.*

c Pulchritudo enim optima, primum est
 pulchritudo Animæ. Est autem absurdum eos

K 4 qui

a Bernard. serm. 25. in Cant. **b** Ambros. lib. 3.
 de virtut. **c** Clem. lib. 1. pedag. c. 2.

qui facti sunt ad imaginem DEI & similitudinem, (tanquam Archetypum exemplar contemnentes) externum ornatum inducere; improbum humanum artificium DEI artificio præferentes.

a Non ergo externi hominis aspectus, sed animus probitatis ornameto est ornandus.

b Non intelligunt (enim) miseræ, se propriam perdere pulchritudinem, dum externam inducunt. Antiphanus Comicus in malthæa: irridet.

*Venit ipsa, transit, accidit, non transit,
Verit, adest, abstergitur, accidit,
Smegmate, saponeve purgatur,
Pectitur, ejicit, teritur, lavatur,
Se contemplatur, componitur, unguentis perfunditur,*

*Ornatur, unguitur, & si quid non habeat, enecatur,
Ter enim, non semel dignæ sunt, quæ pereant,
Quæ Crocodylorum excrementis utuntur.*

*Et spuma lacertarum unguuntur,
Et supercilia fuligine illinunt,
Et cerussa.*

Porro autem alias quoque arguit Comicus, nempe Alexis, ejus enim verba afferam.

*Est aliqua parva, suber, insuitur in soleis;
Longa est aliqua, tenua gestat diabathron:
Caput in humerum demittens ingreditur,
Hoc ei detrahit de longitudine?
Depressiores alicui sunt coxa & femora;
Eis aliquid assuit,*

Mollem

a Ibidem. b Ibidem.

Mollem ac prominentem habet ventrem;
(Ut comicorum nutrices) appositis nonnullis , cum
erigit :

Depressus est venter ; veluti contis efficit ut antevius
procedat :

Supercilia habet flava ; ea aliqua depingit fuligine:
Contigit alicui, ut sit nigra ; tollit nigrorem cerussa:
Est aliqua primis alba , interitur farina:

Habet aliquam corporis partem candidam, eam nu-
dat ostendit ;

Bellos habet dentes ; rideat , necesse est
Et quamvis non sit lata , toto tamen die ridet,
In labris tenuem habens myrrhi tabellam ,
Ut velit , nolit , ea cogatur tandem diducere.

a Resideat quidem in vultu pudor & viragi-
nem aspectu præ se ferat, procul autem absit ca-
ligo myropolarum, aurificum, lanificum, cæte-
rarumque officinarum.

b Atque cum caro quidem serva sit , quem-
admodum testatur Paulus , quomodo quispiam
jure ancillam lenonis instar exornaverit ? Ipsum
autem Dominum fuisse aspectu deformem te-
statur spiritus per Isaiam ; & vidimus ipsum , nec
habebat speciem, nec pulchritudinem. Quis est au-
tem Domino præstantior ? sed non carnis pul-
chritudinem (quæ visione apprehenditur) sed
veram animæ & corporis ostendit pulchritudi-
nem : Animæ quidem beneficentiam ; carnis
verò immortalitatem.

a Quando

a Clem. lib. 2. padag. II. b Clem. l. 3. padag. c. 10

a Quando eras in sæculo, ea, quæ erant sæculi, diligebas, polire faciem purpurisso & cerussâ ora depingere? ornare crinem & alienis capillis turritum verticem struere, Ut taceam de inaurium pretiis, candore margaritarum, rubri maris profunda testantium; sinaragdorū virore, cerauniorum flammis, hyacinthorum pelago, sed quæ ardent & insaniunt studia matronarum.

b *Ablue à malitia cor tuum.*

c Quam enim mihi dabis animam, quam audeas ex toto pulchram definire?

d *Nemo mundus à sorde.*

e *Si laveris te nitro, & multiplicaveris tibi herbam Borith, maculata es iniquitate tua.*

f Da mihi, Domine, cor quod te timeat, mentem quæ te diligat, aures quæ te audiant, oculos qui te videant!

g Cor enim hominis quadam velut indecentium cogitationum colluvie maculatur. Noli extraordinariis cogitationibus adversa naturæ contaminare penetralia, manus lavas, quasi possis crimina eluere, cum mentem tuam vel nudis cogitationibus inquinatam lavare non possis. Didicisti cor esse mundandum; discce quemadmodum mundes. Mundat hunc fontem justificatio legitima, hoc est, confessio peccatorum. Munda ergo aquam tuam, illam aquam, de qua dictum est, *aqua alta, confisum*

in

a Hieron. ad Demetr. de virg. servan. c. 3. b Hier. 4. c Gilb. serm. 29. in Cant. d Job, 25. e Hier. 25. f Aug. med. c. 40. g Ambr. in Psal. 118. O Jon, 11.

in corde veri, quæ sint justificationes, audisti dicentem: Dic iniquitates tuas, ut justificeris: Ergo, qui iniquitates suas dixit, justificatur, qui autem justificatur, non confunditur, quia pudorem peccatorum maturâ confessione prævenit.

a Nescis ergo, Anima mea, quàm foeda prius fuisti, quàm deformis & squalida, discissa & dissipata, omni horrore, & enormitate plena! Prius stude formam tuam excolere, faciem ornare, habi um componere, maculas tergere, munditiam reparare, mores corrigere, disciplinam servare & omnibus tandem in melius commutatis, digno sponso dignam sponfam reddere. Nunquid audisti, quid Rex Assuerus fecit? Factum est Regis præceptum, ut de omni Regno suo congregarentur puella speciosæ virgines, & adducerentur ad Civitatem Susan, & traderentur in domum fœminarum, ibique acciperent mundum muliebrem, & cætera ad usum necessaria. Sicque omnibus abundanter secundum Regiam ambitionem suppletis, excolerentur, & ornarentur. Per sex menses, oleo myrthino ungerentur, per alios sex quibusdam pigmentis uterentur, & sic composita & ornata de triclinio fœminarum ad Regis cubiculum transirent, ut quæ ex omnibus, magis oculis Regis placuisset, illa pro Vasthi in solio Regni sederet. Consideremus ergo, si fortè exemplum hoc, præsentì (de quo agimus) negotio valeat adaptari, Rex, summi Regis filius, venit in hunc mundum, desponsare

a Hugo de S. Victor. in Arrha Anima.

fare sibi uxorem electam, uxorem unicam, uxorem nuptiis Regalibus dignam. Missi sunt Ministri Regis, Apostoli videlicet, per totum mundum congregare animas ad Sanctam Ecclesiam; in qua domus est & mansio mulierum regiarum, id est, sanctarum Animarum. Ibi sacramenta CHRISTI, quasi quædam unguenta, & antidota ad reparationem & ad ornatum animarum præparata accipiunt. Vide ergo, ubi posita es, & intelliges, quid facere debeas. Fuit enim te sponsus in triclinio ubi mulieres ornantur: varia pigmenta, & diversas species dedit, cibosque Regios de mensa sua tibi ministrari præcepit; quidquid ad sanitatem, quidquid ad refectiorem, quidquid ad reparandam speciem, quidquid ad augendum decorem valere potest, tribuit. Primo fons Baptismi est hic positus, & lavacrum regenerationis, in quo sordes præteritorum criminum abluis. Deinde chrisma & oleum, in cuius unctione, Spiritu Sancto liniris. Post hæc, delibuta & unctione lætitiæ perfusa, ad mensam venis, & percipis ibi alimentum Corporis & Sanguinis CHRISTI, quo interiùs saginata, atque refecta, noxiam illam præteritorum jejuniorum maciem depellis. Deinde vestimenta bonorum operum induis & fructu eleemosynarum, cum jejuniis & Orationibus, cum sacris vigiliis; aliisque operibus pietatis quasi quodam vario ornatu decoraris. Ad ultimum sequuntur aromata virtutum, quarum odor suave spirans, omnem illum antiquarum sordium foetorem fugat.

fugat. Datur etiam tibi *speculum*, *sancta Scriptura*, ut ibi videas *faciem tuam*, ne quid minus, aut aliter quàm decet, habeat compositio ornatus tui.

O quàm multa sunt in me, de quibus coram oculis ejus erubesco; & pro quibus jam magis illi displicere timeo, quàm pro iis, quæ laudanda in me sunt (si qua sunt) placere, posse in me confido! O utinam ad modicum ab oculis ejus possem abscondi, donec maculas omnes istas detergerem & sic demum ante conspectum ejus, sine macula, immaculata apparerem! Nam quomodo in hac defo mitate placere illi poterò, quæ & mihi quoque in illa vehementer displiceo, ô maculæ veteres! ô maculæ foedæ & turpes! quid tamdiu hæretis? abite. discedite, & ne præsumatis amplius oculos dilecti mei offendere.





*Veni dilecte mi, egrediamur in agrum, com-
moremur in villis. Cantic. 7.*

VII.

Veni dilecte mi, egrediamur in agrum,
commoremur in villis. Cant. 7.

Am satis urbanas, mea lux, habitavimus ades;
Quin semel in virides exspatiemur agros?
Tuta quidem validi circumdant oppida muri,
Portaque ferratis non caret ulla seris:
Est tamen in patulis, quid nescio, tutius hortis,
Quod nusquam in clausa moenibus urbis habes.
Magnificis turgent urbana palatia tectis,
Multus & hic celsa cuspide surgit apex.
Nescio, quid melius tamen illa mapalia spirent,
Rustica quæ tenni stramine cana tegit.
Quid dubitas, mea lux, quin, quàm procul urbibus
agri,
Tam procul agrestum, distet ab urbe quies?
Fabula cantatur vatum notissima lusu,
Ad bene fallendas fabula ficta vias:
Et facit ad rerum modo quas tractavimus, usum;
Si lubet auditu decipiemus iter.
Rusticus urbanum tecto mus paupere murem,
Fertur & appositis detinuisse cibis.
Musque epulas muris ridens urbanus, agrestis,
Hac tua si mensa est. Sat mihi ruris, ait.
Mox vice conversa, mus Rusticus ivit in urbem,
Urbico in hospitium mure vocante suum:
Magnaque cùm tanto minor esset mensa parata,
Ut sonuere fores mensa relicta fuit.
Et propè deprenso conviva expalluit hospes,
Turbatique suum vix reperere carum.

*Rusticus ast animo sensim cum voce recepto,
 Corripuit celerem Musculus urbe fugam:
 Et procul è clivis oculis ad mœnia torquens;
 Quam meus his præstat mœnibus inquit, ager!
 Jam satis urbanas, mea lux habitavimus ades,
 Urbe volant strepitus, Rus colit alta quies.
 Si memor es (subeat tibi pars lautissima vulgi)
 Quisque suburbanum rus prope cinis habet;
 Cumque suam assidue commendet quilibet urbem,
 Re tamen ipsa magis rura; placere docent.
 Quin, quorum impertis urbesque arcesque reguntur,
 Anxia securo pectora rure levant.
 Et magis hic puri libertas aurea Cœli,
 Quàm laqueata, domi, marmore tecta placent.
 Nec quæ centeno sinuat se porticus arcu,
 Lenit, ut ambiguos parvula villa, metus.
 Jam satis urbanas, mea lux, habitavimus ades,
 Quin semel in villis degimus, aut in agris?
 Est mihi fontanis circumdata villula rivis,
 Villula, quæ nusquam cultior ulla vivet.
 Seu cœli ingenio, seu fertilis indole terræ;
 Aptaque vicini commoditate loci.
 Huc mea lux, paucis tantùm si veneris horis,
 Oblitus patria protinus urbis eris.
 Tumque ego, cen tacita turtur meditatus in umbra,
 Libera, colloquiis, Sponse vacabo tuis.
 Et procul à populis, procul urbibus atque tumultu,
 Optata toties, sola, quiete fruar.
 Audiet hic nullus, quæ mutua verba loquemur,
 Nostraque qui turbet otia nullus erit.
 Quique notet nostros, nemo metuendus, amores,
 Tetricus hic nullum jus sibi Censor habet.*

Tunc

Tunc mihi tu promes secretis intima fibris,
 Quaque juvent animum verba cupita meum.
 Tunc ego, sim quanta, dicam tibi, saucia flamma;
 Quaque, licet similes, dicta placere, scio.
 O semel optati micat hac mihi sideris aura;
 Quam fortunato lux erit illa die!
 Jam satis urbanas, mea lux habitavimus ades;
 Nostra sit exiguo tempore, villa domus.

Veni dilecte mi, egrediamur in agrum, com-
 moremur in villis. Cant. 7.

Quis dabit me in solitudine diversorium via-
 torum?

b Mallem (enim) in solitudine habitare, per
 quam nullus vel rarus transit.

c Utinam nullus hominum esset mecum ex-
 terius, ut familiarius loqui possem cum DEO
 interius! ipse enim & secretum quærit & soli-
 tarium locum diligit. Fugiam ergo hominum
 solatia & colloquia; ut in secreto cordis mei
 DEUM habitatorem habere possim. Assues-
 cam ergo sola intima cogitare, sola interiora
 diligere, & in illis permanere, ut possim audire,
 quid loquatur in me Dominus DEUS meus. Ecce
 adsum, piissime DEUS, tecum sum, intus sum.
 Quamdiu in exterioribus occupatus fui, vocem
 tuam intrâ audire non potui. Nunc autem re-
 versus ad me, ingressus sum ad te, ut possim te
 audire, & tibi loqui.

l. 3

a Ecce

a Hieron. 2. **b** D. Thom. Aquin. hoc loco. **c** Bern.
 de inter. domo cap. 66.

a Ecce elongavi fugiens, & mansi in solitudine.

b Fugiens se elongat, qui à turba desiderio-
rum temporalium in altam DEI contemplatio-
nem se sublevar.

c Oppidum carcer, solitudo, paradisu est.

d O solitudo beata ! ô Exeme mora vitiorum,
vita virtutum ! te lex & Propheta mirantur, &
quicunque ad perfectionem venerunt, per te in
Paradisum introierunt : ô beata vita solitaria &
contemplativa ! quid ultra de te loquar ? ipse
DEI Filius Salvator & Magister noster exem-
plum dedit nobis, fugiens in desertum & man-
sit in solitudine, ubi sunt Rose charitatis, quæ
semper flammescunt quæ semper in sancto odo-
re vivunt ? ô solitudo negotiorum cœlestium
apotheca ! in te transitoria & terrena mutantur
in cœlestia & æterna. Denique in te lachrymæ
mutantur in risum, & gaudium pariunt sem-
piternum.

e Pia anima (DEO) se totam exhibere nitens
in studio contemplationis, *Veni. inquit in agros
commoremur in villis* : congruentissimè contem-
plationis studium, *agri* exprimit vocabulo,
quia & illud in solitudine, longèque ab homi-
num conversatione exercei solet, & noviss
agrum eas dici terras, quæ sunt in solitudine,
longèque à conventibus humanis ; Ac sicut
ager, si excolatur, ingentem profert fructuum
uberta-

a Psal. 54. *b* Greg. l. 4. mor. cap. 35. in Job. *c*
Hier. Epist. ad Rustic. *d* Bern. hom. Simile est Re-
gnum cœlorum homini negotianti. *e* Mich. Gif-
ser. in 7. cantic.

ubertatem, quibus nutrimur in corpore, ita & contemplatio, si rectè exerceatur, tantam profert virtutum copiam, ut per illas, in viâ alimur spirituali. Unde bene & libro Genesîs dicitur de S. Isaac: *Et egressus fuerat ad meditando in agro inclinata jam die?* Nec minus congruè particulares meditationes, villa um nomine designat, quandoquidem, sicut villas ea appellare solemus prædia, in quibus præclaræ in agro sunt habitationes ad id potissimum extructæ, ut in illas tunc se conferant homines, cum à mundanis negotiis respirare voluerint; cum ex infirmitate aliqua convalescere, aut quoquo pacto se recreare voluerint, & cum fructus ex agro colligere atque servare curaverint: ita & meditationes pariter præclara sunt ædificia ab Anima ipsa in agro contemplationis sibi extructa, in quibus illa fugiens præsentis sæculi negotia, quietè commoretur; in quibus & commorans, ex qualibet peccati ægitudine convalescat, summisque fruatur deliciis, ac demum eximios virtutum colligat, servetque fructus: Bene quoque pia anima cum DEO dilecto suo, *egredi se, inquit, vel in agrum contemplationis, & commorari in villis meditationum*, cum voluptatem nullam percipiat ex hominum conversatione. Quin imò quamvis terrenarum rerum copia exuberet in sæculo, quamvis prosperè sibi cuncta contingant, minimè tamen ex commodis hisce quippiam percipiat voluptatis, nec unquam verè se arbitraturlætam, nisi cum sibi egredi liceat in hunc.

contemplationis agrum. Qua in re videtur se habere instar avis illius, quæ tametsi in cavea omnibus abundet rebus, tum quæ ad victum ei sunt necessaria, tum quæ voluptati illi, esse possent; lætam tamen nunquam se reputat, quoad usque permissum ipsi fuerit, à cavea ipsa egredi liberè volare, & commorari in foraminibus petrar. Jure autem cum DEO egredi vult, quem unum habet dilectum; quia nec homines ardentem quempiam amantes, villarum quippiam percipiunt gustû, nisi amicum illum comitem habeant, idèoque ipsum invitant. Et experientiâ comprobamus, etiam summos Reges ac Principes ad quos difficillimus aditus esse solet, cum in palatiis Regioque in throno resident, in villis commorantes, etiam cum infimis rustici libentissimè conversari; & hoc illud est, quod anima intendit, cum illum in dictum invitat agrum & villas, ut familiariter cum eo agat ut cum unico dilecto. Neque verò admodum temporis huic indulgere vult studio contemplationis & familiariter agere cum DEO, sed delectatione maximâ diutius in eo optat persistere; id namque iis indicat verbis; *commoremur, sed pernoctemus, aut requiescamus in villis.*

a Quamdiu (enim) animus permixtus est turbis & in multitudine fluctuantium volutatur, nec vacat Soli DEO, nec segregatus est à vulgo. Propterea, ô anima, quæ per orationem & contemplationem DEO vacare decrevisti, esto

a Laur. Just. in lig. vit. tract. de orat. c. 5.

esto sola, hominum confortia fuge, tumultuosas
mortalium conversationes evita, ut illi soli te
solam serves, quem ex omnibus elegisti.

a O sancta Anima, sola esto, ut soli omnium
serves te ipsam, quem ex omnibus te elegisti.
Fuge publicum, fuge & ipsos domesticos, recede
ab amicis & intimis, etiam & ab illo qui tibi
ministrat. An nescis, te verecundum habere
sponsum, & qui nequaquam velit tibi suam in-
dulgere presentiam, presentibus cæteris? sece-
de ergo, sed mente, non corpore, sed intentione
sed devotione sed spiritu: de cætero: sola
indicitur tibi mentis & spiritus solitudo. solus
es, si non communia cogites si non affectus
presentia, si despicias, quod multi suscipiunt,
si fastidias, quod omnes desiderant, alioquin
nec si solus corpore es, solus es.

b O desertum CHRISTI floribus vernans!
ô solitudo, in qua illi nascuntur lapides, de qui-
bus in Apocalypsi civitas magni Regis extrui-
tur! ô Eremita, familiaris DEO gaudens! quid
agis? quamdiu te tectorum umbræ premunt?
quamdiu famosarum urbium carcer includit?
Crede mihi nescio; quid plus lucis aspicio; li-
bet sarcinâ corporis abjectâ ad purum ætheris
evolare fulgorem.



L 5

VIII.

a Bernard. hom, 40, in Cant. *b* Hieron, epist. 10
ad Heliod.



*Trahe me post te, curremus in odoremun-
guentorum tuorum. Cantic. 1.*

VIII.

Trahe me post te, curremus in odorem
unguentorum tuorum. Cant. I.

Aspicis, ut jaceant strati sine viribus artus,
Nec sim, qualis eram, sola sed umbra mei?
Vix traho pertæsa fastidia tetrica vite,
Iosæque sunt oneri languida membra sibi.
Lassa jacet capitis nimio sub pondere cervix,
Sarcina suntque manus, sarcina suntque pedes.
Assiduoque novam querunt pæstata quietem,
Nec scio quo tandem fessa locare situ.
Surgere nunc meditor, nunc lassa recumbere strato,
Nunc nixum cubito sustinuisse caput.
Nunc lubet inverso, nunc ore cubare supino,
Nunc aliud lateri substituisse latus.
Cumque tori cunctas peragravi languida partes,
Quilibet ex æquo displicet usque locus.
Heu! quid agam, gravis ipsa mihi languensque, ja-
censque,
Teque volens cursu, non tamen apta, sequi?
An fugis & mediis morientem deseris agris,
Nec mora tanta datur, dum comes ire queam?
Eger, ita in Libycis, à milite, miles arenis
Deseritur, subita cùm data signa fuga;
In triviis genitrix ita projici impiæ natum,
Quem lactare pudor pauperiesve vetat.
Tende manum, nostrique pius miserere doloris,
Tende manum refugo vel pede siste gradum.
Troica Dardanius cùm Pergama cingeret ignis,
Quisque senem rapuit filius igne Patrem.

Trans mare defessam fert nata Cyconia matrem,
 Sustinet hinnulei Cervæ natantis onus.
 Tu solam ignotis fugitive, relinquis in arvis,
 Nec finit hoc humeris ponderis esse tuis?
 Quamquam ego, vel fieri tibi sarcina tanta recussem
 Si modo vel leviter traxeris, ipsa sequar.
 Et sequar & curram, rapiarque simillima vento,
 Languida funesto quæ modo strata solo.
 Nec quibus invitam cogas, opus ense, vel armis,
 Sponte nec injecto, libera, fune sequar.
 Traxit ad impulsa querulos testudinis ictus,
 Cum sylvis, Geticas Thrax Cytharista feras.
 Traxit, & attonita sylvaque, feraque stupebant,
 Sic fide sic filo se potuisse trahi.
 Non ego Bistonii monear testudine Vatis,
 Nec trahar Aonia voce sonante lyra.
 Quemque sui rapiunt sensus sua quemque voluptas,
 Se finit hic oculis, auribus ille capi
 Non ego luminibus, non auribus otia venor;
 Noster Achamenii languor odoris eget.
 Lux mea, roritegis halat tibi spica capillis,
 Manat odorata Palladis imbre caput.
 Uda Palestino fragrant tibi tempora nardo,
 Myrrhaque de madidis stillat odora labris.
 Efflat Orontæi tibi graminis halitus auras,
 Verbaque quot loqueris tot jacis ore rosas.
 Albaque Panchæo cervix tibi sudat olivo,
 Assyrioque humeros rore perungit Onix.
 Et manus Ambrosiis pluit utraque roscida guttis,
 Et digni Libyæ germina messis olent.
 Denique quidquid olent conchis unguenta Sabæis,
 Balsama quidquid olent, hoc meus halat Amor.
 Nec

Nec solum Assyriis qua sudant balsama ramis,
 Nataque odorifero thura Sabaea solo:
 Fragrat Orontæis hic spica suavior herbis,
 Guttaque Panchæis nobilior lachrymis.
 Nempe tuo qualis, Basilissa pudica, cubili,
 Qualis odor thalamo, Cæcili, casta, tuo;
 Aut qualis, cum Dorothea pennatus Ephebus
 Attulit hybernæ germina verna rosas;
 Aut Nasarenigena qualis cum Virginis adem
 Sparsit Jessæi floris anhelus odor;
 Denique Divorum qualis cum gemmea stillant
 Indigetum liquidis amphitheatra crocis.
 O semel hac liceat mihi ducere naribus auras!
 Qua modò languebam, sana repente sequar,
 Multaque currentem sociarum turba subibit,
 Ut glomerat socios uncta columba greges.



*Trahe me post te, curremus in odorem
unguentorum tuorum.*

Cant. 1.

A Nima amans fertur votis, trahitur desi-
deriis.

b Fessa sum, deficio; noli me deserere, sed
trahe me post te, ne incipiam vagari post amato-
res alios, nec curram quasi in incertum. *Trahe*
me post te, quia satius mihi est, ut me trahas; ut
scilicet vim qualemcunque mihi, aut terren-
do minis, aut exercendo flagellis, inferas, quam
parcens in meo me torpore securam derelin-
quas. *Trahe me*, quodammodo invitam, ut fa-
cias voluntariam: trahe torpentem, ut reddas
currentem. Erit quando non indigebo traatore,
quoniam voluntariè & cum omni alacritate
curremus.

c Quid? sponfane ergo necesse habet trahi,
& hoc post sponsum? quasi verò invita eum &
non libens sequatur. sed non omnis, qui trahi-
tur, & invitus trahitur; nempe enim infirmum
aut debilem (eum scilicet, qui per se ire non va-
let) trahi ad balneum, seu ad prandium non pi-
get; etsi reum pigeat trahi ad iudicium vel ad
poenam. Denique trahi vult, quæ & hoc rogat;
non autem rogaret, si sequi per seipsam dile-
ctum, prout vellet, valeret, ut quid verò non
valet?

a Augst. man. c. 20. *b* Bern. serm. 21. in Cant.
c Ibidem initio.

valet? An infirmam fateamur & sponsam? si qua ex adolescentulis infirmam se diceret & peteret trahi, nequaquam miraremur. At verò de sponsa, quæ trahere & alios (utpote fortis & perfecta) posse sufficere videbatur, cui non durum sonet, quod & ipsa trahi tanquam infirma vel debilis necesse habeat: de quam anima jam confidimus, quod valida sit & sana, si illam infirmam dici consenserimus, quæ pro sui singulari perfectione & excellentiori virtute, sponsa Domini nominatur? Quamvis perfectionis anima, quamdiu quidem gemit sub corpore mortis hujus, & hujus sæculi nequam retinetur inclusa carcere, vincta necessitatibus, totque sceleribus, libentius, segniusque assurgat necesse est ad contemplanda sublimia nec omnino liberum habet, sequi sponsum, quocunque ierit. Hinc lacrymosa vox illa gementis, *Infelix ego homo, quis me liberabit de corpore mortis hujus?* hinc supplex illa precatio: *Educ de carcere animam meam.* Dicat proinde, dicat cum gemitu etiam sponsa: *Trahe me post te, quia corpus quod corrumpitur, aggravat animam, & deprimit terrena inhabitatio sensum multa cogitantem.*

a Propterea opus habeo trahi, quoniam refriguit paulisper in nobis ignis amoris tui, nec valemus à facie frigoris hujus currere modò sicut heri & nudiustertius. Curremus
autem

a Bernard. serm. 21. in Cant.

autem postea, cum reddideris lætitiā salutari tui, cum redierit melior temperies gratiæ; cum sol justitiæ ite um incaluerit & pertransierit tentationis nubes, quæ nunc opprime ad horam cernitur, a que ad levem flatum auræ blandioris solito cœperunt unguenta liquecere & aromata fluere, & dare odorem suum. *Tunc curremus*; in odo e illo curremus, spirantibus, inquam, unguentis curremus, quoniam abscedet torpor, qui nunc est, & revertetur devotio, & jam non erit opus nobis, ut trahamur, quippe odore excitatis, ut sponte curramus. Nunc verò interim *traheme post te*, nunc curram ego, sola etsi solam me trahi petierim current & adolescentulæ mecum. *curremus pariter, curremus simul*; ego odore unguentorum tuorum, illæ meo excitatæ exemplo, atque hortatu, ac per hoc omnes, *in odore unguentorum tuorum curremus*

Curremus, curremus, sed *in odore unguentorum tuorum*, non in nostrorum fiducia meritorum, nec in magnitudine virium nostrarum. Currere nos confidimus sed in multitudine miserationum tuarum. Nam etsi quando cucurrimus ac voluntariæ fuimus, *non fuit volentis, neque currentis, sed miserentis DEI*. Revertatur misratio, & curremus. Tu quidem in virtute tua, *tanquam Gygas & potens curris*; nos, nisi unguenta tuā spiraverint, non curremus. Tu, quem Pater unxit oleo lætitiæ præ consortibus tuis, curris in ipsa unctione; nos in illius odore
cui.

curremus. Tu in plenitudine, nos in odore.

a Odor super omnia necessarius utpote infirmis purgativus, proficientibus conforta iuvus, perfectis verò sanativus: nonne vides agrum huius mundi hoc odore plenum; cum videas alios iustitiâ fortes, alios charitate ferventes, alios promptos ad obediendum & humilitatis obsequium hos lacrymis irriguos, & ad eleemosynas profusos? de odore autem scriptum est: *Trabe me post te in odorem unguentorum tuorum.* Et alibi: *Ecce odor filii mei, sicut odor agri pleni, cui benedixit Dominus.*

b Nec currimus æqualiter omnes in odore omnium unguentorum, sed videas alios vehementius studiis flagrare sapientiæ, alios magis ad poenitentiam, spe indulgentiæ animari, alios amplius ad virtutum exercitium vitæ & conversationis ejus provocari exemplo; alios ad pietatem, passionis memoriâ magis accendi. Currebant in odore sapientiæ, qui missi fuerant à Phariseis, cum reversi dicerent: *Nunquam sic locutus est homo.* Currebat in hoc ipso odore S. Nicodemus, qui venit ad JESUM nocte, in splendore multo sapientiæ. In odore iustitiæ, cucurrit Maria Magdalena, cui dimissa sunt peccata multa, quoniam dilexit multum. Cucurrit & Publicanus, qui cum propitiationem

pecca-

a Absalon. Abb. serm. 1. de Annun. B. Virg. qui est. 10. b Bern. serm. 22. in Cant.

peccatis suis humiliter imploraret, *descendit justificatus*, testante ipsâ justitia cucurrit Petrus, qui lapsus *flevit amare*. Cucurrit David, qui reatum agnoscens & confitens, audire meruit: *Et Dominus transtulit à te peccatum tuum*. Porro in sanctificationis odore Paulus currere se testatur, cùm CHRISTI esse se imitatorem gloriatur. Cucurrerunt & omnes, qui dixerunt: *Ecce nos reliquimus omnia; & secuti sumus te*, Jam qui in odore cucurrerunt passionis, omnes Martyres accipe. Et quatuor unguenta assignata habetis, primum sapientiæ, secundum justitiæ, tertium sanctificationis, quartum Redemptionis.

a Fac me, dulcissime Domine, amare te, & desiderio tui deponere pondus omnium carnalium desideriorum & terrenarum concupiscentiarum gravissimam sarcinam, quæ impugnant & agraant miseram animam meam, ut *post te*, expedire in odorem unguentorum tuorum currens, usque ad tuæ pulchritudinis visionem efficaciter satiandus, quantocius te quoque duce, merear pervenire.

b Descendat, Domine, descendat, precor, descendat, in cor meum odor tui suavissimus, ingrediatur amor tui mellifluus.

c Trahe me, sussum ad te, ut curram post te in odorem unguentorum tuorum; curram & non deficiam te trahente, te ducente me currentem.

a Tenax

a August. medit. cap. 35. *b* August. medit. cap. 35. *c* August. medit. cap. 37.

a Tenax enim funiculus amor, amor affectuosè trahit, cui est idipsum alloqui, quod est allicere; nihil amoris tenacius vinculo, nihil trahentius.





*Quis mihi det te fratrem meum sugentem
 ubera matris meae, ut inveniam te foris &
 deosculer te & jam me nemo despiciat!
 Cantic. 8.*

IX.

Quis mihi det te fratrem meum fugentem
ubera matris meæ, ut inveniam te foris, &
deosculer te, & jam nemo me de-
spiciat. Cant. 8.

Quis cumulet patrias tanto mihi stemmate ceras,
Frater ut ad fratres annumerare meos!
Non tamen hoc facio pro stirpis imagine votum;
Nulla mihi augendi sanguinis ambitio est.
Stirpe licet nostra sanguis tibi vilior esset,
Optarem fratrem te tamen esse meum.
Non pubente quidem vernantem flore juventa,
Prima cui roseas vestiat umbra genas:
Sed puerum, toto qui nondum vixerit anno,
Lactis adhuc mater quem mea pascit ope.
Quique ego quas suxi, parvo trahat ore papillas,
Insideatque illos, quos ego sape, sinus.
Hoc ego vel simili cupiam te corpore fratrem,
Si fueris major, non ego te cupiam.
Quin igitur nostris, mea vita renascere sacclis,
Et videam cunas pusio parve, tuas?
Et nisi fallor habent pueri quid amabile mores,
Quoque carent juvenes, virque senexque carent.
Utque suam quævis laudem sibi vendicet atas,
Ille tamen pueros scilicet ornat amor.
An dubitas, alias puerili pusio vultu,
Ipse DEUM domitor, parvulus esset, Amor?
Non nisi quod reliquis, magis hæc fit amabilis atas,
Nullaque sit tantum quæ, quod ametur habet.
Hæc quoque cur voveam puerum Te causa coegit,
Crediderim, puero quod mage posse frui.

Quin

Quin igitur nostris, mea vita renascere sacris,
 Ut videam cunas parve puellæ, tuas?
 Tum mea, cœu nato, quoties daret ubera Mater
 Parve, Tu toties copia prompta foret.
 Prompta foret noctuque, diuque, domique forisque,
 Et sine sollicito copia multa metu.
 Quin igitur nostris, mea vita renascere seclis,
 Osculer ut cunas parve puellæ tuas.
 Casta soror parve quæ porrigit oscula fratri,
 Oscula derisor corpore nemo potest.
 Et licet illa frequens spectaverit oscula testis,
 Illa tamen testis cernere nemo potest.
 Et licet inceptas stiterint hæc oscula voces,
 Semper habent justas oscula casta moras.
 O bona, quæ nostris faveant ira Numina votis,
 Teque velint fratrem sic semel esse meum!
 Nascere parve puer, fraterque admitte vocari;
 Omnia te mundi vota, precesque petunt.
 Quid præ lætitia facerem tibi, parvule frater?
 Ah! præ lætitia, quid tibi non facerem?
 O quoties vetitis furtim deprenderer horis,
 Pervigil, ad cunas nocte stetisse tuas!
 Quot tibi servitiis soror obsequiosa studerem,
 Forte vel officiis facta molesta meis.
 Nempe dato quoties depelleret ubere mater,
 Depulsum geminis exciperem manibus;
 Aut quoties tepida gestare juberet in umbra,
 Gestare ulnis sarcina grata meis.
 Aut quoties blando dare languida lumina somno,
 Somniferis caneret vox tibi nostra modis.
 Ipsaque cùm digitos cunis adhiberet agendis,
 Illicet hoc à me præriperetur opus.
 Mox ubi te nostra conspiceret anxia cura, Dis-

Discedensque, mihi diceret; esto vigil.
 Excubiis, soli propè Te mihi, parve, relictis.
 Quam facerem votis libera frena meis!
 Continuo, tacitè velo de fronte reducto,
 Explerem aspectu lumina nostra tuo.
 Inque tuo, fixis haeres obtutibus, ore,
 Uterer oblatis commoditate loci.
 Et citò subjicerem capiti, colloque sinistram,
 Apprimeretque meo Te mea dextra sinu.
 Et tibi, vix tactis furarer basia labris,
 Basia sic somno non nocitura tuo.
 Quin igitur nostris, mea vita renascere sacris,
 Ut semel optatas suavior ore genas?
 Mox, ubi lactanti sensim tibi cresceret atas,
 Primaque discenti verba docenda forent;
 Discenii cuperem fieri tibi, parve Magistra,
 Blasaeque, truncatis verba praeire sonis:
 Cumque geri alterius nolles modò grandior, ulnit,
 Ausus arundineo currere solus equo.
 Instruerem stabili vestigia figere gressu,
 Membraque constanti firma locare pede.
 Tumque molesto aliquod si offenderet objice saxum,
 Tutus in extensas exciperè manus.
 Quin tua saepe velim falli vestigia lapsu,
 Lapsus ut amplexu sustineare meo.
 Nec tanti pretium peterem mihi grande laboris,
 Suaviolo pretium solveris omne tuo.
 Quis mihi det te fratrem meum sugentem ubera ma-
 tris meae, ut inveniam te foris, & deosculer te,
 & jam nemo me despiciat! Cant. 8.
 a Quae amatrix unquam optavit, ut is, quem
 diligit, parvulus efficiatur ejus frater,
 a S. Iho, in 6. Cant. 8. &

& in infantem versus sugat ubera matris,

a Ergo antiquorum vox est ista iustorum, qui Dominum Salvatorem, quem in divinitate Patri & spiritui S. consubstantialem credebant, ac debitis venerabantur obsequiis, in hominis quoque habitu & hominibus consubstantialem videre cupiebant. Intus quippe erat dilectus, quia *in principio erat verbum, & verbum erat apud Deum, & DEUS erat verbum*; sed ut foris quoque posset inveniri, *verbum caro factum est, & habitavit in nobis*; viderunt namque Patriarchæ, viderunt Prophetæ Dominum, sed intus, id est, in contemplatione mentis spiritali, non in oculi carnalis intuitu. Viderunt eum, sed in imagine, sed in Angelicæ forma substantiæ; at ipsam ejus naturam, nequaquam videre valebant. Denique legifer ipse, qui audire meruit, *ostendam omne bonum*, rursus audivit: *Non poteris videre faciem meam*; non enim videbit faciem homo, *& vivet*: felices, qui inter se conferre meruerunt: *Invenimus Messiam, qui dicitur CHRISTUS*. Hoc est namque osculum, id est, amantissimum illud oris illius donum, ac mutux commercium allocutionis.

b (Sed &) ingens in his suum pia anima exprimit desiderium; quo eâ ratione per amorem, DEO uniri peroptat, ut nedum in secreto contemplationis, verum etiam foris & coram proximis, in vita activa eidem inhaerere sibi liceat, ita ut omnibus ædificationi sit, nec quorumcunque mundanorum hominum vereatur contemptum; æquè enim est ac si dicat: O utinam

tanto

a Beda c. 7. in Cant. b Mich. Gifter, c. 8. Cant. expos. 3

tanto mihi astringeris amoris vinculo, DEUS meus, quanto adstringuntur frater atque soror! ô utinam tam tenerè te diligerem quam tenerè à sorore diligitur frater parvulus, fugens ubera matris suæ! ita ut etiam palam & coram fratribus, dum proximorum indulgeo utilitati, deosculer te osculo charitatis; ita ut non pudeat ante omnes, te confiteri, tibi que obsequi oratione ac bonis operibus. Quis mihi det, ut jam nedum te timeam ut DEUM zelotem, Dominum exercituum, ignem comburentem & quidquid tale nominari voluisti quo mihi incuterer pavorem, sed ut etiam diligam tanquam fratrem meum, & talem fratrem, qui ob infantiam nihil incutiens metus, & lapidea ad amorem pertrahas corda!

a Tu, qui modò ses in sinu Patris, quis det, ut homo efficiaris & particeps ac consorti naturæ nostræ exiens, frater meus appelleris? ut hominem factum in aperto videam; & deosculer te, id est, aperitâ visione te aspiciam, quem nunc totum in fide teneo!

b Cum magnus & excelsus esses, bonorum meorum non indigebas; utinam detur mihi, ut propter magnam charitatem tuam, factus frater meus ex Virgine, lacte indigeas, quo sustentaris; sic enim confido, aliqua ex parte amorem meum, me tibi exhibituram. Prius te invenire nequibam, unde & querebar; deploransque cum Propheia, dicebam: *Fuerunt mihi lacrymæ meæ panes die ac nocte, dum dicitur mihi quotidie, Ubi est DEUS tuus?* At nunc audiens Angelum ad pa-

M

a S. Th. in c. 8. Cant. b Gifter. c. 8. Cant. expos. 3.

res dicentem : *Invenietis infantem positum in praesepe, confido sanè me quoque inventuram te foris ; extra incomprehensibilem majestatem illam, qua intra te metipsum ab æterno latebas ; quarebam te jam in hoc mundo, & in creaturis ; In Æthiopia, namque mentis meæ, quasi te, quem diligit anima mea : quasi te, & non inveni, surrexi, & circuivi civitatem præsentis mundi : per vicos & plateas creaturarum, quasi te, & non inveni.* At modo te inter creaturas. parvulum fratrem meum ex uberibus Virginis Matris tuæ simul ac meæ, pendentem inveniens, haud continere me poterò. quæ tota in tua prorumpam oscula, quin tota tibi per dilectionem uniar, & jam me nem desiciat, quod adorem, quem nesciam ; quod osculer, quem non videam ; quod illi offeram preces, qui nostra non cuset ; quodve illi obsequia exhibeam, ad quem accedere minimè liceat. Deo culam profecto te, in primo conceptionis instanti, unxit te DEUS tuus oleo latitiæ præ consortibus tuis ; osculis meis, ita te meum adorabo fratrem, ut iidem te quoque meum profitear Regem dilectissimum : eo modo quo & amicum Saul in Regem unctum, osculo adorasse lego in lib. reg. tibi que ut Regi moram peram in omnibus id quod & iisdem contemnor oculis meis, quæ tuo imprimam ori, sicut antiquo illi Joseph per Ægyptiaci populi osculi signum totius Ægypti obedientiam promissam lego à Pharaone, cum ei dixit : *Et ad os tuum cunctus populus desculabitur.*

a Ignoravi, quòd tam suavis, ô bone JESU,
a Bonav. soliloq. t. 1. esset

esset tuus amplexus, tam honestus attactus tuus, tam deliciosus convictus tuus; Cum enim te amavero, munda sum, cum tetigero, casta sum, cum accepero, virgo sum. Tuus, o dulcissime JESU, amplexus non maculat, sed mundat; tuus attactus non inquinat, sed sanctificat. O JESU fons universæ dulcedinis & suavitatis ignosce mihi quod tam sero credidi, quantum habet deliciositatis quantum honestatis, quantum jucunditatis, quando *lava* tuæ æternæ sapientiæ & cognitionis, est *sub capite meo*, id est, ratione, & *dextera* tuæ Divinæ clementiæ & dilectionis *amplexabitur me*, id est, voluntatem. Heu me miseram; quid unquam tam dulce, tam suave, tam deliciosum & salutiferum potest experiri quàm inter brachia tanti sponsi quiescere, inter oscula tanti Regis & amico tam fideliter obdormire? hanc dulcedinem senserat anima devota quando optabat, dicens: *Osculetur me osculo oris sui*. Nunquid hæc delicias anima devota erat experia, quando orabat ardens, & jam penè deficiens præ dilecti sui concupiscentia, dicens, in Canticis: *Quis mihi det te fratrem meum sugentem ubera matris meæ; ut inveniam te solum foris, & desculer te?* Quis enarrare sufficeret, nisi qui mente gustasset, quantum habet hoc verbum dulcedinis & devotionis, quando bene ponderatur & rectè cibatur devota mente? sed o Domine DEUS, si hæc tam dulcia sunt cogitanti, quàm dulcia esse possunt degustanti? si tam suavia sunt legenti, quàm consolatoria erunt per affectum sentienti?



*In lectulo meo per noctes quæsiui, quem dili-
git anima mea, quæsiui illum & non inue-
ni. Cant. 5.*

X.

In lectulo meo per noctes quæsi,
quem diligit anima mea; quæsi
illum, & non inveni.

Cant. 3.

Casta canunt nostræ suspiria, votaue Musa,
Nullaque de thalamis vox, Hymenæe tuis.
Ut sua corporibus, sic mentibus est quoque flamma,
Et prope deterior corpora flamma coquit.
Intus, in accensis qui mentibus aestuat ignis,
Delicias liquidi solus amoris habet.
O quanto his, Anima, facibus melioribus ardent!
Oscula quàm certa dantque feruntque fide!
Quàm placidis castas complexibus itur in ulnas
Quàm sanctæ sociant mutua vincla manus!
Et suus hic etiam torus est genialis amori,
Quæque maritali fœdera nexa face;
Casta Cupidineæ sed fœdera nescia tædæ,
Nec, nisi quem cupiat Vasta subire torum.
Sed neque cygnæis hic turget culcitra plumis,
Fartaque Amyclæ vellere fulcra tument.
Quo duo tam casti thalamo sociantur amantes,
Lectus olivinas non habet ille nives.
Lectulus auspiciis tantorum stratus amorum
Mens est lætitiæ pace quieta sua.
Lectule, pax animæ; cœlestis lectule tædæ;
Pronube sidereis lectule caste toris!

*Tu Sponsi atque Anima thalamus secretus aman-
tum*

*Solus es, ô tantas dignus habere faces!
Hoc ego consuevi, meditans, traducere noctes,
Cum requiem pulso cura sopore negat.
Hoc meus ille; meos rapuit qui primus amares,
Est solitus vigili se cubuisse toro.
Et mihi tunc imas urit fax Dia medullas,
Inque vicem flammis uritur ille meis.
Tunc desideriiis querimur sine voce loquentes;
Mutaque plus verbis lacryma vocis habet.
At nova quæ subiti sit nescio, causa recessus:
Subvereor, vitio sit data causa meo.
Nam mihi jam spatium plus visus abesse diurno,
Et secus atque solet nocte fuisse foris.
Hæcine signa forent mutati forsæ amoris?
Aut illum melior lectulus alter habet;
Hei mihi, quàm miseris ea nox fuit acta querelis,
Quæ sine te vidua nox fuit acta domo!
Jam propè constiterat medio vaga Cynthia Cælo,
Altaque sopierat lumina lassæ quies;
Cum mihi visa tori pulsa vox dicere sponda,
Sarge parat thalamo Sponsus abire tuus.
Susciter, & piceos oculis detergeo somnos,
Impositum cubito sustineoque caput:
Et desolatas implens ululatibus ades
Sollicita, dormis lux mea? voce rogo.
Hei mihi! responsum nullum dedit ille roganti,
Fugerat è thalamis transfuga nempe meis.
Protinus accenso reperi vestigia lychno,
Quæ cuperem nunquam visa fuisse mihi.*

Dic meus, exclamo, quò fugit, lectule, Sponsus?
 Perfide, dic meus heu! lectule, Sponsus ubi est?
 Et vagor, & toto velut amens erro cubili,
 Ut tua te vidua luxit Alexi domo.

Quos ego tunc animo sensi effervere tumultus,
 Cygnæus fuerat Pax cui fida torus!

Qua mentem subito insana vertere procella,
 Insolitam dubiis pandere lina Notis!

Quam sterili jacuit damnatum pectus arena,
 Dia cui æthereis vena scatebat aquis!

Jam gravidus labor est oculos attollere cælo,
 Oraque divina solvere laude, labor.

Jam neque sacra valent prisca in certamina vi-
 res,

Qua modo lusus erant prælia, facta dolor.

Scilicet optata dum felix uterer aura,

Aurea molliculus Pax mihi lectus erat.

Tunc ut inexpertis Tiro temerarius armis,

(Omnia qui lingua prælia victor agit)

Optaram rabidis caput objectare Tyrannis,

Aut animam pulchra fundere posse nece.

Tunc & Apollonia mihi credita flamma rosetum;

Tunc rota Costiada Virginis esse trochus:

Visaque sunt Agatha gemini duo vulnera, tor-
 ques,

Blandaue Blandina, Taure putatus ovis:

Denique barbaries laniens infanda macelli.

Totaque carnificum visa theatra, jocus.

Nempe erat in calidis tam fervida flamma me-
 dullis,

Aurea cum placidus Pax mihi lectus erat.

012 V O T A.

At simul ac Sponso calor hic abeunte recessit;
 Frigidior Scythica mens mihi facta gelu est.
 Sic nova, quas Zephyris spirantibus educat aestas,
 Decoquit immeritas una pruina rosas.
 Lampada sic tenuis Pallas quam nutrit olivo,
 Extinguit tremuli bucca soluta Neti.
 Ah male te placido quasivi Sponse cubili;
 Qui Crucis in thalamo repperiendus eras!
 Pax mihi lectus erat, Tibi Crux erat aspera lectus.
 Hoc te debueram, quærere Sponse toro
 Lux mea, jam quota, Te quarendo perdit a nox est!
 Sed quasivi, ubi non inveniendus eras.



In lectulo meo per noctes quæsiui, quem diligit anima mea; quæsiui illum, & non inveni. Cant. 7.

NON est reversus Sponsus ad vocem & votum revocantis. Quare? ut desiderium crescat, ut probetur affectus, ut exerceatur amoris negotium. Sanè ergo dissimulatio est, non indignatio, superest, ut quæratur, si fortè repèriatur quæsitus, qui vocatus non venit; dicente Domino, *Omnis, qui quærit, invenit, & primò quidem quærit illum in lectulo, sed minimè invenit, neque unius noctis quæsitio hæc est frustratio, cum dicat ista: quia quæsiui per noctes.*

b Legimus Psalm. 76. Etiam quandam animam exquisisse DEUM nocte, exquisisse verò manibus ac vocibus; illiusque inquisitionem haud quaquam spe frustratam: sic namque illa, id quod sibi contigit testatum omnibus volens ait: *In die tribulationis meæ DEUM exquisivi manibus meis, nocte contra eum, & non sum deceptus;* at verò in hac sententia (*in lectulo meo per noctes quæsiui*) Anima pia DEUM ipso noctu quæsisse se asserit, idque frequenter, per multas scilicet noctes; nullatenus tamen illum vel post diuturnas inquisitiones reperisse.

c Quid est, quod non invenitur quæsitus, cum

a Bern. serm. 75. in Cant. **b** Gisser. in Cant. cap. 3. expos. 3. **c** Bern. serm. 75. in Cant.

cum requiratur tam studiosè & impigrè, ipse autem dicat: *Quærite & invenietis: & qui quærit, invenit*, quomodo ergo implebuntur scripturæ? neque enim quæ hic inducitur quærens, una est, ex his, quibus ipse ait: *Quæretis me, & non inveniatis.*

a Ob istiusmodi diversitatem non modicum primo aspectu offensus est animus, multòque magis offendebar; quia rationi magis consonum mihi videretur, ut DEUS ab illa citius inveniri se sineret, illiusque vocibus potius intenderet, quæ majori erga ipsum flagraret charitate; qualem absque dubio Sponsam censebam.

Verùm attentius utriusque animæ perpendens verba, percepi statim rationem diversitatis prædictæ. Intellexi, quid causæ fuerit, cur Anima loquens in Psalmo, DEUM repererit; Sponsa autem neutiquam eundem invenerit; quia nimirum ista, etsi manibus DEUM quæsit, & vocibus; in lectulo tamen & lectulo suo singulari quietem agens & manibus palrans eum quæsit, qui ibi haud quaquam esset. Illa autem de tribulationibus ad eum clamavit, qui ait: *De quacunque tribulatione clamaverint ad me, exaudiam eos.* Sicque facili negotio, non solum invenit, sed & apprehendit eum, qui dixit: *Cum ipso sum in tribulatione, in die tribulationis, inquit, DEUM exquisivi manibus meis nocte contra eum, & non sum decepta.*

b Attendite (ergo) tres esse causas, quæ
inte-

a Cissér. in c. 3. Cant. expos. 3. b Bern. s. r. 75. in Cant.

Interim occurrunt, & quærentes frustrari solent, cum aut videlicet: *Non in tempore quærunt, aut, non sicut oportet, aut, non ubi oportet.* Si enim omne tempus aptum est ad quærendum, cur ergo dicat propheta: *Quærite, dum inveniri potest:* erit absque dubio, cum inveniri non poterit, & hæc una causa, quæ impedire poterit, ne inveniatur sponsus à quærentibus se, cum non quærunt in tempore opportuno. At non ea causa impedit sponsam, nempe invocantem & quærentem in tempore opportuno. Sed ne illa quidem eum tepide aut negligenter seu perfunctorie quærit; nam corde ardenti & omnino infatigabiliter, quærit planè ut decet. Restat, ut de terra videamus, ne videlicet, ubi non decet, quærat. *In lectulo meo quæsi per noctes, quem diligit anima mea. An fortè non in lectulo:* quærendus erat, sed *in lecto:* quippe, cui orbis angustus est? sed non horreo lectulum, qui novi parvulum. An non lectulus, tumulus? an non lectulus, præsepium? an non lectulus, uterus Virginis? neque enim magni Patris uterus, lectulus est, sed lectus magnus, de quo ad filium: *Ex utero,* inquit, *ante luciferum genui te.* Quanquam nec lectus quidem forsitan dignè censendus sit uterus ille, qui Regentis potius quàm jacentis est locus. Merito proinde Sponsa, ponens lectulum, dicit; *Suum.* (Sed) quid in tuo quærebas, qui se jam in sua receperat? non videras filium hominis ascendentem, ubi erat prius? Jam cælum tumultu commutavit, & tu illum in tuo adhuc

adhuc lectulo quæris? *Surrexit, non est hic.* Quid quæris, in lecto, fortem? in lectulo, magnum? in stabulo clarificatum? Introivit in potentias Domini, *decorem induit & fortitudinem*, & ecce sedet super cherubim, qui sub lapide jacuit. Ex hoc, jam non jacet. sed sedet & tu tanquam jacenti subsidia paras; sive ut absolutior veritas sit, aut sedes judicans, aut stat adjuvans. Ex tunc ergo & deinceps frustra in lectulo quæsitus est sponsus: pulchrè verò sponsa, non quem diligo ego, sed *quem diligit anima mea*, inquit, quod verè & propriè ad solam pertineat animam illa dilectio, qua aliquid spiritualiter diligit. Nam cum secundum carnem quidpiam diligit vel potiùs appetit anima, carnis potiùs, quàm animæ amor dicendus est. Et bene *per noctes se quæsisse* cum ait, nam non absurdè dici potest, quod qui ignorant, nocte ignorant; ac per hoc qui quærunt, nocte quærunt. Quis enim quærît, quod palam habet? Nox est itaque, donec quæratur sponsus, quoniam si die esset, de medio fieret, & minimè quæreretur, sed diceret aliquis: quòd non sit tam stulta tamque cæca sponsa, ut quærat lumen in tenebris quærat Dilectum apud ignorantes. & qui non diligunt eum. Quasi verò se per noctes nunc quærere dicat, & non potiùs quæsisse? Non ait, Quæro, sed quæsiui, *per noctes, quem diligit anima mea.* Et est sensus, quia cum esset parvula. sapiebat ut parvula, cogitabat ut parvula, & quærebat veritatem, ubi non erat errans & non inveniens, juxta illud in psalm. *Erravi sicut ovis qui perivit.*

a Quod

a Quòd si quis contendat sponsam ipsam hìc ea referre, quæ sibi tunc temporis evenìre cum toto corde viribusque omnibus, ardentissimo amore DEUM dilectum suum prosequeretur; Dicendum: nomine *lectuli*, non quamlibet hìc significari quietem, sed illam dumtaxat, *qua anima sancta quiescit in pace interiore, quam pacem & Isaias, lectuli & cubilis nomine insignivit, cum de iusto loquens dixit: Veniat pax, requiescat in cubili suo, qui ambulavit in directione sua.*

b Dilectum (enim) in lectulo quarimus, quando in præsentis vitæ aliquantula requie Redemptoris nostri desiderio suspiramus. *Per noctem* quarimus; quia etsi jam in illo mens vigilat, tamen adhuc oculus caligat.

c Sed ingens illicò hìc insurgit difficultas quæ ratione anima sancta in ejusmodi lectulo DEUM quæsisse se asserat, & non invenisse? cum alibi fateatur in eo ipso lectulo, se una cum illo, quietissimè dormituram, dicens: *In pace in idipsum, dormiam & requiescam.* Cumque exploratum omnibus sit; *In pace factum esse locum ipsius DEI.* Si ergo in pace commoratur DEUS: si in pacis lectulo, cum eo pacifica dormit anima: quomodo sponsa ibi se eum invenisse negat, ubi jam præsens is adest? Ad hæc breviter respondendum: adesse quidem DEUM, & ut proprio requiescere loco, in interiore

N *in pace,*

a Giffert. in cap. 2. Cant. expos. 7. *b* Greg. hom. 19. in Exe. & 25. in Evang. *c* Giffert. in c. 3. Cant. Expos. 3.

pace, veruntamen, admirabili providentiâ, elongari nonnunquam, vel abscondi ab ipsa anima, cum qua *lectulum* habet communem; sinens eam esse *ardam*, & quodammodo dulci deititurnâ in complexu.

a sunt (enim) qui in studiis spiritualibus fatigari & versi in teporem, atque in defectu quodam spiritûs positi, ambulant tristes vias Domini corde arente & tædente longos dies, longas conqueruntur & noctes, loquentes cum S. Job. *Si dormiero, dicam: quando consurgam? & rursum expectabo vesperam. An tibi aliud, vel pati, vel petere ille videtur, qui ait: Dormitavit anima mea præ tadio, confirma me in verbis tuis.*

b Porro id ob triplicem (accidit) rationem: Primò, ut hac suâ tantillâ elongatione, ad maiorem perfectionem eam proveha. Secundo, ut jucundior postea sit ejus reditus vel ejus inventio. Denique, quemadmodum chorda quò magis ab arcu recedit, eò maiore impetu ad ipsum accedit maioremque exhibet vim sagittæ quæ per arcum jacitur, ità quò magis DEUS videtur se ab anima amovere, eò ardentiori benevolentia, in eandem sese postea insinuat. At si ob allatas rationes ab illa se abscondit, cur non inveniri se finit ab ea, quæ tanto studio ibi ipsum quæsit, ubi quæri is velit? *Quæsitum illum, inquit, & non inven;* ut videlicet, ejus perseverantiæ periculum faceret, utque experiretur, quò ea tenderet, cum aliquando ab internæ pacis lectulo surgeret

a Ab-

a Bern. serm. 32. in Cant. *b* Giffert. in cap. 3. Cant. Expos. 3.

a Abscondit se (ergo) Sponsus, cùm quæritur, ut non inventus ardentius quæratur; & differtur quærens Sponsa ne inveniat, ut tarditate suâ capacior reddita. multiplicius quandoque inveniat, quod quærebat

b (Sed) Domine, si non es hîc, ubi te quæram absentem? si ubique es. cur non video te præsentem? sed certè habitas lucem inaccessibilem. Et ubi est lux inaccessibilis, aut quomodo accedam ad lucem inaccessibilem; aut quis me ducet, aut inducet in illam, ut videam te in illa? accedere ad te desiderat servus tuus, & inaccessibilis est habitatio tua. Invenire te cupit, & nescit locum tuum. Obsecro Domine, doce me, quærere te, & ostende te quærenti? quia nec quærere te possum, nisi tu doceas, nec invenire, nisi te ostendas: quæram te desiderando, desiderem quærendo, inveniam amando, amem inveniando.



N 2

XI.

a Greg. lib. 5. mor. c. 4. *b* Anselm. in protolog. cap. 1.



*Surgam & circuibo civitatem, per vicos &
plateas quærā, quem diligit anima mea:
- quæsiui illum & non inveni. Cantic. 3.*

XI.

Surgam, & circuibo civitatem; per vi-
cos & plateas quæram, quem diligit
anima mea; quæsiui illum & non
inveni, Cant. 3.

Tandem, serò licet, meus est mihi cognitus
error:

Si bene quæsissem, Sponse, repertus eras.
Credideram placido somnos te carpere lecto,
Commodus, at video, non fuit ille torus.
Quid faciam cœpta pergam dare membra quieti,
Et sine te somnus lumina nostra teget!
Ah, sine te nequeam solito dare membra sopori,
Aut illa, sine te, Sponse, quiete, frui!
Non si somni feris invitet lymphæ sissurris,
Lymphæ cavernoso præcipitata iugo;
Aut nemorum blandis agitata cacumina ventis,
Multaque quæ sylvis garrula cantat avis:
Aut Heliconiadum, Parnassia turba, Dearum,
Aut pater aurata Delius ipse lyra.
Nec tua dii, utiant mihi, Somne, papavera curas,
Humida nec virga tempora tacta tua.
Noxia nec vigilem quæ sopiit herba Draconem,
Fistula quæque oculos condidit, Arge, tuos.
Vix ubi composui luctantia lumina somno,
Rumpitur indomito cœpta dolore quies.

Et nullam accipiunt oculique aut pectora noctem,
 Quin mihi, nox etiam creditur, una decem!
 Fingit & assidue de te, mihi somnia Morpheus,
 Nec fugit ex oculis flebilis umbra meis.
 Cur toties igitur somni mihi nocte petuntur,
 Si mihi nulla venit, nocte petita quies?
 Eripiar stratis, mediamque vagata per urbem,
 Quò sors aut ratio me volet ire, ferar.
 Et circumspiciens, num fortè quis angulus abdat,
 Quaram, quem propria diligo plus anima.
 Quaram porticibus, quaram stabulisque casisque,
 Perque semel tritas ibo redibo vias.
 Nec malè perspecta fallet specus ulla latebra,
 Nec quem transiero, circulus ullus erit.
 Qualis odora canis vestigia pressa ferarum
 Mersa nare legens, lustra, rubosque siebit:
 Aut qualis sicular Ops errabunda per urbes,
 Aspicit, an flores verditâ Nata legat.
 Ruraque pinniferis vestigans avia tedis
 Persephonem stygiis optat adire vadis.
 Aut potiùs Solymin qualis vaga Magdala campis
 (Cum flebat Domini marmor inane sui.)
 Saxa peralta rudesque ruit furiata per agros,
 Quà dolor ancipitem quà rapiebat amor.
 Omnibus una locis aderat, comes omnibus una,
 Una super Domini funere multa rogans.
 Attica sic viduo volucris gemit anxia nido,
 Luctisonisque nemus personat omne modis:
 Et circum supraque volans, nunc ardua sommo
 Vertice, nunc ima pendula fronde sedet;
 Et raptam sobolem, raptoris & aucupis artes
 Hen! consanguineo nunciat orba gregi.

Haud

*Haud aliter cunctis lustrari compita vicis,
Non tamen est ullo prada reperta loco.
Infames vici, loca detestanda platea,
Decepto toties compita trita pede !
Amissum in thalamis, foris hic reperire putabam,
Sed malè quaesitus, perditus usque latet.*



*Surgam & circuibo civitatem; per vicos
& plateas, quæram, quem diligit anima
mea: quæsiui illum, & non inveni.*

Cant. 3.

Effundite lacrymas oculi mei, plorate, & nolite deficere. Ambulate pedes mei, discurre, & nolite quiescere. Heu! heu! quò abiit gaudium meum, ubi latet amor meus? ubi est dulcedo mea? cur dereliquisti me, salus mea? O dolores! ô angustia! Intolerabiles angustia sunt mihi undique & quid eligam, ignoro. Quò me versam? ad quem ibo, à quo consilium petam, quem pereunctor, quis mei miserebitur, qui me consolabitur, quis indicabit mihi, quem diligit anima mea. Revertere, dilecte mi! revertere dilecte votorum meorum! ô amabilis! ô desiderabilis! redde mihi lætitiā salutaris præsentia tua.

ô Heu me! ubi eum quæram, ubi eum inveniam, surgam certè, & circuibo omnia loca quæ potero? non dabo somnum oculis meis, non dabo requiem pedibus meis. donec inveniam illum quem diligit anima mea.

c. e. lens in lectulo, quæsiui, cum adhuc infirma & in va idā forem, & omninò minùs idonea sequi. ponsum quocunque ierit; sequi ad ardua & excelsa sublimitatis illius. Incidi in mul-

a Orig. homil. 10. in diver. b Orig. Ibid. c Berm. serm. 7. in Cant.

multos, qui cognoscentes desiderium meum, dicebant mihi: *Ecce hic est* HIC TU *ecce ille est*, & neque hic, neque illic erat. & dixi: *Surgam & circumibo civitatem per vicos & plateas, quæram, quem diligit anima mea, Intuere vel nunc, quia jacet, quæ dicit, surgam.*

a Adhuc ut parvula sapit; per vicos & plateas, quærendum putavit. fruendi avida, sed ignara myste ii? iterum ergo frustrata repetit dicens: *Quæsi eum, & non inveni. Non est, ut ista suspi- ata est in plateis aut vicis; nisi fortè in illis, de quibus dicitur: Platea tua, Hierusalem, sternerentur auro mundo, & per omnes vicos tuos alleluja cantabitur.*

b Anima (enim) quæ amat, ascendit frequenter. & currit familiariter per plateas cœlestis Hierusalem visitando Patriarcha & Prophetas, salutando Apostolos admirando exercitus Martyrum, & Confessorum, Chorosque Virginum speculando.

c Ibi ibi illum, qui quæret inveniet, & videbit gloriam ejus. non gloriam quasi unius cæterorum, sed planè gloriam, quasi uni eniti à Patre. quid facies, ô ponsa! putas. potes sequi eum illuc? aut te ingerere audes, vel vales huius tam sancto arcano, tamque arcano sanctuario ut filium in patre. & patrem intuearis in filio. non utique, ubi est ille, tu non potes venire modo, venies autem postea: Age tamen, sequere, quare, nec te inaccessibilis

N 5

clari-

a Bern. serm. 76. in Cant. *b* Aug. man. cap. 14.
c Bern. serm. 76. in Cant.

claritas, vel sublimitas à quærendo deterreat, ab inveniendo desperare faciat. Si potes credere omnia possibile sunt credenti. Propè est, inquit, verbum in ore tuo, & in corde tuo. Crede & invenisti, nam credere, invenisse est. Nò-runt fideles, habitare CHRISTUM, per fidem, in cordibus suis. Quid propius est? Quare ergo secura, quare devota. bonus est Dominus animæ quærenti se. Quare votis, sequere actibus, fide inveni; quid non invenit fides? attingit inaccessible, deprehendit ignota, comprehendit immensa, apprehendit novissima; ipsam denique æternitatem suo illo vastissimo sinu quodammodo circumducit, fidenter dixerim: æternam, beatamque Trinitatem, quam non intelligo, credo, & fide teneo, quod non capio mente.

a Quid hoc desiderii est & ardoris, ut surgens de nocte publicum non erubescat? percurrat civitatem? percunctetur palam & passim de dilecto, atque à vestigandis semitis ejus nullâ valeat ratione averti, nullâ præpediri difficultate, non tempestivæ retineri amore quietis, non Sponsæ verecundiâ, non vel timore nocturno? Et tamen in his omnibus frustrata est usque adhuc à desiderio suo. Quare, quid sibi vult pertinax hæc & diuturna fraudatio; tædiorum nutritrix, suspicionum fomes impatientiæ fax, no-verca amoris, mater desperationis, si adhuc dissimulatio est, nimis est molesta. Esto, quod pie, utiliterque interim fuerit dissimulatum, donec
in

a Bern, serm. 75. in Cant.

in sola adhuc vocatione, seu revocatione res erat: nunc vero, cum requiritur, & ita requiritur, quid iam conferre poterit dissimulatio? si de carnalibus sponsis, & pudendis amoribus quaestio est, sicut litteralis superficies praelusisse videtur, & si inter illos talia contingere queant, mea non interest, ipsi viderint.

a Nolo responsum querere per plateas. nolo te circumire angulos civitatis, dicas, licet: *Surgam & circuibo civitatem, & in foro, & in plateis quaram, quem dilexit anima mea; & interroges; Num, quem dilexit anima mea, vidistis?* nemo tibi respondere dignabitur: sponsus in plateis non potest inveniri. Arcta & angusta via est, quæ ducit ad vitam, zelotypus est JESUS, non vult videri faciem tuam: foris vagentur virgines stultæ, tu intrinsecus esto cum sponso.

b Non in foro, non in plateis CHRISTUS reperitur: non est CHRISTUS circumforaneus; CHRISTUS enim pax; in foro, lites: CHRISTUS justitia est; in foro iniquitas: CHRISTUS operator est; in foro inane otium: CHRISTUS charitas est; in foro oblectatio: CHRISTUS fides est; in foro fraus atque perfidia: Fugiamus ergo forum, fugiamus plateas. Nec illa cum in foro & in plateis potuit reperire quæ dixit: *Exurgam ibo & circuibo in civitate, in foro, & in plateis, & quaram, quem dilexit anima mea; quasi vi eum, & non inveni eum.* Nequa-

N 6

quam

a Hieron. epist. 22. ad Eustoc. b Ambr. lib. de virg.

quam igitur ibi quæramus CHRISTUM, ubi invenire non possumus.


a Non pedum passibus, sed desideriis quæritur DEUS; & ubique non extundit desiderium sanctum, felix inventio sed extendit. Nunquid consummatio gaudii desiderii consumptio est; oleum magis est illi, nam ipsum flamma. Sic est; adimplebitur lætitia sed desiderii non erit finis; ac per hoc, nec quærendi: quid ni amet ad quærendum, experta clementiam, & persuasa de pace?

b Attendite vehementiam & vim amoris. Nec abesse dilectum sustinet, nec sufficit præsentem? ibi vota anhelata laborant; hic exhausta relinquuntur. O felix amor, qui continuâ quadam vicissitudine, aut liquefcit in ipso aut quærens, anhelat ad ipsum! *quæsi, & non inveni.*

c Ego erravi, sicut ovis, quæ perierat, quærens te exterius, qui es interiùs; & multum laboravi quærens te extra me, & tu habitas in me, si tamen ego desiderem te. *Circuivi vicos & plateas civitatis hujus mundi quærens te & non inveni,* quia malè quærebam foris, quod erat intus. Misi nuntios meos; omnes sensus exteriores, ut quærerem te; *& non inveni,* quia malè quærebam. Video enim, lux mea, DEUS; qui illuminasti me, quia malè te per illos quærebam, quia tu es intus, & tamen ipsi, ubi intraveris, nesciverunt. Sero te amavi pulchritudo tam antiqua & tam nova, serò te amavi; & tu intus
eras,

a Bern. serm. 43. in Cant. b Guilib. Abb. serm. 45. in Cant. c Aug. soliloq. cap. 31.

eras: & ego foris, & ibi te quærebam & in ista
 formosa, quæ fecisti, ego deformis irruebam.
 Mecum eras, & tecum non eram. Ea me tene-
 bant longè à te quæ esse non poterant, nisi in te.
Circuibam enim omnia, quærens te, & propter
 omnia derelinquens me. Interrogavi terram, si
 esset DEUS meus, & dixit mihi, quod non; &
 omnia, quæ in ea sunt, hoc idem confessa sunt.
 Interrogavi mare & abyssos & reptilia, quæ in
 eis sunt, & responderunt, non sumus DEUS
 tuus: quare super nos eum. Interrogavi flabi-
 lem aërem & inquit universus aër, cum omni-
 bus incolis suis: fallitur Anaximenes, non sum
 ego DEUS tuus, Interrogavi Cœlum, Solem,
 Lunam & Stellæ, neque nos sumus DEUS tuus,
 inquit. Interrogavi deinde mundi molem,
 Dic mihi, si es DEUS meus, an non? & respon-
 dit voce forti: Non sum inquit ego, sed per
 ipsum sum ego, quem quæris in me, ipse fecit
 me; supra me quære eum, qui regit me,
 qui fecit me.





Num, quem diligit anima mea, vidistis?
Paululum cum pertransissem eos, inveni,
quem diligit anima mea: tenui eum, nec di-
mittam. Cant. 3.

XII.

Num, quem diligit anima mea, vidistis?
Paululum cum pertransissem eos, inve-
ni, quem diligit anima mea, Tenui eum,
nec dimittam. *Cant. 3.*

Restat adhuc tota locus nullus omissus in urbe,
Aut regio nostro non peragrata pede?
Flammiferis cuncta facibus luxere platea,
Nullaque vel minimæ compita spreta via.
Hei mihi! quos vicos, quæ non loca tristes obivi?
Urbs etiam in tanta defuit urbe mihi.
Sed quod in hos frustra juvat incubuisse labores,
Si Sponsum semper quero, nec invenio?
Ergo domum lachrymans, vestigia retrò ferebam,
Quique rogaretur, nemo viator erat.
Cum propior portis à mœnibus aufero gressum,
Et vigil ad portas occupat ecce cohors.
At prior hic dixi, quem diligo, fortè latebit;
Et subito vigilēs, reppererintne? rogo.
Illi, cum tacito convertere lumina visu,
Verbaque dentatis reddere falsa jocis.
Et quidam; Quisnam ille tuus, quem diligis, ignis,
Absque suo nosci nomine posse putas?
Parcite, respondi, tam rusticus est mihi candor,
Scire omnes rebar; quis meus esset amor.
Nec magis vel Pyladis natum vel nomen Orestis,
Neve tuum, Thisbe, Pirame; neve tuum.
Vosque etiam quamvis, quem diligo, scire negetis,
Scire, nec ignotum posse latere, puto.

Obsecro

Obsecro dic igitur Custodia pervigil urbis,
 Num meus hac vobis tendere visus Amor?
 Ille meus propria quem plus ego diligo vita,
 Qui quoque me vita plus amat ipse sua.
 Dic te, quando abiit? quantillo tempore mansit?
 Quaque prebensurum si simulavit iter?
 Hac iit aut illac: dextra vel fortè sinistra?
 Solus erat? sociis an comitatus erat?
 Excubiae falsis iterum risere cachinnis,
 At mihi falsa meas obruit unda genas.
 Transferam: Sponsi neque spes super ulla videndi,
 Mensque erat in damni mersa dolore sui:
 En subito, dum cuncta animo tristissima volvo,
 Nullaque quam tantæ vota minora spei;
 Ille meus, tota toties quæsitus in urbe,
 Jam non quæsitur constitit ante oculos.
 Exilii, mystoque metu perterrita gaudens!
 Vix potui propriis credere luminibus.
 Et, Tene aspicio, mea lux, mea vita? volentem
 Dicere, vox hærens faucibus impediit.
 Qualis ubi viso conjux inopina marito,
 (Quem mendax tulerat rumor obisse diem.)
 Obsupet ac visa veluti percellitur umbra,
 Optantemque loqui, pallida facta, fugit.
 Nec nisi jam noto reducis fidentior ore,
 Audet in amplexus conjugis ire sui;
 Tumque veretur adhuc; ne se malè credula fallat,
 Inque fidem levior decipiatur amor:
 Sic ego, dum trepido rediere in pectore vires,
 Teque iterum ante oculos, Sponso, reviso meos;
 Subdubitans speransq; timensq; & amore fatiscens,
 Tunc es, quem video, clamo, vel umbra tui?

Ah

Ab Sponse! ab non es! non es, quem diligo, non es!
Imò es quod dubito? nunquid es? haud dubito.
O mea lux, video, te nunc video, mea vita;
Nil ultra dubito, lux mea, te video.
Agnoscensque tui vocem præsantis & ora,
Incolo in amplexus, Sponse reperte, tuos.
Jamque ego te teneo, neq; per vaga compita quaram.
Ludibrium vigili, nocte futura gregi.
O mea si geminis mutantur brachia vinclis,
Atque manus manicis, compedibusque pedes!
Quàm te complicitis, mea lux complecterer ulnis!
Arctius amplexu, vitis & ulme, tuo.
Arctius anguipedum manibus, pedibusq; hederarum.
Queis obit annosas herba marita domos.
Sed neque te nostri lassent, mea vita, lacerti,
Sæpè nec errantes per tua colla manus:
Longa Tui subeat, mea lux, absentia mentem,
Nec nisi persari tempore posse putes.
Ab citò tam longi quereris compendia damni,
Vix ego jam cæpi, tu satur, ecce fugis.
Non ita discedes, non tam citò liber abibit;
Nec nisi pugnando viceris, effugies.
Num quem diligit anima mea, vidistis? Paululum
cùm pertransissem eos, inveni, quem diligit anima
mea. Tenui eum, nec dimittam. Cant. 3.

a **O** Amor præceps, vehemens, flagrans, im-
 petuose! qui præter te aliud cogitare non
 finis, fastidis cætera, contemnis omnia, præter
 te, te contentus: confundis ordines, dissimulas
 usum. modum ignoras. Totum, quod oppor-
 tunitatis, quod rationis, quod pudoris, quod

con-

a Bern. serm. 79. in Cant.

consilii, judiciive videtur, triumphas in temet-
ipso, & redigis in captivitatem. En omne, quod
cogitat ista & loquitur, te sonat, te redolet, &
aliud nihil, ita tibi, ipsius & cor vendicasti &
linguam. Ait: Num quem diligit anima mea vie-
distis? quasi verò hi sciant, quid cogitet ipsa!
Quem diligit anima tua de ipso sciscitari? &
non habet nomen; Quamnam vero tu, & ille quis?

a Quo pacto inveniri posset, quod nullæ res
nobis cognitz ostendere possunt? non forma,
non color, non circumscriptio, non qualitas,
non locut, non figura, non conjectura, non ad-
similatio, non proportio sed quod semper extra
omnem perceptionis viam positum, compre-
hensionem pervestigantium planè fugit. Prop-
terea, inquit, *quasi vi eum*, per animæ facultates
cas, quæ inveniendi vi præditæ sunt; per ratio-
cinationes & cogitationes: at extra hæc omnia
positus erat, accessum mentis propiorem effu-
giens. Qui verò semper reperitur omni notâ
carere, de qua possit agnosci, quo pacto queat is
per indicationem aliquam vocum percipi?

b (sed) sicut Conjux amatrix viri, absente
marito suo, per fenestras circumspicit, ipsum re-
quirens, & ubique specularis, in mari & in terra;
& si viderit navem venientem, ibi suum putat es-
se virum & si viderit viatores procul venientes,
inter ipsos adesse existimat, & occurrens eis, in-
terrogat dicens: Dicite mihi, ubi eum dimiseri-
tis, in qua regione, aut in qua civitate? quid di-
centem, aut quid facientem aut quando venien-
tem? in hunc modum, omnis sancta (anima) con-

a Nyss. ora. 12. in Cant. b Chrys. homine virt. stri-

stricta amore CHRISTI interrogat: *Dicite mihi, ubi pascit, ubi cubat, quem diligit anima mea?*

a Jam optas videre, quem amas, cui nunc blandiris, & nunc ad amoris & desiderii intentionem suaviter illum pervestigas, nunc moras acculas, nunc te cernis contemptum, nunc te visitatione confiteris indignum, & iterum de ejus (itoties expertus) bonitate præsumis nunc quasi ulterius non sustineas, spirituali quodam ligo vel luctamine evincere retardantem conaris. Quæ tunc lacrymæ? qui gemitus? quæ suspiria? quæ voces? nunc oculi fleu graves, cum intimis singulibus eriguntur ad coelum; nunc manus extenduntur & brachia, nunc pectoris contusione animæ tarditas accusatur. Proferuntur interim verba sine principio, sine fine, quorum nec sententiæ cohærent sibi, nec rationes simile sunt, nec alicujus linguae sensus vel idioma servatur: quando vox aliquando respondet affectui, & iterum vocem affectus intercipit. Gaudet certè pius ille JESU tali certamine superari.

b Superest itaque, ut ad eum recurrat, in quo solo vera est consolatio, & per istius vitæ noctes, in lectulo cordis DEUM quærat: Quem si primò non invenit, magis ad quærendum animetur, surgat ad amorem cœlestium; civitatem circumceat exultatione universæ terræ fundatam; interroget vigiles, qui custodiunt Ecclesiam, nudetur pallio secularis ornatûs, & charitatis sagittâ interiùs vulneretur. Nec priùs à quarendo desistat; quàm mœrentium consolationem

a Bern. hom. in fr. oct. Epiph. b S. Greg. in Ps. pan.

latorem inveniatur. Inventum autem summopere teneat, donec redemptus ope adiutricis gratiæ à conscientia eripiaur tribulatione.

a Est enim quidam spiritualis amplexus atq; utinam contingat, ut me: Sponsam aliorum sponsi amplexus includat, ut ego quoque possim dicere, quod in eodem libro scriptum est: *Sinistra eius sub capite meo, & dextera illius amplexabitur me!*

b Quid hoc tenacius glutino; quod nec aquis euitur, nec aquis dissolvitur, nec scinditur gladiis. Denique *aqua multa non poterunt extinguere charitatem. Tenui eum, nec dimittam.* Et sanctus Patriarcha: *Non te, inquit, dimittam, nisi benedixeris mihi.* Ista non vult eum dimittere: & fortè magis quàm Patriarcha id non vult quia nec pro benedictione quidem, siquidem ille benedictione acceptâ, dimisit eum: hæc autem non sic. Nolo, inquit, benedictionem tuam, sed te. *Quid enim mihi est in cælo, & à te quid volui super terram?* non dimittam te, nec si benedixeris mihi. *Tenui eum nec dimittam.* Nec minùs forsitan ille teneri vult; cùm perhibeat dicens: *Delicia mea esse cum filiis hominum.* Quodque pollicentur ait: *Ecce ego vobiscum sum, usque ad consummationem sæculi:* quid hac copulâ fortius, quæ una, duorum tam vehementi voluntate fundata est, sed nihilominus, illa vicissim tenetur ab eo, quem tenet; cui alibi dicit: *Tenuisti manum dexteram meam.* Quæ tenetur & tenet, quomodo jam cadere potest? tenet fidei firmitate, cuncti devotionis affectu. At nequaquam diu teneret, si non teneretur.

Tene-

a Orig. hom. I. in Cant. *b* Bern. serm. 79. in Cant.

Tenetur autem potentiâ & misericordiâ Domini. *Tenui eum, nec dimittam.*

a Inveniam (& ego) Te desiderium cordis mei, teneam Te, amor animæ meæ, amplectar Te, sponse cœlestis exultatio mea summa, intus & extra, possideam Te, beatitudo sempiterna, possideam Te in medio cordis mei, vita beata, dulcedo summa animæ.

b Ecce, quod concupivi, jam video, quod speravi, jam teneo, quod desideravi, jam habeo, illi namque in cœlis junctus sum quem in terris positus totâ virtute dilexi totâ charitate amplexus sum, cui toto amore inhaesi, ipsum laudo, benedico, atque adoro.

c Tantò instantiâs inventum tenui, tantò tardiùs, quem querebam, inveni.

d O piissime Domine & dulcissime Magister! quàm bonus es his, qui recto sunt corde, & humiles sunt spiritu! ô quàm beati, qui in simplicitate cordis quærunt te, & quàm felices, qui sperant in te! Verum certè est, & indubitanter verû, quòd tu diligis omnes diligentes te & nunquam derelinquis sperantes in te. Ecce enim dilectrix tua simpliciter quærebat te, & veraciter invenit te. Sperabat in te, & non est derelicta à te, sed plus est consecuta per te, quàm expectarat à te.

e Gratias Tibi lux mea, quoniam illuminâsti me, & inveni Te, & me. ubi inveni me, ubi cognovi me, ibi inveni Te, ibi cognovi Te; ubi autem cognovi Te, ibi illuminâsti me.

XIII.

a Aug. sol. c. 1. *b* Aug. med. c. 73. *c* Beda in c. 3. Ant. *d* Orig. hom. 10. in divers. *e* Aug. soliloq. c. 31.



*Mibi autem adhaerere DEO bonum est, po-
nere in Domino DEO spem meam. Ps. 72.*

XIII.

Mihi autem adhærere DEO bonum est,
ponere in Domino DEO spem meam.

Psalm. 72.

QUam mea, per varios, vita est exercita casus?
At pila, percussu pulsa; repulsa manu.
Munera belligeri primùm placuere Gradivi,
Armaque spe laudis, sanguinolenta tuli.
Arma dabant animos, Et erat spes omnis in armis,
Ceu foret hac votis meta futura meis.
Sapè vigil tetricas traduxi cantibus horas,
Et custos specula tædia longa tuli.
Nec semel admonitu fraus hostica prodita nostro est,
Cum signum toties ore, vel are dedi.
Addidici septis fossam producere castris,
Et sude prafixas impedisse vias.
Quin etiam subita faciem componere pugna,
Et trepidis animos addere voce, globis.
Denique non tenuis belli quis certius artes,
Militis auxilio seu Ducis esset opus.
Ah, quoties Libycas pressit pes lassus arenas,
Et cecidit madidis sudor in ora comis!
Collaque magnanimus tinxit fumantia pulvis:
Nec tamen unda sitim qua recrearet, erat.
Ah quoties gelidos fluviorum innavimus alvêos,
Ære gravante humeros, ære gravante caput!
Oraque prensatos retinebant mordicus enses,
Nando per obstantes cum veheremur aquas.

Bela 1

Bellantem tenuit jam tot me Marspiter annis,
 Principioque pedes sine merebar eques:
 Quoque tegor, decima fuit ictus arundine thorax,
 Lasque, sunt totidem cassis, & umbo locis.
 Lethifero cecidit sonipes mihi tertius ictu,
 Crista quater galea cuspside, rapta fuit.
 Quin animam præcepit in aperta pericula misi,
 Dum nimis hostili dextera cæde calet.
 Nulla tamen nostro tunc sunt data vulnera tergo,
 Omne sed aduerso pectore vulnus erat.
 Nempe gradum tenui, contra ferrumque facesque,
 Telaque præcipiti grandine plura tuli.
 Perque meo factos gladio spatiabar acervos,
 Imposito subigens corpora strata pede.
 Quis putet, hoc tantis caput insuperabile bellis,
 Non etiam bellis vota tulisse suis?
 Heu mihi! post partas proprio tot sanguine lauros,
 Post tot ad infernos funera missa lacus?
 Post toties meritas gladio victore coronas;
 Post tot fixa tuo signa, Gradive, tholo:
 Una tot egregios deleuit culpa triumphos,
 Nec fuit ulla super nominis umbra mei;
 Et gravis in pœnam me diruit ære Tribunus,
 Jussit & incincto turpiter ire sago.
 Gloria quin odiis popularibus obruta vertit,
 Sic cecidit tanto Marte petitus honos.
 O utinam potius pro te, DEUS arma tulissem,
 Non ita cassa suis laudibus arma forent.
 Te super, intrepida melius spe, vota locantur,
 Ut fundat, trepidat anchora fida rates.
 Ergo suum Odrysiò positum suspendimus ense,
 Araque sunt curua iussa valere tuba.

Tum lucra, tum vigiles, lucro arrisere taberna,
Unaque Mercurio cura litasse fuit.
Tum piper & lanas lydo reparavimus auro,
Veximus & gravida grana, merumque trabe;
Nostraque Barbaricos tetigerunt lintea portus,
Et sinus invecta vix sine merce fuit.
Scilicet, è minima magnum recogere quæstum,
Maximus hac studii parte triumphus erat.
Creverat aggestis jam densa pecunia nummis,
Nec domus immensas arcta tenebat opes.
Classis & ambustis onerata redibat ab Indis,
Sed periit, patriis proxima classis aquis.
Plurimus implebat tabulas mihi debitor ambas,
Credita perjurus debitor esse negat.
Ergo velut liquidis sat crescit & interit undis,
Ut crevistis opes, sic periistis opes.
O quanto placidos tranquillius exigit annos,
Qui neque lucra cupit, qui neque bella movet!
Dives Athlantiade, tua linquo negotia, dixi,
Nulla mihi vestra merce redempta quies.
Quid facerem, toties frustrantibus omnia votis,
Marte negante decus, Mercurioque fidem?
Regis in ignotam subrepsi nobilis aulam;
Magnaque mex regi fama relata mei est.
Et vocor, & videor, placidoque arrideor ore;
Dumque loquor, prona Principis aure fruor.
Nescio, quid fuerit, quod Rex ita cœpit amare;
Non fuit hoc meriti, sed magè sortis opus.
Seu fuerit virtus, seu sors, seu Regius error,
Maximus exiguo tempore crevit amor.
Sapè diem nocti conjunximus, inque loquendo,
Non fuerat visus præcipitâsse dies

*Sapè domi tacitas lusu traduximus horas,
 Unaque sapè foris mensa duobus erat.
 Non ita Sejanum Latia favor extulit Aula;
 Clitus Alexandro non ita charus erat.
 Commodus haud tantum potuit tribuisse Cleandro,
 Aut Constantini plus amor Ablavio.
 Jamque sua fateor, favor hic, novitate placebat,
 (Ut propè non solita res novitate placent.)
 Aulaque felicem, felicem turba vocabat.
 Quòd mihi tanta Ducis gratia parta foret.
 Vah! nimis in fidis subnixa potentia sceptris,
 Quæ minimo sortis turbine versa ruit!
 Ecce minax tetricos cœpit Rex ducere vultus,
 Nec tamen est vitio gratia lasa mea.
 Hei mihi! cœptus amor, subitam se vertit in iram,
 Hostis & è patria cogor abire solo.
 Et veteres auxi casu, nova fabula fastos;
 Fabula sic elegis tristè carenda meis.
 Arcadii Eutropius, Stilico rediivus Honori,
 Et Constantini Caesaris Ablavius;
 Clitus Alexandri, Tibereius & Seitanus,
 Rursus in historia parte fuère mea!
 O DEUS! ô quanto tranquillius exigit avum,
 Qui locat in sceptris votaue spesque tuis!*



*Mihi autem adhaerere DEO bonum est,
ponere in Domino DEO spem
meam. Psalm. 72.*

a COR, humanum in desiderio æternitatis non fixum, nunquam stabile potest esse, sed omni volubilitate volubilius de alio in aliud transit; quærens requiem ubi non est. In his autem caducis & transitoriis, in quibus ejus affectus captivi tenentur, veram requiem invenire non valet, quoniam tantæ est dignitatis, ut nullum bonum præter summum bonum, ei sufficere possit.

b (Et ego) aliud & aliud sequebar, & à nullo implebar: dum non in me inveniebam te, incommutabile & singulare, indivisum, unum bonum, quod consecutus, non ego; quod consecutus, non deleo; quod possidens, satiatur totum desiderium meum.

c (Sed nunc) nihil mihi tam dulce quàm cum Domino meo esse. *Mihi autem adhaerere DEO bonum est.* Da mihi Domine, donec his fragilibus assisto membris, tibi adhaerere, sicut scriptum est, qui adhaeret Domino, unus spiritus est cum eo.

d Eligant alii militiam, alii advocationem, alii diversas variasque doctrinas, alii negotiationem, alii agriculturam, *mihi autem adhaerere*

O 2

DEO

a Aug. med. cap. 25. **b** Aug. soliloq. c. 13. **c** Aug. med. cap. 37. **d** Aug. in Psalm. 72.

DEO bonum est. DEO adhærere nihil est melius, quando eum videbimus facie ad faciem: modo ergo quid? quia adhuc peregrinus loquor. *Adhærere DEO bonum est;* sed modò in peregrinatione, quia nondum venit res: *ponere in DEO spem meam.* Quamdiu ergo nondum adhæsisti, ibi pone spem. Fluctuas? prœmitte ad terram hanc anchoram. Nondum hæres per præsentiā? inhære per spem; & quid hîc ages, ponens in DEO spem tuam? quod erit negotium tuum, nisi ut laudes, quem diligis? Ecce si amares Aurigam, non raperes ceteros, ut tecum amarent? Amator Aurigæ, quacunque transit, loquitur de illo, ut cum illo eum ament & ceteri.

a Divit a si affluant, nolite cor apponere. Fluxa est divitiarum natura, suos possessores ocyus torrente prærapido prætercurrit; alios alio modo, apta mutare Dominos. Hodie huius est ager, cras erit alterius, & paulò post ad alium perveniet. Respice parumper ad civitatis domos; quot nomina ex eo tempore, quo fuerunt ædificatæ, sortitæ sunt, aliter ab aliis atque aliis appellatæ possessoribus? Et aurum è manibù habentis se, fluens semper ad alium transfertur; & ab illo, ad alium; magis enim aquam manu circumplexam retinere continenter possis, quàm divitias conservare tibi ipsi.

b Justorum iudicio (qualibet bona adfuerint) cum sanctis desideriis æstuant, bona minime videntur, unde David Propheta, qui Regni

gni divitiis, multisque obsequiis fulciebatur, quamvis & hæc ad necessitatem bona esse conspiceret, cum tamen singulariter bono inhians affluabat, dicens: *Mihi autem adhaerere DEO bonum est.*

a Sit ergo Dominus DEUS spes tua, non aliquid aliud à Domino DEO tuo speres: sed ipse Dominus tuus sit spes tua. Namque multi de DEO sperant pecuniam; multi de DEO sperant caducos honores & perituros; aliud quodlibet à DEO, præter ipsum DEUM, sed tu ipsum DEUM tuum pete. Relinque omnes amores, pulchrior est ille, qui fecit cælum & terram. *Beatus vir, cujus est nomen Domini spes ejus, & non respexit in vanitates & insanias mendaces.*

b Sicut autem nemo potest duobus Dominis servire, ita nemo potest in duobus Dominis sperare, Nemo potest in incerto divitiarum sperare, & in Domino. Nemo potest sperare in Principibus, & in DEO. Nemo potest sperare in viribus equi, & in DEO. Nemo potest sperare in sæculo, & in DEO. Nisi enim in solo DEO speraveris, & videat DEUS spem tuam, in sæculum æternum esse conversam, & quia illam nullam omnino spem geris, nisi in ipso, qui vivificat mortuos, & vocat, quæ non sunt, non poteris eripi à peccatoribus. Solus est enim ipse, qui salvos facit sperantes in se.

c Huic, qui in homine spem ponit, magnopere est metuendum, ne in execrationem illam

O 3

in-

a August. in Psalm. 39. *b* Orig. in Psalm. 36. hom. 5. *c* Basil. in reg. fusiùs disp. q. 42.

incidat: *Maledictus homo, qui confidit in homine, & fulcit carnem brachii sui, & defecit à Domino anima ejus.* Quæ verba cum dicunt, *Qui confidit in homine*, illud præcipiunt; nequaquam in altero spem poni debere: cum autem, *& fulcit carnem brachii sui*; in se, sui habendam fiduciam verant.

a Quidquid igitur agendum sit, quidquid declinandum, quidquid tolerandum, quidquid optandum. Tu es Domine, spes mea, hæc una mihi omnium promissionum causa; hæc tota ratio meæ expectationis. Patendat alter meritum, sustinere se jactet pondus diei & ætus; jejunare bis in sabbatho dicat, postremo non esse sicut cæteri hominum gloriatur; *Mihi autem adherere DEO bonum est, ponere in Domino DEO spem meam.* Sperent in alijs alii; fortè hic in scientia literarum, hic in astutia sæculi, ille in nobilitate, ille in dignitate, ille in alia qualibet vanitate confidat; propter te, *omnia detrimenta feci, & ut stercora arbitræ; quoniam tu es Domine spes mea.* Speret, qui vult, in incerto divitiarum; ego verò ne ipsa quidem, nisi abs te victui necessaria spero. Si mihi præmia promittuntur, per te obtinenda sperabo. Si insurgant adversum me prælia, si sæviet mundus, si fremit malignus, si ipsa caro adversus spiritum concupiscat, in te ego sperabo. Quid cunctamur abjicere omnino spes mitteras, vanas, inutiles, seductorias, & huic uni, tam solidæ, tam perfectæ, tam beatæ
spei,

a Bern. serm. 2. super Beat. qui habit.

spei, totâ devotione animi, toto fervore spiritûs, inhæreret; si quid illi impossibile. si quid vel difficile est, quærere aliud in quo speres.

a Fortissimum solatium habeamus, qui confugimus ad tenendam propositam spem: quam sicut anchoram habeamus animæ tutam ac firmam.

b Jam spem quasi anchoram (præmisimus) ne in isto mari turbati naufragemur. Quemadmodum enim de navi, quæ in anchoris est, rectè dicimus, quod jam in terra sit, adhuc amen fluctuat, sed in terra quodammodo educta est contra ventos, & contra tempestates; sic contra tentationes hujus peregrinationis nostræ spes nostra fundata, facit nos non abripi in saxa.

Adhareat, quæso, Domine, anima mea post te, suscipiat me dextera tua; sustollat me super altitudinem terræ, & ciber me illâ cœlesti hereditate, cui suspirat peregrinatio mea die ac nocte.





Sub umbra illius, quem desideraveram, sedi.
Cantic. 2.

XIV.

Sub umbra illius, quem desideraveram,
fedi. Cant. 2.

*F*ors iter ignotas longum meditabar in oras,
Et bona jam cœpta pars erat acta via,
Utque solet lassus metam spectare viator,
Credebam spartis pauca deesse meis.
Ut cœpi reliquos metiri provida passus,
Maius erat medio, quod superabat, iter.
Hei mihi! tum refugæ ceciderunt corpore vires,
Totque nimis durus, millia visa labor.
Ergo oculos cœlo misera cum vo.e tetendi,
Ferrat an hinc aliquis, voce vocatus, opem?
Et mihi, quis, dixi, dabit hisce sub æstibus um-
bram?

Solis ab infesto verberor igne caput,
Aspice, sub plantis quàm ferveat arida tellus,
Siccaque semustos urat arena pedes.
O nemora! ô riguæ, frondosa cacumina, sylva:
O latebræ! ô fontes! arboræque domus!
O utinam, virides pandat mihi populus alas
Aut caput hoc, mali fronde comante tegat!
Audiit ille meas solitus lenire querelas,
Cujus erat toties umbra petita mihi.
Et scio, quò properas, scio, quas ait, arripis oras,
Et scio, quam toties anxia poscis opem.
Cœl. stis Solymæ longinquam tendis in urbem,
Quamque agis in terris huc tibi, vita, via est.
Jam-

*Jamque gravat longi te tanta molestia cursus ;
Et cuperes Mali fronde virente tegi.*

*Ecce tuis vento sperata laboribus umbra ,
Quamque voves , placido tegmine , Malus ero.*

*Aspicias harentes funesta ex arbore palmas ,
Quosque fodit geminos cespis acuta pedes ?*

*Aspicias innumero laniatum vulnere corpus ?
Aspicias ? heu vix est corporis umbra mei.*

*Hæc tibi quasitam fesse dabit umbra quietem ,
Portus & in duris , hæc tibi Malus , erit.*

*Dixerat , & vires subito rediðre jacenti ,
Tanta loquente D E O , visque vigorque fuit.*

*Tunc ego suspiciens , in Sponsum lumina fixi ,
Hei mihi , suspensus de Cruce Sponsus erat !
Et qualis , Sponse , inquam , hæc est , quàm tristis
imago ?*

*Hæcine erit capiti Malus aprica meo ?
Hæc ego sanguinea languens residebo sub umbra ,
Tu , crucis infami stipite fixus eris ?*

*O mala Malus ! & infelix , quæ te manus unquam
Fixit humo ? manus hæc , cade cruenta fuit.*

*Attamen hæc lætos Malus jacet ardua ramos ,
Utque cubem , placidos umbra dat apta toros ;*

*Umbra dat apta toros , sed non tamen apta sopori :
Ah ! magis hæc lacryma , Malus & umbra pe-
tunt.*

*O bona Malus ! & ô felix , quæ te manus unquam
Fixit humo , hanc sidus jam decet esse manum.*

*Ah video , cui te similem , mi Sponse , vocabo ;
Sæpè mihi umbriferæ munere funde domus.*

*Qualis onusta rubris latè sua brachia pomis
Spargit , & apta siti munera Malus habet ;*

Ex-

Exsuperatque suas, numerosa fruge sorores,
Una nemus lassis, hospitibusque penus;
Talis es æstivis mihi, sponse, caloribus umbra
Lymphaque dum sitio, dum fameoque cibus,
O quoties ego te, quoties mi Sponse, vocavi,
Ut semel illa meum conderet umbra caput?
Hic ego, si liceat, dixi, gemebunda sedebo;
Ut seæet amisso mœsta columba viro.
Et modò purpuræ concreto sanguine crines,
Et modò materies, labra, doloris erunt.
Nunc oculi ante oculos, nunc frens, nunc pen-
dula cervix,
Nunc os, nunc atro barba cruore madens.
O quoties latus hoc, lacrymansque gemensque vi-
debo;
Ne videam lacrymis impediarque meis.
Multa tamen dabit hoc unum mihi vulnera, vulnus,
Saucia dum geminos labar ad usque pedes.
Tuncque iterum amplexu lignum lachrymabile
stringens,
Subscribam hac plantis verba suprema tuis:
En duo, qui causam præbent sibi mortis, Amantes;
Mergitur hac lacrymis, ignibus ille perit.



Sub umbra illius, quem desideraveram, sedi.

Cantic. 2.

A Moris enim vulnere percussa arborum folia sylvarumque secta ur.

b Sicut (namque) arbor mali inter reliqua ligna sylvæ, sic est sponsus inter reliquos filios, habens fructum, qui non solum sapore omnes, sed & odore præcellat; & duos animæ sensus: id est, gustum & odoratum reficiat: diversi namque copiis mentem suam nobis præparat sapientia, in qua non solum panem vitæ opponit, sed immolat carnes verbi; & non solum miscet in cratere suo vinum, sed mala adhibet odorata & dulcia, quæ non tantum in ore & labiis suavitatem reddant, sed & interioribus tradita faucibus dulcedinem servant.

c Is enim, qui in sylva naturæ nostræ, ob suam erga genus humanum benevolentiam germinavit, eo ipso, quo carnis ac sanguinis particeps factus est; quasi malum quoddam existit. Nam in hoc fructu videre est quiddam quod cum utroque, nimirum, carne ac sanguine, similitudinem aliquam habeat: etenim ratione coloris subalbi; carni quod proprium est imitatur; rubedinis specie cognatio quasi quædam cum sanguinis natura indicatur.

a Merito

a Orig. hom. 3, in Cant. **b** Orig. ibid. **c** Nyss. in oration. 4. in Cant.

a Merito ergo ejus desideraverat umbram, de quo & refrigerium esset & refectiōem pariter acceptura. Nam cetera quidem sylvarum ligna, etsi umbram solatii habent, sed non vitæ refectiōem, non fructus perpetuos salutis; unus est etenim vitæ auctor, unus mediator DEI & hominum homo CHRISTUS JESUS, qui dicit sponsæ suæ: *Salus tua, ego sum.* Propterea ergo CHRISTI potissimum desideraverat umbram; quod solus sit, qui non solum ab æstu refrigerat vitiorum, sed & replet delectatione virtutum: *Sub umbra ejus, quem desideraveram sedi, umbra ejus, caro ejus.*

b Quis enim posset sustinere tolem justitiæ nudum? quis non consumeretur ardentibus radiis ejus? assumpsit ergo Sol justitiæ hominem mediatorem, & ita ex conjunctione solis & humani corporis facta est umbra.

c CHRISTUS ergo affixus ad lignum, sicut malum pendens in arbore, bonum odorem mundanæ fundebat redemptionis; quæ peccati gravem deterfit foetorem & unguentem potus vitalis effudit. *Tanquam malum, inquit, in lignis syria, ita consobrinus meus in medio filiorum. In umbra ejus concupiui & sedi,* Bona umbra, quæ nos ab iniquitatis sole defendit. *& fructus ejus dulcis in faucibus meis.* Quis fructus ejus dulcis, nisi præjucatio Dominicæ passionis?

d Nathanaël sub arbore ficī videtur: David,

a Bern. serm. 48. in Cant. *b* Guil. apud Delrio in c. 1. Cant. *c* Ambr. in Psalm. 118. Octon. 5. *d* Ambr. in Psalm. 118. 3.

in umbra alarum Domini JESU sperare se dicit, Zachæus *in arborem* sibi omori ascendit, ut CHRISTUM videret. Nobis quoque expandit manus suas JESUS, ut totum mundum obumbraret, quomodo non sumus in umbra, qui Crucis ejus protegimur velamento? quomodo non sumus in umbra, quos crucifixus à malignantia sæculi, & corporis ardore defendit.

a *Hac umbra* David protegi se postulabat, ne eum per diem Sol ureret vel luna per noctem. Hanc umbram spiritualis ministrat gratia, torrida sæculi hujus. & mundi æstiva fugientibus. In hac ergo requiescit *ambr* umbra, peccatorum nostrorum æstibus fatigati; si quos adussit libido, hos Domini Crux refrigeret, in qua se reclinavit, ut nostra delicta susciperet.

b Umbra fit ex corpore & luce, & est itinerantium refrigerium ab æstu, & protectio à tempestate. Arbor vitæ, scilicet *malus*, est sancta Crux; fructus ejus, CHRISTUS, umbra, tutela vel refrigerium humani generis, quod gravi onere peccatorum per æstum concupiscentiæ premebatur.

c Umbra CHRISTI (siquidem) omnem tentationum fervorem temperat, & dum aura suæ inspirationis suaviter mentem tangit, quidquid noxii caloris sustinebat, expellit, & quam jam forsitan nimius vitiorum æstus marcidam fece-

a Idem ibid. Oct. 4. *b* Hon. apud Delr. in cap. 1. Cant. *c* Greg. in cap. 2. Cant.

fecerat umbra sancti Spiritus, protegens recreat, ut dum in ejus inspiratione sedens pausat, viros colligat, quibus ad æternam vitam robustius currat.

a Per *umbram* ex superna protectione refrigerium cordis exprimitur. sicut sponsa in Canticis Cant. adventum Sponsi præstolata prænnunciat, dicens: *Sub umbra illius, quem desideraveram sedi* ac si dicat: ab æstu carnalium desideriorum, sub adventus illius protectione requievi.

b Nonne meritò sub arboris hujus umbra sedit genus humanum, quod per esum ligni scientiæ boni & mali paradysum amiserat? grave onus peccatorum in æstu vitiorum portabat, quod deorsum in præcipitium tormentorum trahebat, & ideo ad arborem vitæ JESUM CHRISTUM festinabat.

c Tu ergo, vide, ut vivas in umbra ejus, ut quandoque & regnes in lumine ejus. Non enim tantum umbram habet, habet & lucem.

d Apostolus dicit: legem, umbram habere futurorum bonorum: & omnem veterem culturam umbram & exemplar pronunciat esse cœlestium. Nos autem alieni sumus ab umbra eorum, quoniam non sumus sub lege, sed sub gratia; sed quamvis non simus sub umbra illa, sumus tamen sub umbra meliore; in umbra enim CHRISTI vivimus inter gentes.

P. 2

a Et

a Greg. l. 33. mor. cap. 3. in c. 40. Job. *b* Honor. apud Delr. c. 2. *c* Bern. serm. 48, in Cant. *d* Orig. hom. 1. in Cant.

a Et meritò sponsa sub mali sumbra sedere concupiscit, sine dubio, ut vitæ quæ est in ejus umbra, particeps fiat, videtur omnis (quoque) anima, donec in præsentī vita et umbram habere necessariam, propter illum, credo ardorem Solis, qui, cū exortus fuerit, continuo semen, quod non altā radice demersum est, arefcit & deperit.

b Sed fortasse felicius aliquid ista expertam se gloriatur in eo, quod se in umbra dicit non (ut Propheta) vivere, sed sedisse: sedere enim quiescere est. Plus autem est quiescere in umbra quàm vivere; sicut vivere plus est quàm tantummodò esse in ea. Igitur quod est commune multorum, Propheta assumens sibi; *in umbra ejus vivimus*, inquit; sponsa verò, habens prærogativam; etiam quod sub ea singulariter *sederit*, gloriatur, ubi itaque nos cum labore vivimus, qui conscii peccatorum sub timore servimus, ibi hæc devota & amans suaviter requiescit. Denique timor poenam habet, amor suavitatem, unde ait; *Et fructus ejus dulcis gutturi meo*; gustum contemplationis significans, quem obtinuerat per amorem suaviter subievata. Ast istud, *in umbra*, quia, *per speculum & in enigmate*; erit cū *declinaverint umbra* crescente lumine, imò penitus disparuerint, & subintrabit sicut perspicua ita & perpetua visio, eritque non modò suavitas gutturi, sed & satietas ventri, sine fastidio tamen:

men: *Sub umbra ejus, quem desideraveram, sedi,
& fructus ejus dulcis gutturi meo.*

a In te ergo, dulcissime Domine JESU, quiescat mens nostra, & à te, nec ad modicum separatur. Stultissimum quidem est. etiam nobilissimo & jucundissimo loco exire. Quomodo audeamus, nisi dulcissimum sponsum inspicere, ne subtrahatur à nobis? quid, quæso, nos movet, aliud intueri? quomodo omnia non desipiunt & despiciuntur?

b Contugiat, Domine, mens mea, *sub umbra alarum tuarum* ab æstibus cogitationum hujus sæculi, ut in tui refrigerii temperamento absconsa lætabunda cantet, & dicat: *In pace in ipsum dormiam & requiescam.*





*Quomodo cantabimus canticum Domini in
terra aliena, Psalm. 136.*

XV.

Quomodo cantabimus canticum Domini
in terra aliena. Psalm. 136.

Quid toties cantus iterare jubetis amici,
Seu lubeat digitis, seu juvet ore loqui?
Latitiam cantus poscunt animique quietem,
Turbida cum mens est, os digitique dolent.
Quin magè cantandum, cum mens jacet agra,
monetis,

Tuncque opus esse lyra, tuncque opus esse chelys,
Nempe suo nimium ne mersa dolore laboret,
Aut intenta suis, sit nimis ipsa malis:

Quid quòd opem certa promittitis usque medela,
Vestra nec exemplo dicta probante earent:
Dicitis hanc causam cur lassus navita cantet,
Solicitatur celeri cum freta lenta manu.

Quique gregem virides pascendum ducit in agros,
Non nisi, ne nimium sit mora longa, canit.

Et canit, ut fallat fastidia longa viator,
Miles & ut cantet, noxque laborque facit.
Non ego, quod faciunt miles, nauta atque viator,

Quodque facit pastor, damno rebellis opus.


Adde quod & Domina jam dudum assueta querelis,
Ad solitos gemitus plus mea lingua valet,

Vixque retentanti jam carmina prisca subibant,
Musica quin etiam res mihi visa nova est.

Utque timet longo veniens è carcere Solem;
Sic mea latitiam lingua modosque timet.

Ad numerus quoties fuit impetus ire relictos,
 Aut solitam digitis, sollicitare chelym;
 Aut docto querulus impellere pectine chordas,
 Aut mollem articulis increpuisse lyram;
 Aut leve ceratis modulari carmen avenis,
 Aut voci liquidas associare fides.
 Heu! toties lacrymæ sunt, me tentante, profusa,
 Et lacrymis digiti, voxque retenta fuit.
 Mox luctata iterum cantu deducere vocem,
 Et querula digitos attenuasse lyra;
 Ne quicquam adversis sensi me tendere Musis,
 Ulla nec est nostra barbitos ista manu.
 Interea longa jam desuetudine pigra,
 Artem dedidicit voxque manusque suam.
 Nec si nunc studium gravitatis inane retentem,
 Mollescant studio tristia fata meo.
 Esto, sciam levibus tamen addere carmina nervis,
 Aptaque mutandis sit mihi lingua sonis;
 Et vincam Aonias digitis aut gutture Divas,
 Et mea sit melior, Marsia Canna tua.
 Panaque multiformem cogam submittere buxum,
 Et superem Thressa stamina docta lyra:
 Quæstibus, an cantu videor debere teneri,
 Maxima cui flendi copia semper adest?
 Ah! bene. ne cantem, mihi per mala plurima
 cantum est;
 Vertit & in mortem, jam mihi pæne dolor.
 Nec locus, ut cantem, patitur, neque tempora
 prosunt;
 Utque locus sinat aut tempora, mæror obest.
 Quid? vultis patria procul à tellure jacentem,
 Externo patrios orbe sonare modos?
 Parcite,

Parcite, fortuna nimis exilis ista repugnant:
 Non est conveniens cantibus ille locus.
 Exul & à patrio tam longè diffusa Cælo,
 Impellam patriæ dulcia fila tyra?
 Parcite tam miserum fortuna vulnus habenti:
 Cantandi, externo nulla libido solo est.
 Tristia stabilibus manant mihi lumina ruis,
 Et videor festam poss. ferire chelym?
 Semper in obtutu vigilat mens fixa malorum,
 Et cythara videor posse, vel ore loqui,
 Heu! nimis insistunt præsentia pectora fato,
 Et nunquam exilii sensus acerbus abest.
 Si quisquam his jubeat Amphiona vivere terris,
 Aonia nunquam pectine tangat ebur.
 Respectu Euridicem propero cum perdidit Orpheus,
 Illicet artifices obriguere manus;
 Et manibus cecidit leue cum testudine plectrum,
 Fractaque sunt casu garrula fila suo.
 Quid mihi, non una fatorum clade sepulta,
 Præcipitis, toties ungue cedere fides?
 Dum circumspiciens, ubi sim, te Patria spectro,
 Heu cadit aspectu mens labefacta, tuo?
 Cum semel, ô sperata diu, tibi Patria reddar?
 Tunc ego voce canam, tunc ego mente canam.



*Quomodo cantabimus canticum Domini
in terra aliena? Psalm. 136.*

^a **U**Tinam possem talia dicere, qualia hymnidici Angelorum chori! ô quàm lubenter me in tuis laudibus totum effunderem! ô quàm devotissimè illa cœlestis melodix cantica, & laudem & gloriam nominis tui, in medio Ecclesie infatigabilis perorarem?

^b O beatæ nimium illæ Celorum virtutes, quæ laudare possunt te sanctè & purissimè, cum nimia dulcedine & ineffabili exultatione; Inde laudant, unde gaudent, quia semper vident, unde gaudere valeant & laudare. Nos verò mole carnis preffi procul à vultu tuo in hac peregrinatione positi, a que per mundanas varietates distenti, te dignè laudare nequimus, laudamus tamen per fidem, non per speciem. Illi vero Angelici spiritus per speciem & non per fidem.

^c Nostra certè natura usque adeò delectatur canticis & carminibus & tantam cum eis habet necessitudinem & convenientiam, ut vel infantes ab uberibus pendentes, si flectant & afficiantur, eâ ratione sopiantur. Nutrices quidem certè, quæ eos gestant in ulnis, sæpè

ad-

^a *August. med. cap. 35.* ^b *August. med. cap. 33.*
^c *Chrysost. in Psalm. 41.*

adeunte, & redeuntes, & quædam puerilia iis carmina decantantes, supercilia eorum ita sopiunt: quocirca sæpè quoque viatores meridie agentes iuxta alia animalia hoc faciunt canentes, itineris molestiam illis canticis consolantes; nec solum viatores, sed etiam agricolæ uvas in torculari calcantes vindemiantes & vites colentes, & quodcunque aliud opus facientes sæpè cantant. Nautæ quoque remos impellentes hoc faciunt.

a Jam verò mulieres quoque texentes & confusa stamina radio discernentes, sæpè quidem & per se singulæ, sæpè autem etiam omnes concorditer, unam quandam melodiam concinunt. Hoc autem faciunt & mulieres & viatores, & agricolæ & naturæ, laborem qui ex opere faciendo suscipitur, cantu consolari volentes; utpote quòd anima, si carmen & canticum audierit, molesta & difficilia sit facilius toleratura.

b (Sed) *quomodo cantabimus canticum Domini in terra aliena?* Hebræi non canebant in terra captivitatis, quod in sua patria canere consueverant. Hæc terra captivitatis est, alia terra libertatis est; ista peccati, illa quietis æternæ; valestris ista, illa cœlestis.

c (Imò) si caro menti repugnat, nec subdita est animi gubernaculo, & mentis imperio, *aliena est terra, quæ non domatur exercitio*
P 6 *in cultu-*

a Ambros. enarrat. in Psalm. 36. b Ambros. enarrat. in Psalm. 36. c Ambros. lib. 2. de penitent. cap. II.

cultoris, & ideo non potest fructus charitatis, patientiam pacis afferre: *Quomodo cantabimus canticum Domini in terra aliena?*

a Qui cantat, vacuus est, & diversarum cogitationum curas relevat, culpas relegat, sequestrat avaritiam, & non solum corporis voce, sed etiam mentis suavitate se mulcet.

b Nam cum mens querulo semel est obsessa dolore,

Ad lata oclusas tunc habet illa fores:

c In regione umbræ mortis sumus; abscondita est vita nostra, non libera. Erit enim libera in regione vivorum. Ibi ergo vivit anima nostra, ubi nihil mortale, nihil infirmum amicta sit, nihil debitum poenæ; ibi laudabit Dominum, ubi deposito infirmitatis corpore, conformis esse coeperit gloriæ Corporis CHRISTI, nam dum in peccato sumus, plenè laudare quid possumus? In umbra sumus hic positi, in umbra vivimus, in umbra laudamus: perfectè in umbra laudare non possumus. Denique *in terra aliena sumus; quomodo cantabimus canticum Domini in terra aliena?*

d Eructabat hymnum anima pia, cui dicebat DEI verbum. *Insinua mihi vocem tuam, quia vox tua suavis est.* Eructabat hymnum, cui dicebat: *Favum distillant labia tua, ô sponsa, mel & lac sub lingua tua;* sed non potest quis

a *Ambr. in Psalm. 118. Octon. 7.* b *Nazianz, de humana natur.* c *Ambros. in Psalm. 118. Octon. 22.* d *Ibidem superius.*

quis ante eructare hymnum, nisi didicerit iustitias DEI. & dedicerit ab ipso Domino DEO suo, ideo specialiter hoc David petit, ut eum doceat DEUS, quomodo cantare poreft in metu pofitus & in timore pœnarum? quomodo cantare poreft gravium fibi confcius delictorum; nifi prius fiat veniæ fecurus? Denique *quomodo cantabimus canticum Domini in terra aliena, in qua impugnetur, in qua captivetur in lege peccati, in qua defleat atque deploret fuæ captivitatis ærumnas?*

a O pax illa, quam videbimus apud DEUM! ô illa fancta æqualitas Angelorum! ô illa vifio & fpectaculum pulchrum! ecce in Babylonia pulchra funt, quæ tenent; non teneant, non decipiant. Aliud eft folatium captivorum, aliud gaudium Ilberorum.

b Facile poteft demonftrari, captivos nos efle: Non enim respiramus jam in auras illius libertatis, non enim fruimur libertate veritatis; delectationibus temporalium rerum tentamur, & colluctamur quotidie, cum fugationibus illicitarum voluptatum. Vix respiramus, vel in oratione, captivos nos efle intelligimus.

c Illi autem, qui captivos duxerunt nos, quando intrant in corda hominum & interrogant nos, & dicunt nobis: *Cantate nobis verba Canticorum*: Quid respondemus? Babylonia te portat, Babylonia te continet, Babylonia te nutrit, Babylonia de te loquitur, non no-

P 7

fi

a Auguft, in Pſal. 136. *b* Ibidem. *c* Ibidem.

ſi capere, niſi quod fulget ad tempus; æterna
meditari ignoras, non capis, quod interro-
gas. *Quomodo cantabimus canticum Domini in ter-
ra aliena?*



LIBER TERTIUS
SUSPIRIA
ANIMÆ AMANTIS.



*Adjuro vos, filia Hierusalem, si inveneritis
dilectum meum, ut nuncietis ei, quia amore
languéo. Cantic. 5.*

I.

Adjuro vos, filiæ, Hierusalem, si inveni-
ritis dilectum meum, ut muncietis ei:

quia amore langueo. *Cont. 5.*

Celestes animæ, Solymæ cœlestis alumna,
Quæ teritis niveo carula templa pede;
Vos ergo, vos nunquam violando carmine testor,
(Si meus est vobis forte repertus amor.)
Dicite, quod cœca, sic ejus langueo flamma,
Languet ut Assyrio flosculus ustus agro.
Nempe suas nuper cum spargeret ille sagittas,
Delituit propriis mistus arundinibus:
Et summa trifidi præfixus cuspidè teli,
Cor mihi, cœu Parthi, canna redunca fudit.
Ah quibus, ah quantis tum pectus amoribus arsit?
Non furit Etnæo sævior igne rogos.
Nunc igitur cupidus de me si plura rogabit,
(Namque solent cupidi multa rogare proci.)
Dicite, languentis quæ sit mea visa figura;
Pluraque languentem non potuisse loqui.
Si roget, an lento mihi febris inastuet igne?
Dicite, quod nullo febris ab igne coquar.
Si roget, an mortis propior sim visa periclo?
Dicite, quæ vobis, ore tacente, loquor.
Dicite, nulla meis vos reddere nuncia verbis,
Sed fati tantum reddere verba mei.
Si lubeat nostros tamen illi noscere vultus,
Nec grave sit vobis dicere, qualis eram?

Hoc

Hac, precor, aut simili, tum me depingite forma,
 Quæ sciat & morbi quæ sit origo mei.
 Dicite, quod jaceam tenebris exsanguis obortis,
 Succiduo in nudum corpore lapsa solum.
 Sintque hebetes oculi, media cœu morte natantes,
 Inque sinu jaceat languida facta manus:
 Nec rosa picta genis, neque viva corallia labris,
 Venaque vix, quamvis pollice tacta, micet:
 Jamque diu nullo constet me vivere signo,
 Quàm quod anhelanti pectore sæpè gemam.
 Quodque mihi certam non possim fingere causam,
 Cur toties nullo lasa dolore querar:
 Non possim, nisi fors gemitu se prodere cogat,
 Qui gemitum toties pectore rupit Amor.
 Hac reor, hac nostri fuit unica causa doloris,
 Et quid amans esset nesci, amansque sui.
 Hoc fuit, hoc toties me suspirare coëgit,
 Per gremium injussa cùm flueretis aqua.
 Hoc fuit, ut quamvis toties aliena loquenti,
 Illius assidue nomen in ore foret.
 Ergo meis oro, Dilecto hac dicite, verbis;
 Illius immodica quod cremor ægra face:
 Dicite, quod lento sic torreor illius igne,
 Ut rosa cœlesti torrida facta cane.
 Dicite, quod longa sic ejus languero flamma,
 Ut languent sicca lilia cana coma.
 Dicite, quodque mei causa unica sit languoris,
 (Qui simul est mortis causa futurus) Amor.

* *
 *

Adjuro

Adjuro vos, filia Hierusalem, si inveniris

Dilectum meum, ut nuncietis ei, quia

amore languéo. Cant. 5.

PROBavit dilectionem suam nobis præclarus ille procurator animarum nostrarum CHRIS-
TU, qua adductus etiam tum, cum adhuc pec-
catores essemus, pro nobis mortuus est. Idcirco
sponsa vicissim amore incensa erga illum, qui
ipsam dilexerat, demonstrat latens in se dile-
ctionis telum, imò in pectore.

b Sagittarius autem ejaculatus hoc telum,
est ipsa dilectio, & DEUM esse dilectionem, sa-
cris è litteris didicimus, qui quidem, telum
electum, DEUM illum unigenam, ad eos mittit,
qui servantur; spiritu vitæ, triplicem cuspidis
aciem inungens, ut eum, in quem immissa fue-
rit, unà cum telo, & ipso sagittario in unum
colligat. Itaque videt jam anima per divinos
gradus in sublime deducta dulcedinem dilectio-
nis, tanquam telum in sese, quo vulnerata
est. O præclarum vulnus ô dulcem plagam,
per quam vita ad interiora penetrat, quasi
quoddam ostium & januam sibi aperiens ipsa
divisione.

c Quàm pulchrum est, quàm decorum, vul-
nus à charitate accipere? Alius jaculum car-
nei

*a Nyssen. orat. 13. in Cant. b Nyssen. orat. 4. in
Cant. c Orig. hom. 2. in Cant.*

nei amoris accepit, alius terreno cupidine vulneratus est; tu nuda membra tua, & præbe te jaculo formoso; siquidem DEUS sagittarius est. Audi scripturam de hoc eodem jaculo; imò ut amplius admireris, audi ipsum jaculum quid loquatur: *Posuit me in sagittam electam, & in pharetra sua servavit & dixit mihi: magnum est tibi hoc vocari puerum meum.* Intellige sagittam, quid dicat, & quomodo à DEO sit electa. Quàm beatum est hoc jaculo vulnerari!

a Nec mirum, si sponsus habeat plures sagittas, de quibus in 119 Psalmo dicitur: *Sagitta potentis acuta.* His sagittis & Cleophas in itinere cum altero vulneratus, agebat: *Nonne cor nostrum ardens erat in nobis?* Et in alio loco legimus: *Sicut sagitta in manu potentis, ita filii excusorum.* His sagittis totus mundus vulneratus & captus est. Paulus sagitta fuit Domini, qui postquam ab Hierosolymis usque ad Illyricum missus arcu Domini, huc illucque volitavit; ad Hispanias ire festinans, ut velox sagitta, sub pedibus Domini sui, Orientem Occidentemque prosterнат.

b Quid ergo dicam? quid faciam? quò vadam? Ubi e in quæram? vel quando inveniam? quem rogabo? quis nuntiabit Dilecto meo, quia amore langue?

b O vita, cui omnia vivunt, vita, quædas mihi vitam? vita, quæ est mea vita! per quam vivo:

a Hier. epist. 140. ad Principium. *b* Aug. med. c. 40. *c* Aug. soliloq. cap. 1.

vivo, sine qua morior; vita, per quam resuscitor, sine qua pereor; vita, per quam gaudeo sine qua tribulor; vita vitalis, dulcis & amabilis, semper memorialis. ubi quæto es, ubi te inveniam ut in te deficiam, & in te subsistam? propè esto in animo, propè in corde, propè in ore, propè in auribus, propè in auxilio, *quia amore langueo*, quia sine te morior?

a Anxia vota, suis nesciunt esse contenta meritis: ideo aliena precis mendicant suffragia: *Adjuro vos*, inquit, *filie Hierusalem*; vos nunciate, quibus patet ad dilectum familiaris accessus; vos nunciate, quæ nôstis ex parte, quanta sit amatorii virtus languoris, quam sit fortis ut mors dilectio.

b Sed quo sum sic adjurat? Nonne Dilectus cuncta noverat, & in his amorem Sponsæ amantis, si Petrus dixit: *Tu scis, quia amo te*, quantô magis. ô dilecta tam prudens, tam fidelis, per temetipsam absque internuntiis dicere poteras Dilecto, & frequenter sine dubio dixisti; dilecte nullum tibi absconditum est cor, nullius occultus amor, *tu scis, quia amore tui langueo*. Quorsum igitur tendit hæc adjuratio? Nonne ut percussa, percutiat, ut vulnerata, vulneret.

c Nunciate ei, non quasi ignoranti (nihil enim ei incognitum est) sed quia gaudet, quæ novit de dilecta etiam ex aliis intelligere.

Narra-

a Guilb. Abb. serm. 46. in Cant. *b* Rupert. in Cant. *c* Guilb. apud Delr, Cant, 5,

a Narrate & annuntiate, & exaudiet vocem vestram, ut refoveat vota mea. *Annunciate, quia amore langueo.* Non languet amor, sed languet amans; ubi viget amor, ibi viget languor; si absit, quod amatur, languet animus, dum astuantis voti nimietate conficitur; liquefactus se fugit animus amoris violentiam ferre non valens. Sic enim in consumpta materia & jam deficiente, languidiora redduntur ignis incendia. Et *DEUS* noster ignis consumens est, ô potens & præpotens passio charitatis! si non temperatur, non toleratur. Jure potens, quæ animum, quem possederit, sui ipsius efficit impotem.

b Annunciate, quia amore langueo, præ magno faciei ejus videndæ desiderio; vitæ triduum patior, & vix præsentis exilii moras sustineo.

c Singultus de imis prodeuntes præcordiis, crebri gemitus, nonne sunt quædam eructationes spiritûs & conceptæ gratiæ? nonne talibus indiciis se probat languor amoris? Non est occultatus languor, quando gemitus non est absconditus. Ipse se prodit languor, cum hæc producit indicia.

d Langueo in amore mei, præ amore Sponsi cœlestis. Amor ejus languidum & remissum in me facit amorem mei ipsius. Meo amori mortua, vivo ego, jam non ego, sed vivit in me Sponsus. Me namque amo, non amore mei, sed amore

a Guilb. Ab. serm. 64. in Cant. *b* Rupert. in Cant. *c* Guilb. Ab. serm. 46. in Cant. *d* Guilielm. apud Delrio in cap. 5. Cant.

amore sponsi, qui me amat. Non amo me, in me, sed me in ipso, & ipsum in me.

a Eja dulcissime JESU, transfige saluberri-
mo vulnere amoris tui, medullas animæ meæ,
ut verè ardeat, *langueat*, & liquefiat, & solo tuo
desiderio deficiat; *cupiat dissolvi*, & *esse tecum*.
Te solum semper esuriat panem vitæ, qui de
Cœlo descendisti. Te sitiat fontem vitæ, fon-
tem æterni luminis, torrentem veræ voluptatis.
Te semper ambiat, te quærat, teque inveniat, in
te dulciter requiescat.



H.



*Fulcite me floribus, stipate me malis, quia
amore languo. Cantic. 2.*

II.

Fulcite me floribus, stipate me malis; quia
amore languéo. *Cant. 2.*

O Amor! ô quantis torres mihi viscera flammis!
O Amor! ô animi blande Tyranne mei!

O Amor! ah tantos quis pectore comprimat ignes?
Parce, vel in vapidos dissoluor cineres.

Parce Amor, ô toties repetitis parce sagittis!

In nova, pars animi, vulnera nulla vacat.

Parce Amor, & nocuæ procul abiice tela pharetra,

Proxima quam jacies figet arundo necem.

Ah perii! neque nota mihi suspiria duco,

Quæ sonat, ignoto vox ab amore sonat.

Scilicet arcanos penitus grassatus in artus,

Jam mea, victor ovans, regna subegit Amor.

Me miseram! tantos nemo miserabitur ignes?

Nemo vel è terris, nemo vel è superis?

Tuque meus (tanti causa unica qui tormenti es,)

Tu meus hac sicco lumine cernis Amor?

Vos saltem Ætherii Cælo properate coloni,

Vos, quibus à simili mens catet ista face:

Ferte rosas, date mala, & odora Chloridis her-
bas,

Quidquid & Alcineus, Floraque quidquid ha-
bet.

Ferte rosas, date mala ardentibus obvia flammis,

Mitior in malis est amor, inque ris.

Ferte rosas manibus, calathis effundite mala,
 Fors erit hinc nostris certa medela malis.
 Sed quid ago? quid posco rosas? quid postulo mala?
 Est dolus in malis, est dolus inque rosis:
 Forsan Amor falsi tegitur velamine mali,
 Aut sua spiniferis occulit arma rosis.
 Perjuro simplex malo delusa Cydippe est,
 Et Venus armata cuspide lasa rosa.
 Nolo tuas Cytheraea rosas, tua mala, Cydippe,
 Nescia perfidia mala rosasque volo.
 Quales Dorothea superis tulit Ales ab hortis,
 Canaque quas stupuit Bruma rubere rosas.
 Quale tibi Elysiis venit Luduina viretis,
 Angelico carptum pollice liliolum.
 Has mihi posco rosas, hæc mala, hæc lilia posco,
 Nescia perfidiae lilia, mala, rosas.
 His mihi vernantem viridi super aggere lectum,
 Pictaque puniceis sternite fulcra crocis.
 Fiscinaque è lento fiat pulvinus hibisco,
 Fiscina quam viridi farciat herba toro.
 Jungite vim neis collecta ligustra quasillis,
 Et pluat in laxos lutea Caltha sinus:
 Junceaue egregiis onerate canistra Hyacinthis,
 Misceat & calyces Bellis amœna suos:
 Spicaque Narcissisque & apex stellatus Amelli,
 Pulchraque caruleis cum Cyanis Anemon.
 Et Nympha marina, immortalesque Amaranthi,
 Iridis & Viola multicoloris opes.
 Junctaue Smilacibus Paonta regia parvis,
 Cunctaque quæ Pasto divite ferta virent.
 Addite decerptas Arabo de cortice frondes,
 Et Myrrhum & Daphnem Cecropeumq; Thymum.

Serpillumque Chamamelumque Aloenque Ciper-
rumque,

Et Nardum & Tymbram, Cinnamague & Ca-
stam.

Et Costum & Staeten, & olentis germen Amomi,
Et cilicum tota sternite messe solum.

Sternite, & hoc anima quidquid super exspi-
randum est,

Roscidulis, sinite, elangutat in foliis.

Tunc ego sic moriens componam leniter artus,

Ut Rosa deciduas ungue resecta comas.

Aut moritura graves inclinant Lilia culmos,

Quaque halant animas gramina messa suas.



*Fulcite me floribus, stipate me malis, quia
amore languéo. Cant. 2.*

a **C**Revit amor, quia incentiva amoris plura solito processerunt, (sed) post illa omnia, Sponso (more suo) secedente; illa, languere amore se perhibet, id est, præ amore. Quo enim gratiorem fuerat experta præsentiam, eò postmodum absentiam molestiorem sensit. Subtractio nempe rei, quam amat, augmentatio desiderii est, & quod ardentius desideras, eo cares ægrius. Rogat proinde ista interim odoramentis florum ac fructuum confoveri, quousque denuo revertatur, quem molestissimè sustinet remorantem.

b (Nempe) quod amentibus sæpè evenire solet puellis, ut præ amore ad illius quem depereunt absentiam, & corporis languorem & animi patiantur deliquium, hoc Sponsæ frequentius in Cantico Cant. evenisse comperimus. Nam in hujuscemodi deliquio constituta prima illa protulit verba: *Osculetur me osculo oris sui*, hanc ægritudinem sese opprimentem, Sponso, ut nuncient, socias supplicibus exorat verbis, cum defatigata jam esset in illo querendo, dicens: *Adjuro vos filie Hierusalem, si inveneritis Dilectum meum, ut nuncietis ei, quia a-*
more

a Bernard. serm. 51. in Cant. **b** Gysen. in cap. I. Cant. expos. I.

more languet; quinimo & hoc ipso amore, eadem in somnum dicitur incidisse, ita ut Sponsus eam miseratus, in ea ipsa proruperit verba: *Adjuro vos, ne suscitatis.* At nullibi sanè clariùs describitur istiusmodi ejus deliquium, quàm in præsentì sententia, in qua ipsamet ægritudinem suam, simul cum illius causa exprimens illa exposcit remedia, quæ præsentanea iis exhiberi solent, qui talem patiuntur languorem, flores, odores, vina, & poma.

a Bonus certè languor, cùm infirmitas hæc non sit ad mortem, sed ad vitam, ut glorificetur DEUS per eam. Cùm ardor, febrisve ista non sit ab igne consumente, sed ab igne potius perficiente. Porro quod advertitur in ægritudinibus corporalibus, ut languens (cùm sibi integrum non sit voluptatem capere ex ciborum varietate, vel gelidarum refrigeratione) ne omni penitus careat delectatione, cubiculum sibi curet viridi fronde convestiendum, ac variis & odoratis floribus, pomisve exornandum, quibus visum & defessum mœstumve soletur animum: Illud idem prudens efficit anima, quæ ardentissimo laborans Divini amoris languore, cùm humanos gustus nequeat percipere, divina verba audire exoptat, & toto laborat studio, ut actiones, operaque sibi recenseantur CHRISTI dilecti sui, & istiusmodi florum ac pomorum suavissimo

Q 3 simo

a Idem ibid. expos. 30

limo odore ac pulchritudine, vires sibi ad serviendum DEO, & spiritus suppeditandos confidit.

a Fulcite me floribus, ô columnas admirabiles! ô nova fulcra! quomodo flores columnæ fiunt? quomodo queunt retinere nutantem? quid ni sustineant, nixam læceri fortissimo cum athletarum & gigantum; quorum robur inexpugnabile fuit? quidni sunt columnæ & quidem adamantinæ, quæ duratione sunt æternæ celsitate coelum, altitudine, (inferno terribiles) ad tartara usque penetrârunt,

b Stipate me malis. Non vult super fundamento CHRISTI ædificare lignum, non fœnum, non stipulam; quia hæc ignis absumet; sed poma suavissima.


c Quodnam enim spectaculum elegantius excogitare quis possit, malorum compositione? cum ordine continuo fructus hic bello collocatus, atque in loco confertim positus varietatem quandam aspectui exhibet; rubedine, cum colore subalbo, permista.

d Sponsa (verò) quia amore languet; fulciri se floribus, & stipari malis appetit; quia, dum se æternitatis desiderio afficit; dum, qualiter illuc perveniet, totâ anxietate perquirat (eò quod perfectionem, dum in carne vivit, omnino non invenit) fatigata in desiderio suo requiescit; & in hoc solo gaudet, si circa se respicit, vel quibus ipsa proficiat; vel in quo-

rum
a Delrio in c. 2. Cant. b Ibidem c Nyssen. orat. 4. in Cant. d Greg. in cap. 2. Cant.

rum profectiōe consolationem, de languore suo recipere possit.

a fidem (ergo) florem ; fructum, actum, intellige. Nec incongruè, ut opinor, id tibi videtur, si adventas, quomodo instar floris necessario præcedentis fructum, bonum quoque opus, fide oporteat præveniri. Alioqui sine fide, impossibile est placere DEO. Iaque nec sine flore fructus, nec sine fide opus bonum. Sed & fides sine operibus mortua est: sicut inutiliter quoque flos apparet, ubi non sequitur fructus. *Fulcite me floribus, stipate me malis, quia amore languo.* Cum præsto est, quod amatur, viget amor; languet, cum abest: quod non est aliud quam tardium quoddam impatientis desiderii, necesse est affici mentem vehementer amantis, absente eo, quem amat; dum totus in expectatione, quantamlibet festinationem, reputat tarditatem. Et ideo ista postulat sibi accumulari bonorum operum fructus cum fidei odoramentis, in quibus moram faciente sponso, interim requiescat.



Q4

III.

a Bern. serm. 51. in Cant.



*Dilectus meus mihi & ego illi, qui pascitur
inter lilia; donec aspiret dies & inclin-
entur umbræ. Cant. 2.*

III.

Dilectus meus mihi & ego illi, qui pasci-
tur inter lilia, donec aspiret dies, &
inclinentur umbræ. Cant. 2.

*F*elices anima populus genialis Amantum;
Quas amor irrupta nectit utrimque fide!
Non ego præ vestra, fortunam optavero Regum;
Nam puto Coelicolum vos ego sorte frui.
Sed neque jam Sicuti mirer nova vota Tyranni,
Optantis, Pyrhia tertius esse Comes.
Ecquis enim sociis medius neget esse duobus.
Quos sibi tam sancto fœdere junxit Amor?
Aurea conditio, quoties redamantur amantes,
Reddit & alternos mutua flamma vices!
Hac ego me toties optari lege beatam,
Ad sua cum trepidam signa vocaret Amor.
O quoties dixi: si quando cogar amare,
Non nisi qui pariter me redamarit, amem!
Audit optantem volucrum DEUS ales Amorum,
Et quid ait, dubitas? ut redameris, ama.
Vicino extimui presentis Numine Divi,
Attonni que meum vox inopina caput.
Ecquid inexpertam puer, inquam, perfide ca-
stris,
Auspiciisque jubes ara merere tuis?
Sapè quidem juveni mihi narravêre sodales
Gaudia quanta suis polliceatur Amor.
Sapius at contra monuit me sedula nutrix,
Cum veherer gerula sarcina parva sinu.

Vera

*Vera nimis reputa Peligni oracula vatis,
Quæ cecinit castis ingentibus choris:*

“Quot lepores in Atho, quot apes pascuntur in
Hybla,

“Cærule quot baccas Palladis arbor habet;

“Littore quot conchæ, tot sunt in amore do-
lores;

“Res est solliciti plena timoris Amor.

Semper enim miseros timor ille flagellat amantes,

Ne fors non redamet, quem tamen alter amat,

Fida vel alternis si sint rata fœdera vinclis,

Tum gravis, ut constent fœdera, cura subit.

Curre per historias; quotus, heu! securus amavit?

Hunc brevis, hunc fictus ludificavit Amor.

Qua Patris Oenone sine vivere posse negabat,

Oenonem potuit deseruisse Patris.

Dilecti Hypsiphile non mansit Jasonis uxor,

Non mansit reducis, sicut euntis erat.

Thesia crudelem quoties Ariadna vocavit,

Navigio numerum quæsta deesse suum?

*Quin etiam levibus monstras, Puer improbe, pen-
nis,*

Quàm citò succedat, quàm citò cedat Amor.

Ite igitur levibusque animas modò credite flammis,

Cùm sua non aliter sceptrâ Cupido gerat.

“Et levis est multòque suis ventosior alis,

“Gaudiaque ambiguâ datque negatque fide.

Tum pudor audaces tinxit tibi, perfide, malas,

Teque levem celeri fassus es esse fuga.

*Tuncque ego, Cyprigena detecta fraude, trium-
phans,*

Instabilem jussi lata valere DEUM.

Et

Et tibi, Deus Amor (dixi) tibi fœdera jungam,

Et tuus ignis ego; tu meus ignis eris.

Donec ab aëreis labentur montibus umbra,

Et reducem fugient umbraque noxque diem.

O liquida ambrosia! ô Divini noctaris haustus!

O amor! ô quanti pocula mellis babes!

Quid totis Te, Deus amor, sit amare medullis,

Expertus nisi sit, dicere, nemo potest:

Quid verò sit amare, iterumque abs te redamari,

Sic licet expertus, dicere nemo potest.

Omnibus hisque etiam supereminet illa voluptas,

Fidus hic æternum quod sibi constet amor.

O amor! ô mea dulcedo! mea vita, meum mel:

Aut melli geminum si quid Hymettus habet!

O Amor! ô quoties! ô quæ mihi gaudia misces,

*Dum, quod amans redamer, dum, quod amare,
subit!*

Dumque iterum æternos recolo fore fœdere nexus,

O Amor! ô quantis gestio latitiis!

Non habet hic miseros Amor, ut levis ille, timores:

Affluit hic latis, ingemit ille malis.

Pascitur irriguis, ubi candent lilia, campis,

Et sua Virgineos ducit in arva greges.

Scilicet æthereum dicet hic flos purus Amorem,

Et bene tam castas pascit hic ortus oves.

* * * *

* * *

* *

*

Dilectus

*Dilectus meus mihi, & ego illi, qui pascitur
inter lilia; donec aspiret dies & incli-
nentur umbræ. Cant. 2.*

Quid est hoc, quod dicit, *ille mihi, & ego illi*? Nescimus, quid loquitur, quia non sentimus, quod sentit. O sancta anima, quid tuus ille tibi? quid tu illi? Quænam, quæso, hæc inter vos tam familiariter favorabiliterque discurrens exhibitio & redhibitio? tibi ille, tuque vicissim illi; sed quid? id ipsum ei tu, quod tibi ille? an aliud, si nobis, si ad nostram loqueris intelligentiam, evidenter quod sentis, edicito: quousque animas nostras tollis? An secundum prophetam, secretum tuum tibi? Ita est. Affectus locutus est, non intellectus; & ideo non ad intellectum. Ad quid ergo? Ad nihil, nisi quod mirabiliter delectata & affecta vehementer ad desideratos affatus; finem illo faciente, nec tacere omnino quivit, nec tamen, quod sensit exprimere. Neque enim, ut exprimeret, sic locuta est, sed ne taceret. Ex abundantia cordis os locutum est; sed non pro abundantia. Habent suas voces affectus, per quas se etiam cum nolunt, produnt. Timor meticulosas; dolor gembundas; amor jucundas. Ejusmodi certum est, non nutu prodire animi, sed erumpere motu. Sic flagrans ac vehemens
amor

a Bern. serm. 67. in Cant.

amot præsertim Divinus. cum se intra cohi-
 bere non valet, non attendit quo ordine,
 qua lege, quave serie, seu paucitate verborum
 ebulliat, dummodo ex hoc nullum sui sen-
 tiat detrimentum. Interdum nec verba requi-
 rit, interdum nec voces omnino ullas; solis
 adhuc contentus suspiriis. Inde est, quod spon-
 sa sancto amore flagrans, idque incredibili mo-
 do, sanè pro captanda quantulacunque evapo-
 ratione ardoris, quem patitur, non confideat,
 quid, qualiter eloquatur, sed quidquid in buc-
 cam venerit, amore ingenti, non enunciat, sed
 eructat, *Dilectus meus mihi, & ego illi*. Nihil
 consequentiæ habet, deest orationi. Quid in-
 de? Ructus est. Quid tu in ructu? quæras oratio-
 num juncturas, solemnia dictionum? quas tu,
 tuo ructui leges imponis vel regulas; non est du-
 bium, duorum quidem hoc loco amor mutuus
 flagrat; sed in amore summo unius profecto fe-
 licitas, alterius mira dignatio: neque enim in-
 ter pares est consensio seu complexio hæc. Ait
 itaque: *Dilectus meus mihi, & ego illi*, princi-
 pium *Dilecto* tribuens; in consequentibus; *Ego*,
 inquit, *Dilecto meo, & Dilectus meus mihi*, con-
 summationem & quæ illi concedens. Nunc jam
 videamus, quid dicat: *Dilectus meus mihi*. Si
 enim hoc recipitur, ut subaudiamus, intendit,
 & sicut Propheta ait: *Expectans expectavi Domi-
 num & intendit mihi*; ego in verbo isto sentio,
 nescio quid, non planè exiguum, nec medio-
 cris prærogativæ.

A Audite gaudium meum, quod sensi; &c

R. *Gaudium vestrum*

vestrum est, audire gaudentes, sponsa locuta est, & dixit, sponsum intendere sibi. Quæ est sponsa, & quis est sponsus? Hic, DEUS noster est; & illa, si audeo dicere, nos sumus, gaudeamus. Nos sumus, in quos intendit DEUS. Quanta tamen disparitas! qui terrigenæ & filii hominum coram illo; quid sibi vult ergo ista inter tam dispares comparatio? Aut illa in immensum gloriatur, aut is in immensum amat. Quàm admirabile est, quod illius intentionem ista quasi sibi propriam vendicat, dicens: *Dilectus meus mihi*. Nec eo contenta tamen pergit amplius gloriari, respondere se illi, quasi ex æquo morem gerere, rependere vicem. Sequitur enim, *Et ego illi*, insolens verbum, *Et ego illi*; nec minus insolens: *Dilectus meus mihi*: nisi quod utroque insolentius, utrumque simul. O quid audet cor purum & conscientia bona, & fides non ficta! *Mihi*, inquit, *intendit*. Itane huic intenta est illa majestas, cui gubernatio pariter & administratio universitatis incumbit & cura sæculorum, ad sola transfertur negotia, imò otia amoris & desiderii hujus. Ita plane. Providentiam cæteris creaturis non negamus; curam sponsa vindicabit sibi. (sed &) propterea utrumque ponit, dicens: *Ille mihi Et ego illi*. Ille mihi, quia benignus & misericors est; ego illi, quia non sum ingrata. Ille mihi gratiam ex gratia; ego illi

a Bern. serm. sequenti.

Illi gratiam pro gratia; Ille meæ liberationi, ego illius honori; ille salutem meam, ego illius voluntati; ille mihi & non alteri. quoniam una sum columba ejus; ego illi & non alteri, nec enim audio vocem alienorum.

a Anima (enim) ex eo, quod se diligere & vehementer diligere sentit, etiam diligit nihilominus, vehementer, non ambigit, ac de sua singulari intentione, sollicitudine, curâ, operâ, & diligentia studioque, quo incessanter & ardentius invigilat, quemadmodum placeat DEO, æquè hæc omnia in ipso indubitanter agnoscit, recordans promissionis ejus; *in qua mensura mensi fueritis remetietur vobis*, ergo nec dubitat se amari, quæ amat. Ita est. Amor DEI amorem animæ parit.

b Et unde tibi, ô humana anima, unde tibi hoc? unde tam inæstimabilis gloria, ut ejus sponsa merearis esse, *in quem desiderant Angeli prospicere*? unde tibi hoc, ut ipse sit sponsus tuus, *cujus pulchritudinem Sol & Luna mirantur*, ad cujus nutum universa mutantur? Quid retribuēs Domino pro omnibus, quæ tribuit tibi? ut sis socia mensæ, socia Regni, & socia thalami, ut introducat te Rex in cubiculum suum, unde quibus brachiis vicariæ charitatis redamandus, & amplectendus sit, qui tanti te aestimavit, imò qui tanti te fecit. Desere carnales affectus, sæculares mores dedisce, consuetudines noxias obliviscere. Quid enim

R. 2. putas?

a Bernad. serm. 69. in Cant. *b* Bernard. serm. Domin. I. post Epiph.

putas? Nonne stat Angelus Domini, qui fecit te mediam, si fortè (quod avertat ipse) alterum admiseris amatorem?

a Zelotypus est sponsus iste, si fortè alium amatorem acceperis, si aliis placere studueris, statim discedet à te; & aliis adhærebit adolescentulis.

b Quis huic jam imputet præsumptioni vel insolentia, si se dicat iniisse societatem cum illo, qui pascitur inter lilia? etiamsi inter sydera pasceretur, eo solo quo pasceretur, nescio, quid magnum videri possit cum ejusmodi amicitias seu familiaritatem habere. Non ignorat (sponsa) unum esse, & qui pascitur, & qui pascit; inter lilia commorantem, & regnantem inter sidera: Nam qui in altissimis est Dominus, in imis est Dilectus; super sidera regnans & inter lilia amans. Amabat & super sidera, quia nusquam & nunquam potuit non amare, quia amor est: sed donec ad lilia descendit, & pasci inter lilia compertus est, nec amatus est, nec factus dilectus; quia non potuit antè diligi quàm agnoscere. O verè amandum & totis medullis cordis amplectendum sponsum! quærenda in spiritu hæc refectio inter lilia; nam corporea cogitare, ridiculum est. Quin ipsa lilia spiritualia à nobis demonstranda erunt. Quæ ergo sunt illa lilia, è quibus species decoris ejus? *Procede, inquit, & regna, propter veritatem & mansuetudinem*

a Auth. *Scala paradisi* c. 9. tom. 9. August. *b* Bern. *serm.* 70. in Cant.

tudinem & justitiam. Bonum liliū *veritas*, candore conspicuum, odore præcipuum. Et & *mansuetudo*. Quod autem *justitia* liliū sit, recordamini de scriptura; quia *justus germinabit sicut liliū*. Sunt multa apud sponsum, & alia lilia præter hæc: quis illa enumeret? nempe quot virtutes, tot lilia. Et fortasse propterea ipse se liliū appellavit, quòd totus versetur in liliis; & omnia quæ ipsius sunt, lilia sint: conceptio, ortus, conversatio, eloquium, miracula, Sacramenta, passio, mors, resurrectio, ascensio. Quid horum non candidum, & non suavisimè redolens?

a Nimirum hic est præclarus ille pastor, qui non fœnum gregi pabuli loco præbet, sed puris liliis oves alit, non amplius fœno fœnum nutriens. Est enim fœnum brutorum naturæ proprium, ac peculiare alimentum; homo autem, cùm rationis sit particeps, vera ratione pascitur. Quod si ejusmodi fœno saturaretur, & ipse in fœnum commutaretur. Est enim præscriptum, *omnis caro fœnum est*; quamdiu scilicet caro existit; at si quis spiritus fiat è spiritu progenitus, non amplius victu gramineo pascetur, sed spiritus ei pro nutrimento erit, id quod puritas & fragrantia lili obscuriusculè denotat. Quin etiam ipse liliū fragrans ac purum erit, in natutam ipsius alimenti commutatus, atque hoc sibi vult; *Dies per radios*
R 3
diffusa

a Nyss. erat. 4. in Cant.

diffusa sive *perflans*, quemadmodum Divina vox loquitur, cum diffusionem, per spiritum radiorum factam, *per spirationem* appellat, per quam umbræ hujus vitæ removeniuntur, in quas studiosè defixis oculis respiciunt, qui necdum luce veritatis animi oculum illustrarunt, qui umbram ac vanitatem sic intuentur: quasi revera quiddam subsistens; quod autem verè existit, quasi non existeret, negligunt. At qui liliis vescuntur, hoc est, quorum animus ex puro ac fragranti alimento pingaescit, omni fraudulentâ, amorisque consimili rerum specie (quæ res hac in vita caræ docentur) rejectâ ad veram ipsarum rerum substantiam respiciunt, effecti lucis ac dei filii.

a Tu ergo, qui hac audis, vel legis; cura habere lilia penes te, si vis habere hunc habitatorem filiorum habitantem in te. Opus tuum studium tuum, desiderium tuum lilia esse protestentur, moralis quidam rerum ipsarum candor atque odor. Habent & mores colores suos, habent & odores. De colore, Conscientia & consultetur, de odore, fama: sponsus itaque & cum sit virtus, in virtutibus complacet sibi, & cum sit lilium, libenter inter lilia commoratur; & cum sit candor, delectatur candidis.

b O anima mea, insignita DEI imagine, dilige illum, à quo tantum dilecta es! Intende illi, qui intendit tibi! Quære quærentem te, ama amatorem tui, a quo amaris; cujus

amore

amore pręventa es, qui est causa amoris tui. Esto sollicita cum sollicito cum vacante vacans, cum mundo munda, cum sancto sancta. Elige illum amicum prę omnibus amicis tuis, qui cum omnia sua tracta fuerint, solus tibi fidem servabit: in die sepulture tue, cum omnes amici tui recedent à te, ille te non derelinquet, sed tibi-
tur à rugientibus preparatis ad escam.





*Ego dilecto meo, & ad me conversio ejus.
Cant. 7.*

IV.

Ego dilecto meo, & ad me conversio
ejus. Cantic. 7.

Mesta cupressiferi nemoris spatiahar in umbra,
Tristitiam lacrymis compositura meis:
Jamque sinum tepidis submerserat imbribus unda,
Incideramque meis penè subacta malis.
Fors Chelys ex hum-ris pendebat eburnea nostris,
Mœstitia quondam certa medela Chelys:
Obruta tristitia, frondente sub arbore sedi,
Associans querulis talia verba modis:
Ergo mei vidui, sine lusibus, ibitis anni,
Nullus & in nostro carmine vivet amor?
Ah! precor, eveniant hæc hostibus omnia nostris,
Et procul his flamma tam bona tela cedant!
Vivere se juret, non hunc ego vivere credam,
Qui trahit hos vacuos frigidus igne dies.
Unicus est homini vivendi fructus, amare;
Solutus amans vixi, dicere jure potest.
Qualis, in ima, suo desidit pondere tellus,
Et subit aëreas, ardua flamma, vias;
Nos ita fax animi, violento cogit amore,
Abripimurque omnes impete quisque suo.
Me quoque nativa stimulari sentio flamma,
Visque adhibet tacitas, nescio, quanta faces.
Quo meus ergo suos Amor ejaculabitur ignes,
(Primitia nostri namque caloris erunt.)

*Auferar humana furcata Cupedine teda,
 Cognata Angelicis stirpsque, sororque choris?
 Aut mea mortales venient in colla lacerti,
 Quæ sum immortalis Sponsa creata D E O.
 Ah, super hæc hiemes, nostri rapiuntur amores,
 Terra parem thalamis non habet ista meis.
 Nec quæ pen. l. pen. adamavit turba procorum;
 Nec quibus impediunt regia sceptræ manum,
 Nympha puellarum pul. herrima Romulearum
 Agnes, Ansonio sponsa petita proco;
 Absit, ait, juvenis mea ne tibi fœdera speret,
 Jam mea cœlestis fœdera sponsus habet.
 Sic nostra ætherios ambit quoque fax Hymenæos,
 Inde petendus erit qui mihi sponsus erit.
 Hunc ego, non alium. solum hunc ego diligo sponsum,
 Nemo potest uno tempore amare duos:
 Illius antè oculos mihi semper oberrat imago,
 Ante oculos, quamvis longius absit, adest.
 Et liquor absenti momentis omnibus; absens,
 Absentisque sonos illius aure bibo.
 Sic ubi magnetis vim ferrea linea sensit,
 Semper ad agnati veritur alta poli.
 Et suo Sydonius patet hinc Cynosura carinis,
 Servat & hinc Helicon cymba pelasga suam;
 Sic læsi sequeris studiosa pedissequa Phœbi
 Dilectam Clytio, flos modò facta, facem:
 Bisque die quovis; verso jubar ore, salutans,
 Mane precaris Ave: serò precare Vale.
 Obvia fraternos ita spectas Cynthia vultus,
 Et reparat vultus ignibus ille tuos.
 Sponse, ego sum Clytie, Tu Sol; ego Cynthia, Phœbum
 Qualibet obverso persequor ore meum.*

*Et mihi, sponse, Helyce, Cynosuraque duplicis
Arcti,*

Quo trahis, huc oculis ad tua signa volo.

Quid mirum, alterno dum respondemus amor?

Magnetem sequitur linea tacta suum.

Ego dilecto meo, & ad me conversio ejus,

Cant. 7.

a *Impossibile est, ut non semper humana natura aliquid amet, omnis namque, qui ad id ætatis venerit, quam pubertatem vocant, amat aliquid, seu minus rectè cum amat, quæ non oportet; seu rectè & utiliter, cum amat, quæ opo tet.*

b *Cor meum per multa dispergitur, & huc, illucque quærit, ubi requiescere possit, & nihil invenit, quod ei sufficiat, donec ad ipsum redeat.*

c *Duo enim amores alter bonus, alter malus; alter dulcis, alter amarus, non se simul in uno capiunt pectore. Et ideo, si quis præter te aliud diligit, non est charitas tua DEUS, in eo amor dulcedinis & dulcedo amoris. Amor non crucians, sed delectans, amor sincerè castèque permanens in sæculum sæculi, amor, qui semper ardes & nunquam extingueris, dulcis CHRISTE bone JE U, charitas, DEUS meus, accende me totum igne tuo, amore tui, suavitate & dulcedine*

R 6

a Orig. in prologo Cant. b Bernard. med. cap. 9.

c Aug. med. cap. 15.

ruâ, ita ut nullus pateat in me locus adulterinis amoribus.

a Nam CHRISTO & mundo quisque partitur
amorem,

Hujus amor planè levis est & frigidus; atqui,
Totam animi flammam penitus defixit in uno,
Ille procul dubio, constans & certus amator.
Quin etiam latamì sollertes, quique fabrilem
In lignis artem exercent; cùm linea recta
Queritur, exactâque operâ capratur amissis,
Ex oculis unum claudunt, & lumine toto
In socium fuso, visus acieque coacta;
Recta sequente tenent duro vestigia ferro.

Sit collectus amor propius conjungit amantum
Pectora casta D.H.O. cupiuntem qui cupit, atque
Cernentem cernit, fitque obvius advenienti,
Quem quò plus quisquam cupit, hoc magè cernit
eundem:

Quoque magis cernit, tantò magis expetit illum
Cernere: Sicque bonus semper convolvitur
orbis.

b Carissima illa est, una uni, non adhærens
alteri sponso, non cedens alteri sponsæ. Quid
ista non audeat apud tam ambiciosum ama-
torem?

c Paveant, quæ non amant. Ego verò amans,
amari me dubitare non possum, non plus, quàm
amare: nec possum vereri vultum, ejus leni
affectum.

a Ego

a Nazianz. de laudib. Virgin. *b* Bern. serm. 68.
in Cant. *c* Bern. serm. 69. in Cant.

a Ego diligentes me diligo, & qui manè vigila-
verint ad me, invenient me. Vides, quomodo non
solum de amore suo certum te reddat, siquidem
tu ames illum; sed etiam de sollicitudine sua,
quam pro te gerit, si te senserit esse sollicitum
sui? vigilas tu? vigilat & ille? Consurge in no-
cte in principio vigiliarum tuarum, & accelera,
quantum vis, etiam ipsas anticipare vigilias;
invenies eum, non prævenies. Temere in tali
negotio vel prius aliquid tribuis tibi vel plus:
& magis amat & antè.

b Reperiuntur imagines quædam eo artificio
à peritis pictoribus depictæ, ut quacunque ex
parte inspiciantur, semper videantur habere
oculos ad intuentes conversos. Hujuscemodi
sanè imagines, ex parte sua, semper ad quos-
cunque conversæ sunt, qui in illo reperiuntur
cubiculo, ubi ipsæ fuerint: quod si quis mini-
mè percipiat ab illis se respici, id haud ab eis,
sed ab ipso provenit potius, qui suam avertit
faciem; ideoque ut primum is ad illas sese con-
verterit, eas pariter ad se animadvertet con-
versas: Quid simile & in re nostra fieri censen-
dum est.

c Ego dilecto meo, & ad me conversio illius. Ac
si diceret: quoniam fide ac dilectione, soli
CHRISTO adhæreo, solum sequor, so-
lum videre concupisco; respectiois ejus
suavitatem, visitationis benignitatem, con-

R 7

versa-

a Bern. serm. 69. in Cant. *b* Giff. in cap. 7. Cant.
expos. 3. *c* Greg. Papa in Cant.

versationis dulcedinem gaudenter experior.

a Ille quippe singularis amor est, qui soli non adjungit alterum, & æternus, qui nec primo secundum.

b Magna res amor, si tamen ad suum recurrat principium, si suæ origini redditus, si refusus suo fonti, semper ex eo sumat, unde jugiter fluat. Solus est amor ex omnibus animæ motibus atque affectibus, in quo potest creatura & si non ex æquo, respondere auctori, vel de simili mutuam rependere vicem. Verbi gratiâ: si mihi irascatur DEUS: num ego illi similiter redirascar? non utique. Ita si me arguat, non redarguatur à me. Nec si me judicabit, judicabo ego eum. Si dominatur, me oportet servire: si imperat, me oportet parere. Nunc jam videas de Amore, quàm aliter sit; nam cum amat DEUS, non aliud vult quàm amari; quippe non ad aliud amat, nisi ut ametur; sciens ipso amore beatos, qui se amaverint.

c Revera hæc vera cordis requies, cum totum in amorem DEI, per desiderium figitur, nec quicquam aliud appetit, sed in eo quod tenet, felici quadam dulcedine delectatur, delectando jucundatur. Si verò vanâ aliquâ cogitatione, vel rerum occupatione, inde aliquantulum abstractum fuerit, summa cum festinatione illuc redire festinat.

(exi-

a Hugo de S. Vict. serm. de Assum. *b* Bern. serm. 338. in Cant. *c* Aug. man. cap. 29.

(exilium reputans alibi) quàm ibi moram facere.

a Si enim homo hominem tantâ diligit dilectione, ut alter alterum vix patiatur abesse: si sponsa sponso, tanto conglutinetur mentis ardore, ut præ magnitudine amoris nullâ perfrui valeat requie, Chari sui absentiam non sine magno mœrore ferens; quâ dilectione, quo studio, quo fervore anima quam desponsasti fide & miserationibus, debet diligere te, verum DEUM & pulcherrimum sponsum.



V.

a Aug. Med. cap. 25.



*Anima mea liquefacta est, ut dilectus locus
est, Cant. 5.*

V.

Anima mea liquefacta est, ut dilectus
locutus est. Cantic. 5.

TE semel ut cursum tantum, mea vita, viderem,
Quot juga, quot sylva, quot loca visa mihi!
Ut semel audirem tantum, mea vita, loquentem,
Ah! quot inaccessis rura petita viis!
Aerei montes, metuendaque culmina rupes,
Saxaque sylvivagis vix adeunda feris,
Nec tamen, ecce, tui data spes fuit ulla videndi,
Vixque vel alloquii spes fuit ulla tui.
O quoties dixi! quæ te, mea vita latebræ,
Quæ caua, quæ terra, quæ nigra lustra tegant?
Sed neque lustra meum, neque rus solata dolorem,
Respondit lacrymis sylva nec ulla meis.
Fors semel ignotos, me duxerat error in agros,
Solus ubi ante oculos campus & error erant,
Metior hic oculis Cælos, clamoribus agros;
Sed neque vox Cælis, nec data vox ab agris.
Inde deerranti vallis se monstrat opaca,
Vociferor, nullus fit mihi valle sonus:
Ecce caua densum, procul haud à valle, viretum
Adjacet, æstivo textilis umbra gregi:
Hic erit, hic forsân dixi, mea vita, latebit;
Heu dolor! ut vidi, nulla latebra fuit.
Ergo amens tandem lacrymansque ad littora curro,
Littora quæ refluis Nereæ tundis aquis:
Hic Pharos ingenti se tollit in ardua clivo,
Unde suam ratibus navita captat iter.

Scando

*Scande Pharon, totoque oculos circumfero ponto,
 Et quanta possum littora voce voco.
 Littora, littora, vos cautes, vosque æquoris unda,
 An latet æquoreis lux mea mersa vadis?
 Vix prior attigerat resonantia littora clamor,
 Cum citò littoribus vox geminata redit.
 Ambigo, num scopulis fallax responderit Echo,
 Et nimium prona luserit aure fidem:
 Tristibus ergo iterum cava littora pulso querelis;
 Littoribusque iterum vox repetita redit;
 Vox redit, & vox nota redit, Tua vox, mea vita,
 Et mihi voce Tua, reddita vita fuit.
 Ibam semianimis, subitò ad tua verba revixi,
 Ne penitus morerer, vox satis una fuit.
 Scilicet ora loquens, quoties cœlestia solvis
 Magnum aliquid verbis, fulminis instar inest.
 Ignivoma non quale nucis, testudine clausum
 Efflabat Syria fraudibus, Euna, Dea.
 Quale sed in comites, Emmautia rura petentes
 Sparsisti stygiis Dux redivive plagis.
 Frigida cum subitis arserunt pectora flammis,
 Pectora colloquio, lux mea, tacta tuo.
 Hinc mihi succensis caluit quoque flamma medullis,
 Istaque cœlesti vocis ab igne sui;
 Et licet Oceano, gelidis licet undique saxis,
 Undique cœruleis obsita cingar aquis;
 Intus agunt flammæ, sic liquor ab ignibus intus,
 Liquitur ut lento picea teda foco.
 Utinam, mea vita, animam liquamur in unam,
 Unaque vita duos jungat Amorque duos?*

Anima

Anima mea liquefacta est, ut dilectus locutus est. Cant. 5.

^a Quid est hoc, quod sentio? quis est ignis, qui calefacit cor meum? quis est lux, quæ irradiat cor meum? ô ignis, qui semper ardes, & nunquam exstingueris, accende me! O lux, quæ semper lucet, & nunquam obfuscaris, illumina me? O utinam arderem ex te ignis sancte? quàm dulciter ardes, quàm secretè lucet, quàm desideranter aduris.

^b Sicut cera fluit à facie ignis, sic anima succensa est à facie ejus? *Anima mea liquefacta est, ut dilectus locutus est*, quàm dulcis hora, quando anima huic igneo torrenti, liquefacta miscetur, quàm subtilis est in illo momento, quàm extenuata, quàm mobilis? Nihil tunc torporis habet, nihil duritiæ reliquum, nihil rigoris tantummodò calens & liquens. Cognata sunt sibi invicem liquidum & calidum; in his duobus contemplationis usus consistit. Quod liquidum est, calorem citiùs concipit, & conceptus calor vice versâ, quod liquidum reperit liquidius reddit. Quod dico calidum & liquidum, hoc aliis nominibus est succensum & sincerum. O mira Vis verbi & ignita vehementer; inflammat eor, commutat renes, in nihilum (in conspectu suo respectu DEI sui) animum redigit; à seipso lique-
scere

^a August. soliloq. cap. 34. ^b Guilb. Ab. serm. 44^o in Cantic,

scere & deficere facit; ut iam anima non sit tecum.

a Ausculta & recole, quid locutus Mariæ Magdalena, quid mulieri in adulterio deprehensa, quid amaritana, Chananæ, Zachæo, Petro, Centurioni? Ad tot pietatis sermones & clementiæ, cujus non mollescat affectus viscera liquecant? Ad tam vehementes status Austri- nos etiam de durissimo pedore, quantumlibet annosa potera glacies dissolvi. Sentio me affluentis olei liquore perfundi & simili affectu liquefcere, quoties misericordiæ tuæ opera & verba perfecta recenseo. *Ignitum eloquium tuum vehementer & servus tuus dilexit illud.*

b Dum (enim) **CAP** ISTUS se per spiritum suum animæ desideranti infundit, om. em duritiam cordi mox dissolvit, & aliquando mentem in tanta lacryma liquefacit, ut vix capere possit hoc quod se capere intra se exultat, & intus miretur, quid fuerit & quid factam subito seipsam videat. Quem liquorem dum sentit, perfectius apprehendere concupiscit, & aliquando dum hoc ipsum cogitat, hoc quod modò sentiebat, jam non sentit.

c Quia nimirum mens, dum occultæ locutionis aspiratione tangitur, à statu suæ fortitudinis infirmata, ipso quo absorbetur desiderio liquatur.

d Sed res corporeæ cum per calorem extrinsecus

a Ibid. *supr.* *b* Gregor. in c. 5. Cant. *c* Greg. c. 39. in c. 7. Job. *d* Guill. Abb. apud Delr. c. 5. Cant.

secus liquefiunt, in semetipsas resolvuntur; anima vero, cum per calorem intimum liquefiunt, non in semetipsas resolvuntur, sed in resolvablem. Resolvuntur à semetipsis, sed non in semetipsas; resolvuntur igne DEI, ab amore sui in amorem sponsi coelestis. Hoc Paulus insinuans, *qui adhæret, inquit, Domino, unus spiritus est.* Et suam animam hoc modo liquefactam indicans: *Vivo, inquit, ego, jam non ego, vivit autem in me CHRISTUS.*

a Quid verò congruentius est quàm amorì tribuere hanc liquefactionem, quàm id, quod alioquin durum est, redditur fluens; cum exploratum sit, eos esse præcipuos amoris effectus, ut amantem impellat ad amatum, eundemque cum illo uniat, quæ certè unio tunc fit pulchrius, cum amor ipse sit mutuus, atque adeo & ambos amantes ad alterutrum fluidos faciens. Nec ignoramus, dilectum piarum animarum JESUM CHRISTUM dixisse, in Psalmo 21. *Factum est cor meum tanquam cera liquescens, unde si liquefacta anima fluat ad JESUM, qui & liquefactus ut cera, fluit ad ipsam animam, quid exinde consequitur nisi perfecta unio.*

b Anima mea liquefacta est, ut dilectus locutus est, ô mira & inestimabilis virtus amoris! DEUM inclinat ad terram, mentem elevat ad patriam & DEUM & animam vel hominem simul conglutinat ad gloriam; DEUM facit homi-

a Giff. in cap. 7. Cant. expof. 3. *b* Bonav. stimuli amoris, p. 1, cap. 8.

hominem & hominem facit DEUM, tempora-
lem facit æternum, immortalem occidit, mor-
talem facit immortalem, & imum excelsum
constituit, inimicum facit amicum, servum
facit filium, & abominabile facit gloriosum,
frigida facit ignea, obscura facit clara, dura fa-
cit liquida. Nam *anima mea liquefacta est*. O
verbum admirabile! ô verbum nimium dele-
ctabile! Ego vilissimus & nequissimus servus
tuus Domine DEUS meus, qui etiam non sum
dignus aliqua creatura tua vocari, nec esse, quo-
modo sum tibi tanto vinculo charitatis colli-
gatus, ut ad verbum tuum, præ amore, fuerim
liquefactus? O ardor amoris, qui intima mentis
in DEUM infundis! Nam adamantina erat ani-
ma mea; & eius intima nimium solidata. Nunc
amore liquefcit, nunc extra se exit, & in DEUM
rota se diffundit, proprium locum relinquit, &
in DEUM currit, absorbetur à DEO & oblivisci-
tur sui. O amor! quid tibi tribuam, qui me fe-
cisti divinum? *Vivo ego, jam non ego, vivit autem
in me CHRISTU*; inenarrabilis est virtus tua,
ô amor, qui lutum in DEUM transfiguras! Quid
ergo te potentius quid dulcius, quid jucundius,
quid & nobilius, obsecro? O desiderabilis amor,
qui summis deliciis repleas egentes: sed si lique-
facta es, ad verbum ejus, ô anima mea, quomo-
do sustines amplexus ejus? Quomodo non es
assumpta ad oscula ejus? si liquefacta es ad affa-
tum ejus, quomodo non es absorpta, cum intras
per vulnera & per venas ad cor ejus? sed ô mi-
ra dulcedo, & mira jucunditas, ut quod non
mere-

meremur nominare, possimus masticare! Non mereor esse ancilla, & facta sum in deliciis carissima. Quis sufficit tanti amoris, etiam scintillam minimam intueri! Non ergo mirum, si ad verbum tuum: *liquefcit cor meum*; immò de cetero totus accendat, & totaliter *liquefam*, ut in te totaliter sim effusus. Nihil prater te videam, nec in aliud cogitata, dicta vel facta transeant ullo modo. Immo mirum videtur, quomodo non simus sic intenti ad te, ut ignoremus omnia prater te. Si enim habemus te, quid amplius volumus? In te ergo, dulcissime Domine JESU, quiescat mens nostra, & à te nec ad modicum separetur!





*Quid enim mihi est in cœlo, & à te quid vo-
lui super terram? Psal. 72.*

VI.

Quid enim mihi est in cœlo, & à te quid
volui super terram. *Psal. 72.*

Quid cœlo, mea lux, terræ, maris requiram?
Nec cœlum, sine te, terra, nec unda placet.
Non equidem ignoro, quæ, quantaq; gaudia Cœlum,
Terraque quas fundat, undaque condat opes.
Sed sine te, mea lux, mala sunt, quæcunq; vel æther,
Vel tellus gremio, vel tegit unda salo.
O cœlum! ô tellus! ô cœrula marmora ponti!
O tria deliciis regna superba suis!
Delicias cumulus vestras licet aggerat unus,
Non sunt deliciae, si meus absit amor.
Sæpè tulit, fateor, vaga per divortia mentem,
Hinc Thetes, hinc Tellus, arduus inde Polus.
Sed totum injectis, mundum si metiar ulnis,
Non tamen hæc ulnis par erit ulna meis.
Mens aliquando fuit gravidam recte dere terram,
Æraque divitibus tollere fulva cavis.
Aurumque, argentumque nitentis germina vena,
Quaque metallifero nutrit arena sinu.
Ferro igitur magnæ Matris suffodimus, alvum,
Totaque telluris gaza coacta fuit.
Quid juvat? aggestas licet aurum fregerit arcas,
Non tamen est animo nausea pulsa meo.
Ergo sub æquoreos rapuit me cura penates,
Qua subit Eoas Indus adustus aquas.
Quidquid & aurifluis gemmarum nascitur undis,
Carpere sub liquido gurgite ferver erat.

Et pressum roseis conchylibus edere rorem,
 Rideret patulus purpura si qua labris.
 Et sparsas rutilis baccas cenquirere ripis,
 Dives Hydaspei qua nitet unda vadi.
 Hei mihi! tam vario lectis ex aquore gemmis,
 Littoribus totidem fluminis atque maris.
 Tot cyanos, tot Chrysolitos, tot jaspidas inter,
 Nulla mea potuit gemma sat esse siti.
 Quid facerem votis, terraque marique negatis?
 Sideres dixi, vota subire lares.
 Visa igitur superi circumvaga machina mundi,
 Templaque luciferis fulgida lampadibus.
 Obstipui stabili currentes ordine flammæ,
 Astraque perpetuos ducere nexa choros.
 Inter at indigenas tot Olympi pensilis ignes,
 Flamma capax animæ non fuit ulla meæ.
 Nempe ita cùm totum requievit in Hercule Cælum,
 Non illi requies sidera, pondus erant.
 Ab! piget è terris Cæli convexa tueri,
 Jam super alta feror nubila, terra vale.
 Jam cuncta ex oculis, turresque urbesque recedunt,
 Jam coit in minimam pendula terra pilam.
 Jam lunæ solisque, Jovisque supervenor orbes,
 Et septena premens sidera, calco pedes:
 Jamque pavimentum stellarum illustre pyropis,
 Sub pede despicitur, quod modo culmen erat:
 Altaque jam cingunt flammantis mœnia mundi,
 Et propior Cæli regia tota patet,
 Quia properant volucres, pennata examina, cives,
 Et sociant variis verba fidesque modis.
 Saltantesque obeunt pedibus plaudentibus orbem,
 Lataque cœu festo personat Aula die.

O Cælum!

O Cœlum! ô Cœlum! ô fulgentia lumina stella!

O, nisi fidereis, atria digna choris!

O volucres anima, rutili Respublica regni!

O chelys Angelicis associanda modis.

O ubi sum? prope facta sui immemor, exciderat mens.

Sed redit, ut sponsum sensit adesse suum.

Astra valete, valete Poli; Volucresque valete;

Nil mihi vobiscum est, si meus absit amor.

Jam video, mihi quid terraque poloque petendum,

Si meus absit amor, Terra, Polusque vale.

Magnanimas juvenis lacrymas, Pellae, dedisti,

Nulla tibi domito terra quod orbe foret:

Quid mihi millenos si fregero viribus orbes?

Non satis est votis gloria tanta meis.

Ah, nimis est animo, quidquid sola diffusa terra,

Astriferaeque obeunt mœnia vasta plaga.

Quod neque terra capit neque regna liquentia ponti,

Non hominumque lares non aviumque domus;

Quod neque siderei claudunt amplexibus orbes,

Id voto spes est, resque petita meo.

Hactenus heu fateor, vacuas dum prendimus auras,

Semper ab amplexu mens malè lusa suo est.

Tu mihi, Terra, DEUS, mihi tu Mare, tu mihi Cœlum,

Denique cuncta mihi es, Te sine, cuncta nihil.

Quid enim mihi est in Cœlo, & à te quid vo-

lui super terram? Psalm. 72.

Dic, mihi, quæso, anima mea, quid est,
quod super omnia diligis? ego scio, quod
vita tua dilectio est, & scio, quod sine dilectione
esse non potes. Aspice mundum & omnia,

S 2

quæ

Hugo de S. Victore in arrha Anima.

quæ in eo sunt, multas ibi species pulchras & illecebras invenies, quæ humanos affectus alliciunt, & secundum varias utentium delectationes ad fruendum se, desideria accendunt. Habet aur. m. habent lapides pretiosi fulgorem suum; habet decor carnis speciem picta tape-
tia & veste fucatae colorem. Dic ergo, obsecro, mihi; quid de his omnibus unicum tibi feceris, quod singulariter amplecti, quo semper perfrui velis? Certus enim sum, quod aut horum, quæ videntur, aliquid amas, aut si jam postposuisti universa hæc, aliud habes, quod præ omnibus his diligas.

¶ Quid tibi placet in sæculo? quid est, quod vis laudare? quid est, quod vis amare? quocunque corporeis sensibus te converteris, occurrit tibi Cœlum, occurrit tibi terra. Quod amas in terra, terrenum est; quicquid amas in Cœlo, corporeum est. Jam ergo diu occupata vixisti, & desideriorum diversitate verberata, portas plagas, saucia, divisa per amores multos, ubique inquieta, nusquam secura. Colligere ad te ipsam; quicquid tibi foris placebat, quære, quem habeat auctorem. Nihil melius in terra, verbi gratiâ, quàm hoc & illud. Aurum, argentum, animalia, arbores, amœnitates, totam terram cogita, quid melius in Cœlo, sole, luna, sideribus, Totum cogita? omnia ista simul bona valde, quia fecit DEUS omnia bona valde, undique pulchritudo operis, quæ tibi commendat artificem. Miraris fabricam, ama fabricatorem.

Non

¶ August. in Psalm. 145.

Non occuperis in eo quod factum, & discedas ab eo, qui fecit; hæc enim quibus occuperis sub te fecit, quia sub se ipso te fecit.

a Anima humana, quæ ad DEUM appetendum facta est, quicquid infra DEUM appetit, minus est, ideoque jure ei non sufficit, quod DEUS non est. Sed cave, anima mea, ne non sponsa, sed adultera dicaris, si munera dantis plusquam affectum amantis diligis. Væ tibi, si oberras in vestigiis suis, si nutus suos pro eo amas, & non advertis purgatæ mentis intelligentiâ quid innuat lux illa beatissima, cujus nutus & vestigia sunt omnium creaturarum decus & forma. Adhuc si forte ignoras te ô pulcherrima mulierum egredere, & abi post vestigia gregum, id est, irrationabilium creaturarum, quæ sunt vestigium Creatoris tui; tu verò speculum Sanctissimæ Trinitatis. Ergo omnibus dignior & excellentior comprobaris. Et *pasce hædos tuos, juxta tabernacula pastoris*, id est, converte cogitationes tuas ad choros Angelorum, quibus quodammodo similis es in natura & concivis eris in gloria.

b Heu Domine, nunc intelligo, sed confiteri erubesco, species & decor creaturarum decipit oculum meum, & non adverti, quia speciosior omnibus creaturis es tu, quibus tantummodo unam guttam tuæ inæstimabilis pulchritudinis communicasti. Quis enim ornavit Cœlum sideribus, aërem volucris, aquam piscibus, terram plantis & floribus? sed quid sunt hæc; omnia, nisi tum pulchritudinis modica scintilla?

S 3

dul

a Bonav. soliloq. cap. I b Bonav. cap. I. soliloq.

dulcedo etiam Creaturarum decepit gustum meum, & non adverti, quòd melle dulcior es, Tu enim melli & omni creaturæ dulcedinem suam, imò tuam commodasti. Decepit etiam odor creaturæ olfactum meū. & ignoravi, quòd odor tuus, ô bone JESU, redolet super omnia aromata. Decepit etiam sonus falsus sive fallax creaturarum auditum meum, & nescivi, nec sensi, quàm dulcia faucibus electorum tuorum eloquia tua.

a Cor meum, à cogitatione in cogitationem ducitur, & per varias occupationes & affectiones variatur, ut saltem varietate ipsarum rerum impleatur, quarum qualitate satiari non potest.

b sed hoc scio Domine DEUS meus. quia ubicunque sum sine te, malè est mihi præ te? non solùm extra me, sed etiam in me; quia omnis copia, quæ non est DEUS meus, mihi est egestas, *Satiabor tunc, cùm apparuerit gloria tua.*

c Anima (enim) quam creasti, ita facta est capax majestatis tuæ, quòd à te solo & à nullo alio possit impleri; quando autem te habet, plenum est desiderium ejus & jam nihil aliud, quo desideretur exteriùs restat. Dum autem aliquid exteriùs desiderat, manifestum est, quòd te non habet interiùs; quo habito, nihil est, quod ultra desideret; cùm enim sis summum, & omne bonum, non habet quod desideret amplius, sed possidet te omne bonum.

Cælum

d Bruma, calens æstas. ver. Autumnusque vicissim;

Spectra duo vitæ, nox simul atque dies;

a Bern. med. c. o. *Aug. soliloq. c. 13. c. Aug. solil.*

c. 30. d Nazian, *carm. de externi hominis utilitate.*

Calum, aquor, tellusque noxum nihil est mihi prorsus

Non quæ sunt motu prædita, quæque carent.

Nil moror hæc, alium mihi da, Rex optime, mundum,

Propter quem hic prompto tot mala corde fero,

Cætera quæ terris volvuntur nil moror ipse

Amplius, humanis linquere cuncta libet.

a Ad quodcumque me convertero, vilescit mihi adeptum, quamvis acciderit desideratum, quando satiabitur desiderium meum in bonis? non satiabor de mortalibus, non satiabor de temporalibus; aliquid æternum donet, aliquid æternum concedat. Bonum tuum quære, ô anima. Est enim bonum illud alteri, & omnes creaturæ habent quoddam bonum suum, integritatis suæ & perfectionis naturæ suæ interest, quid cuique rei imperfectæ necessarium sit, ut perficiatur. Quære tuum bonum. *Nemo bonus, nisi unus DEUS.* summum bonum, hoc est tuum bonum. Quid ergo deest, cui summum bonum, bonum est? sunt enim & inferiora bona, quæ aliis & aliis bona sunt: Pecori quid bonum est, nisi implere ventrem, carere indigentia, dormire, gressire, vivere, sanum esse, generare? Tale tu bonum quæris? Cohæres CHRISTI quid gaudes quia socius es pecori? Erige spem tuam ad bonum bonorum omnium (ad eum) qui satiat in bonis desiderium tuum.

a Audi, quid propheta dicat: *Quid enim mihi est in Cælo, & illud: A te quid volui in terra? ac si dixisset, nullius prorsus alterius rei, nec cœlestis,*

S 4 *nec*

a Aug. in Psal. 102. *b* Chrys. ho. 5. in ep. ad Roman.

nec terrestribus, sed tuo unius desiderio teneor.

Hoc est Tu portio mea es, abundas mihi ad omnia nihil quæsi aliud, nisi ut te partem haberem: nullas sæculi huius divitias & voluptatum illecebras concupivi. Nullius egeo, qui à te assumptus sum, nec superest in cœlestibus, quod amplius quæram. Nihil habens omnia habeo quia CHRISTUM habeo: omnia ergo in illo habens, autem non quæro mercedem, quia ipse merces est universorum.

a Nihil, enim) aliud desiderat anima, nihil aliud à DEO quærit, quàm ipsum DEUM, ut jam ex affectu cordis, atque sententia clamet illud de Psalmo: *Quid enim mihi est in Cœlo, & à te quid volui super terram? Defecit caro mea, & cor meum, DEUS cordis mei, & pars mea DEUS in æternum.* Neque enim sum aliquid, non felicitatem non gloriam, non aliud quidquam tanquam privato sui ipsius amore desiderat anima, que istiusmodi est, sed tota pergit in DEUM unicuique ei ac perfectum desiderium est, ut introducat eam Rex in cubiculum suum, ut ipsi adhæreat, ipso fruatur.

b Vidit (nempe) quid ibi servaretur, & cogitans & æstuans in cogitatione cuiusdam rei ineffabilis, quam nec oculus vidit, nec auris audivit, nec in cor hominis ascendit; non dixit: Illud aut illud mihi est in Cœlo, sed, *quid mihi est in Cœlo?* quid est illud, quod habeo in Cœlo? quantum est? quale est? & cum non transsit, quod habeo in Cœlo, à te quid volui super terram?

a Bern. de divers. affection. anima. b Aug. in Ps. 72.

terram? servas tu mihi in Cœlo divitias immortales, teipsum; & ego volui à te in terra, quod habent & impii quod habent & mali, quod habent & facinorosi, pecuniam, aurum & argentum, gemmas, familias, quod habent & scelerati multi, quod habent multæ foeminae turpes, multi viri turpes? Hæc pro magno desideravi à DEO meo super terram, cum servet se mihi in Cœlo DEUS meus.

a Defecit gaudium cordis mei, versus est in luctum risus meus; defecit caro mea & cor meum DEUS cordis mei & pars mea DEUS in aeternum. Renuit consolari anima mea, nisi de te, dulcedo mea. *Quid enim mihi est in Cœlo, & à te quid volui super terram?* Te volo, te spero, te quero; *Tibi dixit cor meum? Quasi vultum tuum, vultum tuum Domine requiram, ne avertas faciem tuam à me.*

b Scis igitur, occultorum cognitor DEUS, quia non solum terrâ & omnibus, quæ in ea sunt, sed ipso Cœlo & omnibus, quæ in eo sunt, tu mihi carior, tu acceptior, tu amabilior es; diligo enim te supra Cœlum & terram, & cætera omnia, quæ in eis sunt.

a Quidquid enim Cœli ambitu continetur, inferius ab anima humana est, quæ facta est, ut summum bonum superius possideret, cujus possessione beata fieret.

T

VII.

a Aug. med. cap. 40. *b* Ambr. in orationib. 9.
Aug. soliloq. cap. 10.



*Heu mihi, quia incolatus meus prolongatus
est, habitavi cum habitantibus Cedar, mul-
tum fuit incola anima mea! Psal. 119.*

VII.

Heu mihi, quia incolatus meus prolon-
gatus est! habitavi cum habitantibus Ce-
dar, multum incola fuit Anima mea.

Psalm. 119.

An peragit solitis Plæbi rota curfibus annum,
Sidereumque suo tempore finit iter?
Credideram fractis currum consistere loris,
Tempora tam lentis ire videntur equis.
Hei mihi, decretos jam dudum explevimus annos,
Nec tamen è vita cedere Parca jubet!
Cur mea tam longo dicuntur stamina filo?
Debueras, Lachesis, deproperasse colum.
Et quid in his adeò delectet vivere terris:
Quidve quod invitet tristis hic orbis habet?
Qualibet, ah! simili mihi mors minus aspera
vita est.

Si genus hoc mortis vita vocanda fuit.
Nempe gradu stabili nihil hic immobile constat,
Cuncta sed assidua mobilitate fluunt.
Manè dies oritur Phœbeo splendidus auro,
Squallidus emoritur, nocte premente, dies.
Nox subit Astrorum rutilis comitata choreis,
Nox iterum Cælo, sole fugante, fugit.
Nunc Zephyro gremium tellus spirante recludit,
Nunc claudit gelidos, stante Aquilone, sinus.
Nunc canet nivibus, nunc spargitur alba pruinis,
Nunc tepidi solis veris amicta viret.

Mellia

*Mollia jam liquidas pandunt freta navibus undas,
Jam tenet inclusas unda gelata rates.*

Nunc agitant tumido venti fera praelia Ponto,

Nunc stagnat placidis carida Tethys aquis.

Humidus effusis nunc liquitur imbribus aether,

Nunc aquea nitidus stat sine nube Polus.

Nunc fragor horrifono Coelum quatit omne tumultu,

Nunc filet, & superat, pax tenet alta plagas.

Denique (quæ reliquos superant incommoda casus)

Mœsta ferè in mediis vita trabenda feris.

Quaque domus hominum, magè sunt spelæa ferarum,

Quique homines, hominum nil nisi nomen habent.

Scilicet insidia, fraudesque dolique triumphant.

Nec nisi quod rigido jus datur ense, viget.

Exulat hinc pietas, terrisque Astræa recessit,

Fasque relegatum sub pedibusque jacet.

Adde loci faciem, locus est inamabilis, & quæ

Libera vix risu solvere corda queas.

Martius, heu! savis ardet furor undique bellis!

Nec numerat plures altera terra neces.

Hostibus in mediis, inter gladiosque facesque,

Hac geris arma manu, qua feris arva manu.

Quis velit in tantis tolerare laboribus annos,

Sortis & assiduis istibus esse scopus?

Hei mihi, decretos jam dudum explevimus annos!

Tempora cur fati sunt ita lenta mei?

Tempora cùm numero (numero quæ sæpiùs exul)

Jure graves damnat nostra querela moras.

Nec scio, quæ cæcas hebetent oblivia mentes,

Omnia queis longi sunt sua vota dies:

Cre-

*Crediderim misera nescire pericula vita,
 Nec quàm sit gravis hic conditione locus.
 Nam bona siderei si nossent maxima mundi,
 Arceri patria se quererentur humo.
 Sed procul absentes cœlestia gaudia fallunt,
 Raraque de Cœlo nuncia rumor habet.
 Hei mihi, quàm procul his distas, mea patria,
 terris!*

*Quàm procul à Cœli finibus exul agor?
 Exulibus quondam tellus fuit ultima, Tybur,
 Me profugam satis ultimus orbis habet.
 Et nondum infaustas colui satis incola sedes,
 Squallentes tenebris, tristitiaque domos?
 Sexta Ceres casis quoties procumbit aristis,
 Servus ab Hebræo pilea sumit hero:
 Cur ego non etiam servili emancipor agro?
 Et rudis immunem verberare virga facit?
 Cur patriæ fines, portusque relinquere cogor,
 Nec sinor æthereos exul adire lares?
 Deserit externas peregrina Cyconia sedes,
 Inque suas revolat, per mare vecta, domos.
 Nuncia veris avis, nidos quoque mutat hirundo,
 Cùm redit ad notos Bistonis ales agros.
 Urbe relegatus, patriis Antistius oris,
 Redditus, exilii fine, favente, fuit.
 Hei mihi, cognatis cur exul abarceor astris?
 Nec sinor illa meo tangere regna pede?
 Lux mea, rumpe moras, satis his habitavimus
 oris,
 Aut quo non potui corpore, mente ferar.*

*Heu mihi, quia incolatus meus prolongatus
est! habitavi cum habitantibus Cedar,
multum incola fuit Anima mea.*

Psalm. 119.

a **T**AEDET enim me, Domine, valde vitæ
hujus, istius ærumnosæ peregrinationis!
Tota quippe vita ista, intelligentibus tribulatio
est; sunt enim duo tortores animæ, non simul
torquentes, sed cruciatu alternantes. Horum
duorum tortorum nomina sunt timor & dolor.
Quando tibi bene es, times; quando malè es,
doles.

b Vita hæc, vita misera, vita caduca, vita
incerta, vita laboriosa, vita immunda, plena
miseriis & erroribus, quæ non est vita dicenda,
sed mors; in qua momentis singulis morimur,
par varios mutabilitatis defectus, diversis ge-
neribus mortium. Mors ista vitalis, & vita mor-
talis, licet his aliisque sit repleta amaritudini-
bus, prò dolor! quàm plurimos suis capit ille-
cebris, & quàm multos suis falsis promissioni-
bus decipit!

c Dulcem (namque) hanc lucem, qua nunc
utimur, illi dicunt, qui dulcedinem veræ lu-
cis

*a August. med. cap. 21. August. serm. 42. de
verbis Domini. b August. med. cap. 21. c Origen,
homil. 1. in Psalm. 36.*

cis ignorant, sed ne auspicia quidem veri luminis ulla senserunt, nec sciunt Angelicam vitam sperandam esse animæ, cum ex vanitate hujus vitæ evaserint.

a Quid amissâ coelestis patriæ, repulsus homo delectatur exilio?

b Vitium (hoc est) nostræ infirmitatis, qui voluptate corporis, & delectatione vitæ istius capimur, & cursum hunc consummare trepidamus, in quo plûs amaritudinis, quàm voluptatis est. At non sancti ac sapientes viri, qui longevitatem vitæ hujus ingemiscebant, dissolvi & esse cum CHRISTO esse pulchrius æstimantes: denique idem generationis suæ execrabantur, sicut ille, qui ait, *Pereat dies illa, in qua natus sum.* Quid enim est, quo hac vita delectet? plena ærumnarum & sollicitudinum, in qua innumera calumniæ & multæ molestiæ, & multæ lacrymæ eorum, qui affliguntur molestiis, *Non est, inquit, qui eos consoletur, & ideo laudat Eccles. defunctos magis quàm viventes.*

c Vita (certè) mea, vita fragilis, vita caduca, vita, quæ quantò magis crescit, tantò magis discrepuit; quanto magis præcedit, tantò magis ad mortem accedit. Vita fallax & umbratica, plena laqueis mortis; nunc gaudeo, nunc statim tristior, nunc vigeo, jam infirmior, nunc vivo, statim morior, nunc felix appareo semper miser, nunc ri-

T 2 deo,

a Gregor. lib. II, moral. in cap. 14. Job. b Ambr. de bene mortis cap. 2. c August. soliloq. cap. 2.

deo, nunc fleo; sicque omnia mutabilitati subjacent, ut nihil unâ horâ in uno statu permaneat.

*a Nec terra intrepida est, quatitur sed turbine venti,
Inque vicem cedunt tempera prompta sibi.*

*Nox tegit atra diem, tempestas aethera fuscet.
Astrorum obscurat sol radiansque decus.*

*Sol tegitur nebulis, redivivaque luna resurgit,
Dimidia Cælum parte latetque sui.*

*b Quæ vita hæc? tumultum à tumulto peto rursus,
& ignis*

*Post tumultum rursus me tumulabit edax.
Idque ipsum est, quod vivo, velut rapidissimus
amnis,*

Qui sursum exoriens semper ad ima fluit.

c E enim præsens vita incolatus & quid dico incolatus, cum res sit vel incolatu inferior, unde CHRISTUS etiam, ipsam vocavit viam, dicens: angusta est porta, & arcta est via, quæ ducit ad vitam.

d Via quippe est vita præsens, quâ ad patriam tendimus; & idcirco hîc occulto iudicio frequenti perturbatione conterimur, ne viam pro patria diligamus. Solent enim nonnulli viatores, cum amœna fortasse in itinere prata conspiciunt, pergendi moras innectere, & à cœpti itineris rectitudine declinare; eorumque gressus tardat pulchritudo itineris, dum

a Nazianz. Carm. de human. nat. *b* Nazianz. Carm. de externi hom. vilitate. *c* Chrys. in Ps. 119. *d* Grego. lib. 23. mor. cap. 24. in cap. 33. Job.

dum delectat. Electis ergo suis ad se pergentibus Dominus, hujus mundi iter asperum facit. nedum, quisque vitæ præsentis requie, quasi amœnitate vitæ pascitur; magis eum diu pergere, quàm citius pervenire delectet; ne dum oblectatur in via, obliviscatur, quod desiderabat in patria.

a Sed hæc est doctrina optima atque adeò prima, scire nos esse *inquilinos in vitâ præsentî*. Qui rerum, quæ hic sunt, est hospes, erit rerum supernarum civis. Qui eorum, quæ hic sunt, est hospes; non libenter versabitur in præsentibus. Non domûs, non pecuniæ, non alimentis, nec alterius ejusmodi curam gerit, sed quemadmodum, qui in aliena versantur, nihil non agunt, & procurant, ut patriæ suæ restituantur, & quotidie urgent & festinant, ut eam, quæ eos tulit, videant. Ita etiam, qui amore futurorum tenetur, nec rebus præsentibus adversis animum demittet. nec secundis effe-
ret, sed utrasque prætereuntes, tanquam qui viam ingreditur. Quocirca jubemur etiam dicere in Oratione: *Adveniat Regnum tuum*, ut illius diei desiderium & cupiditatem animo nostro versantes & ipsum præ oculis habentes, ne videamus quidem præsentia. Si enim Judæi Hierosolimam desiderantes, etiam postquam liberati sunt. desunt præterita; quænam dabitur nobis venia, quænam relinquetur defensio, si non superna Hierusalem teneamur vehementi

T 3 *desi-*

desiderio? Vide ergo, quomodo hi quoque lamentantur, quod cum illis versentur: *Habitavi, dicentes, cum tabernaculis Cedar, multum incolæ fuit anima mea.* Hic enim non solum deflent, quod in aliena habitent, sed etiam cum Barbaris versentur. Neque enim hæc vita est eò tantum laboriosa, quod plurimam habet vanitatem & curas importunas, sed quod etiam multus sit malorum proventus. *a* Nihil est autem gravius & molestius, quam quæ est cum huiusmodi hominibus congressio. Est Barbarorum cum iis in quos imperium obtinuerunt, instar ferarum agere, ut qui tuguriis & tentoriis utantur, & ad immanitatem ferarum sint redacti: sed his multo sunt efferaciores, raptores, avari & qui impudicè, ac libidinose & in deliciis, vitam transigunt. *Multum incolæ fuit anima mea;* non multum propter multitudinem, sed propter rerum difficultatem. Etsi enim sit exiguum, videtur esse multum iis, qui affliguntur. Nonnulli è vulgo, pusilli & abjecti animi, qui etsi per multos annos vixerint, eos paucos esse dicunt. Quibus, quid esse potest à ratione alienius? quid verò crassius iis, qui cælo proposito, & iis bonis, quæ sunt in cælis, quæ *nec oculus vidit, nec auris audivit*, ore hiante umbras asperant, nec volunt vitæ præsentis Euripum trajicere, in perpetuis fluctibus, tempestatibus & naufragiis volutati?

b O via, quæ tantos decipis, de propriis
tantos

a Nyss. *b* August. serm. 49. ad fratres in Eremito

tantos seduxisti, tantos excœcasti! Quæ dum surgis, nihil es: dum videris, umbra es: dum exaltas, fumus es. Dulcis es stultis, amara sapientibus, qui te amat, non te cognoscit, qui te contemnunt, ipsi te intelligunt. Væ, qui tibi credunt! Beati, qui te contemnunt! vera non es vita, quam tu ostendis. Aliis ostendis te longam, ut perdas in finem, ut faciant, quod volunt, aliis brevem, ut, dum pœnitere volunt, non permittas. Sic est vita nostra, quasi homo in domo aliena, nesciens quâ horâ vel die Dominus domûs dicat: vade foras, quia non est tua domus, in qua es. O sæculum vanum! quid nobis tanta promittis, dum decipis?

a Erravi, fateor, sicut ovis perdita, & incolatus meus prolongatus est; atque procul projectus sum à facie DEI mei, in hanc exilii cæcitatem, ubi expulsus à Paradisi gaudiis, deploro quotidie mecum super miseria captivitatis meæ, lugubre carmen, ingentesque lamentationes, dum recordor tui, mater Hierusalem. dum stant pedes mei in atriis tuis sancta & decora Sion!

b Heu quassa nostro CHRISTE mi vis concidit!

Heu quas procellas excitat corpus mihi!

Heu quæ incolatus sè mens longè extulit!

Omnino rerum sum saur presentium,

Census inopia gaudii, molestia.

Fame, decoris, hostium, & chari gregis.

c Infelices, quorum vita est in exilio, vita in

T 4

pericu-

a Ambros. in orationib. *b* Nazianz. ad Christum. Alibi optant finem vitæ. *c* Aug. soliloq. cap. 35.

periculo, finis in dubio, nesciens finem nostrum, quia omnia in futurum reservantur incerta. Adhuc in Pelagi fluctibus veriamur suspirantes ad te portum mari. O patria nostra! patria secunda? à longè te videmus ab hoc mari te salutamus, ab hac valle ad te suspiramus, & nitimur cum lacrymis, si quo modo ad te perveniamus.

a Sed quia dum sumus in corpore, peregrinamur à te Domine, non habemus hic civitatem manentem, sed futuram inquirimus; noster autem municipatus in cœlis est. Ideo duce gratiâ tuâ ingredior in cubile cordis mei: & canto tibi amatoria, Rex meus & DEUS meus, emens inenarrabiles gemitus in loco peregrinationis meæ, ubi cantabiles mihi sunt factæ iustificationes tuæ. Et recordans Hierusalem, extendo in eam, sensum cordis; Hierusalem patriam meam, Hierusalem matrem meam; teque super eam regnatorem, illustratorem, patrem, tutorem, patronum, rectorem, pastorem, altæ & sortis delicias, solidum gaudium & omnia bona ineffabilia simul omnia, quia unum summum & verum bonum.

b O gaudium super gaudium, vincens omne gaudium extra quod non est gaudium. Quando intrabo in te ut videam DEUM meum, qui habitat in te? Ibo illuc & videbo visionem hanc grandem. Quid est, quod me detinet? Heu me, quia incolatus meus prolongatus est! Heu me, quamdiu dicetur mihi; ubi est DEUS? Quamdiu dicetur

a August. med. cap. 18. *b* Aug. soliloq. cap. 35.

dicetur mihi : *expecta*, reexp^{ta} & nunc, quæ est
exp^{ta}atio mea? nonne DEUS meus? Salvatore^m ex-
pectamus Dominum nostrum JE UM CHRISTUM
qui reformabit corpus humilitatis nostræ configura-
tum corpori claritatis suæ. expectamus Dominum,
quando revertatur à nuptiis, ut inducat nos ad
suas nuptias.





Infelix ego homo! Quis me liberabit de corpore mortis hujus? Ad Rom. 7.

VIII.

Infelix ego homo, quis me liberabit
de corpore mortis hujus?

Ad Rom. 7.

Infelix! ubi nunc bona tot, quæ perditâ plango,
Sed frustra, planctu non revocanda meo?
Tot bona! quid repetis dolor? ah! meminisse nocebit:
Amissæ cruciant, dum memorantur opes.

Utilius veteris fortuna nescius esses,
Cum mala sors fato deteriore premit.
Passim hominum satyra est, decepti noxa parentis,
Stultitiæ solus scilicet ille reus.
Adam, Adam simplex, Adam, Adam uxorius
audit;

Pluribus, aut totidem vapulat Eva probris.
Non ego sic: sed si gemitus finit edere vocem,
Pars, fateor, mundi in crimine, magna sui.
Te quoque, cui primos studium damnare parentes,
Peccati memorem convenit esse tui.

Cum vitæ & mortis non felix alea facta est,
Colluser proavi dilapidantis eras.

Credite posteritas, Adam vos estis & Eva,
Et vestræ pomum corripuere manus.

Hinc nudi, gens pellicea dignissima Zona,
Et pudor & dolor, & Numinis ira sumus.
Non querar acceptæ tot publica vulnera cladis,
Materies elegis sum satis apta meis.

Ordior à cunis; hic mecum lacryma nata est,
Hic decuit vitæ syllaba prima, queri.

Mensis erat Majus, mensis gratissimus orbi,
 Sed mea, si reputem fata, December erat,
 Septima lux ibat, quæ si suprema fuisset,
 In cineres issset muta querela meos.
 Cum tandem post luctum uteri horribilesque ulu-
 latus;

Progenies cervæ parturientis eram.
 O Mater, scio, tunc Mater, nova facta Rebecca es,
 Tunc serus subiit virginitatis amor,
 Diriguit nutrix, pallens pater ora retorquit,
 Et cuna in levum procubuerè latus.
 Horror & horror erat, vox omnibus, omnibus una.
 Heu, puer, heu quantis gignitur ille malis!
 Atra dies, Ægyptiaca dignissima nocte;
 Qua, de me, licuit dicere; Natus homo est.
 'Atra dies! neque te Titan, neque Cynthia norit,
 Nec statâ qui Cœli tempora, Janus agit.
 Illa dies, abeat Gratias orsura Kalendas,
 Nullus eam cupiat mensis habere suam.
 Si redeat, redeat piceis frontem obsita nimbis,
 Et gelidum densa grandine tunsâ caput.
 Tum tonitru & fulmen funesto adverberet igne,
 Et sibi sic hostem, noverit esse DEUM.
 Sentio jam, quod fatidici plorâstis amici:
 Mentitur vita, clepsydra nuda meæ.
 Tanti erat hæc soboles, lacrymis assuevimus inde,
 Inde oculos rarò deseruere meos.
 Nam postquam posita est prætexta, nucesque tro-
 chusque,
 Et bulla ad patrios victima facta lares;
 Tunc ego, quæ meliùs nescirem, discere cœpi;
 Primus erat, sortem plangere posse, dolor.
 Et

Et vix posse datum est, sæpe obluctata fuit mens,
 Naturæ impatiens sub pedè colla premi.
 Surgere sæpe adnixa suoque irrumperè Cælo,
 Nec poterat pigra tollere corpus humo.
 Tum vibrans, oculos oculos tristi imbre natantes,
 Ah superi! dixit (cætera fletus erant)
 Et rursum ah! ah! (sed per luctifonos singultus
 Ipse sibi obsistens non finit ire dolor.)
 Sic puto Rex fremuit, dum crescere cornua sensit,
 Qui bos ex homine est, de bove factus homo.
 O DEUS, ô superi, patientia vincitur! ô quis.
 Qui me mortali corpore soluat, erit?
 O quis erit? nescitis qui cantet in auribus, istud
 Quod voce toties illicet, ô quis erit?
 Ille, necaturum mihi mergat in ilia ferrum,
 Pocula Thessalico misceat ille fævo.
 Nec liquido plumbo, nec avaro terreor unco,
 Mors misera quavis conditione placet.
 Eratos gemitu doceam mugire juvencos;
 Supposito quamvis excrucienda rogo
 Aut etiam jubeam (quanquam pudor ista vocere)
 Inter Ulysseos exululare lupos.
 O DEUS, ô superi patientia vincitur! ô quis,
 Qui me mortali corpore soluat, erit?
 Parce DEUS, ne crudelem vox impia jactet,
 • In furias quando præcipitata ruit.
 Hic propè barbaries poterit clementia dici,
 Ad pœnas veniat si stupefacta meas.
 Corpora corporibus conjunxit mortua vivis
 Ille, hominem quem vix dicere fama potest,
 Me vivum cruciat (magis hoc færale) cadaver;
 Nec, quæ diffidium finiat hora, venit.

Infelix ego homo! quis me liberabit de corpore mortis hujus: Ad

Rom. 7.

a **Q**uomodo vivit anima operta mortis involucro.

b Corpori quonam modo conjunctus sim, haud equidem scio; quoque pacto simul & Imago DEI sim & cum cœno voluter; quod & cum pulchrâ valetudine est, bello me laceffit; & cum bello premitur, mœrore me afficit: quod & ut conservum amo, & ut inimicum odi atque adversor; quod & ut vinculum fugio & ut co-hæres vereor; si debilitare illud & conficere studeo, jam non habeo, quo socio & opitulatore ad res præclarissimas utar; sin contra, ut cum socio adjutore mitiùs agam, nulla jam ratio occurrit, qua rebellantis impetum fugiam, atque à DEO non excidam, compedibus degravatus, vel in terram detrahentibus vel in ea desinentibus. Hostis est blandus & placidus, insidiosus amicus. O miram conjunctionem & alienationem! Quod metuo, amplector; quod amo, per-timesco. Antequam bellum gesserim, in gratiam redeo; antequam pace fruam, ab eo dissideo.

c *Cur carnis laqueis tu me, Pater, implicuisti? Cur vitæ miserae, cur cœnosoque barathro?*

a Ecce

a *Ambr. serm. 22. in Psalm. 118. b* *Naxianx. Orat. 16. c* *Naxianx. carm. ad CHRISTUM.*

a Ecce corpus, quod corrumpitur, aggravat animam. Vitam ergo habet anima in corpore corruptibili. Qualem vitam? onera patitur, pondera sustinet. Ad ipsum DEUM cogitandum (sicut dignum est, ab homine cogitari DEUM) quanta impediunt veluti interpellantia de necessitate corruptionis humanæ? Quanta revocant? quanta à sublimi intentione deterquent? quanta interpellant? quæ turba phantasma um? qui populi suggestionum? (Jam) qui non ægrotat in hac vita? quis non longum languorem trahit? Nasci hic in corpore mortali, incipere ægrotare est. Quotidianis medicamentis fulciuntur indigentia nostræ. Quotidiana medicamenta sunt refectiones omnium indigentiarum. Fames, nonne te occideret, nisi medicamentum apponeres? Sitis, nonne te perimeret, nisi eam tu bibendo non penitus exstingueres, sed differres? reditura est enim sitis paululum temperata. Temperamus ergo istis fomentis æumnam ægritudinis nostræ. Stando lassatus eras, sedendo reficeris: ipsum sedere medicina est lassitudinis. In illa medicina rursus lassaris, diu sedere non poteris. Quicquid est, ubi fatigationi succurritur, alia fatigatio inchoatur.

b Quod melius ostendimus; si prius carnis, & post pondera mentis exprimamus, ut enim taceamus hoc, quod dolores tolerat, quod febribus anhelat, suâ quadam ægritudine
con-

a August. in Psalm. 102. *b* Greg. cap. 22. in c. 7. Job.

constringitur. Ipsa hæc corporis nostri, quæ salus vocatur, ægritudo est. Nam otio tabescit, opere deficit: inediâ deficiens, cibo reficitur, ut subsistat: refectione laceffens, abstinentiâ relevatur, ut vigeat; aquâ perfunditur, ne arescat; linteis tegitur, ne ipsa nimis perfusione liquefiat; labore vegetatur, ne quiete torpeat: quiete refovetur, ne laboris excitatione succumbat, fatigatur vigiliis, somno reparatur; oppressa somno vigiliis excutitur, ne suâ pejùs quiete lassetur; vestibus tegitur, ne frigoris adversitate penetraretur; quærito calore deficiens aurarum flatu refovetur; cūque inde molestias invenit, unde vitæ molestia: quæ sivit, malè fauciata (ut ita dixerim) de ipso suo medicamento languescit. Remotis ergo febribus, cessantibusque doloribus, ipsa nostra salus ægritudo est cui curandi necessitas nunquam deest. Quod enim forsaria ad vivendi usum quærimus, quasi tot ægritudini non æ medicamentis obviamus. Sed ipsum quoque medicamen, in vulnus vertitur, quia exquisito remedio paulò diutius inhaerentes, ex eo gravius deficiamus. quod providè ad refectionem paramus. Ipsa quoque mens nostra, à secreti interioris securo gaudio exclusa, modò spe decipitur, modò pavore vexatur, modò dolore deicitur, modò falsâ hilaritate relevatur; transitoria pertinaciter diligit, eorumque amissione incessanter atteritur, quia & incessanter, cursu rapiente permutatur.

a Habes,

a Habes, ô anima mea inimicum domesticum, hostem amicum, adversarium propinquum, qui tibi malum pro bono reddidit, & sub specie amicitiae crudelior existens inimicus, his omnibus & aliis infinitis bonis te privavit! Hic hostis, (salvâ tuâ reverentia) est caro infelix & misera, multum tamen tibi dulcis & dilecta. Hanc cum pavisti, inimicum pessimam contra te erexisti. Hanc cum honorâsti, hostem crudelissimum contra te armâsti. Scio, inquit Bernardus, ô anima, quemdam, qui plures annos tecum vixit ad mensuram tecum sedit, cibum de manu tua sumpsit, & in sinu tuo dormivit; cum voluit, tecum colloquium habuit. Hic jure hereditario servus tuus est, sed quia delicate nimis enutristi eum, & virgâ pepercisti, levavit calcaneum super caput tuum, & te in servitutem redegit. O anima miserabilis & misera, quis te liberabit de vinculo improprietatis hujus! Recordare, ô anima, primordia tua? attende, quod es insignita Dei imagine. Quid tibi cum carne, unde ista pateris; si diligenter conditiones ejus advertis. nunquam vilis sterquilinum vidisti; si ejus misérias enumerare velis, quam onusta sit peccatis, pruriens concupiscentiis, occupata passionibus, polluta illusionibus, confusione plena, & ignominiâ repleta, quid de ea habes aliud, quam cogitationes fœdas & immundas?

b Exitiosa caro, Belia tenebrosa procella,
Exitiosa caro, qua fluit omne scelus!

Cœnum

a S. nav. c. I. soliloq. **b** Nay. c. arm. advers. carnem.

*Cœnum, massa gravis plumbi, limosa catena,
Bellua pugnaci prodita materia,
Pestifer æstus, heraq; tua vinclum atque sepulchrum
Forma, quæ supera venit ab arce mihi.*

a Non sine causa dictum est; hominum plasmatum, non de terra qualibet. sed de limo. Vide enim, quàm limosum sit corpus, quod ipsi quoque spiritu tam fortiter. & penè indissolubiliter inhæret, ut vix eum multa afflictione possit aliquando sepa-
ari.

b Eja age mens, nam te tunc alloquar, atq; ea dicam,
Quæ fere narratu non aliena puto.

Ecquid es, ô mea mens, & quis tibi contigit ortus?

Atque cadaver olens quis tibi forte dedit.

*Quis solidis vitæ astrinxit gravibusque catenis
Pendentem assidue lumina fixa solo.*

c *Universa vanitas omnis homo vivens, qui autem de hac vita accipitur ista sententia; audi Ecclesiasten protestantem & dicentem: Laudavi omnes, qui mortui sunt super omnes, qui vivunt, cuicumque ipsi vivunt usque modo, & bonus super istos duos, qui nondum natus est. Laudat ergo mortuos plusquam vivos; quia illi hoc saltem lucrum habent, quod de vinculis hujus corporis liberati sunt, nec ultra carne ac pellibus induti sunt, nec ossibus ac nervis inserti sunt. nec ultra subjacent necessitati corporis. si ergo intellexisti, quale sit vivere in carne (etiamsi Moyses sit quis, vel quisquis ille est) molestia ipsi est ista vita. Non enim à corruptione resolvitur, quæ*
mor-

a Bern. serm. de tripl. gen. cogita. b Naz. carm. de hum. nat. c Orig. hom. 1. in Psalm. 38.

mortali corpore, terrenoque circumdatur: vide ergo, quoniam *universa vanitas omnis homo vivens*, contemnamus istam vitam, & festinemus ad sanctam vitam & beatam ac veram, & in illam animo & mente tendamus, omni vanitate discussa.

a Ex quo enim quisque in isto corpore morituro esse cœperit, nunquam in eo non agitur, ut mors veniat. Hoc enim agit ejus mutabilitas; toto tempore vitæ hujus, si tamen vita dicenda est, ut veniatur in mortem.

b Et ideo laudat Ecclesiastes defunctos magis quam viventes, & *optimus*, inquit *supra hos duos, qui nondum natus est*. Et alibi idem Ecclesiastes, meliore longævo viro asseruit, quem ab ortu ejecit mater sua, qui non vidit hæc mala, quæ fiunt in hoc mundo, nec in has venit tenebras, nec in vanitate ambulavit sæculi. Quid enim boni est homini in hac vita.

c Cognovit se Paulus in miseria, in gemitu, in rixa, in contentione: ipse secum sibi non concordans, à se dissonans, à se resiliens. Et quid ait optans pacem, pacem veram, pacem supernam. *Infelix ego homo, quis me liberabit de corpore mortis hujus.*

* * * *

* * *

* *

*

IX.

a Aug. lib. 13. de Civ. c. 10. *b* Ambr. lib. de bono mortis cap. 2. *c* August. in Psalm. 102.



*Coarctor autem è duobus, desiderium habens
dissolvi & esse cum Christo. Ad Philip. i.*

IX.

Coarctor è duobus, desiderium habens
dissolvi, & esse cum Christo. ad Phil. 1.

Quid faciam gemini flammata cupidine voti?
Anteferam terras? anteferámne Polum)

Terra tenet, cælum revocat; his magna moratur,
Jamq; volentem animum ponderemembra premunt
Sed procul illecebræ, semel impete rumpere modum
Præstat, & è vinclis eripuisse pedes.

Pergite festina persolvere stamina Divæ,
Nec Letho clausæ sint veniente fores.

Aspice, lux, quanto laxentur brachia nisu;
Utque ferè à membris distrahar ipsa meis.

Distrahar ut mediam tibi me conjungere possim,
Unaque sit saltem pars tibi nexa mei.

Non sinis, & rides nil proficientia vota,

Quodque negas toties, vis tamen usque peti.
En peto, quod renuis, geminasque exporrigo palmas,
Et tibi, quas nequeonectere, tendo manus

Sæpè mihi de te, mendacia dulcia fingo,
Vincula ceu posita compede fracta forent:

Et dico; meus hic, prennique & prendere certat,
Meque sed ut video, dissimulanter amat.

Tam bona credulitas erat haud indigna favore,
Debueratque meos expediisse pedes.

Si tamen implicitam pedicis, cupis usque teneri,
Hic ego conatu deficiente cadam.

Assè redit, & velut allabens sese ingerit ultro,
Spemque iterum nutu sollicitante facit.

Ingam supremumque amplexibus obvia curram,
Collaque furtiva fraude, negata petam.

Quàm

Quàm propè, quàm propè sum! vestis pars ultima
 Jam puto, vicina prendere posse manu. (tectâ est.
 O Amor! ô dolor! affectum deludis hiantem,
 Decipit amplexus nobilis aura meos!
 Et licet aut digitis tribus aut vix quatuor absis,
 Semotus medio crederis orbe mihi:
 Nempe pater Pelopis sic poma fugacia captat;
 Poma datam toties fallere docta fidem.
 Dum modo prona arbor patulo superincubat ori,
 Osque iterum, fructu decipiente, fugit.
 Ludicra res, Amor est, fallique & fallere gaudet,
 Sed fraus supplicio non caret illa suo,
 Decepti, quo tormento crucientur amantes,
 Exemplo poterit discere quisque meo.
 Quique alium ludit (sed rarum est ista fateri,)
 Ipse suo patitur vulnera facta dolo.
 Nescieram, mea lux, istis te fraudibus uti,
 Sed nimis expertam jam sua pœna docet.
 Ut canis indomita jactans cervice catenas,
 A populo solvi prætereunte rogat;
 (Ni faciat, querulis ululans latratibus auras,
 In sua converso vincula dente furit.)
 Sic queror & supplex toties ad vota recurro,
 Ut præstes, quam me poscere cernis, opem.
 At postquam implacido vertisti lumina vultu,
 Nec placuit pedibus demere vincla meis.
 Clamavi; ô truculentum & inexonerabile pendus!
 Quin etiam dicta est sæpè catena nocens.
 Hanc trahat Autolycus, trahat hanc furiatus Ore-
 Aut qui tardipedes vertit in antra boves. (stes,
 Sentiât hanc Scytica damnatus rupe Prometheus,
 Aut Scinis, aut scelerum quis feritate prior.
 Scilicet

Scilicet à nimio venit hæc dementia luctu,
Error & hic sese quo tueatur, habet.
Compedibus facile est seruoque ignoscere ferro,
Durior at vinclis qui ligat illa, fuit.
O ubi listorea vinctam qui rupe puellam
Bellerophon volucris rettulit ales equo?
En ego barbarica constringor mole catena,
Servus ut à rigido transfuga vinctus hero.
Et quoties patrias assurgere nitor in auras,
Deprimor hospitii pondere victa mei.
Nempe ita dat pueris captus ludibria passer,
Dum fugit & revocant fila deducta fugam.
Et licet è dominis canetve, bibatve labellis,
Mavult in sylvas liber abire suas.
Sic quamvis nitida pastæ bene certe palumbes,
Anteferant caveæ rusque nemusque suæ.
O mea si lacrymis mollescere vincula possent!
Dudum essent lacrymis mollia facta meis.
Lux mea, tende manus, contra tibi tendo catenas,
Has nisi qui vinxit solvere nemo potest.
Coarctor è duobus, desiderium habens dissol-
vi, & esse cum Christo. Ad Phil. 1.

a Quid faciam miser ego, gravedine compe-
dis mortalitatis meæ constrictus? quid
faciam?

b Quenam hæc lex? cur me constringunt vincula
carnis?

Spiritus & socium tam grave corpus habet?

c Compedes sunt infirmitas & corruptibilitas
corporis

a Aug. med. cap. 17. b Nazianz. car. de anima
calam. c Aug. in Psalm, 78.

corporis, quæ aggravant animam; ab his compedibus concupiscebat dissolvi Apostolus, & esse cum CHRISTO.

a Utinam remissâ peccatorum mole, me (quoque) ultimum servorum CHRISTI, juberet. Divina pietas, hanc carnis sarcinam deponere, ut in suæ Civitatis gaudia æterna repaulandus transirem !

b Corporea nec mole gravis mens vergat ad imas.
Ac veluti plumbi massa profunda petat.

c Me miserum, caro quem remoratur perfida, cæli
Ad Dominum, cursu dum properante feror !

d Quæ velut injecta properantem compede puppim
Detinet.

e Ab gravibus me solve, Pater supreme, catenis,
Inque Beatorum me trahere Sancte Choros !

f Solvimur enim hoc nexu animæ & corporis, cum recedimus: unde & David ait, diripuisti vincula mea. Mors igitur solutio est animæ & corporis. Denique & in Apostolo docuimus lectum: dissolvi & cum CHRISTO esse multò melius. Solutio autem ista, quid aliud agit, nisi ut corpus resolvatur & quiescat, anima autem convertatur in requiem suam, & sit libera, quæ si pia est cum CHRISTO futura sit. Quid igitur in hac vita aliud justî agunt, nisi ut exuant se hujus corporis contagionibus, quæ velut vincula nos ligant, & se ab his molestiis separare con-

a Aug. man. cap. 8. *b* Nazianz. car. de anima calam. *c* Naz. in luctu. *d* Naz. præcep. ad virgines, *e* Naz. in luctu. Ambr. de bono mortis. cap. 3.

contendant, renuncient voluptatibus atque luxuriæ, fugiam flammæ libidinum!

a Iustos enim quamvis nullus desideriorum carnalium tumultus possideat; duris tamen *vinculis* eos in hac vita positos, suæ mole *ia* corruptionis, ligat: scriptum quippe est: *Corpus, quod corrumpitur, aggravat animam.* Eò itaque ipso, quo adhuc mortales sunt corruptionis suæ *pondere* gravantur, & *astrikti molestiæ vinculi* sunt, quia in illa adhuc libertate vitæ incorruptibilis non exurgunt. At non *duro molestiæ vinculo* ligantur, quorum nimirum mens, sine labore in ignorantia solvitur, & non nisi cum studio laboris eruditur? quæ coacta exigitur, libens jacet, ab infimis vix levatur, & tamen elevata protinus labitur semetipsum *litorio* è vincendo, superna conspicit, sed reverberata. An non *duro molestiæ vinculo* ligantur, quos cum accensus *spiritus* ad sinum pacis intimæ pleno desiderio pertrahat, fervente certamine caro perturbat? Quibus exceptis etiam *ea vincula* sustinent, quæ gravis exterius necessitas astringit; esurire quippe, sitire, larescere, vincula corruptionis sunt, quæ scilicet solvi nequeunt nisi cum in illam immortalitatis gloriam nostra mortalitas permutatur.

b Sed cum corruptibili carne exuimur, quasi ab his, quibus nunc *ast*ingimur, molestiæ *vinculis* relaxamur. Præsentari namque jam *DEO* cupimus, sed adhuc mortalis corporis obligatione præpedimur. Jure ergo *vincti* dicimur: quia adhuc *incessum nostri desiderii, ad DEUM* *liberum*

a Greg. l. 4. mor. c. 40. *b* Idem c. seq.

berum non habemus. Unde bene Paulus æterna desiderans, sed tamen adhuc corruptionis suæ sarcinam portans, *vinctus* clamat: *Cupio dissolvi, & esse cum CHRISTO*; dissolvi enim non quæret, nisi se procul dubio *vinctum* videret. Hæc autem *vincula*, quia certissimè rumpenda in resurrectione conspexerat, jam quasi rupta gaudebat Propheta, cum diceret: *Dirupisti vincula mea, tibi sacrificabo hostiam laudis.*

a (Sic) Simeon se dimitti postulabat à Domino, quasi à *vinculis* quibusdam ad libertatem festinaret. Sunt enim velut *vincula* quædam corporis hujus, & quod gravius est, *vincula* *tentationum*, quæ nos *alligant*, & ad injuriam captivitatis *astringunt* quadam lege peccati. Quid igitur tantopere istam vitam desideramus, in qua, quanto diutius quis fuerit, tantò maiore *oneratur sarcina* peccatorum? unde Jacob dixit: *Dies annorum vitæ meæ, centum triginta, minimi & mali*; non quia dies mali, sed quia nobis accessu dierum malitiæ incrementa *accumulantur*.

Nullus enim dies sine nostro peccato præterit: unde egregiè Apostolus ait: *Mihi vivere CHRISTUS est & mori lucrum*; aliud ad necessitatem vitæ referens, aliud ad mortis utilitatem. Et addidit: *Dissolvi enim & esse cum CHRISTO multò melius*; *permanere autem in carne magis necessarium propter vos.*

b sed sicut anceps avium aut visco, aut reti in grano aliquo captum tenet passerem, & manu suâ subtilissimo funiculo ligatum retinet, & quasi di-

mittens

a Amb. lib. de bono mort. c. 2, *b* Chrys. serm. de pœn.

mittens laxum de manu sua; dat ei liberam volandi potestatem; at ille avidus ad volandum, elapsusque se putans, alacer altiora appetit; sed iste summum funiculum tenens restringit eum cum volaverit, & ad se trahit à spe volandi & vivendi deceptum; ita & diabolus versutus venator & per spiritum præsumptionis laqueo suo deceptum implicat hominem. Qui semel hæserit, quidem ab eo evelli, sed vinculum velox venator tenens, revocare captum semel in laqueo, & revolutum premit.

a Quousque (ergo) hic erimus affixi? adhæsimus terræ tanquam vermes, in cœno volutamur: corpus de terra nobis DEUS contulit, ut ipsum & in cœlum revehemus, non ut animam per ipsum *ad terram detrahamus*. Terrenum est, sed si velimus, efficitur cœleste? trahe te ipsum ad illum, qui te sursum tollit, *pondere quodam vetustatis gravaris*.

b Erige te mea mens, capiant te oblivia mundi, Nec trahat in vitium te male blanda caro.

c Eja dulcissime JESU, transige saluberrimo vulnere amoris tui medullas animæ meæ, ut verè ardeat, langueat & liquefiat, & solo tuo desiderio deficiat, *cupiat dissolvi, & esse tecum*. Te solum semper esuriat panem vitæ cœlestis, qui de cœlo descendisti! te sitiât fontem vitæ, fontem æterni luminis, torrentem veræ voluptatis, te semper ambiat, te quærat, teque inveniat, in te dulciter requiescat!

V 2

X.

a Idem hom. 55. ad pop. Antio. *b* Nazianz. ad anim. *c* Bonav. cap. I. soliloq.



*Educ de custodia animam meam, ad confi-
tendum nomini tuo. Psal. 141.*

X.

Educ de custodia animam meam, ad
confitendum nomini tuo.

Psalm. 141.

Libera qua potui spatioso ludere Caelo,
Cernis; ut angusto carcere clausa premar?
Heu dolor! ut miseris me lux effudit in auras,
Ipsa loco cavea membra suere mea.
Pes compes, manicaque manus, nervique catena,
Ossaque cancellis nexa catasta suis.
Quo mihi cognati nativa repagula clausuri,
Damner, ut hospitii carcere vincla mei?
Siccine, more Chelys, brevibus tegar abdita conchis,
Regia cui Caeli vix satis ampla domus?
O quoties quaesita fuga fuit ansa prudenda,
In votis quoties restis & unda fuit?
Sapè quidem raptò felix Lucretia ferro,
Faustaue combibito Porcia dicta foco est.
Visa nec Assyria tristis mihi sica puella,
Heu nimis in geminas prodiga sica neces.
Sed negat hac animis Numen solatia captis,
Nec finit hac vinctos fata praëire via,
Ergo Syracusis malim jacuisse cavernis,
Aut Danaes rigida delituisse sera.
Nec vereor curvi Cretæa volumina septi,
Unde citam rapuit Dædalus ala fugam.
Profugus immeriti damnet pia claustra rigoris,
Qua sibi sollicitam non renuere fugam.

*Si mihi fidereis pateat vel rimula tectis,
 Non querar immites Aetheris esse fores.
 Donec at hac captam retinent ergastula mentem,
 Mens nequit agnati templa subire poli.
 Quin sueta imperiis jacet hic captiva voluntas,
 Nec bona quæ vellet, vincula velle sinunt.
 Euge semel nostræ, mea lux, suetede catasta,
 Quantula sit nobis experiere domus.
 Si tamen insidiæ vel athena repagula terrent,
 Fæc pateat dempta janua laxa sera.
 Captivum gemitu fertur revocasse Magistrum,
 Oblitus caveæ psittacus ipse suæ.
 Eja graves referas, nove Jane patulcic vestes;
 Non erit hæc dextræ gratia prima tuæ.
 Angelico, memini, patefactas impete portas,
 Claustraque suffractis dissiluisse seris;
 Cum stupuit lapsas manibus, pedibusque catenas,
 Vixque Petrus patulas credidit esse fores.
 Nullus obit nostris obses vadimonia vinclis?
 Liberat Herculeæ Thesea nullus ope?
 O ubi nunc Minyis fidissima turba maritis,
 Vincula pro captis ausa subire viris!
 Aut qui Wandalicis obses ergastula nervis,
 Ipse sui capitis jussit abire lytro?
 Lux mea, pande fores, in amœnaque claustra resolvi,
 Et sine fidereas aetheris ire vias.
 Aut spectanda tuo vis ducar præda triumpho,
 Ut Scyricus caveæ pompa Tyrannus erat;
 En manus, en digiti rimis hiscentibus extant.
 Cur ego non digitos tota manumque sequor?
 Quæ caput, hac reliqua subrepit cauda colubræ, &
 Cur mihi serpentis lubrica pellis abest?*

Cortis

*Cortis obit toties volucris captiva fenestras,
 Et notat an tacite rima sit ulla fugæ;
 Nexaque sollicitans furtivo vimina rostro,
 Nativas nemorum tentat adire domos.*
*O Catharis, niveique polo comes agninis Agnes!
 O casta Ursulidum, Sophiadumque cohors!
 Vos ego, dimidium vestri modo nobile testor,
 (Dimidium vester quod sibi junxit amor.)
 Pandite ferratos, ergastula barbara, postes,
 Inserar ut vestris dimidiata choris.*
*Dimidium felix, vinclis socialibus exsors,
 Cui licet in plenas jam caluisse faces!
 Lux mea tam durum residet tibi pectore ferrum,
 Ut neque captiva commoveare prece;
 Non ego, sed nostræ Tu maxima causa querelæ es;
 Spectat enim laudes ista querela tuas.*
*Non bene conveniunt rigidis tua carmina clathris,
 Quis queat in cavea cantibus esse locus?
 Libera quæ cantat vernis avis Attica sylvis,
 Capta silet, solitor nec ciet ore modos.*
*Eja age, pande fores, inamœnaque claustra resolve,
 Et sine sidereas ætheris ire vias.*
*Aut tua si cupidam præconia dicere temnis,
 Invidus in laudes efficiere tuas.*

*Educ de custodia animam meam, ad confi-
 tendum nomini tuo. Psal. 141.*

L Audo quantum possum, tenuiter, exili-
 ter, infirmiter, quare? quia quamdiu
 sumus in corpore peregrinamur à Domino. Qua-

V 4

re

a August. in Psalm. 145.

re sic laudas Dominum? non perfecte, non stabiliter? Interroga scripturam; quia *corpus, quod corrumpitur, aggravat animam, & deprimit terrenam cogitatio sensum multa cogitantem*. Tolle mihi corpus, quod aggravat animam, & laudo Dominum, Tolle mihi terrenam habitationem, deprimentem sensum multa cogitantem, ut à multis in unum confluam, & laudo Dominum, Quamdiu autem ita sum, non possum; prægravor.

a Nihil enim *præsens vita* differre videtur à carcere, sed sicut cum triste illud introimus habitaculum circumdatos ac vinctos videmus catenis, ita etiam nunc, si (extra omnia nos phantasinata collocantes) uniuscujusque ingrediamur vitam ejusque animam contemplemur, videbimus eam durioribus ferro vinculis colligatam.

b In exitu ipso videamus, quemadmodum anima decedentis, paulatim solvat se vinculis carnis, & ore emissa evolet tanquam carcere corporis hujus exuta gurgustio.

c Carcere homo circumdatur, quia plerumque & virtutum profectibus, ad alia exurgere nititur, & tamen carnis suæ corruptione præpeditur, qua bene exui salmista deprecatur dicens: *Educ de carcere animam meam*.

Sancti autem viri, quia scriptum est, *corpus, quod corrumpitur, aggravat animam*, intentione jam quidem ultra semetipsos eminent, sed tamen

a Chrys in cap 4. Matth hom. 14. b Ambr lib. de bono mortis, cap. 2. c Greg. cap. 17. in cap. 7. Job.

men adhuc infirmitatis suæ incertis moribus subditi corruptionis suæ *te carcere clausos* dolent. Ait ergo Job: *Nunquid mare sum ego, aut cetus, quia circumdedisti me carcere?* ac si aperte diceret: mare vel cetus (iniqui videlicet, eorumque auctor malignus spiritus; quia effrenati ad solam perpe randam iniquitatis licentiam appetunt; rectè poenæ suæ carcere constringuntur; ego autem, quia jam æternitatis tuæ *libertatem desidero*, cur adhuc mea carcere corruptionis premor?

a Videmus in hoc sæculo *insertos nexibus catenarum reos*, in specie pompæ miserabilis duci, & nonnunquam patiuntur infontes, ut tolerabilius sit mori, quàm talia subire supplicia. Optant utique audiri bene sibi conscii. Optant etiam hi, qui gravibus flagitiis urgentur, poenam mortis celebritate transigere, ut aliquanta compendia poenarum lucrentur. Spes est etiam de iudicis misericordia. Ipso exilio *claustra carceris* duriora sunt.

b Quemadmodum (igitur) eorum, qui in carceres conjiciuntur; hi quidem in afflictione carceralium vinculorum detinentur, introclusi diuturniore temporis morâ: illi verò ab ea calamitate submoventur, sic & animæ. Etenim hæ destinantur in præsentī vita diutiùs, aliæ minùs pro cuiusque merito, dignitateve, ii juxta Divinæ sapientiæ profunditatem, sic ut mens nulla hominum ea possit attingere, quæ de
unio-

a Ambr. in Psalm, 118. *b* Basil. in hom. in Martyr. Julitram.

unoquoque nostrum ipse Creator prævidit. Non audiſ dicentem David: *Educ de carcere animam meam*? Non audiſti, ut ſancti ejus exſoluta anima eſt? quid rurfus ſimeon, Dominum noſtrum pio ulnarum attingens complexu, cujuſmodi vocem emiſit? nonne hanc? *Nunc dimittis ſervum tuum Domine*. Ei enim, qui ad ſupernum & cœleſte domicilium feſtinus contendit, ſupplicio omni. *omni carcere* gravior eſt hæc inhabitatio corporis.

a O miſera ſors hominis, cùm hoc perdidit, ad quod factus eſt! ô durus & dirus caſus ille! heu quid perdidit & quid invenit! quid abſceſſit, & quid remanſit? perdidit beatitudinem, ad quam factus eſt, invenit miſeriam, propter quam factus non eſt. Abſceſſit, ſine quo infelix eſt, & remanſit. quod per ſe, non niſi miſerum eſt. *Ærumnoſi!* unde ſumus expulſi? quò ſumus impulſi? unde præcipitati? quò obruti? *A* patria in exilium; à viſione DEI in cæcitatem noſtram; à jucunditate immortalitatis, in amaritudinem & horrorem mortis. Miſera mutatio! de quanto bono, in quantum malum! grave damnum, gravis dolor, grave totum! ſed heu me miſerum unum de aliis miſeriſ filijs Evæ elongatis à DEO? quid incoepi? quid effeci? quò tendebam? quò deveni?

d *Diſſolve me oro, à vinculis, quibus conſtrictus teneor, ut relinquens iſta omnia, tibi feſtinem, tibi ſoli inhæream, ſoli intendam.*

a Hinc

a *Anſelm. in proſolog. cap. I.* *b* *Hugo de S. Victor. lib. 4. de anima cap. 4.*

a Hinc me, CHRIS^{TE} potens, educ, jam quæso,
malisque,

Quæis crucior medicam protinus affer opem.

Unum homini est certumque bonum fixumque beata

Vita; animas cujus languet amore meus.

b Felix anima quæ terrenis resoluta corpore libera
cælum petit? secunda est & tranquilla, non ti-
met hostem neque mortem: habet enim semper
præsentem, cernitque indefinenter pulcherri-
mum Dominum, cui servivit, quem dilexit, &
ad quem tandem læta & gloriosa pervenit.

c Tu (ergo) Domine! expectatio Israël, de-
siderium, ad quod suspirat cor nostrum quoti-
die; festina, ne tardaveris; surge, propera & ve-
ni, ut educas nos de isto carcere, ad confitendum no-
mini tuo.

d Veni Domine, & noli tardare, veni Domi-
ne JESU, veni & visita nos in pace; veni &
educ vinctos de carcere, ut lætemur coram te, cor-
de perfecto; veni salvator noster; veni deside-
ratus cunctis gentibus; ostende faciem tuam &
salvi erimus; veni lux mea, Redemptor meus,
educ de carcere animam meam, ad confitendum no-
mini Sancto tuo! O verè felices, qui è carcere ad
palatium pervenerunt?



XI.

a Nazianz. *carm. de hominis vilitate.* *b* Aug.
med. cap. 13. *c* Aug. *soliloq. cap. 23,* *d* Aug. *soliloq. cap. 31.*



*Quemadmodum desiderat Cervus ad fontes
aquarum; ita desiderat anima mea ad te
DEUS. Psal. 41.*

XI.

Quemadmodum desiderat cervus ad fontes aquarum, ita desiderat anima mea ad te DEUS. *Psalm. 41.*

Scire cupis, mea lux, quibus intus amoribus urar?

Quantaque flamma tui pectora nostra coquat?

Nec satis extulero sitientis imagine prati,

Aut viola, nimio quæ jacet usta die.

Nec satis aestifera depinxero fulmine stellæ,

Cùm canis ardenti sidere torret humum.

Ah! quàm pulvereæ Lybies patiuntur arena,

Æstuat hæc, nostro siccior ore sitis.

Siccior Icario quàm dum canis imminet astro,

Aut viola testò flos cadit ustus agro.

Vis dicam, mea lux, quàm te meus ardor anhelet?

Cervus ut irrigui fontis anhelat aquas.

Nempe venenifero pastus serpente medullas,

Cervus agit totis hausta venena sibiris;

Aut humeros tincti traiectus arundine teli.

Carpitur infesta viscera tacta lue:

Ille furit, pectusque citatus anhelitus urget,

Cæcæque per sylvas saucius antra petit:

Antra petit fugiens salientibus humida lymphis,

Ut sua fontano guttura rore lavet.

Hic rivi scatebris fumantia temperat ora,

Pellit & amne sitim pellit & amne luem.

*Haud aliter scelerum mihi mens temerata veneno,
Tela venenata combibit uncta manu.*

*Et modò combibitum populatur pectora virus,
Ardet & in tacito noxia flamma sinu.*

*Nempe graves, animi sunt toxica vindicis ira,
Et tua quæ jaculas tela, venena, Venus.*

*Quaque gravant nimio spumantia pocula Baccho,
Pocula quæ diro gramine pota necant.*

*Aspicias, ut tumido turgescunt pectora fastu?
Pectoribus fastus virus inane tumet.*

*Quo sitiens igitur peterem de flumine lympham,
Cum mea tam varium viscera virus edit?*

*Ah! nisi te, nullo sitis hac placatur ab haustu,
Tu potes hanc solus fonte domare sitim.*

*Scis etenim, mea lux, quàm te, meus ardor an-
helet,*

*Cervus ut irrigui fontis anhelat aquas.
Cervus odorisequi fugitivus ab ore Molossi,*

*In laqueos nullo sæpè sequente ruit;
Tunc densam aspiciens venantum, hinc inde co-
ronam,*

*Tela super saltu corpora fertur agens.
Exoritur clamorque canum strepitusque sequen-
tum,*

*Ille fugit, tergo cornua celsa locans;
Ambiguusque pavet ne sit comprehensus, & ipsa
Quæ jam præteriiit tela canesque timet.*

*Respectansque metu, per saxa, per avia currit,
Igneus atque illi spiritus ore micat.*

*Gutturæque ardenti flagrant arentia lingua,
Quaque sitim relevet, quarit anhelus aquam.*
Tum

Tum fontis mediis venas rimatus avenis
 Fontano ravidam mergit in amne sitim;
 Et bibit & potis largè se proluit undis;
 Haurit & exhausto robur opemque lacu.
 Sic ego tartareis cingor, mea vita sagittis,
 Egraque flammata torreo ora siti.
 Hinc puer Idalius, premit hinc ad retia Bacchus,
 Et multa ancipitem trudit. uterque cane.
 Sublimes levis hinc suspendit Gloria casses,
 Hinc tumidus pedicis fallere tentat Honor.
 Inde cohors magnis sociorum hortatibus instat,
 Et docet exemplo crimina quisque suo.
 Hei mihi, quos circum venabula stricta minantur?
 Ceu fera, cum cincto clausa tenetur agro.
 Mille vias repetens, infraque, supraque pererro,
 Si qua mea pateant hospita lustra fuga.
 Tum mihi per siccas sitis aestuat ignea venas,
 Et sensim vapidas decoquit igne fibras.
 Fontis inops igitur ad flumina quaque recurro,
 Flamma sed hæc nullo flumina victa fugit.
 Sic cadit obscænos miles defessus in haustus,
 Sic licet infami turbida lymphæ luto.
 Sperabam effossis æstum compestere rivis,
 Æstus at infusæ gurgite crevit aquæ.
 Qualis in amne levem sectatur fancibus undam
 Tantalus, & fallit, quam dedit unda fidem.
 Mobilibusque inhiat, deluso gutture, lymphis,
 Semper aquæ locuples, semper egenus aqua.
 Scilicet haud simili calor hic extinguitur haustu,
 Nec domat hanc cœni turbida lymphæ sitim.
 Cœlestes animus sitit insatiabilis undas,
 Cervus ut irrigui fontis anhelat aquas.

*Ite igitur nigro torpentia flumina stagno,
 Non bibit è vili gurgite nostra sis.
 Ite graves stygiis serpentibus, ite lacuna,
 Noxia Tartareis flumina pasta vadis:
 Ite, sitit superi dias mens fluminis undas,
 Cervus ut irrigui fontis anhel et aquas,*

*Quemadmodum desiderat Cervus ad fontes
 aquarum, ita desiderat anima mea ad
 te DEUS, Psalm. 41.*

Hic est mos amantium, amorem non celare, sed enunciare vicinis, & dicere, se amare. Ardens enim res est natura dilectionis, nec poteſt anima ſuſtinere, ut tam ſilentio teneat. Ita hic beatus DEUM amans, & ardens in amore, non poteſt in animo inducere, ut taceat, ſed aliquando quidem dicit: *Quemadmodum desiderat Cervus ad fontes aquarum; aliquando autem; DEUS, DEUS meus, ad te d. luce vigilo.*

Quoniam quis eſt, qui ſic cantat? ſi volumus, nos ſumus. Et quid quaris extra, quæſitam ſit, cum in tua poteſtate ſit, eſſe quod quæris? Eja fratres ſimul amemus, ſimul in hæc ſiti ardeſcamus, ſimul ad fontem intelligendi curramus. Deſideremus velut *Cervus fontem*, deſideremus illum fontem, de quo ſc. iſrura dicit: *Quoniam apud te eſt fons vitæ.* Ipſe enim fons
 & lu-

a Chryſoſt. homil. in Psalm. 41. b Auguſt. in Psalm. 41.

& lumen est, quoniam in lumine tuo videbimus lumen. Si & fons & lumen est, meritò & intellectus est, quia & faciat animam avidam sciendi. Curre ad fontes, desidera aquarum fontes. Apud DEUM est fons vitæ, & inficcabilis fons in illius luce lumen inobscurabile Lumen hoc desidera; quemdam fontem quoddam lumen. quale non norunt oculi tui; cui lumini videndo oculus interior præparatur, cui fonti hauriendo fitis interior inardescit.

a Salutaris nimirum aqua, quæ noxiam huius mundi sitim, & vitiorum ardorem prorsus extinguit, sordeles omnes peccatorum eluit, animæ nostræ terram celesti imbre irrorat atque fecundat; & ad solum DEUM anhelò spiritu mentem humanam sitientem reddit. Hæc aquâ largiter potatus fuit Propheta, cum totus ad DEUM suspirans dixit: *Quemadmodum desiderat cervus ad fontes aquarum, ita desiderat anima mea ad te, DEUS!*

b Curre ad fontem, desidera fontem, sed noli utcumque, noli ut quaecumque animal currere, ut *Cervus* curre. Quid est? ut *Cervus*? Non sit tarditas in currendo, impigrè curre, impigrè desidera fontem. Invenimus enim insigne velocitatis in Cervo, sed fortè non hoc scriptura solum nos in Cervo considerare voluit, sed & aliud audi: Quid aliud est in Cervo? serpentes necat, & post serpentium

X 3

inter-

a Cyril. lib. 5. in Joan. cap. 10. b August. in Psalm. 41.

internecionem, majori sibi inardescit; peremptis serpentibus ad fontes acrius currit. Serpentes, vitia tua sunt, consume serpentes iniquitatis, tunc amplius desiderabis fontem veritatis. Avaritia forte in te tenebrosum aliquid sibi at- & sibilat adversus verbum DEI, sibilat adversus praeceptum DEI. Et quia tibi dicitur: Contemne aliquid, ne facias iniquitatem; si mavis facere iniquitatem quàm aliquod commodum temporale contemnere, morderi magis eligis à serpente, quàm perimere serpentem. Cum ergo faveas adhuc vitio tuo, cupiditati tuæ, avaritiae tuæ, serpenti tuo, quando in te invenio tale desiderium, quo curras ad fontem aquarum? quando concupiscis fontem sapientiae cum adhuc labores in veneno malitiae? interfice in te, quidquid contrarium est veritati, & cum te videris tanquam vacare à cupiditatibus perversis, noli remanere, quasi non sit, quod desideres. Quaris forte, unde delecteris; Desidera, unde delecteris: *Desidera ad fontes aquarum*, habet DEUS, unde te reficiat, & impleat venientem ad se, & sitientem post interemptionem serpentium, tanquam velocem Cervum. Est aliud, quod animadvertas in Cervo. Dicuntur Cervi, vel quando in agmine suo ambulant, vel quando natando, alias terrarum partes petunt, onera capitorum suorum super se invicem ponere; ita ut unus praecedat & sequantur, qui supra eum capita ponant; & supra illos alii consequentes, & deinde alii, donec agmen finiatur. Ille autem
unus,

unus, qui pondus capitis in primatu portabat fatigatus rediit ad posteriora, ut alius ei succedat, qui portet, quod ille portabat, atque fatigationem suam recreet posito capite, sicut & ceteri ponebant. Ita vicissim portando, quod grave, & viam peragunt & invicem se non deserunt. Nonne quosdam Cervos alloquitur Apostolus dicens! *Invicem onera vestra portate, & sic adimplebitis legem CHRISTI.* Talis ergo Cervus in fide constitutus, nondum videns, quod credit, cupiens intelligere, quod diligit, patitur contrarios Cervos non solum obscuratos intelligentiâ, in tenebris interioribus constitutos, vitiorum cupiditate cecatos, insuper insultantes, & dicentes homini credenti, & quo credit, non ostendenti, *ubi est DEUS tuus?* quid ergo iste Cervus fecerit contra hæc verba, audiamus ut ipsi, sic possimus, faciamus. Primum, expressit sitim suam: *Quemadmodum, inquit Cervus desiderat ad fontes aquarum, ita desiderat anima mea ad te, DEUS.* Quid si Cervus ad fontes aquarum lavandi causâ desiderat? utrum ergo bibendi, aut lavandi causa, nescimus? audi, quod sequitur, & noli quærere: *Sitivit anima mea ad Deum vivum.* Quid sitivit? *quando veniam, & apparebo ante faciem DEI?* hoc est, quod sitio, venire & apparere, sitio in peregrinatione, sitio in curia, satiabot in adventu. Sed quoniam sicut Cervus desidero ad fontes aquarum; & est apud eum fons vite, Quid agam, ut inveniam DEUM meum?

Considerabo te ram; & facta est terra: Est magna pulchritudo terrarum sed habet artificem: Magna miracula sunt seminum, atque gignentium, sed habent ista omnia Crea orem: Ostendo magnitudinem circumfusi maris; stupeo, miror; artificem quero. Caelum suspicio & pulchritudinem siderum; admirror splendorem solis, exercitio diei sufficientem; lunam nocturnas tenebras consolantem. Mira sunt hæc, laudanda sunt hæc vel etiam stupenda sunt hæc, neque enim terrena, sed etiam coelestia sunt hæc. Nondum ibi stat sitis mea. Hæc miror, hæc laudo, sed eum, qui fecit hæc; sitio.

^a Anima (enim) quam tangit amor DEI, nihil aliud potest cogitare, nihil desiderare. sed frequenter suspirat, dicens: *Sicut Cervus desiderat ad fontes aquarum, ita desiderat anima mea, ad te DEUS meus.*

^b O fons vitæ, vena aquarum viventium, quando veniam ad aquas dulcedinis tuæ de terra deserta invia & inaquosa, ut videam virtutem tuam & gloriam tuam. & satiem ex aquis misericordiarum tuarum sitim meam? sitio, Domine fons vitæ et, satia me. sitio Domine, sitio te DEUM vivum.

^c *Sitivit in te anima mea, quàm multipliciter tibi caro mea.* In alia vita, cum resurrexerit caro, satiabitur; modò ex corruptione fragilitatis si non manducemus, deficimus & elurimus;

^a August. man. cap. 20. ^b August. soliloq. cap. 35. August. in Psalm. 62.

rimus; si non bibamus, deficiamus. & sitimus. si diu vigilemus. deficimus & dormimus; si diu stemus, fatigamur. ideo sedemus; & si diu sedeamus fatigamur. & ideo surgimus. In istis omnibus multiplicibus defectionibus nostris, sitimus illam incorruptionem; & sic caro nostra, *multipliciter sitit DEUM*. In ista Idumæa. in isto deserto, quàm multipliciter laborat, tam multipliciter sitit; quàm multipliciter fatigatur, tam multipliciter sitit illam infatigabilem incorruptionem, in terra deserta, sine via & sine aqua, talis enim est mundus iste.





*Quando veniam, & apparebo ante faciem
DEI? Psal. 41.*

XII.

Quando veniam & apparebo ante faciem
DEI? Psal. 41.

*A*H quoties, mea lux, mihi seria verba dedisti

Nulla secuta tamen, seria verba fides!

Euge brevi venies toties dixisse recordor;

Adde fidem verbis, dic semel. Euge veni.

Hæu mihi, quàm longæ sunt expectantibus horæ!

Plus ævi spatium creditur una dies.

Jam, mea lux, lapsi menses, tot aguntur &
anni,

Spemque facis toties, spem tamen usque negas.

Quid miseram spatium tam lentis ferreus uris?

Et toties, parvo hic tempore, dicis eris

Jam lacerant falsis me publica compita sannis,

Et tuus ille DEUS, dic ubi? quisque rogat.

Quando igitur veniam? quando tibi libera sistar?

Quando adstabo oculis obvia facta tuis?

Aspicias, ut misero consumar squallida luctu?

Qua careo, facies hæc mihi damna facit.

O facies animi crudele mei tormentum

Unica quæ præsens esse medela potes.

O quando facies toto spectabilis orbe.

Quando tuo dabitur lumine posse frui;

Scilicet ut gravis est terris absentia Phœbi,

Squallet & obscurus, sole latente, dies:

Nec color est hortis, nec amœnis gratia sylvis,
 Jamque silent homines, jamque siletis aves:
 Mox ubi purpureo roscum caput extulit ore,
 Lætâ micas radlis, luce nitente, dies;
 Et suus est hortis color, & sua gratia sylvis,
 Jamque strepunt homines, jamque loquuntur
 aves;

Sic ego, te viso, moriens, mea vita, resurgo;
 Vivaque non viso protinus emorior
 Sapè jubes, alio me pascere lumina vultu,
 Multaque conspectu corpora pulchra refert.
 Aspice prata, inquis, formosas aspice flores;
 Picta mei multum prata coloris habent.
 Aspice cœruleo palantes æthere stellas;
 Hæ quoque de nostro lumine, lumen habent.
 Aspice & humanis præstantia corpora formis;
 Est meus humano multus in ore decor.
 Siccine, Lux, nostris sperâsti illudere votis?
 Falsaque supposito vendere frustra vitro?
 Non ego polliceor mortalis imagine formæ.
 Ah, mea fax facies est, mea vita, tua!
 Illa, ô digna DEO facies! gravis ille suavi
 Mixtus in ore timor, parque timoris, amor.
 Illa supercilii majestas dia, cadentum
 Cœlituum prono quam colit ore tremor.
 Nam quæ pars tanti sedet ulla in fronte de-
 coris,
 Lux mea, quanta tua fronte, genisque sedet?
 Ah, neque si faciem cœat decor omnis in unam,
 Tanta sit ullius gratia, quanta tua!
 Lux mea splendidior quantò supereminet astris
 Lucifer, & quantò Cynthia Lucifero;
 Ipsaque

*Ipsaque quantò iterum superatur Cynthia Phœbo,
Tanto formosior omnibus ore prais.*

De tribus id melius narrabit testibus unus,

Qui tibi tum comites vertice Thabor erunt.

Cum testata DEUM facies tibi flammea luxit,

Cinxit & auratas fax radiata comas:

Nempe aliquis tanta captus dulcedine lucis,

Et nimio formæ saucius igne tua;

Immemor & patriæ, oblitusque sui que suorum.

Optabat stabiles figere morte lares.

Nec tamen angustum, qualis, quantusque videri

Cœlitibus solitus viderat ille DEUM.

Viderat aëreos absistere vultibus ignes,

Ut solet accenso candida mica foco.

Viderat ardenti rutilantem vertice flammam,

Quale laceffitum Sole resulget ebur.

Viderat, ut placidis Lucina videris in undis,

Cùm tuus in nitidis fluctuat ardor aquis;

Aut qualis pelago Cœli vibratur imago,

Unda repercussæ cùm tremunt igne poli.

Quid dicturus erat, teta si luce coruscas

Vidisset, circum tempora bina faces!

Quid si oculos? quid faciem sine nube micantem?

Quodque polo facies lumen utroque jacet;

Quando erit ille dies, mea lux, rex ille dierum,

Numinis ambrosiæ cùm sinar ore frui!

Sæpè quidem vestros specto sub imagine vultus,

Cùm vultus obeunt spica merumque tuos;

*Magna, equidem fateor, tamen imperfecta vo-
luptas*

Pro facie, faciem nube t'gente frui:

*At mihi mens alio stimulata cupidine flagrat,
Ardet & innubes leta videre genas.
Quando erit ergo dies, cùm te, sine nube, videbo?
Impedient faciem vela nec ulla tuam?
Solaque, quæ fueras animo libata voluptas,
Tandem oculis etiam percipière meis?
Illa dies, fausto si quando affulserit astro,
Jure, erit his oculis carior illa dies.*



Quando

*Quando veniam & apparebo ante faciem
DEI? Psalm. 41.*

SI invenis melius quàm videre faciem DEI,
illuc te prepara. Væ tali amorì tuo, si
vel suspicaris aliquid pulchrius, quàm est ille, à
quo est omne pulchrum, quod te teneat, ne il-
lum cogitare merearis.

b Dulcissime, amantissime, benignissime,
carissime, pretiosissime, desideratissime, ama-
bilissime, pulcherrime, quando te videbo?
quando apparebo ante faciem tuam? quando satia-
bor de pulchritudine tua, quando educes me
de hoc carcere tenebroso, ut confitear no-
mini tuo.

c Dic nunc totum cor meum, dic nunc DEO.
*Quæro vultum tuum, vultum tuum Domine requi-
ro.* Eja nunc ergo, Tu Domine DEUS meus,
doce cor meum, ubi & quomodo te querat,
ubi & quomodo te inveniat. Quibus signis,
quâ facie te queram? nunquam te vidit, Do-
mine DEUS meus, non novi faciem tuam, quid
faciet altissime Domine, quid iste tuus lon-
ginquus exul? quid faciet servus tuus anxius
amore tui, & longè projectus à facie tua?
anhelat videre te, & nimis abest illi facies tua.
Dominus DEUS meus es, & DEUS meus, &
nondum te vidi. Tu me fecisti & refecisti, &
omnia

a *August. in Psalm. 43.* **b** *August. med. cap. 37.*
c *Anselm. in prolog. cap. 1.*

omnia mea bona tu mihi contulisti, & nondum novi te. Denique *ad te videndum factus sum*, & nondum feci propter quod factus sum.

a Hæc est plena beatitudo, & tota glorificatio hominis, *videre faciem DEI sui*, videre eum, qui fecit Cælum & terram, videre eum, qui fecit eum, qui salvavit eum, & qui glorificavit eum. *Exquisivit te facies mea. faciem tuam Domine, requiram*, faciem Domini virtutum, in qua sola consistit tota gloria sempiterna beatorum.

b O quando veniam & apparebo Domine ante faciem tuam? putasne, videbo diem illam, diem, inquam, jucunditatis & lætitiæ, *diem quam fecit Dominus, ut exultemus & lætemur in ea?* O dies præclara & pulchra, nesciens vesperum, non habens occasum, in qua audiam vocem laudis, vocem exultationis & confessionis, in qua audiam, *intra in gaudium Domini tui!* intra in gaudium sempiternum, in domum Domini DEI tui, ubi sunt magna & inscrutabilia & mirabilia, quorum non est numerus. Intra in gaudium sine tristitia, quod continet æternam lætitiā; ubi erit omne bonum, & non erit aliquod malum; ubi erit, quidquid voles & non erit, quidquid coles; ubi erit vita vitalis, dulcis & amabilis, semperque memorialis; ubi non erit hostis impugnans, nec ulla illecebra, sed summa & certa securitas, segura tranquillitas, & tranquilla jucunditas, jucunda felicitas, felix æternitas,

æterna

a August. soliloq. cap. 38. b August. soliloq. cap. 35.

æterna beatitudo beata visio, quæ est gaudium Domini. DE I tui.

^a Hanc verò dulcedinem, ut gustavit Petrus, omnium inferiorum oblitus, clamavit, quasi ebrius, dicen: *Domine, bonum est, nos hic esse, faciamus nobis hæc tria tabernacula, hic moremur, te contemplemur, quia nullo alio indigemus. Sufficit nobis, Domine videre te*, sufficit, inquit, tantâ dulcedine satiari: unam enim stillam dulcedinis gustavit, & omnem aliam fastidivit dulcedinem. Quid putas, dixisset, si magnam illam multitudinem dulcedinis Divinitatis tuæ gustasset, quam abscondisti vimentibus te?

^b Vide quoque ardentem hominem (Davidem) vide inflammatum; sciens enim se cum hinc recesserit eum esse visurum, ne expectat quidem dilationem; moram enim non patitur & si esse quidem privatu aliquis humilique & abiectus, & vivens in pauperate, magnum quiddam esset vel sic, vitam præsentem contemnere; sed non esset adeo magnum ut nunc est, utpote Rex est & tantis fruitur deliciis; tantaque est gloriæ particeps, & est innumera-biles victorias consecutus, multaque bella vicit, & est omni ex parte clarus, insignis & illustris; qui hæc omnia irrideat, divitiarum & gloriam & omnes delicias, ad futura autem aspi-ret & in-hiet, hoc est, magni cujusdam & excelsi animi, hoc est animæ, quæ tenetur studio sapientiæ, & cœlesti amore verè capta est,

^a Moyſes

^a Aug. soliloq. cap. 22. ^b Chryſ. hom. in Psalm.

a Moyses sic desideravit & concupivit videre ipsam speciem DEI, & loquenti secum dixit: *Si inveni gratiam ante te; ostende mihi temetipsum, adimplebis me letitia cum vultu tuo.* (

b Et ego parvulus, inter parvulos familiarum, DEUS pater. & virtutis mea, quando veniam & apparebo ante faciem tuam, ut qui tunc tibi confiteor ad tempus, extunc confitear tibi in aeternum? Beatus ero, si fuero admissus ad videndam claritatem tuam. Quis mihi hoc tribuat, ut ad hoc venire permittas me!

c Sed quando veniam? en quod citius est DEO, tardum est desiderio. quando veniam & apparebo ante faciem DEI? ex illo desiderio est & hoc, quod clamatur alibi. *Unam petii à Domino, hanc requiram, ut inhabitem in domo Domini, per omnes dies vitæ meæ.* Quare hoc, ut contempler delectationem Domini, quando veniam & apparebo ante faciem Domini. Interim dum meditator dum curro, dum in via sum, antequam veniam, antequam appaream, fuerunt mihi lacrye & meæ panes dicere nocte, cum dicitur mihi per singulos dies; ubi est DEUS meus?

d Eja jam Domine! eja appare mihi & consolatur ero! Exhibe præsentiam tuam, & consecutus ero desiderium meum. revela gloriam tuam, & erit perfectum gaudium meum. *Sitivit te anima mea, quàm multipliciter tibi caro mea! Sitivit anima mea ad DEUM fontem vitæ; quando veniam & apparebo ante faciem Domini? Quando venies*

a August. in Psalm. 1:8. *b* August. solil. c. 28. *c* Aug. in Psalm. 41. *d* Aug. med. cap. 40.

venies consolator meus, quem expeſco? ô ſi
quando videbo gaudium meum, quod deſide-
ro! ô ſi ſatiabor, cum apparuerit gloria tua,
quam eſurio! ô ſi inebriabor ab ubertate comûs
tuæ, ad quam ſuſpiro; ô ſi potabis me torrente
voluptatis tuæ, quam ſitio! ſint mihi, Domine
interim *lacrymæ meæ panes die ac nocte*, donec di-
catur mihi: Ecce DEUS tuus; donec audiat ani-
ma mea: Ecce ſponſus tuus.

6 Oſtende te mihi, consolator meus, *videam*
te, lumen oculorum meorum. Veni gaudium
ſpiritus mei; *videam te* lætitia cordis mei. Dili-
gam te, vita animæ meæ. *Appare mihi*, delecta-
tio mea, ſolacium meum dulce, Domine DEUS
meus, vita mea, & gloria tota animæ meæ!



XIII.

a *August. Soliloq. cap. I.*



*Quis dabit mihi pennas sicut columbae, &
volabo & requiescam! Psal. 54.*

XIII.

Quis mihi dabit pennas sicut columbæ, &
volabo & requiescam? Ps. 54.

Magne opifex rerum. generis mortalis origo,
Corpora nostra tuâ sunt fabricata manu.
Si tamen adversis liceat contendere verbis,
Quos habeant naves corpora nostra, querar.
In tria jus homini vastissima regna dedisti;
In maria, in terras, æthereasque domus:
Tanta sed ut justis tria regna gubernet habenis.
Non quantum hæc possit machina, robur habet.
Parce, parum timide temeraria verba loquenti,
Plus operi vitii, quam reputetur, inest.
Morus abesse homini fertur, doluisse fenestram,
Cetera tam nitidæ membra probasse domus:
Sed fueritne foris fueritne foraminis, usus;
Lis erit arbitrio, Mome, secunda tuo.
Officit humana, me iudice, turpius adi,
Nulla quod obsequium squamma vel ala ferat.
Non quod opus squammis ut terra regatur & alis;
Imperium terræ squamma nec ala juvat.
Sed simul æthereas homo cum moderetur habenas,
Et simul æquoreæ cæcula sceptræ plagæ;
Qua, nisi sint pinna, tumidas reget arte procellas?
Qua, nisi sint pennæ, nubila lege premet?
Ut volet, ærea volucris petit ardua, pennæ;
Piscis ut æquor aret, squammea pinna facit.
Sed neque pinna vices homini, neque pennam instruat,
Et simul hic fluctus & simul Astra reget?

Nec

Nec pelago piscis, neque nubibus imperat ales,
 Cur opus his, penna remigioque fuit?
 Scilicet, ingenii minus, orbis & artis haberet,
 Ne streperet pennis stridula musca suis.
 Nec stabili geminus penderet cardine mundus,
 Bina nisi querulas ala moveret apes.
 Quid, quod & in triplici, volucrum vilissime regno
 Principis instar, iter Mergæ natator, agas:
 Et modò graminea pedes exspatieris in herba;
 Mox avis alta petas; mox freta nauta soces.
 Quin potius triplicis cessit tibi regia mundi,
 Per tria qui pennis hospita regna volas?
 Aut tria si fuerint hominis loca credita cura,
 Cur homini, triplici non licet ire via?
 Carulus æquorei Nereus pater ipse profundì,
 Non nisi squamigeris currere fertur equis:
 Juppiter, æreum qui flectere fingitur, orbem,
 Ætheris, ipse vehens alite; carpit iter.
 Nec levitas hominem cel'ri fert plumbea penna,
 Nec liquidas pinna remige findit aquas.
 Et flectet geminum iustis sine viribus, orbem,
 Æthere factus avis, factus in amne ratis?
 Ut tamen undis fragæ careat moderamine pinna,
 (Plurima cum pinnis corpora cassa natent.)
 At sine præpetibus nulli patet ardua pennis,
 Quæ patet aligero Regia sola gregi:
 O, liceat vacuas mihi tollere corpus in auras,
 Altaque sidera & se regna plage!
 Aspice quos inter jaceat mea patria mores,
 Indignus patriæ numen habere locus.
 Aspice, nec quid amem volucres, mirabere, pennas,
 Ne gravior, quàm quæ Perseæ, causa movet.
 Pega-

Pegaseis utinam rapiar super aethera plantis,
 Aut moveat volucres Perseos ala pedes!
 Aut agiles humeris aptes mihi, Dædalæ, ceras,
 Icariis quamvis fabula labar aquis!
 Aut lapsas agitem pennato pectore plumas,
 Quas vulsit vario picta columba sinu!
 Astra columbinis meditabor protinus alis.
 Et ferar ante tuam, Juppiter, ales avem.
 O stultæ volucres gens nata palustribus ulnis,
 Sueta cavernasos turba natare lacus!
 Non ego, si vestras mihi Dædalus applicet alas,
 Littora vel scopulor imaque saxa ligam.
 Non ego, flumineæ volitem levis accola ripæ,
 Aut mea percussas penna flagellet aquas:
 Non mea torpentes circumvolet ala paludes;
 Ut propior segnes radit hirundo, lacus.
 Non mea, ceu mœstis Ceyx dum plangitur undis,
 Humida vicino se latet ala freto.
 Persequar aethereum sublimior ales Olympum,
 Altaque mox solitis nisibus astra petam.
 O quondam felix hominum, modò turba volucrum,
 Quos amor, in celeres iraque vertit aves!
 Cur mea non capiunt agiles quoque brachia plumas,
 Induit aut motas hispida penna manus?
 Quæ ludunt liquidis examina plumea campis,
 Aligeroque secant nubila celsa pede!
 Si mihi, Nise, tuo plumescant brachia fato,
 Cruraque Scyllais vestiar hirta comis;
 Si levis Aonio fierem certamine pica,
 Aut, Cytheræa, tua verterer ales ave;
 O mea si tangant aliquod suspiria Numen,
 Muter ut in pennas, casta columba, suas!
 Scilicet

*Scilicet adveſtam, ceu Chaonis ales, olivæ
 Reppetiit notæ teſta Noëi ratis;
 Protinus aligeris raperer ſuper æthera velis,
 Noſtra nec hæc iterum viſeret ala plagas,*

*Quis mihi dabit pennas ſicut columbæ, &
 volabo, & requieſcam? Pſ. 54.*

a *I*nardeſcit & ſuſpirat omnis peregrinus in ſæculo Patria cœleſtis, patria contemplationis, Angelorum patria! ubi nullus moritur, quo nullus hoſtis admittitur, Patria, ubi nullam timeas inimicum.

b *Quis dabit mihi pennas ſicut columbæ, & volabo, & requieſcam? Nihil mihi tam dulce, quàm cum Domino meo eſſe, præbe mihi, rogo, pennas, quibus indutus, ad te volitem ſuſum.*

c *Quas pennas, niſi duas alas, duo præcepta charitatis, in quibus duobus præceptis tota lex pendet & Propheta? has alas, hæc pennas, ſi recipiam, poſſum fugere a facie tua ad faciem tuam; & à facie irati ad faciem placati. Jam volumus ſpe & deſiderio habentes alas geminæ charitatis. Hoc meditemur, hæc ſit ſpes noſtra, hæc ſit conſolatio noſtra. Recipiamus pennas per charitatem, quas amiſimus per cupiditatem: cupiditas enim viſcum facta eſt pennarum noſtrarum; eliſit nos de libertate æris noſtri, id eſt, aurarum illarum liberarum ſpiritus D E I. Inde
 eliſi*

a Auguſt. ſerm. 145. de temp. b Aug. med. cap. 37. c Auguſt. in Pſalm. 138.

elisi perdidimus *pennas* & fuimus quodammo-
do captivati in *aucupis potestate*. In ista vita, in-
ter tanta scandala, inter tam multa peccata, in-
ter tantas turbas tentationum quotidianarum,
quotidianarum suggestionum malarum; quid
facio?

a Omne tempus in sollicitudine, omnis vita
in molestiis: in *medio*, inquit, *laqueorum ambu-
las*, & alius; in *via, qua ambulat*, extentos, sibi, sed
absconditos laqueos quarebatur, ne deprehensus
caderet? volebat fugere *sicut passer*, sed adhuc
laqueus contritus non erat. Perit, inquit, *fuga à
me*. Gravatus habebat *pennas* per illam tenebro-
sam aquam in *nubibus aëris*, & sortasse evolare
non poterat. Denique illas *pennas* quarebat ac-
cipere, ut *evolaret & requiesceret*, sicut scriptum
est: *Quis mihi dabit pennas sicut columba, & vo-
labo, & requiescam?*

b Etenim quasi clavis quibusdam suffigitur
anima corporis voluptatibus, & cum semel ad-
hæserit cupiditatibus demersa terrenis, difficile
in altum potest, unde descendit, sine Dei favore
revolare. Actuum enim suorum laqueis *vincta*
& deliciarum *saecularium illecebris obnoxia*
jam tenetur.

c Volare non potest, nisi quod purum leve
atque subtile est, cuius nec *sinceritas* intem-
perantiâ retardatur, nec *alacritas*, nec *veloci-
tas* mole gravatur. Gravari autem *volatum* di-
co non tam mole membrorum quàm delicto-

Y

rum;

a Ambr. de fuga saeculi cap. 5. *b* Ambr. lib. 4.
in c. 4. Luc. *c* Ambr. serm. 70.

rum; unde puto etiam in ipsis avibus ideo velocius columbam penè præ omnibus volare, quod alacritatem & innocentiam comitetur. Denique S. David, cum puritate mentis volare concupisceret, non alterius animantis nisi columbæ optavit alas; dicens, *quis dabit mihi pennas sicut columbæ & volabo & requiescam!* Intelligebat enim, quod altiora facilius penetrantur simplicitate mentis, quàm levitate pennarum.

a Conceperat amorem verbi DEI, & cupiebat ad ipsum *volatu celeri pervenire*, dicens: *Quis mihi dabit pennas, sicut columbæ, & volabo & requiescam? volabo, sensibus, volabo intellectibus spiritualibus, & requiescam, cum apprehendero sapientiæ & scientiæ ejus thesauros.* Puto enim, quia sicut qui mortem CHRISTI recipiunt, & mortificant membra sua super terram, consortes efficiuntur similitudinis mortis ejus; ita & hi qui virtutem spiritûs sancti recipiunt, & sanctificantur ex eo, & donis ejus replentur quia ipse in specie columbæ apparuit) etiam ipsi columbæ fiant, ut de terrenis & corporeis locis evolet ad celestia pennis sancti spiritûs elevati.

b Benefactum est, ut pennas acciperetis sicut columbæ & volaretis ad requiescendum. Nam in terra non erit requies, sed labor & dolor & afflictio spiritûs. Quid ergo timendum est sic volanti? nisi fortè cadaver, vel simile aliquid videat in terra, cujus desiderio tractus, videatur à venatoribus illis pessimis, & præparatis laqueis

a Greg. hom. 4. in Cant. b Bern. serm. super Beati qui habitant.

queis capiatur & sint novissima hominis illius pe-
jora prioribus?

a Stenim tamdiu transilire debemus, quid-
quid nos impedit, quidquid irretit; quidquid
visco quodam illigat, & onere aggravat volatum
nstrum donec perveniamus ad id, quod sufficit,
ultra quod nihil est, infra quod sunt omnia, ex
quo sunt omnia.

b Da, quæso, toto desiderio & omni studio,
tendere, quò te ascendisse credimus, ut in præ-
senti quidem miseria solo teneat corpore, tecum
autem sim cogitatione semper & aviditate; ut
ibi sit cor meum, ubi tu es thesaurus meus desi-
derabilis, & incomparabilis, multumque ama-
bilis. Assumat Domine, assumat, rogo, spiritus
meus pennas & volitet & non deficiat, volet &
perveniat usque ad decorem domûs tuæ, & lo-
cum habitationis gloriæ tuæ.

c Tene cor meum manu tuâ, quia sine te ad
altiora non rapitur illic festino, ubi summa pax
regnat & jugis tranquillitas ruralat. Tene & re-
ge spiritum meum, & assume illum secundum
voluntatem tuam, ut te duce ascendat ad illam
regionem ubertatis, ubi pascis Israël in æter-
num pabulo veritatis.



Y 2

XIV.

a August. in Psalm. 76. b August. med. cap.
37 c Ibidem.



Quam dilecta tabernacula tua, Domine virtutum! Concupiscit & deficit anima mea in atria Domini. Psal. 33.

XIV.

Quàm dilecta tabernacula tua Domine
virtutum? concupiscit & deficit anima
mea in atria Domini. Ps. 33.

O Qui sidereas ducis fortissime turmas,
Cui cingunt decies millia mille latus!
Quàm tua Regifico radiant Prætoria luxu!
Mens stupet, & tanta languet amore domus,
Mœnia Tanario defendunt marmore muros,
Limina sunt Parius portaque celsa lapis.
Vestibulo rutilant adamantum lumina valvae,
Amplaque magnificus culmina splendor habet.
Fulgurat excelsis fulvum laquearibus aurum,
Et camera aurata cedrina fulta trabe,
Tectum augustum, ingens, gemmisque auroque su-
perbum,
Quale putes ipsum posse decere DEUM.
Stratus humi calcatur onyx, vitreique plateas
Stellarum fundant marmora fulva, globi.
Jam sua temperies placido mitissima Cœlo est;
Qualis ubi vernis aura tepet Zephyris;
Nec glacialis hyems tremulo pede pulsat Olym-
pum,
Ista nec hiberna grandine testa sonant;
Nec pallent viso moritura sole pruina;
Nec stant marmoreo flumina vincta gelu.

Nec coquit aestivi Cererem juba seva leonis,
 Solstitii medius nec fuit igne dies,
 Nec viridis foliis sanguis fervore recedit,
 Nec testus nimio sole fatiscit ager.
 Perpetuum ver astra colunt, frigusque calorem
 Inter, Coelicolæ tempora veris agunt.
 O qui sidereas habitas, Rex maxime sedes,
 Quàm tua præ terris invidiosa domus!
 Quin absunt gelidi bruma intractabilis imbres,
 Quique regat madidos imbrifer hœdus agros;
 Æoliaque silent animæ tranquilla per alta,
 Quassaque nec venti murmure spica tremit.
 Stat placidus positis Aquilonem flatibus æther,
 Servat & æternus longa serena tenor.
 Sed neque flammantes liquido lavat æquore currus,
 Nec subit occiduat Sol fugitivus aquas.
 Nec premit astra dies, neque Sol fugat æthere stellas,
 Nec premitur lassus nocte fugante dies.
 Nulla polos tacitis nix obruit atra tenebris,
 Nigraque subducto somnia sole vocat.
 Exulat æthereis longè nox horrida terris,
 Et nitet æterno lumine clara dies:
 Clara dies, jucunda dies, septemplice Phœbi,
 Fulmineam nostri lampada, luce premens:
 O qui sidereas habitas, Rex maxime, sedes;
 Quàm tua præ terris invidiosa domus!
 Sollicita procul hinc, profuere cubilia cura,
 Et merus & tristi luridus ore dolor,
 Et caput atrato luctus velatus amictu,
 Lessus, & impexis nania mœsta comis.
 Et labor & toto gemitus proscriptus Olympo,
 Et lis & rabidi jurgia ranca fori.

*Rixæque invidiaeque, cruentaque sanguine bella,
Monstraque, quæ secum plurima, bella tra-*
hant.

*Pauperies febrisque famesque, sitisque luesque,
Quæque sequi solita Martia castra neces.*

*Hic clausæ Bello portæ, & sine militis armis
Otia cælicolæ mollia pacis agunt.*

Non galeæ, non scuta micant, non classica clan-
gunt,

Mitescunt positis aurea sacra tubis.

*Tabificique absunt, examina pallida, morbi,
Quæque cohors Letho prævia sternit iter.*

*Quin etiam Letho interdictum mœnibus urbis,
Nec quidquam in superum corpora Juris habet.
Latitiæ data cura domus, quæ sedula fletum
Elysii longè finibus arcet agri.*

*Instruit auratis convivia Regia mensis,
Quas recreant festis gaudia sancta jocis.*

*Non quia Cælicolæ dapibus jejunia solvant,
Aut ullus Superum proluat ore liquor.*

*Absque epulis, hic omnis amor compressus edendi.
Omnis & absque meri munere pulsa suis.*

*Non istis temerant Superi convivia mensis,
Aut Regio similes suggerit illa dapes.*

*Elysium sine carne epulas Bacchoque ministrat,
Cælicolumque venit nullus in ora cibus.*

*Cælestes onerant incognita fercula lances,
Quales nemo hominum, contigit ore cibos.*

*Ambrosiæ, Superos hilarat, quis nescio, succus,
DEUS, & æthereo nectare potus alit;*

*Sicque super strato æternum discumbitur ostro,
Gaudet & auratis gens epulata toris.*

*Gaudet, & Angelicos placidis bibit auribus
hymnos,*

Et salit, & rutilam sub pede plaudit humum.

O qui sidereas habitas Rex maxime sedes,

Quot tua deliciis affluit illa domus!

Jam flagrat & studio nimis inflammata videndi,

Mens desiderio deficit agra suo.

*Quàm dilecta tabernacula tua Domine
virtutum! concupiscit & deficit anima
mea in atria Domini. Ps. 83.*

MA T E R Hierusalem, Civitas Sanctā
DEI charissima sponsa CHRISTI, te
amat cor meum, pulchritudinem tuam amat
cor meum, pulchritudinem tuam nimium desi-
derat mens mea. O quàm decora, quàm glo-
riosa, quàm generosa tu es. Tota pulchra es,
& macula non est in te. Felix anima mea; sem-
perque felix in sacula si intueri meruero
gloriam tuam beatitudinem tuam pulchritu-
dinem tuam portas & muros, & plateas tu-
as, & mansiones tuas melius; nobilissimos
cives tuos, & fortissimum Regem tuum in
decore suo. Muri namque tui ex lapidibus
pretiosis; portæ tuæ ex margaritis optimis;
plateæ tuæ ex auro purissimo, in quibus
jucundum alleluja sine intermissione con-
cin-

cinitur; mansiones tuæ multæ, quadris lapidibus fundatæ, saphyris constructæ, laterculis coopertæ aureis, in quas nullus ingreditur, nisi mundus, nullus habitat inquinatus. Speciosa facta es & suavis in deliciis tuis, Mater Hierusalem; nihil in te tale, quale hic patimur, qualia in hac misera vita cernimus. Non sunt in te tenebræ, aut nox, aut quælibet diversitas temporum, sed DEUS de DEO lux de luce, Sol Justitiæ semper illuminat te, Agnus candidus & immaculatus. Lucidum & pulcherrimum est lumen tuum; Sol tuus & claritas tua, & omne bonum tuum hujus pulcherrimi Regis inefficiens contemplatio; Ipse Rex Regum in medio tui, & pueri ejus in circuitu ejus.

Ibi Hymnidici Angelorum Chori. Ibi societas supernorum Civium. Ibi dulcis solennitas omnium, ab hac tristi peregrinatione ad tua gaudia redeuntium. Ibi Prophetarum providus Chorus. Ibi duodenus Apostolorum numerus. Ibi innumerabilium Martyrum victor exercitus. Ibi sanctorum Confessorum facer conventus. Ibi veri & perfecti Monachi. Ibi sanctæ mulieres, quæ voluptates sæculi, & sexus infirmitatem vicerunt. Ibi pueri & puellæ annos tuos sanctis moribus transcenderunt. Ibi oves & agni, qui jam hujus voluptatis laqueos evaserunt. Exultant omnes in propriis mansionibus dispar est gloria singulorum, sed communis est latitiam omnium. Plena & perfecta ibi regnat charitas, quia DEUS est ibi omnia in omnibus; quem
sine

sine fine vident, & semper videndo in ejus amore ardent, amant & laudant, laudant & amant. Omne opus eorum laus DEI sine fine, sine defectione, & sine labore. Felix ergo & verè in perpetuum felix, si post resolutionem hujus corpusculi, audire meruero illa cantica cœlestis melodiarum; quæ cantantur ad laudem Regis æterni, ab illis supernæ patriæ civibus beatorumque spirituum agminibus? Fortunatus ego, nimiumque beatus, si & ego ipse meruero cantare ea, & assistere Regi meo & Duci meo!

a O tu vita, quam præparavit DEUS iis, qui diligunt eum! vita vitalis; vita beata, vita secura, vita tranquilla, vita pulchra, vita munda, vita casta, vita sancta, vita ignara mortis, nescia tristitiarum, vita sine labe, sine dolore, sine anxietate, sine corruptione, sine perturbatione, sine varietate & mutatione, vita totius elegantiarum & dignitatis plenissima, ubi non est adversarius impugnans, ubi nulla peccati illecebra, ubi est amor perfectus, & timor nullus, ubi dies æternus & unus omnium spiritus, ubi DEUS facie ad faciem cernitur, & hoc vitæ cibo, mens sine defectu satiatur. Libet me tuæ intendere claritati, delectant me bona tua avido corde. Quantò plus valeo tecum considerare, tantò plus amore tui langueo, tui vehementi desiderio, tuique dulci memoriâ admodum delector. Libet itaque, libet in te
oculos

oculos cordis attollere, statum mentis erigere, affectum animi conservare. Libet sanè de te loqui, de te audire, de te scribere, de te conferre, de tua beatitudine & gloria quotidie legere & lecta sapius corde revolvere, ut vel sic possim ab hujus mortalis perituræque vitæ ardoribus, & periculis & sudoribus sub tuæ vitalis auræ dulci refrigerio transire & transiens, sinu tuo fessum caput dormiturus vel paululum reclinare. O tu vita felicissima! ô Regnum verè beatum carens morte, vacans sine! cui nulla tempora succedunt per ævum, ubi continuus sine nocte dies, nescit habere tempus, ubi victor miles, illis hymnidicis Angelorum sociatus choris, cantat DEO sine cessatione canticum de canticis Sion.

a Quæ cantica, quæ organa, quæ cantilenæ, quæ melodiæ tibi sine fine decantantur! sonant enim semper melliflua hymnorum organa, suavissima Angelorum melodia, cantica canticorum mira, quæ ad laudem & gloriam tuam à supernis civibus in perpetuum decantantur.

b O anima, suspira ardentem, desidera vehementer, ut possis venire ad illam supernam Civitatem, de qua tam gloriosa dicta sunt, in qua sicut latantium omnium habitatio est!

c Quanta erit illa felicitas, ubi nullum erit malum, nullum latebit bonum! vacabitur
DEI

a Hugo de S. Vict. lib. de anima cap. 4. b August. man. cap. 24. c 22, de Civit. DEI, cap. 30.

DEI laudibus, qui erit omnia in omnibus! Admoneor etiam sancto Canico, ubi lego: *Beati, qui habitant in domo tua Domine, in secula seculorum laudabunt te.* Omnia membra & viscera incorruptibilis corporis, quæ nunc videmus per usus necessitatis varios distributa, quoniam tunc non erit ipsa necessitas; sed plena, certa, secunda sempiterna felicitas, proficiet in laudibus DEI.

Vera ibi gloria erit, ubi laudantis nec errore quispiam nec adulatione laudabitur. Verus honor, qui nulli negabitur digno nulli deferetur indigno. Vera pax ibi est, ubi nihil adversi nec à seipso, nec ab alio quisquam patietur. Præmium virtutis erit ipse, qui virtutem dedit, eique seipsum, quo majus nihil possit esse, promisit. Quid enim est aliud, quod per Prophetam dixit: *Ero illorum DEUS, & ipse erunt mihi plebs*; nisi ego ero, unde ficientur, ego ero quæcunque ab hominibus honesta desiderantur, & vita & salus & victus & copia & gloria & honor, & pax, & omnia bona? sic enim & illud rectè intelligitur, quod ait Apostolus, *ut sit DEUS omnia in omnibus, ipse finis erit desideriorum nostrorum*, qui sine fine videbitur, sine fastidio amabitur, sine fastigatione laudabitur: ubi vacabimus & videbimus, videbimus & amabimus, amabimus & laudabimus. Ecce quod erit in fine sine fine. Nam quis alius noster est finis, nisi pervenire ad Regnum, cujus nullus est finis?

¶ O Anima

a O Anima, quid dicere valeo, cū futurum gaudium aspicio? Jam penē prae admiratione deficio; quia gaudium erit intus & extra, subtrius & supra, circum & circa. Gaudebis igitur in omnibus, gaudebis de omnibus.

b O Anima, qualis tibi erit dies illa, cū ad hanc felicem choream fueris assumpta, & cū omne tormentum tibi (si piē vixeris, si patienter sustinueris) convertetur in æternum jubilum! Tunc de omnibus his laudabis Dominum DEUM tuum, labiis exultationis, dicens: *Misericordias Domini in æternum cantabo.*

c O domus DEI æterna, post CHRISTI dilectionem, tu esto lætitia mea & consolatio; dulcis memoria tui beati nominis. fit relevatio mœtoris, tædiorumque meorum; Tædet enim me valde vitæ hujus & istius ærumnosæ peregrinationis.

d O domus DEI luminosa & speciosa, dilexi decorem tuum & gloriam habitationis gloriæ Domini mei fabricatoris & possessoris tui. Tibi suspireset peregrinatio mea die ac nocte; tibi inhiet cor meum, tibi intendat mens mea, ad societatem tuæ beatitudinis pervenire desideret anima mea.

e Quando trānsibo in illam admirabilem & pulcherrimam domum tuam, ubi personat
 Z VOX

a Bonav. soliloq. cap. 4. *b* Bonav. soliloq. cap. 4.

c Ambros. in orationib. *d* Ambros. in orationib. *c* August. *e* d. cap. 37.

vox lætitiæ & exultationis in tabernaculis Justorum? *Beati, qui habitant in domo tua Domine, in sæcula sæculorum laudabunt te!* Beati & verè beati, quos elegisti & assumpsisti in illam Coelestem hæreditatem. Ecce sancti tui, Domine, florent ante te sicut lilium; replentur enim ab ubertate domus tuæ, & torrente voluptatis tuæ potas eos, quoniam tu es fons vitæ. O quàm mira, quàm pulchra, quàm acceptabilia sunt domus tuæ habitacula, Domine virtutum, concupiscit intrare in eà hæc peccatrix anima Domine. *Dilexi decorem domus tuæ locum habitationis gloriæ tuæ, Unam petii à Domino, banc requiram, ut inhabitem in domo Domini omnibus diebus vitæ meæ.*

a O verè beati! ô terque quaterque beati, qui jam omnium malorum exuti, securi de sua immarcessibili gloria ad te, Regnum decoris, per venire meruerunt! ô æternum Regnum, Regnum omnium sæculorum! ubi lumen indeficiens & pax DEI, quæ exuperat omnem sensum, in quo sanctorum animæ requiescunt, lætitiæ sempiterna super capita eorum; gaudium & exultationum obtinebunt, & fugiet dolor & gemitus. O quàm gloriosum est Regnum, in quo tecum, Domine, regnant omnes Sancti.

b Ibi est lux sine defectu, gaudium sine gemitu; desiderium sine poena, amor sine tristitia; satietas sine fastidio, sospitas sine vitio, vita sine morte, sanitas sine languore. Ibi sancti

&

a August. Soliloq. cap. 35. *b* Gregor. in Psalm. 74. penitent.

& humiles corde, ibi spiritus & animæ justorum; ibi cuncti cœlestis Patriæ cives, & Beatorum spirituum ordines, Regem in decore suo videntes, & in gloria virtutis ejus exultantes. Perfecta viget in omnibus charitas una lætitia, una jucunditas.

Bone JESU, verbum Patris, splendor paternæ gloriæ, in quem desiderant Angeli prospicere, doce me facere voluntatem tuam, ut à spiritu tuo bono deductus. ad beatam illam perveniam Civitatem, ubi est dies æternus, & unus omnium spiritus; ubi est certa securitas & secunda æternitas, & æterna tranquillitas, & tranquilla foelicitas, & foelix suavitas, & suavis jucunditas, ubi tu DEUS cum Patre & Spiritu sancto vivis & regnas per infinita sæculorum sæcula, Amen.





*Fuge dilecte mi, & assimilare caprea, hin-
nuloque cervorum super montes aromatum.
Cantic. 8.*

XV.

Fuge dilecte mi, & assimilare caprea hinc-
nuloque cervorum super montes aro-
matum. *Cant. 8.*

O Cyūs aspectu, mea lux, te proripe nostro,
Ardeo, nec tantas mens capit ista faces.
O mala, quæ dudum timui tibi dicere verba!
Quàm, mea Lux, mallem dicere posse, mane.
Non etenim tua me præsentia tempore lassat,
Ab sine te, gravis est qualibet hora mihi!
Sed prohibent nimis incendia dulcia flammis,
Vel fuge vel nocuam, lux mea, conde facem.
Hæc mihi Tu, fateor, si jussa aliquando dedisses,
Exanimis misero lapsa dolore forem.
Parce, jubet sævis, Amor ignibus, haud ego mando.
Stare velim totos in mea vota dies:
Si possem, cuperem non persuadere quod hortor,
Si potes, invittas aure repelle preces.
Ergo mane, mea lux, monitis neque flectere no-
stris,
Nec precor, audieris quæ modo jussa dedi.
Trans mare præcipites rapiant verba irrita Cauri,
Non mea, sed stolidi verba fuere metus.
At prohibet rapidus fibras qui pascitur ardor,
Æstuo nec tantas mens capit ista faces.
Ergo fuge & celeres pedibus præverte capellas,
Antevola cervos, antevola hinnuleos.

Sed fuge respiciens, tanquam discedere nollis,
 Ut qui spectari, dum fugit, ante cupit.
 Dius in Ephremi cum pectore serueret ignis,
 Non ego par flammæ quin fugis, inquit, Amor?
 Ille triumphato clarus Xaverius Indo,
 Saucius aetheria pectora sæpè face.
 Cœlestis quoties ardebat arundinis ictus,
 Ah satis est, satis est! dicere suetus erat.
 Cùm flagrat juvenis sceptri laus magna Poloni,
 Corda rigat gelidis Stanesilaus aquis.
 Quis mea pectoribus compone pectora tantis?
 Non ego sum toti, lux mea, par pharetræ.
 Carpe fugam, pedibusque leves præverte capellas,
 Antevola cervos, antevola hinnuleos.
 In juga vicino cœlos tangentia clivo,
 Thuris ubi mandido cortice gutta tumet.
 Cedrus ubi. Laurusque & copia plurima Myrrha,
 Mixtaque puniceis Cynamalata crocis.
 Huc fuge pennigeris super alta cacumina plantis,
 Seu tua, Mons Amœna, Libane sine tua?
 Alta super juvenum fastigia Seraphicorum,
 Cherubicosque apices, Astraque summa super.
 Scilicet insoliti non sunt his montibus ignes,
 Pectora quos imis in vallibus ista timent.
 Una potest flammare meas scintilla medullas,
 Non ego par totas, lux mea, ferre faces.
 Carpe fugam, pedibusque leves præverte capellas,
 Antevola cervos, antevola hinnuleos.
 Sic tamen, ut fugiens oculis huc sæpè recurras,
 Longius aspectu neve vagere meo.
 Qualis at oppositum spectas soror aurea Phœbum,
 Cùm plus de radiis, quo magè distat, habet.
 Parce

*Parce, suas vires, mea lux, vitiumque fatenti,
 Nec tecum possum vivere, nec sine te,
 Ardeo, si properas, rigeo, si fugeris; hei mi,
 Et procul, & praesens, igne geluque nocet!
 Quid facies, mea lux, sine te non esse volenti?
 Fac caleam, toto non tamen igne cremer.
 Ergo fuge, alipedesque celer praeverte capellas,
 Antevola cervos, antevola hinnuleos.
 Interea viridem fabricabor arundine cannam,
 Et referes laudes fistula facta tuas.
 Post, ubi vox longo modulamine fessa silebit,
 Ore silente novum dextra capeisset opus.
 Arboribusque meos foliisque insculpet amores,
 Amborumque uno cortice nomen erit.
 Scriptaque prateriens ne noscat signa viator
 Littera confusum nomen utrumque teget.
 Post opus hoc, reliqua si qua super hora diei,
 Illam hi in somnos hora quietis erit.
 Si tamen ut vestri sit mixtus imagine somnus,
 Et mihi stet clausor pervigil ante oculos.
 Dum loquor, et tacitis gliscunt incendia flammis,
 Ocyus ingratam, lux mea, carpe fugam.
 Carpe fugam, veluti cuperes tamen ante videri.
 Utque brevi redeas; non Tibi dico Vale.*



Fuge dilecte mi, & assimilare caprea, hinnuloque cervorum, super montes aromatum. Cantic. 8.

a **S**PONSUS plerumque præproperè & præmaturè fugatur, & ante tempus dicitur ei. *Fuge*, quippe tempus manendi sponso & tempus fugiendi. Tempus dicendi ei; *Mane nobiscum Domine*; & tempus dicendi ei; *Fuge dilecte mi*. Tempus dimittendi eum, & tempus dicendi ei: *Non dimittam te, nisi benedixeris mihi*, nisi auxeris incrementa frugum justitiæ meæ, ut suo tempore dimittam te.

b (Sed) quis eum, quem diligit, à sua fugare præsentia velit? quod ergo ait, *Fuge dilecte mi*, non optando loquitur, sed ejus potius voluntate fervendo.

c Sicut enim in quibusdam carnalibus officiis adeò vincitur carnalis concupiscèntia, quod omnem usum rationis amittit, & fit homo quasi totus carnalis; ita meritò in hac superna contemplatione, ita consumuntur & absorbentur carnales motus ab anima, ut in nullo Caro spiritui contradicât.

d Nunquid hujus consolationis & lætitiæ testes sunt & nuncii, suspiria & lachrymæ? Si ita est, nova est antiphrasis ista & significatio inusitata;

a Guil. Abb. apud Delr. in cap. 8. Cant. **b** Beda in cap. 8. Cant. **c** Author *Scala Paradisis* tom. 9. Aug. cap. 5. **d** Idem cap. 6.

inufitata; sed quid hujus secreti colloquia proferimus in publicum?

a Dimitte me, jam enim ascendit Aurora: datā ergo benedictione mortificatio nervo femoris & mutato nomine de Jacob in Israël, paulisper secedit Sponsus, diu desideratur, citò elapsus.

b Sed ne timeas, ô sponsa, ne desperes, ne existimes te contemni, si paulisper tibi subtrahit sponsus faciem suam. Omnia ista cooperantur in bonum, & de accessu & recessu lucrum acquiris; tibi venit, tibi & recedit; venit ad consolationem, recedit ad cautelam, ne magnitudo consolationis extollat te. Hanc gratiam cum vult & quando vult Sponsus attribuit, non jure hæreditario possidetur. Vulgare proverbium est, quod nimia familiaritas parit contemptum. Recedit ergo, ne fortè nimis assiduus, contemnatur, & absens magis desideretur, desideratus avidius quærat, diu quæsitus tandem gratus inveniatur. Ne ergo exilium deputemus pro patria, arrham pro pretii summa, venit sponsus & recedit vicissim, nunc consolationem afferens, nunc universum statum nostrum in infirmitate commutans, paulisper nos permittit gustare: quàm suavis est, & antequam plenè sentiamus, se subtrahit, & ita quasi alis expansis supra nos volitans provocat nos ad volandum.

c Merito proinde quærenti illum anima responde-

a Aug. cap. 7. *b* Idem cap. 8. *c* Bern. serm. 94
Super Beati qui habit,

spondetur: *Altissimum posuisti refugium tuum.* Neque enim sic DEUM ficiens anima; aut cum Petto, ei in terreno monte facere tabernaculum, aut cum MARIA deinceps, eum tangere vult in terra, sed planè clamat: *Fuge dilecte mi, assimulare caprea, hinnuloque cervorum.*

a Hortatur enim, ut fugiat sponsus, quia jam sequi potest etiam ipsa terrena fugientem. Dicit autem, *ut similis sit damula*, quæ evadit de retibus. Vult enim & ipsa fugere & evolare supra mundum.

b *Assimulare caprea, hinnuloque cervorum super montes aromatum*, multum optando ac supplicando prosequitur, sciens hanc sibi maximam in præsentī vita esse felicitàtem; ut quia continua visione non valet, saltem crebrâ ejus visitatione consoletur, quæ nimirum felicità illis solum conceditur, qui contemptu terrestrium & gaudiorum appetitu coelestium, appellari spiritualium merentur montes aromatum, assimilatur enim caprea hinnuloque cervorum, apparentibus *super montes aromatum*, cum rursus, ut opportunum ipse judicaverit, collatâ ibi luce sui præsidii, sive obsidentia tentationum pericula tollit seu consueta: quæ subtraxisse videbatur, virtutum dona, restituit: constat enim de nostra parvitate, quia nequaquam uno atque indissimili modo semper orationum dulcedim insistere, lachrymas (vel pro reatûs nostri conscientia, vel pro desiderio

a Ambros. de bono mortis cap. 5. *b* Beda in cap. 8. Cant.

Aderio patriæ celestis) fundere valemus; ita ut nonnunquam multum conati, his ur̃i bonis nequeamus. Ac rursus aliquando, etiam minus ipsi studentes, horum copiâ potiamur. Quod, unde agitur, nisi nunc fugit dilectus; nunc mentem nostram revisit.

a Quis verò mihi hujus mutabilitatis referet Sacramenta? quis mihi explicet ire, & redire Verbi? nunquid levitate uritur sponsus? sensu animæ, non motu verbi, ista fieri sentiamus. Cum sentit gratiam, agnoscat præsentiam; cum non, absentiam queritur, & rursus præsentiam quarit: sed fortè ideo se subtraxit sponsus, quo avidius revocaretur, teneretur fortius? Nam & aliquando simulabat se longius ire, non quia hoc volebat, sed magis volebat audire: *Mane nobiscum, quoniam advesperascit.* Nunc verò constat in anima fieri hujusmodi vicissitudines euntis & redeuntis, verbi, sicut ait: *Vade & venio ad vos. Item, modicum & non videbitis me.* O modicum & modicum! ô modicum longum! Pie Domine, modicum d' eis, quod non videmus te? saluum sit verbum Domini mei, longum est? multum valdè nimis.

b Sed fuge dilecte mi, quia non possum adhuc sociari tibi in thalamo, sicut vis.

c O vocem dignam auditu dilecti! vocem de corde fideli & mente humili! hoc enim est, quod anima quævis fidelis & sapiens dicere
confue-

a Bern. serm. 75. in Cant. *b* Anselm. in cap. 3 Cant. *c* Rupert. in cap. 8. Cant,

consuevit : Domine , non sum digna , ut intres sub testum meum ; non sum digna , ut in me ostendas frequens aliquod præsentiæ , vel visitationis tuæ miraculum. *Fuge*, inquam *dilecte mi*, & saltus hujusmodi similes saltibus *capra* aut *hinnuli cervorum* effice, non super me, sed super montes aromatum, super præcella merita Sanctorum atque perfectorum.

b Aliquando intromittis me in affectum multum inusitatum inrorsus, ac nescio, quam dulcedinem ; quæ si perficiatur in me, nescio, quid erit, quod vita ista non erit ; sed recido in hæc ærumnosos ponderibus, & resorbeor solitis, & teneor, & multum fleo, sed multum teneor.

b Domine consolator meus ; in hac vita *renuit consolari anima mea*, ut digna habeatur consolationibus æternis.

Recede à me, Domine, parumper, quoniam vasis hujus infirmitas ferre non potest.

S. August. 10. confess. c. 40. Aug. Isoiloq. c. 22. 5. Esu. in vita ua.



SYLLABUS

LIBRI PRIMI

GEMITUS

ANIMÆ POENITENTIS.

ANIMA mea desideravit te in nocte.
Isaï 26.

Deus tu scis insipientiam meam, & delicta mea à te non sunt abscondita. Psal. 68. 9.

Miserere mei Domine, quoniam infirmus sum, sana me Domine, quoniam conturbata sunt ossa mea. Psalm. 6. 19

Vide humilitatem meam, & laborem meum, & dimitte universa delicta mea. Psalm. 24. 31.

Memento, quæso, quòd sicut lutum feceris me, & in pulverem reduces me. Job. 10. 41.

Peccavi: quid faciam tibi, o custos hominum! quare posuisti me contrarium tibi? Job. 7- 51.

Cur faciem tuam abscondis, & arbitraris me inimicum tuum? Job. 13. 57.

Quis dabit capiti meo aquam, & oculis meis fontem lachrymarum, & plorabo die ac nocte Hierem. 9. 63.

Dolo.

*Dolores inferni circumdederunt me, præ-
occupaverunt me laquei mortis. Ps. 17. 69.*

*Non intres in iudicium cum servo tuo,
quia non justificabitur in conspectu tuo om-
nis vivens. Psalm. 142. 77.*

*Non me demergat tempestas aquæ, neque
absorbeat me profundum. Psalm. 68. 85*

*Quis mihi hoc tribuat, ut in inferno pro-
tegas me, & abscondas me, donec pertran-
seat furor tuus? Job. 14. 93*

*Nunquid non paucitas dierum meorum
finietur brevi? dimitte ergo me, ut plangam
paululum dolorem meum. Job. 10. 101*

*Utinam saperent, & intelligerent, ac no-
vissima providerent! Deut. 32. 111*

*Defecit in dolore vita mea, & anni mei
in gemitibus. Psalm. 30. 121*

S Y L L A B U S

LIBRI SECUNDI

V O T A

A N I M Æ S A N C T Æ.

CONCUPIVIT anima mea desiderare
justificationes tuas. Psalm. 118. 131

Utinam

Utinam dirigantur viæ meæ ad custodiendas justificationes tuas! Psalm. 118. 139

Perfice gressus meos in semitis tuis: ut non moveantur vestigia mea. Psalm. 16. 149

Confige timore tuo carnes meas, à judiciis enim tuis timui. Psalm. 118. 159

Averte oculos meos, ne uideant vanitatem. Psalm. 118. 167

Fiat cor mundum immaculatum in justificationibus tuis, ut non confundar! Psalm. 118. 177

Veni dilecte mi, egrediamur in agrum, commoremur in villis. Cant. 7. 188

Trabe me post te, curremus in odorem unguentorum tuorum. Cant. 1. 195

Quis mihi dat te fratrem meum sugentem ubera matris meæ, ut inveniam te foris, & deosculer te, & jam me nemo despiciat. Cant. 8. 205

In lectulo meo per noctes quæsiui, quem diligit anima mea; quæsiui illum, & non inveni. Cant. 3. 213

Surgam, & circuibo civitatem; per vicos & plateas quæram, quem diligit anima mea: quæsiui illum, & non inveni. Cant. 3. 225

Num, quem diligit anima mea, vidistis? Paululum cùm pertransissem eos, inveni, quem

*quem diligit anima mea; Tenui eum; nec
dimittam Cant. 3.* 235

*Mihi autem adhaerere Deo bonum est, po-
nere in Domino Deo spem meam. Ps. 72. 243*

*Sub umbra illius, quem desideraveram
sedi. Cant. 2.* 253

*Quomodo cantabimus canticum Domini
in terra aliena. Psalm. 136.* 263

SYLLABUS

LIBRI TERTII

SUSPIRIA

ANIMÆ AMANTIS.

A Djuro vos, filiae Jerusalem, si invene-
ritis dilectum meum, ut nuncietis ei,
quia amore langueo. Cant. 5. 273

*Fulcite me floribus, stipate me malis,
quia amore langueo. Cant. 5.* 281

*Dilectus meus mihi & ego illi, qui pasci-
tur inter lilia, donec aspiret dies, & incli-
nentur umbræ. Cant. 2.* 289

*Ego dilecto meo, & ad me conversio ejus.
Cant. 7.* 301

*Anima mea liquefacta est, ut dilectus lo-
cutus est. Cant. 5.* 309

*Quid enim mihi est in Cælo, & à te quid
volui*

volui super terram? Psalm. 72. 317

Heu mihi, quia incolatus meus prolongatus est, habitavi cum habitantibus Cedar, multum incola fuit Anima mea. Psalm. 119. 327

Infelix ego homo, quis me liberabit de corpore mortis huius? Ad Rom. 7. 339

Coarctor è duobus, desiderium habens dissolvi & esse cum CHRISTO. Philip. 1. 349

Educ de custodia animam meam, ad confitendum nomini tuo? Psalm. 141. 357

Quemadmodum desiderat cervus ad fontes aquarum, ita desiderat anima mea ad te DEUS? Psalm. 41. 365


Quando veniam & apparebo ante faciem DEI? Psalm. 41. 375

Quis dabit mihi pennas sicut columbae, & volabo, & requiescam? Psalm. 54. 385


Quàm dilecta tabernacula tua, Domine virtutum: concupiscit & deficit anima mea, in atria Domini? Psalm. 38. 393


Fuge dilecte mi, & assimilare capreae, hinnuloque cervorum, super montes aromatatum? Cant. 9. 405

F I N I S.









93-B7522

